



F F

a

113



63100/13

Genl 25

II
8 16.

The Library of the
Wellcome Institute for
the History of Medicine

MEDICAL SOCIETY
OF
LONDON
DEPOSIT

Accession Number

Press Mark

ROCCA, G.M.



Digitized by the Internet Archive
in 2019 with funding from
Wellcome Library

<https://archive.org/Details/b3051776x>

DE
FEBRIBUS

AB CHYLI CRUDITATE PRODUCTIS

TRIUMVIRIS
AMPLISSIMIS

REI LITERARIÆ PATAVINÆ
MODERATORIBUS

Dicatum Opus

JOSEPH MARIÆ ROCCA FELTRIENSIS

Philos. & Medic. Doct.



FELTRIÆ, MDCCLI.

EX TYPOGRAPHIA SEMINARIJ,
Apud Eduardum Foliolum,
SUPERIORUM PERMISSU.

RECEIVED

LIBRARY

UNIVERSITY

OF CALIFORNIA

BERKELEY

1912



1912

LIBRARY

UNIVERSITY

OF CALIFORNIA

ALOYSIO MOCENICO,
JOANNI QUIRINO
ÆDIS D. M.
PROCURATORI,
DANIELI BRAGADENO
EQUITI, ITIDEMQUE PROCURATORI,
ACADEMIÆ PATAVINÆ
MODERATORIBUS

Salutem quamplurimam, ac tranquillitatem

dicit

Joseph Maria Rocca.



*Ntequam Vobis, doctrina, & sapientia præ-
stantissimis Viris libellum hunc meum medi-
cum offerrem, duo præ cæteris me dubium turbabant, librorum
scilicet medicorum multitudo, quæ ab impostero scribingentibus*

aliquid quodammodo videtur detrabere, tum Nobilium nostrorum temporum a Medicina averſio quædam, ac ejus dedignatio. Utrunque tamen ceſſit uni opinioni, quam jamdiu concepimus de doctrina eadem, atque eximia ſapientia veſtra, quibus cæteris antecellitis, quod non modo populi, verum & ipſi ampliffimi Conſcripti Patres de Vobis ſentiunt, quum Scientiis, ingenuis Artibus, & Patavino, toto Terrarum Orbe celeberrimo Archilyceo, eruditæque, atque erudiendæ Universitati præpoſuerint, ad idque ex cunctis ſelegerint. Quamobrem quum iis dotibus humaniſſimi Animi veſtri ornati ſint, & Vos libros a libris egregie diſtinguere, puto, quemadmodum in hominum multitudine homines ab hominibus; ſiquidem inter hos illi, qui utiles eſſe deprehenduntur, bonis omnibus ſunt accepti, licet hominum ipſorum confertiſſimus ſit, atque indefinitus numerus. Ita cum Medicæ Facultatis obiectum eſſe humani generis languentis, ſive periclitantis divinitus datum levamen, atque tutela, quod ex Sacris Literis aperte patet, egregie notum Vobis ſit, & compertum, eandem nequaquam aſpernabimini, veluti quidam alii, quorum nobilitas rerum inſcitia obſcuratur. Hoſce igitur conatus meos benigne excipite, exiſtimationiſque, cultuſque mei ſignum clementer probate, dum agens de Febris, novam notionem hujuſce Medicæ, non mediocris Regionis, ſecundum maximam partem ignotæ, in veſtram ditiorum redigo. Tractatum hunc meum ſi æqui bonique feceritis, eundem ſeipſo majorem efficietis. Sicuti enim Naturæ Auctor virtutem aſtris inſivit, quæ hominum labores, ſegetes nimirum fru-

frugesque cœteras ad maturitatem perduceret, ita ejusdem Sapientissimi rerum Conditoris providentia lumina quædam, nempe Heroes Mecanates in Terris posuit, per quos labores mentium, Scriptorum videlicet doctrinæ erigerentur, & debitum pondus acquirerent, atque auctoritatem. Hactenus librum, nunc memetipsum Vobis, quos post Superos veneror, dico, ut, si partus a parente locorum diversitate sejungitur, hac cum ea fortuna conjungatur. Valete, ac Reipublicæ, Vobis, facultatumque cultoribus diu vivite.

Dabam Feltriæ pridie calendas Augusti, Anno 1751.

L E C T O R I

MIrum sane Medicam , tantæ molis , & antiquissimam , & maxime necessariam Facultatem , quam **DEUS OPTIMUS MAXIMUS** Sapientum mentibus inseruit , quamque Majores nostri , Reges , Heroes , Superi ipsi in honore habuerunt , ita ut Numen , in Terris degens Medici similitudinem sibi aptare non erubuerit , atque in Sacris Libris existimationem Medico conciliaverit , ac reverentiam ; Artem hanc , inquam , nostris temporibus , quibus tot extant & monumenta Veterum , & Recentiorum præclara , ac celeberrima scripta , amplaque remediorum præstantissimorum suppellex , & tot tandem , tantique Viri eandem profitentur , attamen adeo parvi fieri , ut vix quidquam bene mereri judicetur ; immo ipsam & contemni , & conviciis aliquando peti , & tanquam temerariam hominum carnificinam reputari ; & Clinicos ipsos medicinam facere , cui neque fidem habent , neque se credere omnino audent ! Quænam causa istius opprobrii ? Pleraque jacent in tenebris , omnia confusa , involuta fere omnia circa Febres , quæ maxima procul dubio sunt pars ægrotationum , homines & misere excruciantium , & de medio tollentium . Siquæ vero maxime in occulto versantur , eæ sunt , de quibus sum acturus , quarum genus , species , originis ratio , multitudo , & diversitas , iisdemque tuta , & integra medendi methodus , usque adhuc latuerunt , ignota earundem physica causa efficiente . Hinc ad hæc curandas incognitas Febres remedia quædam aut perfunctorie officiosa , aut blanda , atque innocua vulgo habita communiter , sagaciterque adhibentur ; cum notum cæteroquin sit , etiam externa ulcera , quæ omnia fovet , alitque sanguinea massa , a mulcentibus tantum dolores , insontibusque appositis depravari , & sordidio-

diora fieri ; ac talium plurimorum excessus efficit , ut illi , qui efficacioribus utuntur , videantur excedere . Neque verò sibi ipsis satisfaciunt qui aliis imponunt , neque nomini suo , Artisque bene consulunt qui , etiamsi cœtera callentes , in uno quidem , sed amplissimo Genere morborum deficiunt . In Medica Republica multi nostrum symbolum dare debemus publice examinandum , atque experientia probandum ; Alii Auctores alia egregie tractaverunt , ego id DEO dante , pro viribus præstare conabor , ut Febrium obscurissimas , ac difficillimas explicem , curationemque earundem instituam securiorem . In quo siquæ mihi succensent pro bono , quod omnibus impertiri studeo , quia remedia quædam minus speciosa , atque ipsis inusitata , ideoque invisa commendem , illis eandem reddo rationem , quam eximius affert , meritoque celeberrimus Boheraave , in Præfat. ad Aphor. de cognosc. & curand. morb. *Nec speciosos , inquit , medicamentorum titulos morbis addidi . Cur ? Nihil Arti exitiale magis novi ; neque vero ipse ullum cognosco , quin solo tempestivo usu tale fiat ; hunc vero ubique indicare annisus sum , non perfunctorie .* Itaque non antea illi de iis judicent , ac verba faciant , quam bene fuerint experti , ut sicuti ab aliquibus Scriptoribus permagna Arti parta sunt commoda , ita & hoc , quod plane defuerat , accedat . Tu vero , Amice Lector , laboribus meis fruiere , & Vale .



I N D E X

C A P I T U M

CAP. I.	D E Loco, & Sede harum Februm, seu Cause Efficientis earundem.	pag. 1
CAP. II.	Quotnam sint Cruditatis Fontes, & quænam Cruditas magis noxia.	7
CAP. III.	De Causis procastarticis, & proxima, efficiente, ac essentiali harum Februm.	12
CAP. IV.	De Signis.	17
CAP. V.	De multitudine, & particularitate Februm, quæ ab Chyli cruditate nascuntur; Earum descriptiones; Februm quarundam, quorundamque symptomatum distinctiones; & Febres, minus creditæ hujus generis, argumentis probantur.	31
CAP. VI.	Redditur ratio mechanica Phænomenorum per nostra principia.	68
CAP. VII.	De Prognosticis.	135
CAP. VIII.	Effectus exponuntur variarum Medicationum, in hisce Febris institutarum.	157
CAP. IX.	De Sanguinis Missione, ad curandas hasce Febres adhibenda.	177
CAP. X.	De Purgatione.	188
CAP. XI.	De Alterantibus, Digerentibus, & Diversoriis.	214
CAP. XII.	De Dieta, Regimine, & Præservatione.	234



DE
FEBRIBUS
AB CHYLI
CRUDITATE PRODUCTIS.

CAPUT PRIMUM.

*De Loco , & Sede harum Februm ,
seu Causæ Efficientis earumdem .*



Implex opus hoc meum , DIVINO fa-
vente NUMINE , post plures accuratæ ,
atque assiduæ observationis , & lucubra-
tionis annos , tandem ad umbilicum per-
ductum , ab Affecto Loco inchoandum pu-
tavi , ubi Sedes Morbi genuina consistit :

Multi quidem , ex Antiquis , doctissimi Viri Chyli
Cruditatem , quam nos in Febribus , & respectu Februm ,
examinandam , curandamque suscipimus : malamque etiam
alimenti assimilationem attigerunt , sed perfunctorie admo-
dum , & exigue , pro rei necessitate ; atque hanc vastissi-

A

mam

mam ideam nemo haëtenus bene complexus est , in Februm Genealogia .

Ex Hippocratis arcanis nonnulla extant , ex quibus magnus Senex Chyli Cruditatem , tanquam causam februm , cognovisse , perspicitur , praesertim lib. 4. de Morbis , ubi omnium Antiquorum optime , de hoc etiam , sicuti de aliis , loquutus est ; verum adeo superficialii , reconditi , variique passim sunt illius sensus , ut paucae , mutilae , & confusae illius , hac de re , doctrinae , tanti momenti negotio nullo modo sufficiant ; Is tamen ab ventre originem morbi videtur deducere , morbum vero statuere intra vasa sanguifera .

Inter Recentiores , de *Cacochylia* , apparatusque pravorum humorum , ex pravis cibis facto , egit ex professo Georgius Baglivus , de *mesentericis febribus* scribens ; atque in mesenterio , primisque viis , sedem infarctus illius , & febrium istarum esse , docuit , hocque fortasse accepisse videtur a Fernellio , qui omnium primus febres intermittentes a mesenterio originem ducere , & causam illarum ibidem existere , judicat Pathol. lib. 4. cap. 9. & 10. lib. vero 6. cap. 7. lentarum , errantiumque febrium exortum , fomitemque illic pariter esse , opinatur .

Post Fernellium autem , Sennertus omnes intermittentes febres a mesenterio repetit , Epitom. librorum de febrib. lib. 2. cap. 17. potissimamque illarum causam , putredinem trium antiquorum humorum , nempe pituitae , bilis , melancholiae , excrementitiorum , quos & Fernellius arguit , tanquam focum quendam , figit in mesenterium , ibique generari , asserit , in venis scilicet mesaraicis , primisque viis , colligi , vigere , & reparari , per fermentum veluti quoddam , illic relictum : Et ab ipsis humoribus , ibidem putrescentibus , putridos vapores ad cor mitti , non per caecos ductus quemadmodum inquit Fernellius , sed per communionem ra-

*morum Venæ Portæ , cum Cava , & per arterias , cum venis mesaraicis conjunctas : febresque intermittentes , ab his singulis humoribus distinctas , procreari , docet : quotidianam a pituita , tertianam a bile , quartanam a melancholia &c. in quo licet Auctor antiquitatem sapiat , saltem locum , sedemque febrium , & causæ proximæ , atque efficientis earundem , in sanguine constituit , scilicet intra vasa publica , & communia , in particularibus autem visceribus , causam procatarticam , Scholis dictam antecedentem . Recentissimus vero Scriptor , cujus supra mentionem fecimus , Baglivus , post inclitos istos Veteres , & post circulationem sanguinis patefactam , dubius adhuc ambigere videtur , num in mesenterio , an in massa sanguinea , causa proxima , & efficiens febrium mesentericarum , ab Eo nuncupatarum , contineatur , & magis pro mesenterio stare , quam pro massa sanguinis . Adeo quidem diversa , perplexa , dubia , atque incerta sunt (observationibus quibusdam exceptis , & signis , quæ inter alia , suo loco , recensebimus) pleraque eorum , quæ passim , circa has febres , profert Baglivus , ut nondum constet , primo , quisnam sit humor præcise peccans , ac primarius in febribus hisce culpandus ; cum modo *lympham concretam , syderatam in suis vasis* , notet ; modo *triumviratum humorum excandescens , & bilem ipsam vesicæ fellæ* , modo *cacochyliam putrem , primarum viarum* , accuset . Deinde , per Eum , nescimus , quomodo hi humores , quoscunque intelligat , febrem excitent , & per consequens , quænam sit harum febrium causa efficiens , & proxima : num inde fermentatio , num irritatio , obstructio , inflammatio erysipelas determinatæ partis , quemadmodum ventriculi , & intestinorum , aut similis læsio procedat ; num demum *Apparatus Ipsius Mesentericus* istiusmodi febres producat , an comitetur . Idcirco nil mirum , si , per Eum , lateat sedes , & locus harum Febrium .*

Nihilominus crebrior ejusdem opinio est , apparatus pravorum , & crudorum humorum , ex pravis cibis factum , esse ex se , per effervescentiam , causam efficientem febrium mesentericarum , & hanc sitam esse in mesenterio . Habet quidem , Cacochyliam etiam in sanguinem ingredi , & *vehementiores excitare fermentationes* , quemadmodum in epistola ad Andry , de purgatione in principio febrium , & de febribus Mesentericis Romanorum ; sed *nisi tempestive educatur* , in febribus iisdem , jam natis ; idque lib. 1. Praxeos cap. 9. section. de febrib. malignis , & mesentericis , ubi febrium , quas vocat lymphaticas , naturam adumbrare contendit , confirmat inquiens : *celeris ruinas , præcipitia , repentina mala , & citam mortem* sequi , quando *sanguis trahitur in consensum* . Ergo originem , & causam proximam , atque efficientem harum febrium , in mesenterio potius , atque in lymphaticis vasis , quam in sanguine , reputat .

Veruntamen non potest recte intelligi , quomodo in mesenterio , ubi *Morbi Sedem* esse , dicit , primisque viis , fixa materia cruda , & impura , inde essentialis febris , ab illius ibidem mora , & putredine exoriatur . Etenim si , missis vaporibus , qui jam merito obsoleverunt , dicamus per irritationem (quæ minus intolerabilis opinio , in quam cæteræ coincidunt , & quam per *viscerum turbationem* , Ipse quoque videtur indicare) alius potius morbus , quam febris essentialis sequetur , nempe vel Vomitus , vel Diarrhæa , vel Cholera , vel Dysenteria , vel Tormina , cruciatus &c. quorum quidem causæ efficienti , & proximæ locus esse potest in mesenterio , ac primis viis , cujusmodi Phatholog. lib. 6. cap. 10. Fernelli extat hac super re doctrina ; nam irritatio in illis Partibus aut expulsionem comitem habet , aut certe dolorem , qui tamen dolor , etiamsi adesset , ab hac sola materia , vel fermentatione mota , in istis obtusis glandulis

dulis mesenterii , raro is esse valet , ut per se suscitetur febrem , nam majores dantur , etiam intestinorum , dolores , sine febre . Et si hæc detur , ab irritatione , & dolore , prorsus accidentalis est , non essentialis . Tandem pleræque harum febrium nostrarum , absque dolore ullo ventris sunt , & tamen vigent ; quamobrem neque irritatio mesenterii , aut primarum viarum , esse potest causa efficiens , & proxima harum febrium . Causa igitur essentialis , efficiens , & proxima ipsarum non est in mesenterio , & primis regionibus .

Febres sane ex nostris symptomaticæ dari possunt , & sæpe dantur ab obstructis mesenterii , & primarum regionum glandulis ; verum hæc causa haud est proxima , neque propria , ac peculiaris hisce febribus , sed remota , & communis aliis morbis : Cæliaco , Ictero , Atrophix &c. Præterea non consideratur a nobis humor , quicumque sit , qui obstruit , aut quomodocunque se habeat , doloremque pariat , aut non , sed solidum vitiatum , atque impeditum , quominus suis functionibus , & secretionibus chylum juvet , cui ista viscera sunt dicata ; Sic glandulæ mesenterii , intestinorum , & reliquorum viscerum Abdominis , succos suos non subministrando , chylum rudem deferunt , qui in sanguinem ingressus , eum contaminat , ejusdemque circuitionem turbando , febrem inducit , atque omnis tandem tragædia in massa sanguinea exercetur .

Coeterum Cacochyliæ nunquam , dum tota permanet , aut solummodo existit in primis viis , febres ullas , *humorales* dictas , hujusmodi sive acutas , sive chronicas , sive essentielles , sive symptomaticas , per se , ac proxime generare valet , sed quidem ubi sanguinem occupaverit , ac vitiauerit ; sola enim massa sanguinea est subjectum , in quo sedem ponere , & in quod immediate , jugiterque agere debet morbosa materia , ut hæc febres excitet . Idque vel

ex eo patet, quod pro diversa sanguinis dispositione, iisdem positis procaſtarticis, remotioribus cauſis, modo naſcantur, modo non naſcantur hæ febres; nam ſi ſanguinea maſſa, quantitate, & qualitate moderata ſervetur, vix quidquam lædunt eædem cruditatis cauſæ; Sic puerperæ quædam, lochiis bene euntibus, lactantes, dum valde mediocrem victum, ob partus recentis incommoda, & virium imbecillitatem, ſumere deberent, impune capiunt debito ampliorum, qui, ſine his emunctoriis, morbum procul dubio faceret; lochia autem corrigunt ſanguinis ſuperabundantiam, & fæculentiam, lactatus chyli; ſimilia præſtare ſolent aliæ hæmorrhagiæ, tum evacuationes, non ſolum naturales, verum etiam morboſæ, atque artefactæ; ſic helluones quosdam videmus, & cibis quibuſcunque, & incongruo tempore, & vino abuti, vegetos tamen, ſaltemque immunes ab his febribus periculofis, diu vivere, quia tum frequenter narium, aut hæmorrhoidum ſanguineis eruptionibus gaudent conſuetis, tum artefacta emiſſaria, vel ulcera, chylo manantia, in corpore gerunt, vel ignobiles partes decubitibus habent obnoxias, quæ ſi ceſſent, aut imminuantur, ſtatim ægrotant, ac fere hiſce ex febribus. Quod ſi contra ſanguis ad cruditatem diſpoſitus ſit, Chylus ipſe, per ſe vix culpandus, facile generabit huiusmodi febres, quod in ſequenti apparebit.

Locus igitur, & ſedes harum febrium eſt intra vaſa ſanguifera, in maſſa ſanguinis; namque ibi ſedes morbi eſt ſtatuenda, ubi cauſa proxima, & efficiens exiſtens, ſuum proxime dat effectum; quod ipſa experientia comprobatur, dum ſanguis, vel ab initio febrium, ex chyli cruditate productarum, extractus, sæpe sæpius chyloſam in ſuperficie exhibet concretionem.

CAPUT SECUNDUM.

*Quotnam sint Cruditatis Fontes , & quænam Cruditas
magis noxia .*

CHylus itaque indigestus , crudus , sanguinem inficiens , & turbans , est harum febrium materia . Is vero non unico modo crudefcit , sed multipliciter tum in primis regionibus , tum in sanguine .

In primis regionibus crudefcit Chylus ex mala materia ; crudefcit ex nimis , variisque alimentis ; crudefcit , quando viscera , huic digestionì dicata , languida sunt , debilia , aut obstrueta , & vitiata . Quæ omnia , per se , adeo perspicua sunt , ut probatione , & significatione non indigeant .

In sanguine crudefcit Chylus , ob nimiam sanguinis , ob nimiam sui copiam , ob vitium vasorum , & viscerum , secundæ digestionis .

In sanguine igitur crudefcit Chylus , primo quando sanguis ipse nimium abundat ; massa enim sanguinea plenitudine excedens , ad cruditatem generandam maxime disposita est ; quandoquidem vasa nimio fluido turgida , quæ vix huic capiendò , & movendo sufficiunt , qua ratione , ac vi atterent , comminuentque chylum , ita ut in aliam substantiam , nempe in sanguinem , indeque in succum nutritium , queat commutari ? quamobrem male subactus remanet , per se existit inutilis , crudus , morbosus ; hinc Hippocrates *bonum habitum* , idest plethoricum , *statim solvendum* jubet in Aph. *ut corpus rursus nutriri incipiat* .

Quod si ob nimium sanguinem crudefcit chylus , eo magis ob nimiam sui abundantiam , cum Chylus , ex proprietate sua , sit vasis onerosior , viscidior , ac lentior , quam sanguis . Isque , licet bonus ingressus fuerit , in sanguinem ,
quum

quum copia vires superat, a Natura regi nequit, neque in secunda officina concoqui, in sanguinemque converti; quare superfluus iterum crudescit, & Naturam gravat: idque probari potest ex eodem Hipp. lib. 4. de Morbis: *id porro assero, si humor pluribus, quam tribus diebus, in corpore permaneat, aut alius multus implens accedat, venis calescentibus, ac stantibus, majus malum, aut minus homini significationem de se præbere: hyeme quidem minus, & posterius, æstate vero majus, & prius &c.*

Præterea crudescit Chylus, in sanguinem ingressus, quando, additione nulla facta sanguineæ massæ, vasa sanguiduca, vel universali, vel particulari defectu, debilitata, tum etiam quando pars alia præcipua, Chylo intra vasa sanguifera, ulterius digerendo, & in sanguinem compingendo creata, non comminuunt, conterunt, & intime non inferunt Chylum in sanguinem.

Quod ad primum, & generale vasorum sanguiferorum vitium, docent fere omnia secta cadavera, in vasis quibusdam arteriosis, ac venosis, & corde ipso, exhibentia polyposas massas, seu caudas albicantes, quæ nihil aliud sunt, quam Chylus crudus, in morbo (quandoquidem in morbo quocunque, præsertim ingravescente, ad interitumque tendente, imbecillitas adest omnium vasorum, unde minus movetur massa sanguinea, & multo minus conteritur chylus, quod idem est, ac crudum hunc linqui) coærvatus, cujus rudes partes adinvicem magis accedere tunc cœperunt, quando magis languescere vasa, & paulatim cessare incepere a motu, qui tantam cohæsionem antea impendebat, sanguineam massam, licet morbosam, quoquo modo miscendo; modo autem evidentissima, & consummata cruditas, inducta ab vasorum omnium ineptorum culpa, indeque adeo condensata, oculis ipsis, & tactui apparet: Vasa porro, quæ vitio aliquo, etiamsi particulari, laborant, quo-

quomodo sanguinis circuitioni , ob organicum impedimentum , difficiliori , promovendæ sufficient , & chylum etiam conterent , subigantque , cum videamus Aneurysmati , grandem arteriam occupanti , cœtera vasa compati , & chylum in sanguine non bene concoquere , sed crudum sinere , huncque in chylosas concretiones paulatim facessere , eoque deponi , ubi pars debilitata , ubi vas fractum ?

Quod si alia Pars præcipua , per quam tota massa sanguinea transit , & in qua eadem massa , præter communem a vasis sanguiducis , alteram insuper habet ab aere compressionem , promotionem ad circulum , conquassationem peculiarem , alternam , qua in eodem sanguine circulans chylus ulterius perficiatur (qualis est Pulmo) vomica , tumore , aliove simili organico morbo detineatur ; a tumore incumbente , coarctantur tum bronchia pulmonalia , tum reliquæ vesciculæ ; unde imminuitur respiratio , qua mediante , & modo recensita promotio sanguinis ad circuitum , particularis , sic concussio , & optima concoctio chyli ab aere peragitur , tum vasa sangui-fera publica , & privata Pulmonum eorundem inde angustiam patiuntur , atque a sanguine difficilius transeunte distenduntur ; hincque crescit respirandi difficultas , quia adhuc minor aeris portio , & segnius per læsam inspirationem attrahitur , qua nonnisi ægre , tardiusque sanguis per pulmones trajectitur , non conquassatur chylus cum sanguine veniens , non elaboratur , neque in sanguinem compingitur in vasis distentis , neque satis pulsatis . Præterea cum Pulmo , sicuti antea innuimus , sit veluti totius sanguinis janua , per vasa publica , a dextro cordis ventriculo ad sinistrum transeuntis , cumque sanguis , dicta de causa , difficile , & tarde per id viscus iter faciat , in reliquis vasis omnibus quodammodo redundabit , eaque gravabit retardata in toto corpore massæ communis circuitio ; illinc

igitur onus , & difficultas viribus motricibus cœterorum omnium corporis vasorum , indeque minor ubique in chylum actio , minorque ejusdem concoctio . Quamobrem , posito organico morbo pulmonum , magna cruditas in sanguine generatur . Inde frequentes tumores œdematosi pedum , & crurum , in morbis pulmonum diuturnis , qui a nulla alia sunt materia , quam a chylo crudo , allatis rationibus , in sanguine congregato , & in adiposam harum partium extremarum membranam , ob plenitudinem , & tarditatem circulationis , expresso .

Alia itaque cruditas primario in primis regionibus procreatur , alia interne in sanguine . Diximus in præcedente , cruditatem in primis viis natam non gignere has febres , nisi in sanguinem migret , ibidemque remaneat . Primarum vero viarum cruditas haud semper sanguinem inficit , indeque haud semper ita noxia est , ut hasce febres generet ; nam aliquando corrumpitur , & irritat , atque antequam sanguinem inquinet , aut per vomitum , aut per secessum sibi viam facit ; quod præstare solet cruditas , quæ a nimis fit , præsertim variis , alimentis , quæque ab languore ventriculi , intestinorumque procedit . Tum subjunximus , cruditatem in sanguine non remanere , vel non pari , pro variis accidentibus ; siquidem causæ quædam exteriores , quæ alias efficere consueverunt cruditatem , etiam internam , quibusdam , propter jam adductas rationes , parum nocent . Primarum igitur regionum cruditas nihil majus habet cœteris causis exterioribus ; immo etiam causæ , quæ fere hanc faciunt , interdum neque faciunt ; sic in robustissimos ventriculos , iisque assuetos , si incidant alimenta , concoctu difficilia , & prava , æque ac bona digeruntur . Nimia , pro aliqua vice sumpta , alimenta interdum neque crudeſcunt , sed ab adolescentibus , præcipue fortioribus , vinci solent , itidemque a quibusdam crescentibus pueris concoqui , & in bonam nutri-

tio-

tionem , augmentumque corporis , consumi . Organa primæ coctionis debilia habentes , male digerunt quædam , & ipsis nimia ; verum , si paucis , & selecto utantur cibo , cruditatem non patiuntur .

Corpus ex Sancto. de ponderat. ob externa errata , non labitur in morbos , nisi antea aliquod viscus habeat præparatum . Præparatio hæc cognoscitur ex solito majore , vel minori pondere , non sine aliqua præcedenti molestia , acquisito .

Præparatum viscus sive in primis regionibus , intelligitur , ventriculus scilicet , hepar , lien , pancreas , glandulæ Peyerii , mesenterium , male habitum , maleque suo munere fungens , sed præcipue tubus intestinalis pressus , aut obstructus ; sive in secundis , nempe sanguifera vasa , aut nimis plena , & gravata , aut quocunque modo debilitata ; tum vitiatum viscus , chylo perficiendo , & commutando necessarium , quod est Pulmo .

Externa omnia , quando cruditatem , hisce febribus aptam , generant , corpus primum præparant , ac male disponunt : deinde , crude replendo , febres ex chyli cruditate pariunt . Hinc illa omnis perniciofa cruditas sive a mala materia , sive a copia alimentorum , &c. ea est , quæ alvum obstruit , & secretiones cæteras impedit , aut immittit ; item aliæ causæ omnes procæstarticæ , tum quæ fluidum , tum quæ solidum respiciunt , illæ solæ vere , & absque dubio perniciosæ sunt , quæ sive hoc , sive illud male præparando , chyli in sanguine concoctionem , & expurgationem prohibent . Pejores causæ , quæ huic impeditæ concoctioni , & expurgationi chyli superadduntur ; cruditate enim incipiente , ac remanente in sanguine , idem corpus non modo externæ , vel levi causæ cedit , sed , in eodem crescit cruditas , etiamsi chylus neque ex mala materia , neque absolute nimius , neque crudus ingrediatur . Interna chyli cruditas a nimia fit vasorum plenitudine sanguinis ,

feu chyli ; seu utriusque : plenitudo autem ad vasa , & ad vires , vera , aut apparens ; cruditate parta , plenitudini cito , atque ex facili additur repletio ; nam crudum non immutatur , nec loco cedere solet , immo secretiones ipsius sanguinis potius detinet , & novum ingestum alimentum pariter crudefcit , ac remanet , unde repletio ; & eo magis , si alimentum vitiosum sit , multumque implens , & causæ morbosæ personam gerat ; atque , in repletionem , nulla prorsus fit bona secretio , quemadmodum inquit Hipp. lib. 4. de morbis : *venæ superimplentur , valde autem impletæ nihil ex se ipsis remittunt* ; & tunc homo sive alatur , sive non alatur , ægrotet oportet ; nam si alatur , & non excernat , augetur cruditas , & pondus ; si non alatur , vires decrefcunt , eodem fere pondere permanente .

Præterea febres excitat , eo deteriores , quo diutius latuit interna cruditas , eoque adhuc graviores , si accedente alia aliqua causa , virium motricium æquilibrium magis , ac repente deprimit .

Tandem pessima cruditas , quæ in sanguine a causis pluribus & variis generatur .

C A P U T T E R T I U M .

De Causis procaërtarticis , & proxima , efficiente , ac essentiali harum Februm .

Salus in æquilibrio consistit , inter fluidum , & solidum ; ita ut alterum æqualiter , pro ratione , in alterum agat . Quum autem solidum nimis præpollet fluido , morbi fiunt : quum fluidum solido , morbi itidem fiunt , & Chyli Cruditas , præ cæteris , dominatur , & per consequens , ex chyli cruditate Febris .

Quapropter causæ omnes , minus proximæ harum Fe-

Febrium , aliæ ad fluidum , aliæ ad solidum spectant , & ob id in duas distinguuntur supremas Classes . Classis prima eas continebit causas , quæ in fluido resistantiam augent ; altera eas , quæ solido afferunt debilitatem . Simulque omnes ita Febrium harum causas , tam remotiores , crudum chylum quomodocunque ex se parantes , aut languorem ventriculo , intestinisque afferentes (unde chyli cruditas in primis viis exoriatur , ac præparetur , in sanguinem transitura , eundemque gravatura) quam propiores , resistantiam sanguineæ massæ ingenerantes , aut sanguiduca vasa , solidumque viscerum debilitantes coctionis secundæ (unde chyli cruditas in massa sanguinea nascatur) sub duos eosdem respectus fluidi , & solidi , generaliter comprehendemus .

Utraque vero Classis in tres subalternas causarum series dividetur .

Primo igitur resistantiam fluidi communis , seu massæ sanguineæ , augent ea omnia , quæ sanguinem abundantius subministrant , & congregant cujuscumque sunt ; potatio liberalis vini ; victus copiosus in illis , qui fortes sunt ; vacatio a curis , & laboribus ; suppressio mensium , hemorrhoidum , hemorrhagiæ cujuscunque consuetæ ; consuetæ phlebotomiæ omissio , in sanguineis ; impeditæ sanguinis secretiones , & præcipue sanctorianæ perspirationis ; magni membri mutilatio ; vasorum non paucorum imminutio , aut constrictio ; temperamentum multo gignendo sanguini accommodatum . Excessus autem quantitatis sanguinis cruditatem chyli , ex dictis , facit ; & Plethora simplex evadit in compositam .

Sanguis non modo , quando copia ; verum etiam quando mole excedit , vasis incommodum affert , eorumque obest functioni , quia ipsorum latera , seu parietes nimis expandit , quo minus moveri , contrahi , minusque chylum comminuere valeant , atque concoquere . Sanguinem vero

rare-

rarefaciunt : calor Solis , balneorum , hypocausti ; Macria , & spirituosum sumpta ; retenta fuliginosa , mordax materia perspirabilis , in callidioribus temperamentis ; exercitium corporis intensius , potissimum æstivo tempore ; Animi fortes affectiones : ira , amor &c. venus , in biliosis , & alia , quæ plethoram , ad vasa apparentem , inducunt .

Tum resistantiam sanguinis amplificat illa omnia , quæ cacochymam plenitudinem , seu plethoram , ut priscae Scholæ ajunt , compositam gignunt , seu potius plethoram ad vires , hujuscemodi sunt : temperamentum generans nimium chylum ; nam chylus , si quantitate peccat , peccat etiam qualitate , ex iis , quæ cap. antecedente habuimus ; lautus victus in illis , qui simplici , rudique mensæ accumbere solebant ; crapula , & vini abusus , præsertim in debilioribus ; sic victus plenior , post longam incediam ; cibi , licet boni , dati in accessione alicujus febris ; nimia nutritio , in omni morbo , aut in puerperio ; alimenta , per se vitiosa , quemadmodum fercula , ex fungis parata , caro morticina , ac putrida ; annona immatura , aut parum exsiccata , aut situ corrupta ; quæcunque demum alimenta insipida , glutinosa , tum nimium viscida , simulque pingua , & nimis nutrientia , sicuti caro suilla , pinguedines , omnia nimis oleosa ; somnus nimius , seu insolitus statim a cibo . Defectus , aut imminutio liquorum , chylum in via deficientium ; dura , & suppressa alvus , & quæcumque id præstant ; narium , & oris , per quæ etiam chylus excrementosus , ex Hipp. evacuatur , expurgatio prohibita ; ulcera antiqua , & fonticuli si claudantur ; chyli distributio per habitum corporis impedita .

Quæ ad solidum referuntur , causæ & ipsæ trium specierum sunt , atque effectuum : ac primo quædam solidi robur minuunt , atoniam , proprie dictam , solido inducendo , quemadmodum usus aquæ palustris , & immotæ : in-

foli-

solitus , longusque aquæ potus ; vel repentina conversio a vini generosi ad aquæ potationem : Alimenta insipida oleosa ; farinacea non fermentata ; omnia emollientia : Aer humidus , australis , vel pluviosus , nebulosusque , qui alicubi endemias istiusmodi parturit febres : Nimia in balneis aquæ tepidæ dulcis mora , aut frequentia : Somnus diuturnus , immodicus , præsertim in obesis , atque phlegmaticis : Excedens quies : Animus desidiosus : Ortus ab humidis , languidis , ægrisque parentibus .

Effectus causarum hujus classis , est Solidi quidem totius in genere debilitas , sed quorundam damnum , maxime in particulari , sentitur : veluti ab aqua palustri , farinaceis non fermentatis , emollientibus omnibus alimentis , oleosis &c. languor , & atonia primario infertur visceribus primarum regionum , & per consequens eorum obstructio . Ab ambientibus profecto , & a pravis ingestis , sed potissimum a nimia quiete , & somno debilitatio , atque hæbetatio nascitur vasorum sanguiferorum ; siquidem a musculis non pulsati vasorum parietes remittuntur , relaxantur , & humore superfluo eorum tunicæ imbuuntur , spiritusque in illos non vivide determinati pene feriantur , atque sopiuntur , unde magis vasa magisque torpent . Ab aere tandem humidior , crasso , impuro flacciditas pulmonum , & exinde eorum infarctus , alique organici morbi ; aer enim in pulmones distincte agit ; sæpissime tamen ab hæreditaria molli pulmonum dispositione eorundem chronica impedimenta , atque incommoda contrahuntur .

Quædam solidum infirmant , spiritus animales , a quibus solidi tonus , & vigor præcipue dependet , consumendo ; sicuti hemorrhagiæ largæ , & perennes ; feminis fluxus ; salivatio nimia ; prolixæ lachrymæ , & quæcunque enormis secretio ; dolores maxime longi , & nocturni ; studia nimia , quocumque tempore , suscepta ; mæror , angustia , diuturnus

nus timor , sollicitudines ; vigiliæ excedentes , continuæ ; casus præcipites repentini , præcipue in hyppocondriacis , hystericisve ; virulenti halitus , miasmata per aerem dispersa ; Appoplexia , attoniti Morbi ; Paralysis , Syncope ; æfæta senectus .

Aliæ demum causæ utrunque faciunt , simulque solidum reipsa relaxant , & spiritus animales perdunt , quemadmodum labores nimii , ac perquam violenti , seu diutius continuati ; immoderata venus ; morbi chronici , lenti viscerum , & maxime oppilationes , eorumque labefactatio ; cætera namque consentiunt ; violentissima , aut diuturna Hypocondriacæ , hystericæve passionis symptomata , quæ vim inferendo solidum enervant , unaque spiritus dissipant ; dura , & longa flagellatio , & his similia .

Causæ quæcunque , hætenus recensitæ aliæ propius , aliæ remotius , id præstant , ut chylus crude scat , neque permittunt , ut in sanguinem possit rite converti ; quare is , tanquam per se , existit , sanguineam massam se ipso crudo superfluo infarcit , mole , & pondere auget , partiumque irregulari numero , ordine , figura , indole , perturbat , atque vel viscidam , lentam , crassam , simulque inæqualem ejus diathesim efficit ; aut , si minus crassam , minus viscidam , minusque inæqualem , saltem totam ubique minuta cruditæ plenior : utroque modo nimium viribus motricibus resistentem , & circulationi minus aptam ; unde distensione vasorum , ab circuitus difficultate , inducta , vasa sanguifera premit , ac stimulat , fitque causa efficiens , & proxima harum Februm , quæ scilicet est quid inflammatorium .

Hoc differt ab inflammationibus Partium essentialibus ; veris , & genuinis , quia magis universalis , magisque vaga , in hac , est materia peccans . In veris inflammationibus cæterum corporis solidum forte est , ac repente , data ansa , in minus resistentem partem sanguinem figit ; in hoc autem

Mor-

Morbo universa sanguifera vasa vel nimium onerantur, vel atonica languent, vel utroque laborant; neque idcirco idem præstare solent, sed fere generalis phlogosis fit, dum aut passim, aut ubique, aut passim simul, & ubique crudus chylus vasorum vires fatigans sanguinis cursum implicat, atque retardat. Recipit magis, & minus, prout majores, minoresve fuerint descriptæ causæ procæstarticæ, & pro cæterorum accidentium varietate; estque minus, magisque vaga morbosa materia, prout magis, minusque inæqualis est vitiatæ sanguineæ massæ crasis; & solidum iniquiorem, vel æquiorem habet tonum; inde fit, ut non raro pars aliqua, præ cæteris, afficiatur acuto, vel chronico symptomate.

C A P U T Q U A R T U M.

De Signis.

FEbrem, arbitrantur quidam, Naturæ tormentum esse, tanquam bellicum, quo se ab internis hostium injuriis tueatur; nihilominus iis ego potius assentior, qui Febrem tanquam pugnam reputant, ab Natura cum seditiosa, & peccante materia initam; nam si primum, cerneretur solius Naturæ vis, & actio, Febrisque una esset, ac eadem ubique, & sibi omnino similis; veruntamen in quacunque febre morbificæ etiam materiei cujuscunque suus apparet renisus, atque conflictus; quinimmo in eadem materia varii status, & varia accidentia ejusdem, a diversis causis procæstarticis, diversis causarum gradibus, diversis tandem temperamentis, ætatibus &c. proficiscentia diversas febrium conditiones, species, earumque symptomata varia faciunt. Sic ob id non plurima solum sunt Febrium nostrarum symptomata, sed omnino quoque varia, inter se diversa, atque anomala; ideo non parvi laboris fuit ambages extri-

care, & rectam, facilemque distinguendi viam invenire, ac monstrare. Sunt igitur signa diligenter hic pertractanda, & ordine distribuenda.

Quemadmodum causarum examen naturam morbi rite distinguit, sic inter signa easdem recensere abs re non erit, ut & tempestates, quibus potissimum hæc dominatur infirmitas, nec non & temperamenta, quæ eidem sunt magis obnoxia, ut *Diagnosis cunctis nitatur fundamentis*.

Causæ suo loco perlegendæ, quæ quum communes sunt, Febres ex chyli cruditate epidemice grassantur; cæterum intercurrentes obveniunt.

Autumno, maxime ad initium, & Vere vigere solent, ac propagari istiusmodi Febres, potissimumque post pluvias, atque in australibus, inæqualibusque constitutionibus; raro aequilonari Hyeme, exceptis tum levioribus, tum symptomaticis; Æstate quæ occurrunt fortiores esse consueverunt.

Temperamenta haud sola *melancolica*, & *studiosa*, sed & ea, quæ biliosa, & pituitosa vocabant Veteres, sunt his febribus obvia, & præ cæteris plethorica; quæcunque igitur corpora in has febres labi possunt, sed ea maxime, quibus aliqua evacuatio consueta sistitur, aut imminuitur.

Porro Acutæ, lato modo sumptæ, Febres ex chyli cruditate aliæ admodum inæqualem typum habeat, aliæ minus inæqualem, sibi que constantiorem; ideoque in inæquales, æqualesque, & per consequens in duas distinctas Classes dividuntur. Utraque vero Classis binas continet species febrium.

A primis exordiendo, altera Species Inæqualium incipit cum aliquo impetu, sed postea: in aliquibus citius, in aliquibus tardius: remissionem simulat, cum quadam etiam apyrexia, verum fallaci; nam interim tristis sensatio totius lassitudo occupat, & temulenta vertigo &c. ita in mitiorem quodammodo facessit febrem, quæ tamen vespere in alii primo, in aliis altero, cum suis symptomatis subinde crescit,

scit, adeo ut his tantum horis ægroti febre laborare assidentibus videantur, dum reipsa febris continua est, & mane quoque ægrotantem molestia, licet parciore afficit; & pulsus quidem tunc temporis neque major, neque naturali frequentior apparet, verum sæpe inæqualis; mitissimus etiam calor; veruntamen interea gravativus quidam dolor caput aliquando assidue, aliquando per vices affligit vagus, locumque mutans, sicuti & dolores quidam in aliis leviores, in aliis asperiores, in multis inconstantes, aliarum partium. Lingua, veluti si foret similagine conspersa superiorem superficiem, album refert velamen; atque in hisce mitioribus præsertim febribus semper humida esse consuevit; sæpissime in pueris, interdum in adolescentibus, nonnumquam in adultis album istud linguæ stratum crebris punctis interfignatur; cujusmodi observatur in illis, quos Variolæ, aut Morbilli aggrediuntur. Præterea sciendum, haud semper album esse istiusmodi linguæ fucum, sed primis fere solis diebus; nam, maturescente morbo, ad mellis colorem ut plurimum tendit. Denique in senioribus ista tinctura linguæ non semper palam, multumque discernitur, nisi ad linguæ radicem. Sic itaque febris, cum mediocribus accessibus, in nonnullis lente protrahitur, atque sive paulatim finitur, sive in chronicas transit; in nonnullis vero exacerbatur rursus, non multum durante remissione, quod juvenes aliquando experiuntur, ubi vel plenior, & pro ratione morbi incongruus fuerit victus, vel ubi sudores (qui tamen raro in hac humiliori specie comparent, aut saltem parvi, & non perseverantes) quomodocunque promoti copiosius fuerint, & in acutam sæpius evadit periculosa. Hæ febres frequentissime primas ætates occupant, cæterum etiam cujuscunque ætatis homines, nimis sanguineos.

Species autem altera, adveniens frequentius corporibus retusis non raro paulatim, segniterque incipit, ac per le-

viores quasdam periodos, deinde in acutarum, interdum & gravissimarum censum migrat. Hujus speciei febres contra ac primæ, quando premere incœperunt, in dies crescunt, neque aliquam integram diem (niçtemerum inquam) remissam, quemadmodum illæ, largiuntur. Exacerbantur quidem diebus fere imparibus: tertia, quinta, septima, nona; nonnunquam tamen & paribus. Linguae tegmen vel ad livorem vergit non siccum, crassius, quam in supradictis, sordidiusque; vel ex albicante fit, circa quartum diem, obscurum in medio, ad latera album farinosum, utrumque aridum, & lingua aspera, sicca, & veluti callosa; non raro lentor quidam glutinosus, aut luridus dentes inquinat. Quandoquidem aliæ inæquales sensibilius ingruunt, calidiusque urgent, ad hanc tamen speciem referuntur, quia in dies augentur. Harumque majorum inæqualium aliæ graviores, aliæ calidiores sunt, aliæ minus in utroque excedunt, attamen invalescunt. Surditas huic speciei magis familiaris, & copiosior sudor, unctuosus sæpe, ac viscidus.

Ambæ hæ febrium species fere cum horrore inchoant; ut plurimum in principio utrarumque frigus, calorque per vices ægros laceffunt; aliquando etiam frigus longius occupat, & ad plures horas lentum extenditur, paucum admodum micante, & frigus dirimente calore; quidam febricitantes eodem tempore frigus, caloremque percipiunt; plurimi frigus primis tantum diebus patiuntur, alii quotidie etiam in progressu morbi, quidam stata hora, quidam sine ordine; frigus tamen provento morbo sensim decrescit, & abit; nonnulli contra æstivo tempore hisce febribus sine ullo, aut cum frigore exiguo, ac vix notabili corripuntur, diuque affliguntur, ad declinationem vero frigus paroxysmos exorditur, hæcque ex calidioribus sunt; cæterum calor utrarumque principio primæ classis ferme excepto, sæpius est parvus vixque naturalem excedit in ipsa accessione, in eadem
que

que inconstans, vagus, inæqualis corpus afficit, volas autem manuum magis habet, nonnunquam & pedum; aliquando, quibusdam tamen solummodo in locis, exurens percipitur; extra accessionem non raro naturali etiam remissior est; siquidem ambæ hæ Acutarum species præferunt accessiones peculiare, & distinctas, seu duplicationes ut plurimum vespertinas, ocyus, aut serius aggredientes, cum symptomatum comitatu; eadem accessiones, præsertim in secunda specie, interdum nocturnæ sunt, nonnunquam & matutinæ; item in hujus speciei accessionibus sæpe urgent symptomata dira magis, quam manifesta febris, atque hujuscemodi febres graviores a nobis dicuntur. Præterea accessiones, seu duplicationes frequentiores habere solet hæc secunda species, ita ut ipsæ aliquando sese invicem excipiant, aut vix uni finitæ alia succedat, ubi causæ intensiores.

Pulsus tam in una, quam in altera specie extra accessiones non raro febrem penitus celant, atque dissimulantur; interdum in secunda specie, in gravioribus scilicet ejusdem febribus, pulsus apparent naturalibus, sanisque pulsibus rariores, ac neque in ipsa accessione febrem, per frequentiam, manifestant, quod rarum in prima specie; pulsus præterea tum primæ, tum secundæ speciei, in principio potissimum, & in augmento, inæquales esse possunt secundum omnes dimensiones, sæpe & intermittentes; at illæ inæquales, quæ per æstatem sine, aut cum paucis frigore incipiunt, primis diebus non amplius accedente, quas superius calidiores nominavimus, pulsus habent & sibi magis respondentes, & frequentiores, & vere febriles.

Demum omnes hæ desinere raro consueverunt, antequam intermittant. Aliquando in adolescentibus inæquales incipiunt, & postea in æquales alteras convertuntur.

Illas pariter, quæ similiorem, constantioremque typum habent, in binas alias species distinximus.

Pri-

Primæ insidiosæ, leniterque capiunt, præ cæteris, febres edaciores, pauloque habitiores, atque effectos languidos homines; neque hæ semper arcent, saltem antequam morbus invalescat, ab consuetis officiis ægrotantes, neque a cibo, consuetoque vini potu, per damnum ipsis sensibile, dederent, donec auctis causis, eisdem sine ullo tamen strepitu, videlicet absque fortiore symptomate, sola vertigine, & impotentia gravius premant, eosque vel per se sensim in vitæ periculum conijciunt, vel in Aquam intercutem, sive in veram Cachexiam, vel in Lepram tandem cum desipientia perducere solent, hosque morbos etiam chronice comitari. In hac specie pulsus tantum major, & fortior, quam in Chronicis, semper frequens, saltem sensibiliter inæqualis. Calor fere parvus totum æqualiter occupat corpus, sed in lecto, & calido cubiculo caput, præ aliis partibus, affligit, tum dorsum, præcipue tempore pomeridiano vespertino, quo febris intensior; cæteris in locis, raro mane, parum vespere, naturalem superat. In hac vertigo fere major, quam dolor capitis; sitis sæpe moderata adest.

Hujusmodi febres inter chronicas conscribendæ quibusdam viderentur, eo quia absque ullo diro symptomate ut plurimum sunt, & plerosque diutius affligunt, antequam in chronicos istos facebant. Veruntamen *ob hanc causam febres senibus non similiter acutæ sunt, frigidum enim eorum corpus;* eadem ratio militat pro crassis, atque phlegmaticis. Itaque acutæ saltem *ex decidentia* reputandæ sunt, & quia earum causæ graves sunt, & quia ipsæ febres sunt insidiosæ, quoad sensum ægrotantis, & quia demum pulsus earundem magnitudine, & duritie antecellunt pulsibus chronicarum.

Altera species febrium acutarum æqualium, & constantiorum, corporibus quidem etiam mediocribus obvenit, sed ad calidum inclinantibus est magis familiaris; ex vino, similibusque, paulo liberalius sumptis spiritibus, aut ex alia

calidiorē causa occurrit . Vel ab initio fortis est hæc febris , & modo designatam febrili universali calore excellit ; in hac quippe symptomata omnia minus inconstantia , minus inæqualia , magisque universalia . Hæc vel sine , vel cum frigore modico æquali solet incipere , indeque cum calore viriliter perseverare , nullamque deinceps horroris vicissitudinem afferre , neque distinctæ accessionis invasionem ; mane quoque viget , tantummodo sensibile febris augmentum adest fere die declinante . Pulsus in hac frequentiores , quam in antecedente , sed minus duri , neque , sicuti in plerisque ex illa specie , palam inæquales ; perfunctorie tangenti æqui videntur , sibi que omnino respondentes pulsus ; verum attenta , longa que exploratione , initio saltem , & in augmento morbi , aliqua fere iniqua diversitas evincitur , modo nanque pulsus aliquanto frequentius micant , modo rarius : modo plenius , modo demissius ; vel modo hic , modo ille pulsus frequentior , plenior altero .

Alternatio dierum , qua una die gravior , levior altera est febris , in speciebus inæqualium quandoque cernitur ; in hisce æqualibus vix unquam tale quidquam agnoscitur . Hæ præterea abscedentes vix unquam in periodos secantur , sensibilibus invadentes .

Majores porro , ac periculosas ex chyli cruditate Febres dira alia symptomata sæpe comitantur , deliria nempe , convulsiones &c. quæ aliis quoque acutis morbis communia sunt ; sed hæc eadem in inæqualibus quid peculiare habere consueverunt , in illis scilicet deliria ad insanam fatuitatem magis accedunt , non ferocia sunt ; veruntamen haud timenda minus , quia obscura , & cum tendinum subsultu , ac cum inæquali , aut fallaci pulsu apparentia ; sic & quidam soporosi affectus , aut lethargi , in accessionibus evidentiores , cum eodem pulsu .

Alia insuper acutissima , & perniciosissima symptomata ,
seu

feu symptomatici morbi hisce febris acutis tam inæqualibus, quam æqualibus interdum conjunguntur, qui febres reddunt periculossimas. Hi autem symptomatici morbi, quoniam malum etiam regimen, victumque ægrorum consequuntur, ideo tum binis inæqualibus, cum duabus æqualibus hujuscemodi acutarum speciebus competere possunt; cæteroqui, rebus bene actis, primæ inæqualium speciei insueti esse solent; Inæqualibus alteris sunt maxime familiares, illisque inter alias, quæ neque pulsum naturali tardiozem habent, neque naturali hebetiorem calorem. Tales itaque morbi sunt Pleuritides, ac Peripneumoniarum spuria, Volvulus, Maligna putredo. Priores profecto morbi partium sunt, sed harum febrium symptomata esse cognoscuntur, si incrementum in febrilibus accessionibus sumant; hæc autem postrema, nempe Malignitas est obscurior, utpote quæ tanquam dolose aggreditur, clam initio serpit, & propagatur. Signa certa putredinis, unde malignitas, sunt peticulæ in mali moris, obscuraque febre, præsertim pravi coloris, quacunque accessione, aut exacerbatione evidentiores, & frequentiores; maculæ seu rubræ, seu ad livorem vergentes, ampliores; & alia exanthemata, carbunculi &c. Signum vero certissimum malignitatis est contagium.

Hactenus acutarum, breviorumque signa descripsimus; nunc ad febrium longarum, continuarum signa delineanda descendimus; quandoquidem nostræ intermittentes, præter signa quædam ex communibus, nihil insuper habent proprium, nisi intermissionem.

Ad Chronicas igitur continuas veniendo, harum pariter aliæ sunt inconstantes, & multum abludentes, aliæ constantiores, sibi que similiores.

In has aliquando desinunt acutæ cujuscunque classis, non bene, atque omnino judicatæ; atque pro dispositione ægro-

tan-

tantium , aliisque accidentibus , aut Constantes Chronicæ fiunt , aut Inordinatæ .

Cœterum Inconstantes , titubantesque fere semper nervorum affectionibus , quemadmodum doloribus , aliisque molestis , diuturnisque similibus superveniunt ægritudinibus , a quibus tam in primis viis , quam in sanguine cruditas generatur , ac priori malo superadditur , illud etiam intendens ; sic Celsus Medic. lib. 1. cap. 10. ubi , *quid observandum sit nervorum dolore laborantibus* , tradit , subdit : *Cruditas enim id maxime lædit , & quoties offensum corpus est , vitiosa pars maxime sentit ;* hinc quum duobus doloribus simul non eundem locum occupantibus major alterum obscuret , hæ febres quasi fur- tim ingruunt , ita febrilia symptomata : frigus etiamsi repe- tat , & calor ab initio ut plurimum mitiora , parumque sensibilia , quia affligentibus scilicet nervorum symptomatis , ad novum vasorum sanguiferorum laborem minus attenditur.

Capere frequentius solent temperamenta gracilia , soli- tudinis amantia , inertia , languida , nonnunquam & nimis crassa , ac densa , coloris obscuro-flavescentis , ea tandem , quæ *ataxiæ* spirituum (ut græco usitatioe vocabulo horum crasim , proportionemque , iniquas denunciem) obnoxia sunt ; mulieres aliquanto sæpius , quam mares .

Hæ id habent , quod admodum irregulares , inconstan- tesque sint illarum accessiones , & pulsus ; tum fortiores pas- sim sint , longioresque harum sive accessiones , aliquando & cum frigore natæ , sive exacerbationes , & noctu quoque fe- re vigeant hæ febres , & capitis regiones magis teneant .

Constantiores Chronicæ , quando primario , ac per se aggrediuntur , initium habent sicuti acutæ inæquales , quæ cum impetu incipiunt , posteaque evidenter remittunt , quo spectare videtur illud Hipp. lib. 3. prælag. de feb. num. 7. ubi tum acutarum , tum longiorum , & chronicarum febrium circuitibus , & durationis prænotationibus in genere positis ,

subjungit: *sed hujusmodi morbos, qui longo spatio finire debent, ab initio perquam difficile est discernere, quod simillima sint eorum principia.* Incipere igitur solent cum intensione aliqua, & impetu, deinde ab acutarum gradu dejiciuntur, & chronice perseverant. Sicca, & hirsuta corpora, potissimum declinante ætate, præ aliis, invadere solent. Ideo constantes, ordinatioresque dicuntur, quia primis diebus ob vividiorrem febrem molestioribus transactis, mitesque factæ, quamvis pomeridianis horis aliquantum auctæ, adeo placide, similiterque ægrum confumunt, ut vix se febre laborare percipiat. Pulverulentum crassius sedimen in urina in hac specie observatur, morbo jam veterascente; sic in extenuatis sæpe sudor nimius, aut permulta urina effunditur, sæpe alvus tetras fæces profusissime, ac liquide emittit.

Ambæ hæ febrium Chronicarum classes, seu species, præter continuum lentum filum, suos nodos habent, nempe exacerbationes quotidianas, paucio tempore a pastu, primis exactis diebus, semper magis apparentes. In utraque adest segnities, torpor corporis, macies, extenuatio, languor, incrementum sumentia ab ampliore victu, aut magis nutriente, unde & febris, & ejus symptomata augentur. Lingua sæpe qualis in primis acutis inæqualibus descripta fuit, sed varia. Pulsus parvus quidem extra accessionem, sed ferme duriusculus; in accessione major, & plenus; hique calorem distinctum, & notabilem tangenti exhibet, præcipue in accessione; quo tempore calor quoque præcordiorum, & abdominalium viscerum percipitur similis æstui calcis vivæ, nondum refrigeratæ, pigre quidem, ac lente in tentantem sese exerens, sed impressionem postea vividiorrem intendens; idque maxime in classe, ac specie constantiore. Unctuosus quidam putor venit ab ægrotante. Alvus in principio, augmento, & statu, rebus nondum perditis, plerunque segnior, in fine sæpe alvi fluxus ingruit. Urina
fere

fere semper naturali similis, nisi quod in prima specie aliquando pallidior, aliquando rubicundior. Interdum oleosum quoddam ros in superficie inspicitur.

Frequentissima vero, atque idcirco communia tam Acutis, quam Chronicis ex chyli cruditate Febris symptomata sunt: capitis saltem initio dolores, pro diversis causis, & diversa febrium conditione, diversæ intensiōis, sed ut plurimum gravativi, obtusi, fere in omnibus inæquales; capiplenium; crescens, decrescensque vertigo.

Os glutinosum; in aliis insipidum, in aliis ingrati, foedique saporis, in aliis & falsum, in quibusdam dulce; spiritus in pluribus graveolens acidum, aut rancescentem, aut pinguedinosum odorem; in quibusdam ructus nidorosi, ac fætentes. Lingua albicans initio, sensim obscurior fiens (servatis differentis) in plerisque acutis, & chronicis. Sitis plerunque abest, quidam etiam sitiunt, raro tamen enormiter.

Fere omnes satietas, ac magnum cibi fastidium tenet, quosdam vomitus torquet, nonnullos cardialgia, per vices ingruens, aut urgens. Nonnunquam pustulæ in aliquibus benignæ, in aliquibus mali moris, in ore, palato &c. exoriuntur, quæ Aphthæ nuncupantur.

Multæ tum acutæ, tum chronicæ incipiunt cum quadam cervicis tensione, modo majore, modo minore; pariter non paucae ex utrisque corripunt cum aliqua intumescencia, ac duritie glandularum gutturis, aliquando & inguinum. Interdum tumores majores, cutis colorem raro, vixque immutantes in aliis externis corporis partibus nascuntur, qui non suppurant, quique pro dissimilibus dispositionibus in quibusdam mitiores sunt, quasque critici, in quibusdam molestiores, ac mere symptomatici. Nonnunquam abscessus suppurantes, qui in acutis magis in habitu, in chronicis magis in visceribus.

Hyeme, ac vere dolores thoracis, in his febribus, sæpius vagi, & recurrentes; & siquando firmantur, non tamen

assidue eodem modo cruciant, nec sibi constant; interdum cum tussi occurrunt. Dolores tensivi lassitudinarii habitus, dorfi, artuum &c. inæqualiter, inconstanterque plerosque acutis hisce febribus laborantes affligere solent; in aliis tamen magis, in aliis minus perseverantes, magis, minusque diffusi; nonnunquam ita intensi sunt, qui artus occupant, ut Arthritidem mentiantur; Quosdam & chronice ægrotantes prosequuntur.

Ex iis, quæ supra habuimus, etiam pulsus inæquales, quos satis descripsimus, quandoque & intermittentes Febris ex chyli cruditate perquam familiares esse constat, fermeque communes.

Sudores viscidi unctuarii fere caput, aliquando & corpus, ut plurimum medium, vel in primis quandoque exacerbationibus madefacientes, in aliis parcius, uberius in aliis; in inæqualibus etiam sine magno, atque adeo sine notabili calore, interdum prorumpunt.

Fæces plerunque crocæ, colore ovorum vitellos imitantes, in nonnullis albicantes, luteæ, in aliquibus virides, in aliquibus mucosæ, pingues, viscidæ, in multis duræ, cretaceæ, aut obscuriores, paucæ; Liquidæ modo sinceræ, modo variæ sunt, modo similes strigmentis, sæpius foetidissimæ.

Vermes etiam quibusdam per superiora, quibusdam per inferiora; modo vivi, modo mortui; plerunque cum viscosissima, viridescente fæce egrediuntur.

Urinæ cujuscunque generis esse possunt; quapropter nonnunquam rubicundæ sunt, cujusmodi initio quarundam febrium, licet inæqualium, tamen vividiorum primæ classis acutarum, & in vehementibus æqualibus classis secundæ, atque in furoribus tumultuosarum chronicarum, reddi consueverunt. Cæterum urinis sanorum similes spectantur, interdum oleosiores; pallidiores in phlegmaticis &c. A pueris quibusdam, hisce febribus laborantibus, aliquando perfunduntur urinæ lactis serum imitantes, & quasi tales etiam a nonnullis senibus, in

in quibus cruditates redundant. Non raro urinæ quoque impediuntur, & pauca quantitate exeunt.

Sanguis extractus sæpe sæpius in febribus inæqualibus acutis, tum in senilibus dictis, tum in chronicis, dummodo ex amplo foramine, & describens circulum eruperit, apparet tectus superficiem ab febraceo coagulo, quod non omnino est quale pleuritico, sed multoties ab eo differt, quod facilius secatur, & color haud mere albus est; sed flavo-viridem aliquando admixtum habet, aliquando ad cæruleum tendit, veluti si olei amurca condensata sanguis idem perfusus esset; non tamen id, pro diversis accidentibus, in omnibus est æque conspicuum; neque in quibusdam inæqualibus æstivis callidioribus patere solet coagulum, & in secunda specie acutarum æqualium constantiore tale quid raro reperitur.

Diximus ab initio, cruditatem vel in primis viis generari, indeque sanguinem infici; vel intra vasa, & in sanguine crudefcere chylum. Hactenus fere de symptomatis, & signis febrium, a chylo rudi, crudo, putrido in sanguine quocunque modo jam stabulante effectarum; nunc autem primas quoque vias, quas vix attigimus in signis communibus, distincte explorare, ac signa propria tradere indigesti apparatus primæ regionis, & ingressus morbosæ materiei in sanguinem, opportunum duco, quo facilius ex hac parte incipiens morbus cognosci possit, atque inde vitari.

Indigestum igitur apparatus primis viis inesse, jam jam sanguinem infecturum, indicant primo, post causas potissimum externæ cruditatis jam notas, alvus parca, aut styptica, & dura; fœdus oris halitus, similesque ructus; tum flatuum inferne emissorum insolitus fœtor, veluti fæcum diu asservatarum.

Deinde dolores ventris, quandoque & acutiores, qui pro loci, quem occupant, diversitate, diversos mentiri valent.

lent affectus ; sæpius autem armos tenentes , plerunque interpolati , qui versione , aut concussione , aut pressione exacerbantur .

Præterea rubor genarum insolitus , & sudor in corpore obortus , absque alia causa , docente Hipp. in coac. *circa faciem bonus color , & sudores sine febre , stercora vetusta aut subesse significant , aut inordinatam vitæ rationem .*

Quod si ipsum ingressum impuri , ac indigesti chyli in sanguinem , notare velis , id commonstrant vagi , inconstantes , leves quidam horrores , horripilatio , lassitudo , ac tristis sensatio universalis , nunc magis , nunc minus molesta ; pulsuum mutationes , inæqualitates , intermittentiæ ; capitis vespertini gravativi dolores . Hæc omnia de primo sanguinis inquinamento Te commonefacient . Sin autem febris etiam quantumvis levis , intermittentisque , periodos quasdam exortas perspexeris , in sanguinem subrepisse , in eoque existere , scito , tantum cruditatis , quantum non solum inficiendo sanguini , verum & æquilibrio tollendo inter vires , & massam , jam nimis resistantem , sufficit ; unde quasi de seditione paulatim commonefacta , & sollicitata Natura defensionem , & prælium moliri conetur .

Hic porro adnotandum , hæc signa cruditatis in primis viis existentis , aut ejusdem transitus in sanguinem , haud omnia semper adesse in omnibus , sed fere quædam in his , quædam in illis ; tum non semper tempore inter se distinguui , veruntamen sese interdum excipere , interdum uniri . Quando autem ista principia sensibiliter quidem tentant , sed obscure , & confuse , in quibusdam ætatibus sæpe vermibus , modo & hystericis affectionibus in mulieribus imputantur , in aliis alicui alteri morbo , cui forte sunt maxime obnoxii , præsertim siquod , huic favens opinioni , accidens inter-
venerit .

CAPUT QUINTUM.

De multitudine , & particularitate Februm , quæ ab Chyli cruditate nascuntur ; Earum descriptiones ; Februm quarundam , quorundamque symptomatum distinctiones ; & Febres , minus creditæ hujus generis , argumentis probantur .

Speciales ideas , ac specialia signa Februm ab Chyli cruditate in præcedente capite tradidimus , in præsentī vero Februm , ab hac eadem causa productarum , magis peculiare , proximasque notiones , & distinctiones necessarias tum ipsarum , tum symptomatum ponere conabimur . Ibi ad suas specierum classes signa , hic ad suas classes , & species febres ipsæ nominatim reducuntur . Has autem ferme omnes , sub diversis titulis hætenus habitas , ab aliis multiplicibus causarum fontibus repetebant Medici Scriptores ; quare & numero , & superficiali diversitate ipsæ terrebant , cunctosque propemodum fallebant . De iis itaque in præsentī fusior sermo instituendus , harumque natura , atque essentia una prorsus , eademque cum natura , & essentia februm nostrarum pro viribus demonstranda .

Acutæ febres a quibusdam in tres partes dividuntur ; nempe in acutas minores , majores , seu periculosas , & pessimas , sive malignas . Id quoad conditionem ; quoad typum vero , eas in inæquales , æqualesque distinximus . Itaque secundum omnes has primarias qualitates ordinatim subalternæ species februm ex chylo sunt disponendæ .

Inter primas primum locum obtinent Ephemeræ , quarum plurimæ a chyli cruditate ortum ducunt . Veruntamen hoc loco adnotandum , symptomata præcipua Ephemerarum ab indigestione chyli plerarumque ab omnibus non bene observari , fortasse quia , pro quibusdam accidentibus , aliquando
ab

absunt . Sine frigore , aut cum admodum levi adoriri sole-
re Ephemeris , multorum sententia est , quum in nostris
notabile frigus , interdum & longus horror inchoet febrem ,
atque adeo in quibusdam frigoris , calorisque initio detur
vicissitudo ; dolet in his non raro guttur ; adest vertigo in-
signis ; lingua albedine farinosa superficiem obducitur , quæ
in pueris , quandoque & in adolescentibus , punctis liberis
interfigitur ; pulsus aliquatenus inæquales ; urina contentis
multo abundantior , ita ut crassiores nebulas , in fascias di-
stinctas , in Ephemeris tali olim observaverim . Hæc sunt
frequentiora Ephemeræ nostræ . Capitis autem dolor tensi-
vus , affligens sensatio totius &c. sunt communia , & perpe-
tua quaruncunque Ephemerarum .

Febres etiam Ephemeræ ab impedita mera transpiratione
nascuntur ; crebrius tamen a chyli cruditate , quam a tran-
spiratione retenta Ephemeris progigni , contra ac vulgaris
fert opinio , ex ipsarum causarum procactarticarum animad-
versione colligere licet ; nam causæ externæ frequentiores , si-
lendo crapulam , atque ebrietatem , sunt labor , calor , effræ-
na venus ; causæ internæ Animi pathemata vehementiora , do-
lores &c. quæ omnia chylum crudum reddendo , hæc febres
generare , ex traditis constat , atque tradendis . De retenta
autem perspiratione fusius alibi . Ephemeræ porro ex sola im-
pedita transpiratione ortæ hæc habent peculiariora : linguam vi-
delicet mere rubicundioram ; pulsus frequentes , & admodum
æquales ; diffusam , raram , diaphanam , levem in urina fa-
turo-citrina , aut rubente nubeculam ; quid vaporosum potius ,
quam fudor e corpore exhalat in declinatione .

Ad Acutas minores ex chylo spectant Febres Catarrhales
dictæ , quæ primis quidem diebus intensiores esse solent ,
cum reliquis mox recensendis symptomatis . Exinde vero
cum inæquali capitis dolore , ejusque arteriarum sæpe molesta
pulsatione , obtusis ejusdem sensibus , gravitate , & capi plenio

protrahuntur , interdum cum irregularibus accessionibus ; cœterum , mane , plerunque parvę esse solent , sero autem crescere . Pulsus in pluribus inęuales . In omnibus tristis adest sensatio totius , & quidam torpor . In multis humidioribus præsertim , ac senibus , hæ febres raucedini junguntur , tussis , abundantique pectoris excretioni , quæ cum ad aliquot dies producantur , sub specie Pthyseos quosdam terrificant ; distinguitur tamen catarrus a Phtysi , de quo vide Morton in Pthysiologia .

Febres Rheumaticæ descriptarum sorores , sed sensibilius cruciantes , aggrediuntur cum doloribus aliquando dorsi , aliquando artuum , in quibusdam vagis , in quibusdam fixis , ac stabilibus , qui præ molestia motum impediunt , interdum & ipsam in lecto versionem , quandoque noctu magis affligentes . Modo hi lateris musculos punctiois sensu afficiunt , tussique , ac respiratione , potissimum liberiore , exacerbantur Pleuritidem mentientes . Rheumaticos tamen dolores a Pleuritide distinguere non magni est laboris , cum reliqua absint a Rheumate Pleuritidis essentialia symptomata : difficilis crebra respiratio , insignis tussis , & febris fortis cum pulsu duro ferme , ac ferratili . Interdum iidem dolores in Abdominis musculis existunt , & pro visceribus affectis accipi possent , nisi integræ illorum functiones , sarta , & tecta œconomia , defectusque symptomatum propriorum morbi cujuscunque visceris , incolumitatem eorundem satis demonstrarent ; atque locus dolorum extra viscera , in habitu in musculis , tum ipsorum vagatio , aut eorum propagatio , seu divisio in alia membra , procul a visceribus illius Cavitatis , de rheumatico affectu commonerent . In hisce febribus caput , maxime internum , quasi liberum esse consuevit . Et primo lapso , aut altero die , exiguus admodum est calor . Pulsus , nisi quod vespere aliquantulo citatior , sano similis , veruntamen attentissimo tactu sentitur inæquali-

tas, aut inconstantia in vibrationum intervallis. Lingua superius leviter farinacea &c.

Differunt Febres Rheumaticæ a vero Rheumatismo, quod in ipsis dolores non sunt tam cito, ac repente mobiles, versatiles, neque universales, sparsive, quemadmodum in illo. Vix ullus post initium caloris excessus, acrimonia in carnibus horum febricitantium, admota manu, nulla percipitur.

Pleuritidis, atque aliorum morborum larvam induunt dolores, qui neque Rheumatici vere sunt, sed a materia in primis viis premente; de doloribus ventris loquor, qui a compacta dura facie in intestinis hærente exoriuntur, quosque diximus alios simulare affectus. Sub costis (diaphragmatis enim fornix partem intestinorum, etiam crassorum, protegit) Pleuritidem fingunt, quia tussi, siqua adest, aliquando etiam respiratione exacuuntur, seu in iisdem emergunt; sed hi quoque differunt, per absentiam reliquorum Pleuritidem sectantium; tum abdominales esse, per alia ventris, id arguentia incommoda, evincuntur. Dignosci possunt ab ipsis Rheumaticis, per loci affecti profunditatem. Interdum in regione dextra hyppocondriorum hepatis cruciatus mentiuntur, & cum dolore tumor quoque, ac renitentia, pressionem etiam ægre ferens circa partem deprehenditur; verum tum per reliqua distinguuntur, tum per non mutatum in flavum faciei colorem; nisi tamen aliquod rarum accidens copuletur; nam abdominalium viscerum functiones aliquando magis turbare valet hæc causa, quam unquam possint Rheumatici, alique externi dolores; veruntamen omnia graviora, & fortiora, ubi hepar primario, atque essentialiter afficitur. In sinistro hyppocondrio hi dolores specie fallunt lienis laborantis, eo quod in aliquibus ibi intestini colon est angulus, quem difficilius rudis fex superascendit, ac transit; ast hi dolores fere intensiores sunt, quam laxo, atque obtu-

obtusiori spleni tribuantur . Horum profecto obscurior diagnosis, siquis alius extraneus, ac dissimilis præviis jam occupet morbus, aliisque etsi naturalis turbaverit eventus. Pro primo, aliquod lumen affundet hystoria illirici cujusdam militis, de peditum turma, cui gallico morbo jam infecto, fœdaque scabie laboranti cum suppurato in inguine bubone, supervenit dolorosa ventris tumiditas, qua de causa ad eum visendum Augurdi, ubi tunc degebam, vocatus fui. Mediocriter turgebat venter; dum tussiebat, experiebatur in regione epigastrica acutum dolorem, qui ad epicolicam quasi telum eodem tempore pungendam, & ad spinam perveniebat; dum movebat bustum, aut sese ab horizontali decubitu extollebat, mirum in modum armorum intima dolebant, & præcipue sinister, qui externa quoque digitorum pressione multo magis angebatur, nec tolerare poterat, idem, sed levius, patiebatur etiam in dextro. Alvus liquida, verum pauca reddebat. Ex pulsu febre non carere conijciebatur. Pulsus inæqualis semper erat, ita ut diastoles modo paulo major, modo minor, modo post brevius, modo post longius momentum sequeretur. Hac in diversa ærumnarum turba, quomodo hujus molestissimi, de quo maxime quærebatur, symptomatis notionem assequemur? Patiens cognoscendi studium, & omnium accidentium animadversio, causarum præsertim, principijque recens natæ molestiæ, alterum ab altero multum differre morbum, me docuit, huncque postremum, Abdominis nempe dolorem, & febriculam, ab alia omnino causa pendere, quam a gallico; nam petenti respondit, se tunc primum dictam ventris torsionem passum esse, quum immaturos quosdam fructus, crassissimasque fruges semicoctas, præ fame, devorasset; quare causam illius tumescentiæ, dolorumque sæpe acutorum, constitui in materia indigesta, styptica, & dura, inæqualiter hærente cellulis colon, ac inter illius irregularia spatia li-

quidioribus partibus concedi descensum, indeque crassa magis figi, cogitabam; hincque ab ejusdem duritie, mole ampliore, & incumbentium pondere admodum sensibilem tunicam nerveam intestini distentam, ac laceffitam hos pati cruciatus, judicavi; membrana enim nervea quo magis tenditur, eo fit sensibilior, sicuti musica chorda, quæ quo magis trahitur, eo acutiorem plectro tentata edit sonum; sic isti dolores crudeliores fiebant a compressione manus, vel etiam ab actione muscutorum abdominis, in erectione, & rotatione busti, nec non in tussi, in quâ ipsa etiam concussio irritantis intendebat violentiam. Febriculæ vero causam esse, sensi, intestinale liquidam cruditatem, in sanguinem ob impedimentum liberi descensus ingredientem, & circulationem sanguinis ejusdem perturbantem. Exitus opinionem comprobavit; ista enim cretacea fæce, intestina occupante, & supradicto modo obstruente, per remedia, atque alimenta idonea, ex alvo educta (quam nonnisi post alterum diem æger conatibus emisit multis, antea sentiens pluries, dum ea descendebat per intestinale tubum, vagos non intensos dolores) & tumiditas, & tormina ventris, & febris, & pulsus inæqualitas prorsus cessaverunt. Pro secundo, satis sit scire ex Auctore de virib. medicament. cujus liber Boheraave Nomine inscriptus aliqua continet quocunque celeberrimo Scriptore digna, part. 3. cap. 4. de eccopr. in puerperis cretaceas istiusmodi fæces intestinorum recessus in infimo ventre aliquando tenere, & quum ipsæ mulierculæ inde langueant, pro placenta uterina ab imperitis haberi. In talibus etiam interpolati, sæpe vero minores ab ista dura fæce hic sunt dolores, quia ibi mollius cubant intestina; atque hic quoque cætera desunt peculiaris symptomata, quæ tale uteri retentum consequi solent. Dolores hætenus designati ab dicta fæculenta duritie, in intestinis oriundi, mitioribus quidem febribus pluries adjunguntur, sed obscuris etiam interdum, insidiosisque, de quibus mox agendum.

A mi.

A minoribus itaque ad insidiosas , gravioresque Febres Acutas quasi per gradum ascendendo ; inter eas , quæ fallaci lenitate corripunt , locum promereri videntur Quotidianæ continuæ , sicuti Quotidianæ etiam illæ pene omnes , quæ intermittentes perperam nuncupantur ; siquidem remissione quadam quietiore , nonnunquam & longiore , quam illæ , quæ continuæ vocantur , intermissione vero perfectâ distingui , non vult Avicennas , neque re vera , nisi raro , atque in parca causa , intermittunt .

Certam distinctionem veræ intermittentiæ ab remissione haud esse absentiam febrilis caloris , & frequentię pulsus , ex antecedente cap. constare potest : tum in remissione pulsum quidem rarum esse posse , attamen obtusum , & inæqualem ; caput , & musculos hic illic leviter , inconstanterque dolitare ; capitis gravitatem , atque vertiginem , modo majores , modo minores , sed ferme continuas persistere . Contra in vera intermissione omnino liberum est caput , & corpus ab tristibus istis sensationibus , & pulsus est quasi naturalis . Quæ vero nullo alio differunt ; nisi per magis , & minus , juxta vulgatum illud , non mutant speciem .

Signa itaque tam continuæ Quotidianæ , quam magis remittentis (ideoque intermittentis titulo immerito donatæ) ab Auctoribus observata hic præsto sunt , ut cum Febrium nostrarum Signis , quæ in superiore capite attulimus , conferri possint . Simili comparatione uti etiam dabitur impostherum , quandocumque hujus generis ditioni , ac familiæ alias febres plures submittemus , quas alii diversis nominibus insignire gestiebant . Ad Quotidianam igitur , de qua sermo vertitur , redeundo , *Latica* dicebatur , eo scilicet , quod calore inerte stipata ; *non intenso* , quique *modo diletescere , modo augeri videtur , accenditurque inæqualiter , ita ut modo calor , modo frigus initio sentiatur . Pulsus parvus , rarus , tardus . Nulla fere Sitis . Paroxyfmi ad duodecim , aliquando ad viginti qua-*
tuor

tuor horas extenduntur, nec bene terminantur. Exacerbatio autem plerunque fit circa vesperam. Ex Senner. & River. de Quotidian. contin. & intermitt. Febris Epiala quidem & ipsa continua est, & Quotidiana; ab reliquis tamen Quotidianis eo differt, quod ægri eodem tempore simul calorem, & rigorem percipiunt. Ex Sennert.

Horrida Febris ea dicitur, in qua horrores frequentes solent accidere. Ex eodem.

Sic hujusce Classis est Febris illa Sydenham, quam eximius Vir in proc. int. in morb. cur. & in sch. mon. de nov. feb. ingr. tanquam penicillo depingit, quamque alibi *novam* appellat, alibi *stationariam* ab anno 1685. ad annum 1690. in qua calor, & frigus sese invicem excipiebant; artus pariter, & caput dolebant; pulsus interim fere sanus. (Atque hi scilicet sunt illi artuum dolores, qui aliquando Arthritidem simulantur, ita ut pro Arthritide vera ab Medicis acceptos viderim, quia scilicet & juncturas excruciabant, & prima exacta die frigoris, & caloris, alternorum, pulsus febrem non bene ostendebant; distinguuntur tamen a vera Arthritide tum per alia symptomata febrium ex chylo: capitis dolorem obtusum inæqualem, vertiginem, anxietatem: incrementum, sive exacerbationem a cibo, horis distributionis chyli per sanguinem, habentia: per designatam linguæ tincturam &c. tum quia & hi dolores in hisce febribus vagi, atque interpolati esse consueverunt, & ipsi quasi accessionales, nisi ordinem, rithmumque turbaverint incongrua remedia; præterea ab hisce febribus abesse solent tumores, ac rubores affectarum partium, Arthritidi familiares.) Nonnunquam tussis; dolor circa collum, & fauces; exacerbatio febris prope noctem; inquietudo; sitis; lingua vel humida ex omni parte pellicula alba, & scabra vestita, vel sicca fusci coloris in medio, quam partem undique cingit fimbria inalbescentis..... Proclivis est in hoc morbo ad Phrenesim lapsus..... Æger potius tranquille de-

lirat Sudores ab initio symptomatici divexant Ab in-tempestivo cardiacorum usu, & regimine paulo callidiores peticulae saepius efflorescunt, quas tamen, nescio qua ratione, malignitatis inditia esse negat, & malignum omne ab his febribus abesse mordicus tenet, dum frequentius inde disseminatum contagium per se satis validum contrarium est argumentum. Neque ille proprie malignus morbus, qui mali moris habet symptomata, aut cujus nequitas tecta, quæ tantummodo inspicere hic, & refutare videtur Auctor; alioqui pro primo respectu, Affectio ipsa Hyppocondriaca, quæ symptomata affert inconcinna, ac perquam morosa, & improba, malignitatis notam subire mœreretur; pro secundo vero, fistulosi quidam sinus, & reconditi abscessus maligni dicendi essent, quia abditi, nec nisi eruditorum Practicorum conjecturæ apparentes: quorum utrumque absconum prorsus, atque inauditum; nam sicuti malignus homo non dicendus, nisi aliis proditorie, nil omnino mali iis agere visus noceat, atque inopinata mala struat, ita malignæ ex eo potissimum, ac primario nuncupantur quædam febres, quia clam contagium, morbumque assidentibus incutiunt.) Et in junioribus callido temperamento præditis, maculae etiam purpureæ quandoque eruptiones miliares, morbillis haud absimiles &c.

Elodem vocabant febrem acutam, cum sudoribus fere continuis symptomatice junctam; namque ab symptomatibus harum febrium nomina deducebant Antiqui. Veruntamen symptoma nostrarum graviorum febrium ex chyli cruditate frequentissime occurrens, est sudor copiosus vel ab initio erumpens; Et memini me vidisse, ac tractasse febrem continuam periculosam ex chylo cum pulsu admodum inæquali, cum sanguine extracto amurcam in superficie referente, in anicula quadam ipso hyemis tempore diu, noctuque mire exsudante; atrophiam interim miserrima etiam consumebatur, & aliquando lypothymia quoque corripiebatur, ita

ita ut & Colliquantis , & Syncopalis ideas quasdam adumbrare videretur .

Affodes pariter , in qua ægri jactantur , & frequentibus inquietudinibus aguntur , graviter morbum ferentes , cum nausea ut plurimum , & vomitu , ad has accedere jure censetur . Qua ratione anxietates , & inquietudines fiant in pluribus , etiam ex oppressione universali , quam in sequente capite enunciabimus , inferre licebit ; præterea quum in ventriculo potissimum , qui exquisito sensu donatur , diversæ indolis cruditates misceantur , fermentescant , quasque bilescant , *quia exoriri solent* , sequi pergit Riverius , *ex afflictione ventriculi ab acri & bilioso humore , ejus orificium , & tunicas mordente* , necessario excitabuntur , ex hac quoque parte , jactationes , angores , vomitus , quæ symptomata ab isto locali accidente , etiam sine febre , occurrere possunt , maxime vero in febribus ex chylo ; nam quemadmodum gastrici succi , quando boni sunt , digestioni inserviunt , ita hi ab chyli cruditate in sanguine , quæ est febris causa , vitiiati , perque glandulas ventriculi morbose secreti , tumultui excitando apti sunt , cum videamus , ab alterata saliva gustum ipsum in febre manifeste depravari .

Febres Verminosæ dictæ , graves quæ sunt , & acutæ , ex hac plane turba esse judicandæ ; sunt enim *febres continuæ , quæ pluries in die exacerbantur cum anxietate , sudore frigido , interdum & cum Animi deliquio , nausea , vomitu , & siti inexplicabili . Pulsus est inæqualis . Genæ alternatim rubent , aut livescunt Interdum etiam capitis gravitas , & sopor . Interdum deliria &c.* ex eodem River. de lumbric. Urinam quoque crassam , & lacti similem in hujusmodi febribus observat Auctor de vir. medicamentor.

Hæmitriteum , seu Semitertianam Febrem omnino duplicem , semperque complicatam ex duabus febribus esse , Majores nostri arbitrantur , hancque progigni sæpius , dicunt ,
a Quo-

a Quotidiana cum Tertiana copulata. Hac de re uberius infra differetur, ut quænam sit vera Semitertiana Antiquorum, quænam nostra, quæ longe frequentius contingit, quisque distinguere valeat. *Dignoscitur ista Febris*, inquit Riverius, *quod continua, & horrida sit, cum multis reduplicationibus, maximisque symptomatis, quod accessio diebus imparibus invadat cum horrore: paribus vero cum aliquo tantum frigore extremorum. Pulsus in ea frequens, inæqualis. Urinæ crudæ, tenues, decolores, interdum turbidæ, cum nullo, aut malo sedimento. Ex his symptomatis nonnulla utrique Semitertianæ, spuria nimirum, & veræ, communia esse possunt, sed pleraque notham, nempe febrem acutam inæqualem ex cruditate chili designant, de alia inferius.*

Febres quoque Lassitudinariæ nostri sunt gregis. Hæ pro diversis adjunctis, seu circumstantiis, vel inæquales palam sunt, neque multum callidæ, ad Quotidianas potius accedentes, quæ humidioribus, obesis, bene pastis, insolito motu delassatis, ad hyemem, obveniunt: de hisque intelligendus Hipp. quum ait 4. Aph. 74. *Urina crassa, & alba facta, qualis in lassitudinariis febribus, quarto die quibusdam incipit fieri.* Vel sunt de inæqualibus fortioribus, strenue aggredientibus, linguam exsiccantibus, quæ mediocribus temperamentis contingunt, excedente labore usis, simulque indebito victu; hanc speciem lib. 3. de morb. popul. fuse describit Hipp. *In Thaso Pythionem, qui supra Herculeum templum decumbebat, ex laboribus, & lassitudinibus, & neglecta victus ratione rigor magnus, & febris acuta corripuit; lingua arida: siticulosus, biliosus, non dormivit. Urinæ subnigræ: quod in medio ipsarum pendeat, sublime erat. Secunda die circa meridiem, frigiditas extremarum partium, & magis circa manus, & caput: loquela, & voce destitutus. Brevispirus ad multum tempus, rursus incaluit. Sitis: nox quieta. Sudavit parum circa caput. Tertia dies quieta. Vesperi vero sub*

occasum parum friguit . Turbatio nocte dolorose , nihil dormivit . Ab alvo pauca compacta stercora prodierunt . Quarta mane quietus . Circa vesperam omnia exacerbata sunt : frigiditas , loquela , & voce destitutus , in deterius recalescens est , post tempus . Urinas minxit nigras , in medio quid pendens habentes . Nocte quiete dormivit . Quinta visus est allevatus esse . Verum juxta alvum gravitas cum dolore , siticulosus . Noctem laboriose tulit . Sexta mane quietus . Vesperis dolores majores : exacerbatus est . Vesperis clystere adhibito , ab alvo probe egressus . Nocte dormivit . Septima die anxius submoleste ferebat . Urinam minxit oleosam : noctu turbatio multa , delirabat , nihil dormiebat . Octava mane parum dormivit . Mox autem frigiditas . Vocis interceptio . Spiritus tenuis imminutus . Vesperis rursus excalescens est , mente motus est . Jam autem ad diem parum allevatus est . Secesus meri pauci biliosi . Nona soporosus anxius , quem excitaretur , non valde siticulosus . Circa Solis occasu moleste ferebat : delirabat : noctem malam habuit . Decima mane voce destitutus : frigiditas multa : febris acuta . Sudor multus : mortuus est : dolores huic in diebus paribus . Vel ob fortuita alia , æquales callidiores fiunt , de quibus inferius .

Omnes tandem inæquales Febres Acutæ , quæ cum symptomatis communibus , ab chyli in sanguine cruditate partis , suo loco delineatis , turgent . Turgent autem & Acutæ æquales comparative dictæ , & Chronicæ continuæ ex chylo , sicuti ex generalibus quoque turgentis humoris phænomenis , infra proponendis apparebit ; sed nunc primum de acutis inæqualibus sermo est , in quibus maxima turgentia ; & majus etiam minus comprehendit . Cum dictis porro symptomatis dico , ut excipiantur extraneæ turgentia , seu periodi Intermittentium verarum , quæ nonnunquam mediocribus quibusdam acutis febribus ex chyli cruditate ortis superadduntur , quæque prorsus alterius sunt profapiæ , atque ab alia origine pendent , extra Tema nostrum posita , germa-

manam Antiquorum Hemitritæon, seu complicationem duarum diversarum febrium constituentes. Distingui tamen possunt ab invicem hæ duæ licet unitæ febres, per sua utrarumque symptomata, peculiariora, ac propria. Symptomata intermittentium verarum (Tertianarum puta, unde Hemitritæus semitertiana dicitur) essentialia sunt: frigus, & horror fere semper accessionem inchoans; sitis intensa enormis, major certe, quam sit in febribus meris ex chylo, verminosis exceptis, quæ tamen per alia plura dignoscuntur, & præsertim per insultus irregulares accessionum, quum multo ordinatiores sint periodi Tertianarum; Calor item magis exurens, omnino manifestus, & universalis; capitis dolor magis lancinans, quam gravans, quamque vertiginem inducens; os multo plus habet amaritudinis, quam visciditatis, contra ac in febribus ex chylo; sudor ipse amaritudinem quandam præferre solet; urina saturatior, obscurior, turbidior, quod signum cæteris videtur antecellere. Ne iudicium vero aliquando fallat urina cruenta, quam semel, aut bis in acutis ex chylo conspexi; distinctus quidam dolor in regione renum dubium tollit. Cæterum in intermittentibus istis omnia acriora, quam in febribus ex chylo. Veruntamen chylosa cruditas, cum morbosa materia Tertianarum legitimarum confusa, in hac duarum diversarum febrium complicatione interludit, earundemque symptomata quadantenus obscurat, ac neque ipsa alternatio dijudicat, nisi insignis ista symptomatum dissimilitudo, inter accessionem & accessionem, unam febrem ab alia discriminet, cum nonnullæ quoque ex chylo inæquales altero die magis exacerbentur; ideo non mediocri opus est attentione; ad id itaque & tempestatem, & constitutionem morbosam anni, & alia accidentia conducit expendere; tandem instituta saltem curatione, omnia cito clarius elucescent. Quartana quidem, hisce nostris juncta, vel per ipsum insultus diem, discerni

valet ; nondum enim continua ex chyli cruditate mihi innotuit , quæ quarto quoque die ordinate crescat .

Veras , legitimasque Tertianas , & Quartanas , continuas copulatas pene semper alterius esse fontis , & non esse Tertianas , Quartanasque continuas , sive ad continuitatem tendentes , quemadmodum multi existimant , qui ad Tertianarum familiam adscribunt quascunque febres , in quibus accessiones notant , sed febris continuitatem , vespere etiam auctam , dependere a chylo , tum antecedentia , nempe causæ , tum consequentia , videlicet remedia , præter signa jam tradita , ostendent ; nam quoad prima , vel mala ratio victus adfuerit , vel duries ventris , Quartanis præcipue consueta , quorum utrunque chylosa cruditate sanguinem gravat , & inficit ; quoad exitum autem remediorum , ablato crudo chylo , per evacuationes debitas , multo citius , ac tutius , quam per alia quæcunque febrifuga , continua delebitur , & Tertianæ , aut Quartanæ , omnino intermittens , simplexque facta , atque intra sua genuina symptomata , quæ tunc maxime constabunt , redacta libere , ac palam suum characterem omnem , diemque servabit , neque fere cedit evacuationibus vel fortibus , sed febrifugis . De his dicta modo sufficiant .

Quemadmodum ergo turgere flumina dicuntur , quando auctis aquis , & avulsis turbida glebis , modo hinc , modo illinc regurgitant , modoque in hanc , modo in illam partem debaccantur ; ita turgent & febres , quæ ex una in aliam speciem infiliunt : Intermittentes in Continuas , Continuas in Intermittentes ; Inconstantes in Constantiores , & vice versa ; sic quæ præter continuum cursum , accessiones insuper , seu exacerbationes manifestas habent , & augmentum eadem , vel altera die , sive absque ullo ordine , sive cum aliquo eodem recurrentia . Turgere Theophrasti , quod notat in plantis , febrilis chylosæ turgentiae exemplum evidens subministrat , si attentum adhibeamus Animum : turgent

gent plantæ non ubique æqualiter, sed ad nodos ramorum, tum ubi succus alimentaris, quacunque de causa, per ligni fistulas bene permeare nequit; quod aperte significat accessiones, aut exacerbationes Febris, ut ita dicam, similis. Turgere dicit Theophrastus etiam animalia, quæ æstro venereo percita insanire, atque huc illuc inordinate ferri cernimus, æquos puta, boves, canes, qui tunc temporis omnia jussa, & consueta munia invertunt furentibus similes; ita quædam hujusmodi febres sua tempora præpostere decurrunt, ordinem nempe incipiendi, crescendi, standi, declinandi susdeque vertunt, ideoque turgere jure, meritoque dicendæ. Ipsa eadem fatua inconstantia, vagatio, & mutatio etiam in symptomatis ab eadem causa natis, scilicet in febribus ex chylo, elucescit. Sic turgere in febre dici possunt symptomata, si frigus, si calor inordinate abeat, & revertatur; si alterutrum, vel utrunque inexpectato augeatur, atque diminuatur; si demum hæc duo contraria symptomata in eodem corpore, uno eodemque tempore vigeant. Si color metamorphoses patiatur, modoque palle scat, modo rubeat facies, aut cæterum, sine ratione; sive aliquando migret ab una in alteram genam purpura, vel hæc præter morem, & inæqualiter malas tingat; sic turgens symptoma cutis maculæ in acutis febribus in fervore accessionis, seu exacerbationis magis apparentes, sic tumores vagi, sic murmura ventris, sic tormina, sic alii dolores, sic torpores, qui in febribus nunc cessant, nunc repetunt, aut mobiles nunc hanc corporis partem, nunc illam vexant; idem de sudoribus dicendum, sine occasione, & ordine, incongruis temporibus venientes, partesque peculiare occupantes; sic sopor, aut delirium per vicesprehendens, aut hæc sese invicem excipientia; pulsus ipse inæqualis, & inordinatus in febribus, cæteris datis sibi magis coherentibus, materiem turgere satis indicat, & inæqualem orgasmum; hinc nullus
du-

dubito , quin febres , quæ vulgo Synochæ putridæ dicuntur *cum pulsu inæquali* , & *inordinato* (quemadmodum habemus ex Sennerto , lib. 2. cap. 11. de febr. putr. contin. ubi Synochæ signa diagnos.) ad classem nostrarum æqualium pertineant . Quæcunque itaque Febres cum istis symptomatis comparent , pro majore , scilicet magis evidenti , atque inæquali ; vel minore , idest pacatiore eorum turgentia , ad Inæquales , vel Æquales nostras sunt referendæ .

Hæc omnia ex chylo esse experientia testatur , dum Febris omnis cujuscunque generis sit , ob alimenti excessum cum hisce symptomatis exacerbatur , donec consumptum sit quod supererat . Vulneribus quoque , jam facta etiam sanguinis missione , nimius victus dolorem addit , & tumorem superinducit , quod est turgere . Morbis fere omnibus victus plenior incrementa , nempe supra notatos fere inconstantes labores , orgasmos , aut febres hujusmodi turgentes injungit . Errata in victu in statu sano idem pariter confirmant ; sic a crapula , per quoddam temporis spatium , donec ea solvatur , calor sentitur non æqualis , sed in præcordiis , in volis manuum , & pedum insignis , & distinctus ; vertigo adest , capitis gravitas , inquietudo . Et si liberior fuerit intemperantia , sequitur ebrietas , indeque stantium instabilitas , tremor , motus in quibusdam convulsivi , idearum inconstantia , colorum , & ipsius vocis mutationes , pulsus febrium acutarum pulsibus similes , inæquales . Et si ex crapula postea , atque ebrietate vere febricitent , hisce febribus febricitant cum symptomatis turgentem materiam præseferentibus . Quæ omnia palam demonstrant , hujusmodi febres , talibus stipatas symptomatis , quacunque tandem occasione nascantur , chyli cruditatem tanquam parentem agnoscere , & febres omnes continuas ex se ita turgentes esse hujus generis .

Æquales primas , quas acutas vocavimus *ex decidentia* ,
in

in quibus vertigine , & calore inæquali , sive inconstante caput insigniter turget, quæque semper pomeridianis horis majores sunt , pro Cachecticarum fortioribus principiis ab Clinicis , latiore modo , quam par sit , haberi solent .

Causon , sive Febris Ardens in legitimam , & spuriam antiquitus divisa fuit . Duo in hac eminent symptomata : calor , & sitis . Legitima exquisita , vere ardens num visceris alicujus *phlogosim* sequatur , num eadem sit , ac Synoca biliosa dicta , num verarum Tertianarum fomitem habeat , num tandem detur , an non , decernere supersedeo ; veritatem enim exopto , maxime in scribendo , quæ omni vacet dubio , quæque nonnisi ab repetita experientia , & tractatione hujus febris , quam perraram autumo , deduci potest . De hac alii alia sentiunt tum Antiqui , tum Recentiores . Ex iis , quæ ab Hipp. habemus , de Febre Ardente , non pauca extant , tum circa causam , tum circa signa , quæ eam ex chyli cruditate indicare videntur ; etenim lib. de Aer. Aq. & Loc. de Febribus Ardentibus in genere ait , *fieri non posse , ut febres ardentes vigeant , ubi alvi liquidæ existunt* , & Occidentalium ardentes febres , asserit , nasci a styptico ventre , quæ causa procæstartica est nostrarum Febrium frequentissima , Alia habeo circa causam hujus febris ab Hipp. petita , aliisque textibus Hipp. ejusdem explicata , quæ id ipsum comprobare possent , sed supradicta de causa , cenfeo omittenda . Alia mihi etiam sunt observata , ac detecta circa hanc Febris speciem , nondum tamen adeo certa , ut ea ausim proferre . Signa (quorum pleraque cum nostris conveniunt) seu descriptionem potius proponam , hancque ex Hipp. desumptam lib. de Vict. rat. in Morb. acut. ubi duas Ardentium species designat : In prima specie , *Febris multa detinet , & corpus veluti ex ossium lassitudine delassatur , ac dolet Fit autem lingua aspera , & sicca , & valde nigra , & dum circa ventrem mordetur , dolet : & alvi egestiones val-*
de

de liquidæ , ac pallidæ fiunt , & sitis vebemens inest , itemque vigilie . Aliquando etiam mentis emotiones . Urinas , quæ bonæ spei , albas , & crassas notat , cum subsidentiis levibus . Si recidit , & sanus futurus est æger , crassa expuet . Febris ardentis genus aliud . Alvus subit , siti plena est lingua aspera , sicca , salsuginosa . Urinæ interceptio , vigilie , extremitates frigefactæ . Hæc videntur esse Spuriæ signa . In hac autem calor , sitis , & reliqua symptomata mitiora exhibentur ab omnibus , qui post Hipp. de hac scripserunt , quamvis proposuerit idem Hipp. lib. 1. de Morb. qui a febre ardente corripuntur , internis quidem partibus a febre exuruntur , externis autem frigidi sunt . Quod de primo legitimæ Ardentis insultu intelligi potest , inquit enim : qui corripuntur , non qui correpti sunt , aut detinentur .

Ardentes igitur saltem spurie sunt hujus generis, nam id & signa suadent, & nihil dubium impedit; tum ex supradictis Synochæ, quæ putridæ ab Antiquis vocabantur; quum tamen ad has febres generandas minime necessaria sit putredo, nisi ad malignas, in quibus chylus cum sanguine computrescit; quinimmo ab malignis multis in principio abesse solet, nec nisi in effera Peste statim initio arripit corruptio, cæterum in acutis majoribus, nondum ad malignitatem evectis, sola chyli cruditas intensa viget, quemadmodum ex symptomatis communibus liquet.

Harum secundarum æqualium speciem ab Hippocrate habemus in lassitudinariis, quas tertio loco exponendas reliquimus, quarum binas hystorias tradit idem Artis Magister, alteram lib. 3. de Morb. popul. Sect. 2. ægrot. 8. *Adolescentem , qui decumbebat in Mendacium Foro febris corripuit ex lassitudinibus , & laboribus , ac cursibus insolitis . Prima die alvus turbata ex biliosis , tenuibus , multis : Urinæ tenues subnigræ : non dormivit : siticulosus . Secunda omnia exacerbata sunt . Secessus plures intempestiviores : non dormivit . Men-*

turbata : parum sudavit . Tertia moleste habuit : fiticulosus , anxius : multa jactatio : desperatio : mente motus est . Extremitates lividae , ac frigidae . Præcordii intensio submollis utrinque . Quarta non dormivit . Malum in pejus procedebat . Septima mortuus est . Ætate circa vigesimum annum erat . Alteram lib. 1. de Morb. popul. in ægrot. 14. ægrot. 2. in Sileno . Hunc ex lassitudinibus , & potationibus , ac exercitiis intempestivis febris corripuit &c. Hac in lassitudinaria specie ferme eadem , aliquibus demptis , inter quæ papulæ , post sudorem , ad cutem appulsæ .

Quod si quis arguat : si obturgentiaë qualiacunque symptomata Ardentes spurias , Synocas , &c. inter febres ex chyli cruditate connumerat , Morbillofas , & Variolofas Febres cur relinquis , cum in his quoque evidenter turgeat materia ? Has autem remediis , quæ febribus ex chylo præscribis , exacerbari , ac male vertere , notum est , & per rubrarum maffularum sanguinis ad cutem expulsionem semper judicari . Ergo vel non omnes turgentis febres ab chyli cruditate sunt , vel methodus medendi tua non omnibus turgentibus istis febribus apta .

Respondeo : Ab chyli cruditate quadam nasci Morbillofas , & Variolofas febres , easque fere de *omotonis* (vario-
lofas inquam primarias , ac *depuratorias*) haud impossibile esset probare , & ex ipsa præcautione per lene purgans , antequam lac fugant , recens natis infantibus datum , si fides habenda observationi Prævotio , a fide digno communicatæ , & ex symptomatis cum hisce analogiam habentibus ; insuperque in Variolis ex ipso exitu a Natura instituto , scilicet ex abscessibus , eorundemque suppuratione , sicuti nonnullæ acutæ ex chylo , sibi relictæ judicantur (in pustulas enim Variolarum non solus sanguis , sed chylus quoque concurrat , qui nisi concurrat , male suppurantur) atque ex aliis demum affectionibus , in quas uterque Morbus non raro de-

G

gene-

generat , nempe ex malignitate , in quam similiter tam variolosæ febres , quam nostræ acutæ transire solent . Veruntamen licet eadem causa utrisque communis probari possit , quum morbillosis , & variolosis in febribus distincto ordine res se habeat ab eo , qui in hisce febribus : indeque alius in illis sit morbi genius , ac peculiarem explicationem , sibi que propriam medendi rationem exposcat , atque alia remedia , doctissimorum , expertissimorumque Practicorum usu diuturno comprobata , de iis hic differere meum non iudico , sola que in distinctione conquiescam .

Febres itaque ex Chylo distingui queunt vel ab initio tum per constitutiones diversas , tum per tardiora , ac pacatiora symptomata , quam in Variolis , & Morbillis ; non enim statim in hisce Febribus nostris delirant , sicuti in istis duobus morbis , ægrotantes , tum denique per absentiam doloris partium , quæ scrobiculo cordis subjacent , sensibilis , manu premas , Variolis consueti ; perennium involuntariorum lachrymarum , ac sternutationum frequentium Morbillis .

Malignæ Febres nuncupari merentur illæ , quæ minima malignum generant , & inde contagiosæ sunt . Hæ ut plurimum , positis causis communibus , epidemice grassari consueverunt , cæteroquin etiam sporadice interdum occurrunt . Malignæ eandem prorsus cum aliis febribus a chyli cruditate productis habent essentiam , & causam efficientem primariam ; tantummodo ad ulteriorem gradum evehuntur scilicet ad contagium , amplius alterata a putredine , per chylum crudum inducta , sanguinea massa .

Exploratum quidem mihi , plurimisque observationibus compertum , Malignas Febres a chyli cruditate dependere veruntamen , an aliis fidem facturus sim , & satisfacturus nescio . Quidquid futurum sit , quod meum esse arbitror pro viribus præstare conabor .

Hippocrates, Silenum, Charionem, Nicodemum, Adolescentem Mælibeum ex potatione in pestilentes febres incidisse, in Epidemic. meminit. Gallenus de alimentorum facultatibus 6. & tota Antiquitas inter præcipuas, frequentioresque Febrium Malignarum causas victum incongruum statuit, atque ex illis Riverius, qui super alios Veteres de malignis febribus intellexisse videtur, Prax. med. lib. 27. de feb. pestil. sic differit: *Due res non naturales, hætenus expositæ, nempe Aer, & Alimenta præcipuam vim obtinent, ad febrium malignarum generationem. Et infra: Corpora ad pestilentem febrem disposita sunt quæ pravos congeßere succos, ex prava victus ratione... Vel quæ plethora onerata plurimum se ingurgitant, aut intempestive, ac inordinate se replent &c. Ne id autem climati potius, & vivendi rationibus exteris tribuendum videatur, aliquem e nostratibus adeamus, nempe Prosperum Alpinum Marosticensem, qui lib. 1. de præfag. vit. & mort. cap. 9. de morb. Natura potentior. ab ipsor. caus. cognoscendis, habet: Hoc eodem anno Venetiis, & in aliis multis Italiæ locis complures ab epidemicis febribus semitertianis, ardentibus, pestilentibus, cum morbillis malignis (Nondum eo tempore innotuerant peticulæ, ideoque morbillorum malignorum nomine designabantur) moriuntur. Hocque Morbi genus non in pauperum corpora, ex proxima annona exsiccata, sed divitum, qui multis cibis se impleverunt, sævit. Modo ulterius prosequamur, & signa quoque Malignarum Febrium ab supra laudato Lazaro Riverio petita, summatim collecta ponamus. Atque antea ex eodem advertendum est, omnia signa a nobis proponenda in omnibus ægrotantibus non reperiri, sed partem tantum eorum, quæ tamen sufficiant, ad morbi speciem adamussim constituendam. Pro varia enim corporum dispositione, nunc hæc symptomata, nunc illa magis elucescere solent.*

Secundo symptomata non servant inter se eam proportionem,

nem, in his febribus, quæ in vulgaribus reperitur: ita, ut calor ad tactum mitis, pulsus non valde immutatus, exiguam febrem ostendant: cum iis tamen dolor capitis ingens, vigiliæ, & interdum deliria, aliaque symptomata, febrem ardentem consequi solita, plerunque conjungantur. His positis signorum seriem describemus.

Pulsus variis modis immutatur, pro temporum varietate, ac diversa morbi conditione: interdum enim in principio est fere connaturalis, & sanorum pulsui simillimus; in progressu tamen, & morbi augmento frequens, parvus, debilis, & inæqualis apparet; frequentia tamen perpetuo major, quam pro ratione caloris adaucti.

Hanc etiam febrem significare valent cardialgia, seu oris ventriculi dolor, quem tanquam malignum damnaverat Hipp. Sitis aliquando magna, quæ superat caloris febrilis copiam; aliquando vero ejusdem carentia, cum intensa febre, & linguae siccitate. Utrunque enim malignitatis indicium. Ingens ciborum innappetentia, qua multi omnia alimentorum genera, non secus, ac ingratissima medicamenta horrent: Nausea, & Vomitus, in principio præcipue Morbi eveniens, isque diversus &c. Horror frequens, & inordinatus sæpius in die contingens. Totius corporis lassitudo, gravitas, & veluti membrorum contractio in principio morbi apparent. Capitis dolores... Dolor vero in hac febre hoc sibi peculiariter vindicat, ut varius admodum sit, nec semper eundem locum affligens. Interdum enim synciput tantum, alias occiput, frontem aut supercilium lancinans dolor occupat. Interdum & alias partes, interdum affixus, alias locum mutans &c. Vigiliæ, & deliria. In nonnullis soporosi, & comatosi affectus contingunt. Urina aliquando urinæ sanorum similis; postea interdum fit crassa, & perturbata, interdum tenuis, & cruda... Ac denique omnes prævæ urinarum dispositiones in hoc morbo possunt contingere. Alvi fluxus biliosi, qui vel ex se oriuntur, vel a levi causa irritantur.

tur . Lumbricorum copia in principio potissimum hujus morbi excerni consuevit . Sudores frequentes , parvi , minuti , inutiles , principio morbi producti . Calor ad tactum mitis , & blandus , ut vix febrile videantur . Denique maculae purpureae pulicum morsibus similes , peticulae , vel petechiae a Recentioribus appellatae Purpureas autem peticulas nominavimus , quia ut plurimum colore purpureo infectae sunt . Non raro tamen violaceae , virides , lividae , aut nigrae apparent , & tunc longe deteriores sunt Licet autem ut plurimum hujusmodi maculae pulicum morsibus similes sint , majores tamen aliquando sese produnt , ut referant vibices , seu livores flagellis inductos , tuncque deteriores sunt Aliquando vero amplissimae sunt , & partes integras , magnamque corporis partem , brachia nimirum , crura , vel dorsum occupant : tuncque partes rubore infectae apparent , qui intra paucas horas evanescit , atque iterum revertitur , quasi per paroxysmos , dum febris suas patitur exacerbationes . Non raro tamen cutis in variis partibus elevatur , cum rubore quodam , & tumores quosdam in cute efficit molles , & latos , qui intra paucas horas evanescunt .

Affectus vero febribus pestilentibus supervenientes praecipui sunt Exanthemata (sunt enim varorum instar aliquando , alias vero minora granis milii simillima . Aliquando rubra sunt aliquando alba , vel nigra , alia exsiccantur , alia suppurantur , alia exulcerantur) Pustulae oris , & ulcera , carbunculi , bubones , & parotides . Surditas autem , motus tremuli , contractiones , & subsultus membrorum &c. legantur apud ipsum in Prognosi harum earundem Februm Malignarum .

Nonne igitur signis quoque Malignarum Februm ab Auctoribus traditis nostra tam pleraque ex communibus , quam peculiaria signa earum Februm , quas aliis facilius in malignas evadere , dicimus (missis etiam , si libet , malignitatis symptomatis) omnino consonant ?

Quod si quis alia argumenta postulet , quibus Febres
Ma-

Malignæ petechiales &c. ab chyli cruditate nasci probentur, tria in promptu sunt ab ipsa Praxi desumpta.

I. Medicinam facientes videmus, & Scriptores Practici referunt, interdum dari maculas purpureas, peticulis similes, in febribus minime periculosis, continuis, aut intermittentibus, sine ulla malignitate, quemadmodum, inter alios, notat expertissimus Ballonius in *Damifela de Four Tertianæ laborante*. In nostris autem hisce Febris, in quibus vitiosus Chylus, ex hætenus traditis, apparet in sanguine lentoris, ac tarditatis, indeque distentionis vasorum, & stimuli causa, quando hæc eadem multa est, ac multiformis, unde febres mali moris, maculæ istæ cutis, pulicum moribus similes, amplioresve malignitatem præferunt. Inde igitur legitime infertur, chylum istiusmodi & febris, & malignitatis auctorem esse.

II. Tumores superius a Riverio aliquatenus adumbrati, quos molles ab eo dici puto, quia foveam impressioni relinquunt, jam petechialium, malignarumque Februm statui evenientes, artuum, aut habitus partem occupantes, si opportune erumpant, neque retrocedant, sed gradatim augeantur, morbum aliquando & desperatum sublevant, quod non semel observavi, & observare est in praxi. Hi autem mere chylofi sunt, quemadmodum oculis ipsis (iisdem enim vel nullus adest rubor, vel dilutus, ut initio) tactuique patent. Neque aliquis subsumat, in iis latitare venenosum deleterium, tanquam causam harum febrium immediatam; nam si his tumoribus malignum inesset, ipsi profecto desinerent in malignos, & pessimos locales affectus, non per se sanarentur, etiam sine ulla suppuratione (per quam deleterium istud, non secus, ac spina infixæ, elijci dici posset) ut experientia demonstrat.

III. Vexicantium denique in hisce Febris adhibitorum expurgatio evidenter chylosa est, quæ cadit sub sensum. Neque

que dicendum, insensibile miasma per hæc erui, sicque præcipue illa prodesse; Etenim nisi istud chylosum abunde ex illorum plagis emanet, nullum fere videmus, ex iis sequi levamen. Concludendum ergo Malignas quoque Febres, pestilentialesque ab chyli cruditate exoriri.

Febribus acutis minoribus, majoribus, & maximis, quæ ad genus hoc pertinent, perpenſis, atque recognitis, Intermittentes itidem, aliasque celebrioris notæ Chronicas ad examen revocabimus.

Multoties Periodicas quasdam cernimus, quæ Tertianæ intermittentis simplicis, duplicisve rythmum induunt, quæ neque febrifugis herbis, neque ipsi herculeo peruviano cortici bene cedunt. Posteaquam hujusmodi febres tractavi, accurateque consideravi, atque has ab chyli cruditate nasci perspexi, nulla amplius substitit admiratio. Quando pauca est in sanguine chyli crudi quantitas, & vis, nondum efficiens causa ita perfecta est, & consumata, ut assidue circulationem sanguinis turbet, atque retardet, Intermittentesque Febres ex chylo fiunt; Idque vel ex eo evincitur, quod interdum aliqua ex his Febribus incipit primo intermittens, quæ postmodum, neglecta cura, & vivendi ratione, in acutam assurgit; tum etiam ex eo, quod cum per opportuna remedia plurimum causæ continentis in acutis istiusmodi Febribus detractum est, pariter intermittere solent ipsarum non pauca.

Hæ Intermittentes Periodicæ Quotidianæ sunt etiam rariores, & Tertianæ. Quotidianæ sicuti continuæ, sic & intermittentes semper ex chyli cruditate, quod ex symptomatis essentialibus specificis supra notatis arguitur.

Quartanæ autem, seu febres quarto quoque die ordinate accedentes mere, atque immediate ex chylo vix ullæ sunt. Tertianæ itidem ex chylo ex ante actis intelliguntur carere *patognomonicis* genuinarum Tertianarum signis, a Scrip-
pto-

ptoribus propositis , præsertim siti intensiore , atque illo a summis Recentiorum Practicis Sydenham de feb. interm. & Morton de proteiform. feb. intermitt. gen. inter cœtera distincto , ac celebrato , rubedine videlicet lateritia urinæ aeri expositæ , in qua præter colorem , ac sedimentum lateritium , obscura quædam , & lixivialis confusio observatur . In his vero nostris urina fere semper est naturali similis , & nubes , aut sedimentum ad album potius inclinat ; aliisque quibusdam symptomatis Febribus ex chylo communibus hæstipantur , quibus quasi insignibus , & notis discerni queunt hujus nationis esse soboles . Has Antiqui spurias Tertianas nuncupabant .

Hic præterea subjungo , veris etiam , legitimisque Tertianis æstivo tempore , sive Autumni initio , quando digestiones maxime languent ; si vel minus bona per se diætæ usus fuerit æger , vel statim ante paroxysmum , sive in paroxysmo ipso Tertianæ cibum sumpserit , vel denique alvus substituerit , nonnunquam interjici periodos Intermittentis ex chylo , plerunque diebus vacuis a vera Tertiana invadentes . Hæc natura diversæ Febres , licet utræque paroxysmo periodico intermittentes , ex dispositione anni , atque ægrotantis , ex causis procæstarticis , & ex signis diversis , jam antea traditis , ipsaque paroxysmorum duratione brevior in veris Tertianis , & cum sudore copiosiore descripto desinente : longiore in Tertianis spuriiis ex chylo , & cum parciore , aut nullo sudore , dignoscentur . Idem de Quartanis , servata symptomatum ratione , habendum . Ultimam distinctionem remedia dabunt , quemadmodum in superioribus .

Febres quoque Erraticæ , inter Periodicas recensendæ , ex nostro sunt cætu . Quasdam habent periodos , quæ modo quotidie accedunt , modo aliquem diem , modo alterum modo & tertium febre immunem linquunt ; neque hæc periodi certam servare solent inter se proportionem in quantita-

titate , sive intensione febris , ac duratione ejusdem , atque ob hæc Erraticæ dicuntur . Harum non quemadmodum Tertianarum paroxysmi exaltantur , sed cum levissimo frigore , tarde post illum sese exerente tepido calore , cum molli pulsu non frequente , cum longo , & lento madore sæpius finiuntur ; Grave , & torpidum corpus , ac præcipue caput ; Urina parum colorata , & crudior , segnior alvus . Has in Quartanas aliquando converti docuit cum Hipp. Galenus : Quod accidit detrita paulatim , & longo tempore , alterataque cacochymia , & decubitu in viscera facto .

Febrium Chronicarum nostrarum continuarum duas species dari diximus : alteram tumultuosam , ac sibi quodammodo dissimilem , quæ complectitur Hyppocondriacas , Hystericasque Febres (vocabulis minus propriis utor , quia communiter acceptis) alteram vero pacatiorem , quietioremque , magisque ordinatam speciem , quæ Hæcticas antiquitus dictas Febres constituit .

Harum utræque dividi possunt in essentielles , & symptomaticas . Et tam essentielles , quam symptomaticæ eandem habent proximam , & efficientem causam communem , nempe toties memoratam chyli cruditatem , & quædam communia generalia signa ; sed unam ex remotioribus causis procaëtaricis , tanquam peculiarem , possident symptomaticæ , quæ vel peperit , vel fovet , diuque sustentat febrem , vitium nimirum organicum sive in glandulis tubi intestinalis , mesenterii &c. sive in pulmone positum ; aliaque symptomata quædam adijci solent id demonstrantia , quippe quæ a levis , & affectis partibus illis , videlicet a morbis peculiaribus earundem exoriuntur ; ex quibus distinctio haberi potest symptomaticarum ab essentialibus . Obstructiones autem viscerum abdominalium Hyppocondriacas , sive Hystericas symptomaticas faciunt ; Hæcticas vero symptomaticas interdum iste dictarum regionum morbus , interdum , sæpiusque Pthysis pulmonaris ,

naris, præcipue originalis. Quapropter multo periculosiores, permultoque longiores, difficiliorisque curationis sunt symptomatice, quam essentielles. Sed & essentielles in symptomatice evadere possunt, ac fere evadunt sibi relictæ. Idcirco de isto transitu essentialium in symptomatice, ac de illis tandem omnibus peculiaribus symptomatis, & accidentibus, quæ circa illas, ad prænosendum, ac providendum scitu necessaria sunt, in cap. de prognosi, qui locus opportunior, differemus.

Quibus positis, Febris Hypochondriacæ, Hystericæ, & Febris Hæcticæ descriptionem aggrediamur, qua tum essentielles, tum symptomatice exprimuntur; idem enim, quoad febrem, utrobique aspectus. Hypochondriacas porro febres, hystericasque quum dico, *humorales*, nempe ab massa communi vitiata oriundas intelligo, non meras commotiones vasorum, a spirituum agitatione immediate dependentes, quæ nostri haud sunt gregis, sed ad alias similes spiritus solius animalis affectiones attinent, quarum sicuti multi sunt lusus in aliis partibus alias morborum species simulantes, sic in systema vasorum sanguiferorum irruentes etiam febrem non nunquam mentiuntur. Hujusmodi spurix febres ferme in debillimis homunculis, ablatis aliis veris febribus, per evacuationes, succedere solent, spiritibus, & carnibus magnopere extenuatis. Ab his autem reliqua absunt febrium symptomata, aut saltem *talia stabilia non sunt, neque multum durare, ac permanere consueverunt*. Sed ad nostras revertamur.

Admodum igitur inæquales, ac titubantes sunt Febris Hypochondriacæ, & Hystericæ tum quoad typum febris tum quoad symptomata; nam primo & lentæ sunt, & lentis graviores; aliquot nempe dies cum suis quoque symptomatis remissæ sunt, aliquot dies cum symptomatis itidem exaltantur; a prandio tamen, & vespere fere semper crescentes, & nocturnam exacerbationem, cum nervinis incommo-

dis,

dis, molestiorem plerunque habentes. Chronicæ dici debent, quia modo plus, modo minus, attamen diu, miseros ægro-
tantes affligunt, & torquent. Id vero Febribus hisce pecu-
liare est, ac proprium, quod sæpe decrescunt admodum,
ac decidunt inopinato, & subito, interdum & vespere,
quo alias vigere solent, atque ita sopiuntur, ut pulsus, ca-
lorque febrilis, fædus pepigisse videantur; & vice versa non
raro excandescunt repente, & absque manifesta ulla causa
recrudescent. Mutatio quidem, & vicissitudo cœteris quo-
que ex chylo febribus est familiaris, sed cum moderatione,
non vero subita, ac repentina ad excessus; si excipias quas-
dam Verminosas acutas, quæ cum his de nervino multum
participant; in cœteris accessiones, quæcunque eæ tandem
sint, quoquo modo absolvuntur, in his autem vel ipso in ac-
cessionis majore incremento, & statu, ex improvise fecan-
tur, atque mitescent; & contra ex improvise itidem fe-
bris calor, & cœtera symptomata exeruntur, atque in sum-
mum accessionis vigorem insiliunt. Mirifice varius est pul-
sus, modoque mollis, debilis, parvus, modo plenus, ac du-
riusculus, præter alias inæqualitates, & inconstantias, fa-
cillime sub ipsa tangentis manu, minima data ansa, muta-
tur. Id præterea observatur in his febribus, ipsis affectio-
nibus hyppocondriacis, hystericeisque valde consuetum, quod
in decrescens Lunæ phasibus, in ejusque conjunctione mul-
to pejus habeant ægrotantes. Caput mulctatur insigni gra-
vitate, vertigine tremula, immodicis doloribus, hique tam
in capite, quam in aliis partibus, quibus forte insunt, cla-
vi infixi, terebræ, spinæ adactæ, & similium tormentorum
sensationem excitant. Plurimos tenet colli tensio diu per-
severans, varie crescens, dum etiam non crescit febris. Si-
tis; pravi semper ructus, ac frequentes, stomachi incom-
moda minime solventes. Stomachi ejusdem languores &c.
Urina tandem varia colore, & consistentia, modoque na-

turalis , modo pallidior conspicitur , quandoque etiam rubicundior , cujusmodi in quibusdam æstuosissimis accessionibus redditur , præsertim ad morbi declinationem .

Nemo hæcenus , quod sciam , Febrem veram Hypochondriacam , Hystericamque exacte descripsit , affectiones quidem Hypochondriacas , Hystericasque multi tractaverunt tum Antiqui , tum Recentiores , ex quibus præstantissimus Sydenham , graphice eosdem delineavit , atque eximia ethyologia expressit , causamque ipsarum ab indigestione repetit . Alia tamen est indigestio , quæ illas , alia , quæ hæc febres parit ; siquidem indigestio in illis vix apparet , & ingeniosa tantum , ac sapienti conjectura deprehenditur , in his vero febribus manifestissima sunt cruditatis inditia , cum multo major in his sit , quam in illis . Spiritus animales adeo subtiles , agiles , ac sublimis naturæ sunt , ut ultimum materiei gradum attingant , ut vix materia dicantur , spirituum nomine potius insigniti , quapropter facillimo negotio illorum secretio vitatur , dato vel exiguo vitio sanguinis , a quo separantur , quemadmodum videmus in Chymicis , optimos spiritus ferme inter Pharmacopæorum arcana esse , tantam requirunt materiei selectionem , Artisque solertiam ! hi-que , etiamsi levi , irrepente defectu , imperfecti nascuntur ; sic & animales spiritus , qui tanto sunt nobiliores , præstantioresque , veluti omnia primi sentiunt , ita & cruditatem , etiam latentem , & vix perceptibilem . Ad hoc autem , ut excitetur Febris , multo majore opus est cacochymia , tanta scilicet , ut ipsa circuitiorem sanguinis notabiliter turbet .

Præterea ex chyli cruditate nasci Febres Hypochondriacas , atque Hystericas , causæ procæstarticæ frequentiores hujus speciei Febrium demonstrant , quæ sunt studia longa , intensiora , præsertim a cibo , animi pathemata assidua : mæstitia , sollicitudines &c. excessivi diuturnique nervini dolores , qui distrahunt a concoctione vires , atque consumunt ;

lan-

languidum temperamentum, male concoquens; suppressio evacuationis alicujus consuetæ, unde in sanguinea massa aut superabundante, aut impura, & gravi, crudefcit chylus; ac præ cæteris stypticitas ventris, fere omnibus hyppocondriacis, hystericeisque perquam familiaris, qua sanguis jugiter contaminatur. Demum id aperte indicant symptomata multa Febribus ex chylo communia, & præsertim incrementum quotidianum a cibo, exaltatio morbi a quocunque vel levi excessu in alimento.

Hyppocondriacæ vero, Hystericæque symptomatice magis argumentum sunt ad probandum, essentielles Hyppocondriacas &c. esse ex chylo, quam alia argumenta ad se ex chylo probandas requirant, dempta enim frequentia, & intensione (quum rariores sint hyppocondriacæ, hystericeque essentielles, & remissiores, quam symptomatice) eundem in talibus corporibus genium, typumque præferunt symptomatice, visceribus naturalibus, chylo in primis viis digerendo dicatis, obstructions, similemve alium organicum morbum patientibus, ac iisdem partibus non organice læsis, essentielles.

Hæc ipsa (mutato tantummodo temperamento, & aliqua fortasse superaddita causa a vinosis liquoribus) ad Hæcticam pariter ex chyli cruditate probandam, & confirmandam, apta sunt nata.

Quoniam dixeram, speciem alteram Februm chronicarum nostrarum eandem prorsus esse, ac Hæcticam Febrem a veteribus expressam, idcirco ejus descriptio ab illorum aliquo desumenda: *Cognoscitur itaque Febris Hæctica simplex, quod continua sit, sine ulla accessione, semper sibi similis, non crescens, vel decrescens, nisi quod augetur duabus, aut tribus horis a cibo. Calor in hyppocondriis primo tactu mitis, post acer, mordax, aridus. Pulsus parvus, frequens, & celer. Febrem non percipiunt ægri, pigri sunt, & ad motum desides, & cum difficul-*

ficultate moventur, eo quod virtus languet. Arteriæ callidiores sunt partibus circumstantibus &c. Urina naturali similis tum colore, tum sedimento, in progressu oleosa supernatant, & sedimenta farinacea sunt &c.

Quod autem ad notos illius Gradus: Prima die omnia signa Ephemeræ, die sequente augetur ariditas, non calor. Tertia die non repetit, non aucta evidenter, non diminuta. Ac tandem una, aut duabus horis a cibo, calliditas nonnihil apparet. In secundo gradu, æger non percipit, se febrire, quamvis percipiat alterationes a cibo. Ariditas manifesta est; pulsus minor, & celerior, cum duritie quadam. Tertii gradus signa sunt manifestissima: oculi concavi, sordes in illis siccae, & squallor, ossium prominentiæ conspicuæ, vividus flos coloris extinctus, universa arida &c.

Quicumque in signa præcipua Classis secundæ chronicarum nostrarum constantiorum, magisque ordinatarum, & signa Hæcticæ Veterum ab ipsis tradita inspexerit, nullus dubito, quin Hæcticam Veterum eandem esse, ac chronicam nostram eandem æquiores, & pacatiorem, ex collatione facta cognoscat; omnimodam enim habent, non solam similitudinem, sed & indolem, & essentiam, cum eodem prorsus modo oriantur, progrediantur, & vigeant utræque.

Hæctica Veterum essentialis ab omnibus fortasse non admittitur; sed de inveterata eos intelligere, opinor; nulla enim ratio impedit, quominus in principio, & per multos dies talis dari possit, & detur, sicuti dantur essentielles acutæ minores, & majores, non paucos dies durantes. Nihilque vetat, quominus a chylo eam repetamus, quinimmo huic opinioni omnis ratio suffragatur; nam quamvis hæcticam consumptionem, seu atrophiam, quæ defectum nutritionis significat, ab chylo in sanguine nasci quibusdam primo intuitu arduum videatur creditu, quum chylus nutritionis sit repara-

tor,

tor, nec alia adsit nutriendi via, quumque frequentior macies vel ab inœdia, vel ab chyli itinere in sanguinem dirempto occurrat; Attamen chylus non modo quum deest, sed etiam quum morbosus redditur, & nutritioni ineptus, tabem efficit. Hippocrates 5. Epidemicor. tabem, & atrophiam summam describit, a nimio sanguine inductam; atque ostendit eventus, siquidem plurimo detracto sanguine sanatus fuit homo. Si autem id potuit fieri a sanguine, a quo succus nutritius proprie derivare solet, ac debet, qui respectu chyli humor est ulteriorem, perfectioremque statum adeptus, jam vivus, quanquam morbosus etiam sit; cur Tabes non poterit fieri a chylo, qui humor est adhuc imperfectus, neque adhuc vivus, si aut quantitate, aut qualitate, aut utroque vitio peccet? Deinde Tabidus ille Hippocratis non ideo restitutus, reffectusque est, quia solummodo depletus est sanguis, sed quia sanguinis ad suas secretiones aptitudo, & chyli quotidie in sanguinem ingredientis contritio, & commutatio in sanguinem, a quo rursus, uberiorque succi secretio (quorum nullum ob nimiam plenitudinem antea fieri poterat) sic restitutæ sunt.

Nunc vero per ipsa hujusce Febris Hæcticæ essentialia symptomata opiniones Antiquorum, Recentiorumque de ejusdem Febris causa minus veras esse probemus, quod paucis præstabimus.

Calor effectus est, & symptoma multarum Februm, sed hunc Antiqui tanquam harum omnium causam, ac præsertim Hæcticæ agnoscebant, in hacque *intemperie, in habitum quasi transacta* Hæcticæ essentiam positam voluerunt. Caloris autem ex veteri quoque sententia, placitoque communi proprium est rarefacere; quamobrem, si calor esset causa efficiens, atque essentialis Hæcticæ Febris, pulsus in Hæctica Febre expansus esset, cujusmodi est in iis omnibus, qui vere callent, & non parvus; sed contrarium ex ipsis eo-

eorundem scriptis eruitur : *Pulsus parvus, frequens, celer*. Riv. ut sup. *Pulsus etiam in hac febre est parvus*: Senner. Jacet igitur illorum assertio. Atenim corporis habitum occupat iste calor, tanquam subiectum, magis quam sanguinem, & humores. Subsumptionem solvit ipsorum eorundem, cæteroque accurata, observatio: quomodo ergo *arteriæ circumstantibus partibus sunt callidiores?*

Præterea *urina* haud esset *naturali similis*, si calor iste Febrim gigneret; nam videmus croceas, rubrasque urinas in febribus etiam Ephemeris a sole nimio, aut exercitio, uno verbo, ab calore natis.

Hoc eodem secundo argumento utor adversus Recentiorum acredinem, quam tanquam causam proximam ponunt Hæcticæ Febris; quandoquidem in scorbuticis, biliosis, & reliquis, in quibus acredo sanguinis prædominatur, salibus saturæ, rubicundæ, biliosæ, vinique generosissimi colorem referunt urinæ; sic Ethmullerus in scorbuticis *urinam flammeam* observat.

Insuper post cibum horā una, vel secunda, augetur Febris; si acredo in causa esset, particulæ acutæ, salinæ, asperæ, quibus, per eos, scatet Hæcticorum sanguis, addito chylo, qui lenioris est saporis, atque oleosus, involverentur, ac obtunderentur, actioque illarum temperaretur, & potius tunc temporis remitteretur Febris, quod cum opposita praxi pugnat. Si autem etiam chylum in ipsis statim acredinem concipere, dicant; insipidissima jura oleosa, atque gelatinosa, quæ in victu ægris hisce præscribunt, difficilius, ac multo minorem acredinem contraherent, quam alia alimenta, æque saltem sales irretirent, febremque lenirent, sicuti alios morbos a talibus oriundos; & tamen ipsa ne hilum quidem morbum hunc levant, sed potius gravant. Acredo igitur tanquam causa Hæcticæ Febris non est culpanda.

Non

Non inficiamur, sanguinem non renovatum, in progressu Februm, malas alias qualitates acquirere posse, aut id effectum erit, & consequens, minime vero causa.

Essentialis autem Hæctica, si diu protrahatur, non minus, quam hyppocondriaca, aut hysterica, in symptomaticam fere transit; ideo apud Antiquos gradus Hæcticæ secundus curatu valde difficilis, & tertius difficillimus, ac ferme læthalis habebatur. Dantur quoque & symptomaticæ ab ipso ortu, indeque originales. Hæcticasque pariter symptomaticas ab chyli cruditate deducimus; etenim vel fiunt ex labe viscerum abdominalium, chylo præparando ob eandem labem deficientium, vel ex labe pulmonis, chylum in sanguine ideo non perficientis.

Hæcticam quidem facilius symptomaticam, quam essentialem quidam admittere videntur, quia symptomatica frequentius occurrit. Hanc sane ponunt a visceribus labefactatis nasci, sed nondum tanquam efficientem causam chylum accusasse visi sunt, quippe qui ob viscerum organicum vitium sive in primis regionibus, sive in sanguiferis vasis male digestus, circulationi sanguinis negotium facessens febrem faciat, detineat, & protrahat. Ex iis, quæ circa hoc ethyologice loquuntur colligi potest, vel ab obstructionibus hujusmodi Hæcticam generari, impedito reipsa, & turbato sanguinis circuitu, & liquorum cæterorum, dirempto sive ab obstructione eadem, sive a pressione inde illata recto illorum itinere; indeque distensione parta eam febrem exerceri; vel putredinem a pulmonum præcipue apostematibus cordi communicari *per vapores* (quod præteritis temporibus creditum) indeque Hæcticam symptomaticam subali. Vapores vero tanquam anile commentum jam exclusi fuerunt. Putredo quidem, sive pus sanguini per venas pulmonares inferri potest; sed de hoc postea.

Quod igitur ad primum, nonne pueros ex Auctorum

observationibus nonnunquam cernimus, qui voraciter, multumque comedunt, & in dies magis emaciantur, quia ipsorum mesenterium glandulis, etiam sensibilibus, refertum est absque ulla tamen febre, cujusmodi extat apud celeberrimum Morton, Phtysiolog. lib. i. cap. 11. de Tabes a sudoribus immens. ort. hystoria? *Filius cujusdam civis, in platea vulgo dicta Vwood street, circa annos iv. natus, absque ulla febre vel tussi, verum abdomine inaequaliter duro, & tumido, paucissima urina, sani tamen coloris, dejectionibus frequentibus, copiosis, & plane chylosis, ad ultimum marasmi gradum sensim redigi videbatur. Appetitus nihilominus per totum invaletudinis tempus integer, vel potius vorax durabat, unde facillime conjiciebam, trajectionem chyli per venas lacteas a frequentibus & praegrandibus tumoribus, glandulis sparsim in abdomine situm multum impediri, Tabemque ex inanitione hoc modo factam ortum suum duxisse. Quomodo ergo obstructions tantæ in abdomine sine febre in puella adeo male habito? at insurgentem quomodo per te? Respondeo, fluxum alvi cæliacum & chylosum, causam febris, nempe chylum crudum alio divertendo, ac eliminando etiam febrem avertisse.*

Quod ad secundum, nemo a pure in vasa absorpto Naturamque stimulante, Hæcticam symptomatice, tamquam a causa proxima, atque efficiente revocet; nam præterquamquod Febres Hæcticæ essentiales, sine ulla suspitione dantur, quæ istud tamen metrum servant, contra aliæ febres ex meris abscessibus non eundem typum retinere videntur, dummodo aut os, aut fauces, aut intestinos, partesque respirationi, uno verbo, digestionibus inservientes abscessus iidem non occupent, aut hi alvi secretionem, excretionemque quocunque modo impedian; atque in alia parte dummodo opportune, diæta saltem necessaria tractetur æger; talis sententia reprobari valet per observationes ipsius Richardi Morton, qui alios omnes Tabidorum

notione , & descriptione antecelluit eximius , ideoque merito Auctor præ manibus omnium : *Incipiente Tabe* , inquit , lib. 2. cap. 4. de sign. pathognomon Phtyſis pulmon. confirm. *dum nulla febris præter hæcticam adfuerit , præternaturalis calor ſicuti continuus eſt , & mitis , ita etiam pulſus , pro gradu febris , aliquatenus celerior eſt , quam par ſit ; fere tamen ſemper eundem tenorem ſervat , niſi quod a cibo , ut calor febrilis , ita etiam pulſus celeritas facilius ſentiatur Ubi vero primum febris peripneumonica* (ſic vocat febrem ſuppuratoriam , febris & doloris momentum in puris confectione innuens ; quid quid ſit , iſtam febrem pro vera ſuppuratoria ab ipſo haberi , ex aliis in eodem capite eſt omnino manifeſtum) *invaſerit &c.* Quod ſi ante ſuppurationem Hæctica adeſt Febris , quomodo a pure naſcitur ? Neque idem laudatus Auctor ejuſdem Hæcticæ Febris cauſam ab pure deſumit , ſed ab diatheſi ſanguinis , quam de *fermento illo ſuo acido , aut acri* , quod jam refutavimus , criminatur ; agnoſcit quidem a pure ex apoſtemate ſuppurato , per vaſa illic hiantia , ſanguini communicato , *febrem intermittentem putridam , Quotidianæ , ſive Tertianæ typum ſervantem* ; quæ unicuique Morton Phtyſiologiam perlegenti licet intueri .

Ergo neque eroſio ulceris , ſiquis eam pro Febris Hæcticæ cauſa ſtatuat , admitti poteſt ; quando ulcus in pulmone fieri non conſueſcat , niſi poſt ſuppurationem .

Etiam Hæctica igitur , tam Eſſentialis , quam ſymptomatica , ab chyli cruditate procedit .

CAPUT SEXTUM.

*Redditur ratio mæchanica Phænomenorum
per nostra principia.*

QUoniam in præmissis cap. sub Chyli cruditate Febres & omnis ordinis, & omnium propemodum specierum, & multas demum earundem indole varias, ac inter se diversas, tanquam sub causa ipsis communi contineri, docuimus; præterea quoniam symptomata quædam harum Februm inter se similia sunt, & proinde communia, quædam autem conditione disparia, dissimilia, ac speciei cujusque magis propria, idcirco doctrinæ ordo, & reddendæ rationis necessitas præsens caput substruxit.

Ex hucusque traditis generalem Februm harum generis constare, puto, eas nempe fieri ab chylo crudo, per se quodammodo existente, superfluo in massa sanguinea, quæ hujus quantitatem, & pondus augendo, crasimque vitiando etiam circulationem vitiat, atque retardat, sicque distensione irritantur vasa, unde Febris.

Talis porro vitiosus chylus vel paucus, vel multus esse potest; hujus vel illius naturæ, & qualitatis; mixtionis minus, vel magis aptus; Hinc idem chylus vel ubique, & quasi æqualiter cum sanguine miscetur; vel non ubique, & non æqualiter, pro his, vel aliis dispositionibus, prout infra significabitur. Utrumlibet eveniat, chylus tamen crudus remanet, idoneusque his febribus producendis. Aliud enim est chylum misceri cum sanguine, aliud chylum converti in sanguinem, quæ est ejus perfecta, & consummata concoctio, quemadmodum non dicuntur perfecte concocta alimenta, nisi alibiles eorum partes convertantur in chylum.

Misce-

Miscetur chylus ubique, & æqualiter cum sanguine, quando is fluit circum omnes partes ejusdem sanguinis globulares rubras, fibrosas, & serosas. Ad hoc vero, ut chylus convertatur in sanguinem, & sanguis (prout ad salutem, vitamque necesse est) per chylum mutetur, ulteriori, ac subtiliori opus est arte. Nam haud quaquam credendum, immediate, ac repente globulum aliquem rubrum sanguinis integrum perire, & destrui, alterumque interim ex advecto circumeunte chylo efformari; destructio istiusmodi, ac regeneratio neque intelligi quidem, neque admitti possunt, cum Natura per suos gradus suavissime procedat, neque per saltus alterationes suas faciat, atque functiones destructionis, & generationis, quæ oppositæ sunt; neque ullum distinctum corpus ex dissimili illico, atque ex eo solo procreet; sic ex terra plantas non progignit, nisi tenuissimæ ex ejusdem succo atomi in feminum, apte præparatorum, porulos ingrediantur, ac femina amplificando, tandem vegetabile aliquod conficiant. Observat Levvenoeckius, globulum rubrum sanguinis constare ex minoribus, atque adeo minimis globulis, quibus ut plurimum, aut senis; ternis, binisve, aut etiam singulis globulum feri sanguinei. Itaque per validam attritionem vasorum, & superinductam alternam compressionem ab aere in pulmone, & circuitum sanguinis, motumque, & collisionem etiam mutuam partium intestinam, salinis sanguinis ejusdem juvantibus particulis, globulus, seu granulus minimus e compage aliorum, globulum rubrum conficientium, scilicet a suo toto sejungitur, & in lympham abit, a qua per pluribus aliorum atomorum ex aliis cæteri sanguinis globulis, & fibris, similibus segregationibus aucta, alii porro liquores utiles, ut spiritus animales, succus nutritius alimentaris; tum inutiles, ut Sanctoriana transpiratio (qui humores sunt tertiæ coctionis, quemadmodum Veteres sapienter agebant) ulterius excernuntur. In locum autem

amif.

amissæ atomi e globulo rubro sanguinis atomus, seu granulus ex chylo, post plures circulationes, dispositus subit, & cum aliis compactus granulis, seu atomis (quod in universis profecto sanguiferis vasis, sed in pulmone præsertim efficitur) molem globuli rubri, & rubedinem restaurat, atque integrat; dum interea alter jam maturus minimus granulus, seu atomus ex globulo rubro sanguineo itidem secedit, eademque sequuntur, quæ modo tradidimus. Idem in fero ordo; immo hæc putari potest intercedere inter rubundum sanguinem, & serum vicissitudo, ut e globulo sanguinis rubro, qui, ut dictum est, quinis, aut senis componitur granulis, fiat serum, si per attritionem vasorum, circulationem sanguinis &c. ipse ita dividatur, ut hinc inde terni, aut bini granuli simul discedant; & vice versa albicans feri corpusculum potest evadere in globulum rubrum sanguineum, si binis, ternisve minimis globulis, ex quibus conflatur, alii tot granuli ex chylo serie debita infigantur, ut compleant numerum efficientem rubedinem. Atque hæc est altera mutationis sanguineorum globulorum ratio. Mutantur pariter, supradicto modo dispositæ, ac præparatæ sanguinis fibræ, per chyli particulas fibrosas, in lacte, quod nihil aliud est, quam chylus perfectior, conspicuas, scilicet per chyli fibrillas minimas, ab aliarum fasciculo, sive a fibra majore, circulatione sejunctas: sic renovatur, & pars fibrosa sanguinis, nam & carnis fibræ, docente Sanctorio, mutantur: *caro animata*, inquit, *cur vivit, & non putrescit? quia quotidie renovatur*; hæc vero per succos nutrientes, qui a sanguine secernuntur, renovatur; mutatur tamen per atomos, nam mutatur insensibiliter; siquidem in corpore sano, & juvene, *quæ impinguntur fiunt secundum omnes partes fluxilia, & perspirabilia*. Itaque particula quælibet humorum alentium, etiam ab sanguine secretorum, & carnem jam componentium, patitur mutationem loci, quem suc-

succedenti cedere debet, & tempore suum circulum conficit, & e corpore migrat; quam mutationem promovet jugis fibrarum peristalticus motus, juvat motus animalis membrorum, & progressivus. Nemo igitur dubitet, quin jugiter mutetur massa sanguinea, cum & caro ipsa pariter renovetur, cumque defectum renovationis sanguinis, carnisque & morbi, & senectus, & mors senilis consequantur; neque dubitet, quin per atomos mutetur sanguis, dum per atomos renovatur caro. Ex his omnibus liquet, quantum distet simplex mixtio chyli cum sanguine ab intima insertionem, & trasmutatione chyli ejusdem in sanguinem.

Ad hujusmodi autem sanguinis renovationem, in qua prima quædam ablatio, & additio perficitur, quæ altera idem est, ac conversio chyli in sanguinem, requiritur proportio in quantitate, & qualitate sanguinis: in quantitate, & qualitate chyli; atque inter fluidum & solidum. Hic vero chylus, ob vitia vel sua, vel sanguinis, vel vasorum, aut viscerum, non convertitur, ut oportet, in sanguinem (& in hoc primaria harum febrium semina) unde necesse est, ut is inutilis supersit, indeque crude scat.

Hæc vero cruditas, pro diversitate causarum, eam producentium, aliquando magis crassa, & viscida est; aliquando magis crassa, quam viscida; aliquando magis viscida, quam crassa; aliquando neque crassa, neque multum viscida, superflua tamen semper, atque morbosa. Quando crassities chyli crudi eminet supra quantitatem, seu molem globulorum, fibrarumque sanguinis, & visciditas chyli ejusdem supra vim circulationis, ac motus intestini sanguinis, cruditas cum sanguine male admodum miscetur, cum enim crassities sit quantitas major partium, quam par est; visciditas autem sit mollium partium facilis inter se cohærentia, seu promptitudo earundem ad coeundum, præsertim ad invicem, utraque de causa necesse est, ut chylus cum sanguine

guine male misceatur ; siquidem in motu tam projectili, quam vorticoso, crassamenta quæcunque, aliis minoribus, ac levioribus etiam mixta, separantur, atque conveniunt ; sed uterque est motus sanguinis : alter projectilis, nempe progressivus, alter vorticosus, nempe intestinus ; ex parte igitur tum circulationis, tum intestini motus massæ communis, corpuscula cruditatis cum reliquo male misceantur, oportet. Ex parte vero continentium vasorum, moles partium cruditatis excedens in causa est, cur non misceantur ejusdem crudi chyli partes cum partibus sanguinis ; nam ubi ad angustas vasorum diametros perveniunt, sanguinis tenuiores partes facilius, citiusque præterlabuntur, hinc necesse est, ut illic uniantur ea, quæ sunt molis majoris. Nihil de visciditate dico, cum ratio malæ mixtionis vel ex definitione visciditatis innotescat ; hujusque major vis, quo minor motus in sanguinea massa. Contra vero quum crudi chyli partes non eminent supra quantitatem globulorum, ac fibrarum sanguinis, minus inæqualiter, meliusque cum sanguine miscentur. Et visciditas levior temperari valet a motu, quo partes similes aliis dissimilibus illidentibus a mutuo contactu dirimuntur, atque prohibentur, & ab aliis etiam accidentibus. Diversa autem mixtio diversa facit Februm harum typum, & symptomata.

Primum itaque chylum cum sanguine male mixtum considerantes, dicimus in genere, ob malam mixturam chyli cum sanguine Febres inæquales fieri, quæque accessiones distinctas habent, atque in iisdem inde sequi frigoris, calorisque vicissitudines, & inæqualitatem, ac inconstantiam vis febrilis, atque symptomatum. Etenim quando sanguis tali rudiore chylo gravis solido, vasis videlicet, nimium resistere incipit, incipiunt lassitudines passim vexantes, ac tristis sensatio totius, morbos prænunciantia. Quando porro irritatio sanguiferorum vasorum ab sanguine cum chylo crudo lente-

scea-

sciente , & distendente incœpit , quæ per tensivos , sæpe inconstantes , dolores partium manifestatur , quæque in horas augetur , vasa sanguiduca , nempe cor , & arteriæ fortius , violenterque sese contrahere nituntur , unde febris emergit .

Inchoata autem ista irritatione , & contractione vasorum , in multis (in illis scilicet , in quibus crassior , rudiorque magis per se existens cruditas , minus cum sanguine confusa , eundem tamen superabundante copia non obruit) pars fluidior sanguinis ab viscidis male mixtis crassamenris , quæ tardius vasa excurrunt , quodammodo discerni solet . Ea vero pars sanguinis , in qua plus est crudi , viscidi , & crassi chyli , ea est densior , magisque cogitur , & circuitiorem universam remorando , statim cor , & vasa vehementius irritat , eaque spiritibus (qui pauciores sunt ob retardatam sanguinis circuitiorem) pœne totis ad cor , & vasa eadem connitentibus (unde extra frigus , etiam ob spirituum influentiam ad exteriora , & ad habitum , paupertatem) quasi tonice convelluntur , contrahunturque secundum omnes dimensiones , nimirum constringuntur , simulque abbreviantur , quod patet ex minuto , raroque pulsu in frigore febrili , & ab difficultate quadam rectæ distensionis corporis , sensibili in eodem frigore . Sanguinis autem lentioris , ægriusque decurrentis quantitas minor , pari tempore , e cava dextrum , e pulmonari vena sinistrum ventriculum cordis , utrumque magis strictum , brevior nempe existente diastole , ingreditur , quam dum cor non est a tanta tarditate circulationis sanguinis irritatum , idem sentiendum de transitu per fines arteriarum similiter angustiores , & contractiores . Hinc magis retardata sanguinis lenti per cor , & pulmones traiectione , & per venas , arteriasque cœteras , frigus crescit , eoque magis , quod etiam expansio , intestinusque motus sanguinis a spasmodica supradicta vasorum constrictione reprimitur . Quando vero ista sanguinis portione (circulatione

tandem, ac plenitudine urgente, atque abripiante) e finibus arteriarum paulatim transmissa, ideoque aliquanto minutius conquassata, eo quod a corde, vasisque strictioribus ipsa magis in systole complectitur, & quoquo modo confringitur, pervenit ad cor, atque subinde ad extremitates, finesque arteriarum altera portio sanguinis, in qua minus adest chyli vitiosi descripti, remissa irritatione, remittitur tensiva illa constrictio, indeque sanguinis universalis circuitio liberior vasa paulatim magis expandit, eaque melius reagent, ob spirituum tunc temporis plurium (quia a meliori sanguine separantur) auxilium, sanguinemque minus, quam antea resistentem propellunt, & aliquatenus solvunt; hinc magis urgetur antecedens, & motus intestinus, dempta jam constrictione supradicta, minus impeditur. Ab uberioribus porro spiritibus, & circulatione sanguinis magis expedita, atque ejusdem sanguinis respectiva solutione tollitur frigus, atque aliquis micat calor; donec prior vitiosior portio massæ sanguinæ ex venis universalibus, ubi nulla ferme contritio, rursus unita & coacta in cor, & conos arteriosos revertatur, atque ante descriptam referat scenam. Sic alternatio caloris, & frigoris initio harum Februm.

Nonnunquam primis diebus frigus, & calor eodem tempore sentiuntur, quia cum inæqualitas sit in crasi sanguinis, dum crassior pars, atque mucosior segniter, tardeque vasa quædam pervadit, ansam præbet alteri minus viscidæ, & crassæ ad velocius per alia vasa currendum, ex lege hydrostatica nota; ubi enim mobilior est sanguis, citius fluit, eoque reliqua massa intendit momentum. Itaque quibus partibus inserviunt vasa, per quæ sanguis lente movetur, in iis percipitur frigus; ubi celeriter decurrit sentitur calor, uno eodemque tempore.

Quædam Febres habentes pomeridianas evidentes accessiones absque notabili, aut omnino absque frigore incipiunt

&

& crescunt , ad declinationem vero accessiones ipsarum cum frigore ingruere solent ; istiusmodi sunt aliquæ æstivæ , in quibus plenitudo massæ sanguineæ , rarefactio , confusio , & distractio , seu remissio vasorum tunc debiliorum , quam alio tempore , divisionem recensitam omittunt ; dempta autem tum ab evacuationibus , tum a diætâ plenitudine , atque a refrigerantibus sanguineæ massæ rarefactione , & confusione sublata, vasorumque emandata laxitate, tunc vividius ad accessionum irritationem insurgit Natura , & corrugatis vasorum finibus retinet , sensimque magis cogit , meliori in venas expresso sanguine , materiam morbosam , quæ cum universam circuitiorem maxime pigram , difficilemque reddat , frigus insigne affert , quod deerat initio , atque augmento .

Accessiones in febribus vel cum frigore , vel sine frigore esse possunt . Ad frigus febrile accessionum initio procreandum necesse est , ut circuitio sanguinis per cor , & universa vasa , supranotata ratione , plurimum tarda sit ; Accessiones vero in genere nascuntur , quotiescunque in febre tanto difficilior redditur effluxus sanguinis e finibus arteriarum , ut cordi , arteriisque magis , quam antea laborandum sit in propulsione . Quando enim in sanguine coeunt rudes , & viscidæ chyli partes , hæc iter sanguinis per angusta quæque retardant , unde is supra angustias , nempe in conis arteriarum plenitudine majore coacervatus auget vasorum eorundem diametrum , distensionem , ac stimulum ; ista autem cordis , arteriarumque passio spiritus plures ad hæc vasa determinat , sicque crescit eorum motus , qui sanguinis impetum in antecedentem , & in latera vasorum , indeque irritamentum intendit , quique attenuat paulatim crassamenta , & massam communem , unde gradatim cessat frigus in febribus ab crassiore , & magis per se existente materia productis ; in febribus vero , in quibus minus crassa eadem est , minusque cohærens , crescit calor , rarefit sanguis , eugetur in omnibus

tristis sensatio, capitis dolor, inquietudo, anhelitus &c. exprimitur e massa communi infecta liquor unctuosus, sudor videlicet viscidus, ubi rarior est cutis, uberior quum impuritas major in sanguine, indeque fortior causa febris efficiens. Hæc febrilem accessionem constituunt, quæ eatenus perseverat, donec per modo dictos Naturæ labores, sanguinisque, ac morbosæ materie colluctationes, conquassationesque minutius dividatur crassities, & dissolvatur visciditas, objices nimirum discindantur, disjunctæque cruditatis partes cum tota massa, non amplius mole nimis excedentes, miscantur; divisum autem hætherogeneum, & per omnia vasa distributum melius regitur. Hinc aliquanto æquiore facta, atque expeditiore sanguinis circulatione, graviora silent febris symptomata. Sic quiescit accessio.

Interea tamen remanent lassitudo totius, vertigo quædam temulenta, capitis dolor tensivus, inæqualis, vagus, dolores ossium, & partium particularium instabiles. Hæc symptomata relinquit accessio febrilis. Nam cruditas aliquatenus comminuta ab accessione, & cum sanguine mixta cor, & sanguifera vasa universa, sicut antea, non irritat, in sanguine nihilominus remanet, ac propterea non restituitur æquilibrium inter vires vasorum, & fluidum adhuc nimium, & universe peccans, ideo cor, & generalia vasa sanguifera, prægresso etiam accessionis labore defatigata solo quasi pondere gravat, & premit; hinc languidior, segniorque generalium vasorum motus, unde non raro pauca febris, parvique facienda, aut nulla per pulsus febrili minorem frequentiam minus peritis apparet, cum gravi tamen lassitudine corporis, ac veluti confractione, & cum pulsu inæquali. Lassitudinis, & confractionis causa ex modo traditis; causam etiam inæqualitatis in pulsu alibi; hic tantum rationem adducemus, cur frequenter in remissione magis, quam in accessione febrili elucescat inæqualitas pulsus. In accessione

ple-

plerunque fortior, & æquior fit spirituum expressio ob auctam diametron arteriolarum cerebri, auctamque exinde ad cerebri glandulas alternam compressionem; insuper in accessione major, & minus inconstans spirituum ad cor, & arterias determinatio, quum stimulus major, magisque perseverans; in accessione denique rarefactio major in sanguinea massa vasa amplificat, & tollit angustias in finibus arteriarum, a crudis crassamentis factas, atque hæc vividius motis corde, atque arteriis, paulatim migrant in venas, nunc temporis etiam patentiores, neque ad fibrarum musculosarum oscula tractim retardantur, turbando influxum sanguinis arteriosi, indeque motum æqualem: ex his omnibus inæqualitas pulsus crebrius minor in accessione, quam in remissione: sic paralytici, vino sumpto fulti, & calefacti non adeo titubant, sed rectior eorum animalis motus, & minus iniquus. Vertigo, seu potius temulentia ab ipsa impura plenitudine provenit, nanque ab arteriarum debito pleniorum diastole, præter institutum, in cerebro concutiuntur stamina, seu ductus nervei, ob amplitudinem arteriarum earundem; etenim in turgentia majore, scilicet in accessione febrili, in qua plenitudini superadditur rarefactio, intensior & vertigo est, & capitis dolor. Hinc assymetra ista undulatione moti spiritus ægri, paucioresque, quam in statu naturali, inque callosum corpus sic perturbati petentes vorticofam sensationem exhibent; sic pulvis in horologio digito alterne percusso, non in unum perpendiculariter cadit locum, sed vitiosum circulum describit in fundo: Vertigo vero proprius dicta, quæ in quibusdam ex his Febribus magis eminet, oritur a pulsatione ramorum carotidum super nervos opticos, unde nervi, oculique ab eis efformati commoventur, fortasse etiam concurrente insolito, inæqualique pulsu arteriolarum retinæ, quo ea vitiose agitur, & obiectorum radios instabiliter accipit, hinc motitari videntur externa. Est

inæ-

inæqualis tum temulentia, tum vertigo, quia modo magis, modo minus sensibilis est vitiosa arteriarum pulsatio, prout inæqualiter, incerteque jens materia easdem magis, minusve turgidas reddit. Capitis dolor, in remissione levior, fere tamen continuus ex eo nascitur, quod cerebrum multum continet sanguinis, tertiam videlicet partem, teste Malpyghio de cerebr. tractat. i. p. 6. & insuper idem pars est omnium mollissima, ac tenerrima, ideoque vasa sanguifera hic a plenitudine magis distenduntur, quam alibi; est autem & is inæqualis, & vagus, quia cum viscida cruditas, licet mediocriter attenuata, & mixta cum sanguine, suam tamen retineat promptitudinem ad coeundum, sic remissionis tempore, quo vasorum minor passio, vis, atque attritio, quædam corpuscula chyli crudi alicubi convenientia, & massulas majusculas efficientia, in arteriosa capillaria cerebri, plenitudine cogente, intrusa magis distendunt eadem peculiaria vascula, unde in illa capitis regione particularis dolor, donec in venas, plenitudine eadem abripiante, pertranseant, aut per anastomoses, seu conjunctiones arteriarum, in alias arterias, atque inde incapillares fines arteriosos alterius cerebri partis ferantur crassamenta, ac migret simul dolor ab uno in aliud latus. Ita & alii particulares quorundam locorum, in artubus præcipue, cruribus &c. dolores fibrarum, tendinum, membranarum, perioftiorum instabiles, recurrentes nascuntur ab eadem viscida cruditate, quæ sensim unitur, sensimque crassescit, in partibus primum a corde discitis, & hic illic transitum sanguinis per vasa arteriosa quædam, fibrasque has, vel illas, retardando, eadem distendit, & dolorem ibi parit, donec crassamenta eadem revertantur in venas, per quas in cor denuo, ac exinde in alias arterias deducantur, eandemque illis molestiam inconstantem inferant.

Sic eadem relicta & vires gravans, & prona ad co-
hæsi-

hæfionem, & minus tunc temporis conquassata, in febris remissione, a vasorum motu tunc temporis rariore, ac debiliore, chyli cruditas paulatim, gradatimque convenit, cumque ejusdem partes ramosæ sint, sicuti oleosorum omnium, hæ ad invicem coalescunt, accedente potissimum ex sumpto etiam necessario alimento novo chylo, crudique veteris resistantiam augente adversus vasorum actionem. Rursumque in horas magis unita, & prout ex causis plus, minusve habet crassitie, & visciditatis, sanguinem magis, minusve densans hæc morbosa materies, plus, minusve implicat, & retardat sanguinis ejusdem circuitum, semper tamen difficiliorem reddit ejus exitum ex universis angustissimis arteriarum ramulis, ob hanc eandem partium unionem, ita ut nonnisi majore cordis, arteriarumque labore & exerceatur circuitio, & crassamenta eadem moveantur, ac propellantur per conos arteriosos ab lato in angustum, hinc juxta ea, quæ supra tradidimus, distenduntur iterum cor, & arteriosa vasa nimis plena, majoreque propter irritationem motu agitantur. Reviviscit Accessio.

Discrimen ponimus inter accessionem, atque exacerbationem, quamvis utriusque mæchanica genesis in cæterum conveniat, quia accessio sensibiliter, ac ferme repente ægrum aggreditur; exacerbatio autem incipit paulatim, multo minus evidenter, atque insensibiliter ob minorem crassitiem, visciditatemque cruditatis, & minus culpabilem ejusdem cum sanguine mixturam.

Porro alternatio intensioris accessionum earundem, sive paroxysmorum febrilium, qua altera die gravior est paroxysmus, levior altera, ex eo nascitur, quod prior fortis paroxysmus ita solvit materiam, ut subsequente die ipsa in altero mitius cohæreat, & facilius cedat, unde cordi, arteriisque non adeo laborandum sit in propulsione, attenuatione, ac miscella, inde humilior paroxysmus, qui tamen,
mino.

minore existente irritatione, communem crassescentem massam minus attenuans, conquassans, miscens, ansam præbet fortioris cohæsionis viscido morbofo chylo, & accessionis, seu paroxysmi die subsequente intensioris.

Ratio vero inæqualitatis in vi febrili, seu ratio insultuum inopinatorum, qui aliquando, vix una finita accessione, recurrunt; tum ratio inconstantia, inæqualitatisque symptomatum ab eadem crasi sanguinis, & circuitione, inæqualibus ob male mixta crassamenta, & visciditatem, repeti potest. Crassamenta nanque, & visciditas, etiam solvi, ac misceri incipientia, antequam eo redigantur mediocritatis, ut tollatur accessio, iterum arteriarum fines, quo fortuito unita appellant, obstruere valent, atque orgasmum supra se facere in conicis tubis (unde accessio alia inopinata, priusquam jam tenens decedat) & pro dispositione crassiore, ac viscidior, aliquando circuitionem quoque sanguinis adeo cohibere, ut repetat frigus, posteaquam fuerit ablatum. Insuper evenire etiam potest, ut crassamentorum viscidæ particulae, ulterius solutæ, & per sanguinem sparsæ, non male eant per grandiuscula vasa, verum ubi in tenuia insinuantur arteriosa vascula, arteriarum majorum tunicas circumcuntia, finesque strictissimos habentia, quæque ab ipsarum majorum plenitudine, & distractione magis angusta redduntur, difficile pertranseant, atque hic illic retardentur, unde in his quoque turgentia, distensio; hinc pressio diametri majorum arteriarum ad extremas potissimum partes, ubi sunt angustiores, ac tenuiores; hincque novus fieri potest in massa communi, per se satis culpanda, supra angustias orgasmus, donec e finibus arteriolarum, in membranis majorum inclusarum, hætherogenea corpuscula tandem exeant, & per venulas, in tunicis iisdem existentes, ab angusto in latum ferentes, alio commigrent. Hæcque altera probabilis causa inexpectatorum insultuum, aut augmentorum, &
alio-

aliorum symptomatum etiam localium in Febribus. Sed id ipsum vasculis sanguiferis membranarum quoque nervos con-
struentium accidit, ut in eadem peccans materia intruda-
tur; siquidem experimento constat, hætherogeneum liquo-
rem, nempe atramentum, in carotidem vivi animalis im-
missum, nervos tingere, quod non ideo sequitur, quod tu-
bulati sint nervi, sed quia vascula sua habent sanguifera,
sicuti & alia vasa, quemadmodum Anatomici testantur.
Quare spirituum, ab inæquali crasi, & circulatione iniqua san-
guinis inæqualium, inæqualiterque secretorum, inæqualis quo-
que per obcessos nervos derivatio sequi valet, atque hæc cum
supradictis & febres, & symptomata diversimode quit alterare.

Item ab chylo male cum sanguine mixto in his feбри-
bus inæqualitas pulsuum; inordinati tensivi dolores, locum
mutantes, repetentes; cardialgiæ; tormina; inæquales, &
vitiatæ secretiones: vomitus, cholera; incitamenta Iliacæ
Passionis; inflammationes spuria, vagæ; parotides, tumores
instabiles, retrocedentes; rubores faciei inconstantes, alterni;
maculæ cutis, quibusdam temporibus apparentes; sic stupo-
res; convulsiones; deliquia per vices recurrentia nascuntur,
deliria in accessionibus revertentia &c.

Nulla porro similitudine clarius explicatur delirii gene-
ratio, & natura, quam fistularum musicarum, quæ mul-
tæ simul serie quadam, & ordine junctæ sunt, quæ vulgus
organa vocat. Hisce si a perita manu suavi proportionē spi-
ritus, seu aura e follibus distribuatur, gratissima funditur
harmonia, quæ auditum juvat, atque delectat; veruntamen
si modo huic tubo, modo illi immodicus aer determinetur,
qui sese crudeliter elidat, inconcinnæ sequuntur voces, ac
sibila, quæ caput plectunt, auresque adstantium exasperant,
ac vario feriunt stridore. Ita dum animales spiritus natu-
rali methodo fibrillas cerebri, ipsius nempe corporis callosi,
ubi cogitantis Animæ thronus, adeunt, illisque debitas un-

dulationes inducunt, puræ sequuntur ideæ germanus discursus, rectumque iudicium Anima elicit, optime intelligit, præteritorum memor quæ bona videt voluntate sectatur; quæ omnia ad rationalis vitæ œconomiam apprime faciunt. Si vero sanguis, quemadmodum in his febribus cerebri vascula male percurrens, crassamenta huc illuc adducat, quorum causa inique influat, ita ut retardatus in quibusdam vasis coacervetur, in aliis celerius discurrat, hic illic a turgentia vasorum peculiari comprimentur quædam cerebri glandulæ, & quidam ductus, sicque secretio spirituum, ac derivatio in hos cerebri villos intercipientur, atque interea abundantius alibi separabuntur spiritus, & debito uberius ruent in villos alios, in quos propterea nimius erit spirituum impetus. Mutabuntur vero vices, dum ea crassamenta alio migraverint. Villi autem isti, seu fibrillæ nimis, immodiceque pulsatae, quietis interim, nec respondentibus, aut passionem, officiumque temperantibus aliis sociis, & per saltus, ac præpostere motæ ideas morbosas, mancas, absurdasque reddent, atque inter se oppositas, & male eas componet vitiata ratiocinatio, quæ nonnisi ex ideis bene impressis, aliquid recte conicere potest. Ac memoria ipsa, quæ in perseverantia jam factæ impressionis idearum sita est, defectum patitur; hinc prævum sequetur iudicium, quod verbis prolatum stuporem, mæroremque, vel risum affidentibus incutiet; quinimmo hæc prava sequens illusa, & cæca voluntas in fas, nefasque labetur; unde incompoti gestus atque incongrua tentamina, usque ad domesticorum fastidium

Hoc autem, quod in hisce febribus contingit delirium differt ab eo, quod in Phrenitide occurrit, in qua ferociter est, audax, violentum, horrendum; id vero plerumque lenè est, pacatumque, atque intra verba, aliosque haud furientes conatus contineri solet, ita ut magis desipientia videatur. Diversitatis causa in morbi diversitate: in Phrenitide

tide fixum est malum, durumque, & cum summo dolore premuntur cerebri vasa, & organa, hinc violenta spirituum fervidorum extorsio, & derivatio cum iracundia. In nostris autem febribus mollior est, & locum mutans materia, solidumque laxius, ex quibus obtusus, vagusque gravantis distensionis sensus, & spirituum hebetiorum lenta, atque inordinata secretio, ac deductio, unde fatuitas. Sic densi duriorisque temperamenti homines ferociores, pervicacioresque, molles vero moribus mitioribus præditos, jocososque experimur.

Aliud discrimen est inter delirium phreniticorum, nostrorumque ægrotantium delirium; quod nimirum in illis, vigente mentis emotione, vehementissima febris percipitur; in nostris autem delirantibus speciatim inæquali febre decumbentibus sæpe mitissima, aut vix ulla apparet. In Phrenitide meninges, cerebrumque ut plurimum solum (ita enim vasa arteriosa ab sapientissima, vitæque provida Natura in cerebro disposita sunt, ut obstinatio, rudior, asperior, magisque obliquum, quam rectum iter, atque in debilia, quæcunque prima adit loca, decubitum affectans massæ communis vitiosa portio, fixas faciens inflammationes, in cerebro relinquatur) stabili, ac locali inflammatione obsidetur, quo fit, ut sanguinis per affecta loca circuitio pene interceptiatur, sicque per cerebellum magis fluat, & per consequens majore sanguis influat quantitate, spiritusque plures in hoc secernantur, unde vitalis vis, cui maxime cerebellum inservit, major, quamvis symptomatica, atque febrilis; hinc fortior, frequentiorque pulsus, febris acutior. In nostris vero materia per sanguinem sparsa, ac male mixta quidem, sed vaga est; quando itaque eadem ab accessionibus solvi incipit, quocunque propellitur, & cerebrum simul, cerebellumque petit, atque cum plurima sit in febribus delirium afferentibus, maleque admodum ideo regatur,

infirmi, quasque degeneres spiritus ob valde impuram crassim sanguinis, parciusque ob ejusdem sanguinis tarditatem; & ob inæqualitatem crasis, & circuitionis ejusdem inconstanter ipsi separantur, ac derivantur, unde languet cum tremula facultate animali (cujus est voluntarius motus, & sensus) etiam vitalis; indeque pulsus vel mediocres, vel parvi, rarique in hoc delirio, atque inæquales deprehenduntur, neque febrem palam ostendunt.

Convulsiones, *clonicæ* dictæ, seu subsultus tendinum fiunt ex spirituum, vel sanguinis, vel utriusque irregulari influxu in musculos. In his febribus, præsertim inæqualibus gravioribus, sanguis, & spiritus inique feruntur. Sanguinea communis massa, ut toties inculcatum, male est mixta, ideoque crasis hic crassioris, & viscidioris, illic minus, unde circuit inæqualiter, ac temere, quia ubi ab crasso chylo retardatur, alio deflectit, ubi minorem habet resistantiam, eoque cursum intendit, atque abundantius affluit, crescitque actio musculorum illorum, quorum fibræ nimia sanguinis quantitate replentur, imminuitur actio oppositorum, parum sanguinis recipientium. Cum autem mollia, ac lubrica crassamenta causæ tarditatis, & repletionis particularis mobilia sint, atque instabilia, fortuita convulsio modo huic, modo illi musculo continget. Deinde ab inæquali sanguiferorum vasorum distensione comprimuntur hic, illic nervea stamina: modo hæc, modo illa; hinc spiritus animales ab inæquali materia inæquales, & morbofi, ab inæquali sanguinis circuitione inæqualiter secreti, & ob ductuum iniquam dispositionem, perperam irruentes in nervos musculorum (tot de causis) modo huic, modo illi nerveo ductui minori quantitate impertientur, quam huic alteri; quare horum tensio musculorum, & fibrarum, in eodem etiam musculo necessario præpolebit, quæ majorem recipiunt spirituum copiam. Ex his omnibus motus membrorum inordinata-

dinati, involuntarii, convulsivi tremores in his febribus de facili, ac citissime ingruunt; Non tamen fortes esse consueverunt istiusmodi clonicæ convulsiones, quia languet solidorum motus, & liquidorum, sicuti de delirio dictum; sed tensis aliquantulum, sine ordine musculis, aut (quod crebrius evenit) fibris quibusdam eorundem, citoque remissis, tendines plerunque soli manifeste subsiliunt; raræ enim sunt convulsiones tonicæ, solisque in accessionum initiis, quibusdam occurrunt, hi vero subsultus quocunque tempore, sed minus in vigore accessionis, quemadmodum & pulsus inæqualitas, nisi tamen plurima sit, seu perturbata materia.

Comatosi affectus, stuporesque periodici in huiusmodi acutis inducuntur a cruditate chylosa, cum sanguine inæqualiter mixta, magna copia ad cerebrum delata, atque illinc postea circulatione derivata. Stupiditates autem inconstantes peculiarium membrorum, sive a dicto in cerebrum instabili materiei appulsu, sive a nervorum alterno, vagoque descripto infarctu nasci queunt.

Deliquia ex cordis, vasorumque oppressione, ubi quasi segregata initio accessionum cruditas tum perpauca cerebrum pervadens, foedosque spiritus suppeditat, tum per cor, & aortam veniens coronariis arteriis impurissimum, ac lentissimum sanguinem; unde fibrarum musculosarum cordis languor, & impotentia vasorum, ex quibus deliquia, & syncopes.

Inter generalia symptomata sanguis quoque extractus, cum amurcosa albo-flavescente, sive albo-cærulea, aut viridescente concretione in superficie, est considerandus, quippe qui in his febribus tam acutis, quam chronicis, hyeme potissimum, vere, atque autumnis sic sæpe solet apparere. Chylus sanguini non intime mixtus, crudusque, ab universali unione, & concretione totius, pura vi vasorum, & motu vindicatus, in extracto sanguine quiescente sui juris factus, quo major est ejus copia, crassities, & visciditas,

eo citius e compedibus partium sanguinearum liberatur, & quum multæ sit superficiei, sicuti oleosa omnia, late diffuentia, superiorem partem sanguinis extracti tenet, & quum ramosus sit, unitur, densatur, concrefcit. Albus per se chylus, flavescentem vero, aut viridem colorem ab impura cruditate, & humorum aliorum admixtione acquirit.

In quo saltem obiter, illorum opinio refutanda, qui hujusmodi polyposam concretionem ab sanguinis fibris, colore per nescio quam *præcipitationem* exutis, constrictis simul, compactisque fieri, autumant; nam primo, si fibrosa pars sanguinis in superficiem conveniret, globulosa statim quaqueversum diffunderet, serumque penitus infectum, rubrumque exhiberet. Præterea in lacte, quod est sanguinis proxima materia, dum quiescit, non pars fibrosa tenet superficiem, sed oleosa, ac butyrofa; idipsum tandem in jure cernimus, dum refrigeratur, in quo cito adiposa supernatant, & fibræ carnum solutarum reliquum occupant, & quæ rudissima sunt infimum vasis.

Sed ex hætenus traditis aliqua communia sunt utrique inconstantium speciei, saltem quæ prius explicavimus phænomena, antequam graviora attingeremus; ex omnibus nonnulla competunt etiam Febris magis sibi constantibus (proportione tamen habita, nam quæcunque inæqualitas minus evidens est in his, quam in illis) quemadmodum sunt augmenta febrium, & symptomata quædam non æqualia, ac recurrentia; quia fere nunquam exacta fit mixtio in massa communi, posita chyli cruditate. Quapropter in particulari alia quoque accidentia considerando, & juxta seriem distinctarum specierum Februm rite distribuendo, harum specierum earundem diversitas, & peculiarium speciei cujuscunque symptomatum generatio est statuenda; primumque de chylo inæqualiter posito jam susceptus sermo, in particularium explicatione est perficiendus.

Pro varia igitur tam sanguinis , quam chylosæ cruditatis quantitate , & qualitate diversa , & per consequens pro varia materiei ejusdem morbosæ cum sanguine mixtura , hujusque gradibus , & pro indole diversa temperamentorum &c. variæ , variique momenti , atque exitus varii sunt hæc Febres . Quæ potissimum per causarum procastarticarum examen curabimus , ut clarius exponantur .

Ex iis , quæ habuimus cap. 3. apparet , inter causas harum Febrium primum locum tenere plenitudinem sanguinis , in qua etiam plenitudine dantur dissimilia accidentia : Quando sanguis qualitate inculpabilis (cujusmodi est in pueris , adolescentibus quibusdam , optimisque temperamentis) quantitate ob externas causas excedere incipit , Naturam turbat , quia chylus superadditus non convertitur in sanguinem , sed remanet crudus in massa , ac , retardata ejusdem circulatione , valde sensibilia vasa distensione cito , ac repente irritat ; hæc autem irritata statim ad fines arteriarum rudem cruditatem , mole , seu quantitate partium molem , seu quantitatem particularum sanguinis superantem cogunt , & fit tractim crassamentorum divisio , hinc frigoris , calorisque vicissitudo . Quamobrem modica existente materia (quia antequam multa congregaretur , surrexit Natura) & quemadmodum diximus collecta , sequitur , ut sanguis ea non ubique scateat , sed tantum alicubi , hinc meliores spiritus passim fecernuntur , hinc febres cum impetu aggrediuntur ; inter solidum , fluidumque , & tractim inter puras sanguinis partes colluctatio , calor primis diebus , præsertim in accessionibus febrilibus , donec conquassata cruditas , & quacunque dispersa , minus resistendo , minusque inde irritando , minus frequentem pulsum , & partibus sanguinis interjecta calorem reddat lentiores . Hac vero chylosa cruditate paulatim febrilibus accessionibus concocta , & per secretiones crassiores ablata , paucis finiuntur diebus istiusmodi minores fe-

febres; quod si vel ab obstructis glandulis, vel aliis de causis ista impediuntur, diuturniores sunt, atque adeo in chronicas transeunt.

At in effætis, senioribusque hominibus, quum minus mutetur sanguis, quippe qui vetus est, ac vapidus, & ob minorem sensum, vigoremque vasorum, & magis desidiosam vitam, atque interim a quotidianorum alimentorum sanguificis particulis, quoad fieri potest, augeatur, is abundantius congeritur, ac Naturam quidem onerat nimius sanguis, ac minus movetur, conteriturque cum quotidiano circumeunte chylo, in dies magis crudescens, unde ipse sanguis & fit totus crassus, & ubique cruditate contaminatus. Veruntamen cum obtusa, & torpida sint talia corpora, cumque gradatim congregentur in talibus nimius sanguis, crudusque chylus, & quasi insensibiliter, non stimulant Naturam ad febrem, nisi tarde, segniterque, & sine ullo strepitu, nascunturque inde Febres fere æquales primæ speciei, de quibus clarius, distinctiusque suo loco.

In aliis autem plethoricis, neque acutiori sensu donatis, neque contra obtusis nimium, languidisque, congesto sanguine nec puro, neque admodum impuro; ex nimia, inquam, hujus quantitate crudescens in mediocribus hujusmodi hominibus chylus nec adeo cito, sicuti in pueris, atque adolescentulorum optimis corporibus, neque tarde, veluti in effætis senibus, quasdam febres generat, quæ neque impetuose, neque clam, sed moderate oboriuntur cum alterno frigore, quæque in dies crescunt; suntque de inæqualibus majoribus, atque accessiones habent sensibiles, & distinctas, quia aliquantulum crassus sane est in his sanguis, sed recens chylus crassior sanguine quia rudior, crudiorque supereminet, & inæqualiter cum sanguine miscetur. Et pro aliis adjunctis facili negotio deteriores, adhucque graviores efficiuntur dictæ Febres, proque adjunctis aliis, etiam in pessimas, ac malignas evadere valent.

Male

Male etiam cum sanguine miscetur , si quantitate nimia peccat chylus ; quandoquidem cum plus chyli existat , quam possit satis moveri , comminui & distribui ab motu vasorum , cumque is per se ad cohæsionem tendat , sui unionem , concretionemque , necesse est , ut male , inæqualiterque misceatur.

Non tamen omnia temperamenta magnam itidem chyli quantitatem in vasis æque coacervare solent ; in quibusdam enim vegetorum puerorum , aut adolescentulorum vividissimis corporibus , ob edacitatem iis consuetam , aut corporis inhibitis exercitationibus , aut imminutis quomodocunque secretionibus , chylum digerentibus , & confumentibus , sæpe quidem chylus aliquatenus superabundat , sed Natura statim irritata hanc quoque incœptam cruditatem , per febrem ex hoc genere , sive ephemeram , sive intermittentem , sive aliam tandem minorem continuam aliquot dierum , multoties ad secretionem disponit , & præparat , ac per secretoria amandat . Contra res hic pariter evenire crebro consuevit in contrariis ætatibus , & temperamentis .

Enimvero tam a nimio sanguine , quam a nimio chyllo , quam ab utroque , quam demum ab aliis causis , mox ad trutinam revocandis , & inæquales minores , & majores &c. pro dispari excessuum mensura , & differente corporum habitudine , exoriuntur . Illud autem tenendum : nil magnum in Natura repente fieri , & quo citius Natura in causam insurgit , eo minoris momenti ; quo serius , eo graviores nasci febres ; nam ex Hipp. lib. 1. de diæta : *Morbi paulatim collecti acervatim apparent* . Ex quibus rationalis diagnosi , atque universalis minorum ab gravioribus , & magis periculosis vel in ipsarum principiis erui potest . Quum videlicet a quacunque causa cito , fortiterque Natura laceffitur , eæ fere minores futuræ sunt , breviores , decrescetes , & *paracmasticæ* ; quæ vero tarde , & post longas molestias , periodosque emergunt ,

æ graviores , perniciosiores , viresque in dies acquirentes , *epacmasticæ* antiquitus dictæ .

Ex se insidiosè sanguinem inficit , gravatque , quia spiritus vitales contaminando paulatim imminuit , impurus , ac fæculentus chylus ex alvi aut suppressa , aut parciore secretionē , atque excretionē . Quando enim venter male digerit , maleque excernit , crassior , rudior , ac fœdus necessario in sanguinem ingreditur chylus . Excrementosam turpem aliquam portionem in massam sanguineam ex intestinis commigrare , interdum liquida etiam existente alvo , vel ex eo constat , quod non semel videre est , viridescente alvi fluxu , viridescere simul aliquid coaguli , in sanguine extracto , flavescere , flavescere . Intrat igitur , maleque miscetur cruditas istiusmodi , quia partes scilicet fæculentas habet , atque irregulares , circulationemque in dies magis retardat , & turbat . Non consuevit parere statim grave malum , sed sensim auget , apponendo sanguini impuram materiam , sæpeque gradatim facit permagnum , ac periculosum .

Vitiosa autem , & culpabilis plenitudo maxime fit ab culpabili chylo , qui ex mala conficitur materia , præsertim nimis pingui , & insipida , ut ex suillo adipe , sive lentissima , ac viscidissima , ut ex fungis &c. Quandoquidem talis chylus ob nimiam crassitiem , ac gelatinosam , amurcosam , glutinosamque visciditatem suarum partium nequit semper in sanguinem commutari , quinimmo vasa haud raro (quando nimirum diutius remanet in sanguine) obtundendo , ac relaxando , minus sensibilia , & facili negotio distractilia reddit (quo fit ut cruditate magis , fereque sine sensu , impleantur) simulque sanguineas particulas involvit , irretitque , unde secretiones omnes imminuuntur , indeque in dies amplius sanguinea massa crudo chylo scatet , qui ob eandem crassam , & viscidam suam substantiam male miscetur . At-

que

que ab hac maxime causa nascuntur insidiosæ febres, quæ ab initio leves, mediocresve videntur, sed quando ad statum pervenerunt, adstantes, Medicosque terrent, ægrumque sæpenumero jugulant. Parcat rationi Sydenham, cœteroquin oculatissimus Auctor, qui hanc eandem Naturæ oppressionem in istiusmodi Febre ab sanguinis potius accensione, seu rarefactione inflammatoria immediate deducere videtur; ideoque *frigidissima quæque* indicari minus bene judicat, & ipsam catharsim præcipue ad refrigerandum imperat, quod ibidem legere est, nempe in Schedul. monit. de nov. feb. ingress. etenim inter cœtera, gelatinosa, glutinosa, ac præsertim fungi, qui elixatione viscidissimi fiunt, post quorum comestionem nonnunquam videmus erumpere has suffocatas febres, nequaquam rarefaciunt sanguinem, cum rarefactioni tollendæ potius dicata sint, & nata. In his præterea febribus cum pulsu, per frequentiam non manifestante febrem, absentia quoque caloris urgentis copulatur, quod & ipse agnoscit Scriptor. Quomodo vero accensio sanguinis universi absque calore, ne febrili quidem, stare potest? Inflammatio ergo ista suffocans, & opprimens hominem in hisce gravissimis febribus non est a calore, sed ab crassa, viscidaque chyllosa materia, rectum iter sanguinis per sua vasa præpediente. Nam cum primum ab crassissimo, & viscidissimo chyllo infecta est massa sanguinea, hæc retardat multum, pluribusque rationibus sensum, & actionem cordis, atque arteriarum; nimirum quia permulta plenitudine, pondere, visciditate, & crassitie nimium & gravat, & resistit; hinc admodum lenta ejus circuitio; ab tali autem sanguine denso, impuro, tardeque circumeunte, hebetes, ægri, lenti, paucique spiritus separantur, unde sensus, & actio magis magisque imminuuntur; præterea multus superabundans chylus viscidus oleosus vasa omnia relaxat, & non solum minus sensibilia reddit, emolliendo, & lubricando, verum etiam ad

actionem lentiora , & molliora ; tum ab hujusmodi sanguine cerebrum gravatur præ cæteris partibus, & sensus, motusque capiunt inde quoque detrimentum. Sanguis denique arteriosus, qui est secundus impetum faciens, torpide, inæqualiterque in fibras musculosarum tunicarum vasorum serpit . Quibus positis, vasorum distensionem obtusior sequitur irritationis sensus, languide, segniterque Natura in irritationem insurgit , vasa neque celeriter , neque frequenter movet , sed vix naturali frequentiore excitat pulsum , sæpius etiam naturali rariorem , huncque tam cordis , quam arteriarum : quo ab Natura cautum est , ne citissime pereat circulatio sanguinis ; sic enim pigerrima sanguinea massa minus angustum spatium habet ad ingrediendum ex vena cava in dextrum , e pulmonari vena in sinistrum cordis ventriculum , quin multum a contractione ipsorum retardetur . Ita rarius contractis corde , & arteriis, pariter e ventriculis cordis in arterias , per earumque similiter languidos fines paulatim emittitur , atque elabi finitur concreescens quidem , sed lubricus sanguis , in venasque transire , concessio idoneo tempore commode egrediendi, quin antecedens nimia, nimisque frequens angustia , & pressio universam talis sanguinis circuitionem in præsentaneum vitæ periculum remoretur ; Hinc in principiis harum febrium , dum magis eminet crassities , quæ minus movetur, & magis distensione sanguiduca vasa irritare solet, frigus est non forte , sed valde diuturnum ; nam eadem remissio contractionis cordis , & arteriarum efficit, ut crassities minus retineatur, stringatur, atque attenuetur, cumque plurima ea sit, tardeque solvatur, frigus minus intensum , sed longum facit.

Calor quoque blandus est , maxime matutinus , quia calorem in sanguine , & per consequens in corpore præstant duo , scilicet vel sanguinis velox circuitio , vel in spisso , ut ajunt, inflammatorio partium sanguinis mutuus collisus , & confricatio , dum subsequens antecedentem pigriorem urget.

oriturque inter sanguineas partes conflictus, & motus quidam celer, ac perturbatus particularum sulphurearum sanguinis jam solutarum, nam crebra confricatio violenta etiam a duobus lignis scintillas elicit, & frequens malei ictus percussum clavum magnopere calefacit. Sed hic duo ista defunt, quoniam tardus est (quoad primum) sanguinis circuitus; & spissus quidem est, densusque sanguis (quoad secundum) verum affricatus inter ipsius sanguinis partes prohibetur ab interpositis partibus viscidis chyli crudi, ac multi, sanguineas particulas involventis.

Hinc etiam est, quod in his urina sanorum urinæ similis solita sit effundi; ut enim satura salibus, fuliginibusque sit urina, iterum opus est attritu, & confricatione commemorata inter sanguinis partes, ita ut ista abunde separentur, exemplo sint saturo rubicundæ urinæ sanorum, qui post vehementis corporis exercitium mingunt. Cum vero attritus, & collissus partium sanguinis ab tali intermedio chylo intercipientur, neque satis rubra cernetur urina.

Hæc ut evidentius probentur, neque inanibus cogitationibus inniti videamur (vana namque omnia, quantumvis ingeniosa, in Medicina, quæ ab Naturæ tramite discedunt, neque ab meris practicis observationibus petuntur) ponamus resistantiæ utriusque, nempe quantitatis, & cruditatis massæ communis partem demi; & quod ad primam, detrahan-
tur sanguinis aliquot uncia, en statim, quædam licet mul-
ceantur symptomata, nimirum capitis obtusitas, turbatio,
corporis universi torpor, oppressio, ligamen, & similia,
ipsa tamen febris sensibilius affligit aliquatenus micans, ne-
que amplius tam dolose latens, pondere ad minora redacto,
circuitioneque sanguinis minus cohibita. Quod ad secundam,
cacochymia notabilis portio educatur, ecce magis expandi-
tur, & crescit febris; etenim ablata e massa sanguinis ista
chyli crudi parte, circuitio sanguinis ejusdem adhuc quidem a
mor-

morboſo reliquo implicatur, ſed minus, quam antea irritatur; hinc ſpiritus animales minus culpabiles, pluresque, quam prius ſeparantur, ſenſusque, & motus magis expediuntur; quare pulſus celerior, & frequentior fit, minusque inæqualis, aut inſtans; quum autem ſanguis recta nequeat impelli ea celeritate, quæ acceptorum iſtum momento æqualis fit, quia ab reſidua impeditur materia, in latera vaſorum impetus non parvus regeritur, unde vaſorum diſtenſio major, atque a diſtenſionis dolore major actio: attenuatur, diruiturque interpoſita minor, quam ante, cruditas, & globuli ſanguinis ſeſe mutuo collidere incipiunt; ex his febris vehementior, acceſſio fortior, calor vere febrilis, urina rubicundior.

Id, ſi libet, experiamur ad probandum aſſertum; cæterum eandem febris ſpeciem ab arte intactam reſpicientes; quoniam maſſa communis, ſtupida, torpenteque Natura, minus conteritur, atque agitatur, quam in aliis febribus, ab corde, arteriisque, ſequitur, ut ea ſimul omnis magis, magisque lentefcat, atque in coagulum deterius tota ruat (ſic ſæpe videmus in huiusmodi febre, præcipue proveſta, ſanguinem phlebotomo, tunc primum inſiſto, ægerrime exire) & decreſcat ſpirituum ſecretio, ita ut ipſi in ſtatu morbi, quo tempore maximum eſſe ſolet in aliis febribus certamen, neceſſitati non ſatiſfaciant; quapropter nil mirum, ſi tunc graviffima mala, quaſi ex inſidiis erumpant, & appareat potius attonitus ſopor, ſtupor, oppreſſio magna ægrotantis, quam multus calor, & par rebus febris intensio; ſique cum pulſu id non portendente in agonem ferantur ægri; quum pulſus tunc minus inæqualis, fortiorque paulatim fiat, ob magis univerſalem diſtenſionem vaſorum, eorundemque tunc ſolum valde irritatorum intensiorem laborem, ex quibus orgaſmi majores in dies, periculoſioresque inducuntur, & inde circuitioſis ſuffocatio fatalis.

Chylum modo cum sanguine magis mixtum considerare-
mus, & ad alteram classẽ Febrium progrediamur, quas
æquales, constantioresque nominamus, quasque majores no-
stri nuncupabant *omotonas*. In quo humiliter Lectorem mo-
neo, æquales a nobis non absolute dici, tanquam ubique
similes sint, etenim aliquam vicissitudinem, & inconstantiam
in symptomatis, aut in horum aliquo præferunt, quem-
admodum ex signis communibus constare poterit, quod &
alibi innuimus; sed æquales appellari, comparatione cum in-
æqualibus facta; sicque alteras inæquales, æquales alteras
vocamus, ad distinctionem. In illis minus, in his vero
chylus magis, & ubique cum sanguine miscetur, non tamen
omnino, ac perpetuo æqualiter.

Harum autem æqualium primam speciem, diximus;
senioribus effætisque, secundam junioribus, bonis, ac cœte-
roqui sanis temperamentis advenire. Præterea chylum cru-
dum cum sanguine male misceri, docuimus, quando ejus
crassities eminet supra molem partium, seu massularum san-
guinis. Sanguis porro non in omnibus unius est qualitatis;
senilia excrementosa corpora crassiores habent sanguinem,
juniora, ac temperata tenuem. Si chylus crudus crassissi-
mus in primis istis ab initio congregetur, qualis ex mala
materia, cum crassitie sanguinem superet, febres facit inæ-
quales graviores, insidiosas. Sin autem ob nimiam præsertim
vetusti, aut inutilis sanguinis abundantiam in iisdem chylus
crudus paulatim congeratur a victu consueto, etsi tempore
decrefcentibus viribus, chylus quotidianus etiam crassus tan-
dem in sanguine remaneat, quum & ipse sanguis crassus
jam sit, ob antea unitos, & conglutinatos globulos, ab
præcedente, ac jamdudum gliscente chylosa, primo in ex-
ortu plus viscida, quam crassa, cruditate (siquidem istius-
modi valetudinarii homines cruditatem incipientem ferunt,
& quamvis non bene se habeant, non tamen statim febri-
citant)

citant) crudus designatus chylus superadditus sanguineis massulis, mole, & pondere eisdem ferme æqualis, & per consequens cum sanguine pari passu veniens ab eodem vix discernetur, sed cum eo confundetur, atque miscebitur; Hinc cum totus ubique contaminatus sanguis sit, ubique, ac fere æqualiter resistit, spiritus ægroti quidem, sed æqualiter subministrantur, unde sensus, motusque haud inordinate, veluti in inæqualibus, sollicitantur, neque multum, quia in senibus effætis sensus, motusque torpent, ex quibus æquale, quasque mediocre certamen, Febris æqualis, pulsus semper moderate frequentes; duri autem ob plenitudinem, & difficultatem recti itineris massæ communis, atque ob idcirco majorem ad latera arteriarum antiquarum, ac semicallosarum impulsus. Rarum in principiis harum febrium, exiguumque frigus, quia mixta, dicta ratione, materia non ita circulationem retardat, ut frigus faciat; ex altera autem parte obtusa sanguiduca vasa, spiritibus paucis, & languidis instructa vix stimulum sentiunt, neque adeo constringuntur, ut enascatur crassiorum jam descripta separatio. Calor fere remissus, quia sanguis lente circuit, & non datur conflictus, eum impediens nimia plenitudine massæ communis, & sanguinem involvente admixta viscida cruditate. In exacerbationibus, aut in externo callido ambiente, aut ab aliis calefacientibus non raro accedit flammeus æstus, caput, & dorsum affligens; estque pars minus cruda superflui, chyli, longo attritu attenuata, ac eliquata, quæ ob redundantiam massæ, atque onustæ, segniorisque Naturæ impotentiam, eliminari apte nequit, antiquior, & oleosior, quæ in partes fertur minus resistentes, quemadmodum caput, aut capaciores, quemadmodum magna vasa ad dorsum, atque hæc, tanquam quid sulphureum, regiones istas calore quandoque perfundit. Caput præ cæteris semper

per gravatur ; quia præ cæteris excedentem sanguinis copiam, & cruditatem sentit.

In secundis, nempe in illis, qui sanguinem tenuem habent, chylus itidem crudus congregari potest; proque diversitate pariter causarum procastarticarum vel congeritur crassus, vel tenuis. Si crassus, febres inæquales facit, quod ex supra traditis satis perspicuum; si tenuis, licet crudus, ubique miscetur, ubique retardat circuitionem sanguinis, quasque æqualiter perpetuo irritat, hinc febris æqualis. Exacerbatur hæc quidem, sicuti & pleræque cæteræ acutæ horis fere vespertinis, quia novus quotidianus chylus, etsi bonus, tenuisque, crudæ massæ communi additus repletionem, & lentorem, indeque vasorum distensionem, laboremque gradatim auget, unde motus sensim intenditur, & soluto lentore per motus augmentum, rarefactio inducitur, maxime sub occasum Solis, quo tempore etiam atmosphaera ut plurimum rarior, & levior, quod & thermometra indicant, vasa minus firmat pressione, ex quibus majus irritamentum, & febrilis vespertinus vigor. Calor intensior, ac universalior ex eo nascitur, quia in hac specie exercetur inter sanguinis partes conflictus, quum hic a tenuiore, minusque viscida cruditate minus impediatur, immo ab eadem, quæ interdum est & sulphureo-salina, aliquando intendatur, atque etiam inter hujusmodi solidiora chyli corpuscula vigeat, ac inter ipsa, & particulas sanguinis; ab acriore autem ista pugna, atque ab earundem partium solutione calor perennis fortis, atque universalis. Quæ per causas procastarticas, non omissis accidentibus, luculentius significabuntur.

Diximus, chyli cruditatem tum a nimia sanguinis abundantia, cum a mole massæ communis excedente, seu ab ejusdem rarefactione generari. In rarefactione autem, omnium etiam miscella contingit, unde febres æquales. Mul-

ta vero sanguinem rarefaciunt, atque exinde omnia miscent, hujusmodi præ cæteris sunt labores, exercitationesque corporis violentæ; impedita sanctoriana transpiratio; abusus vini generosioris, liquorumque fermentatione confectorum &c.

A laboribus violentis & cruditas, & rarefactio, sed & mixtura ferme æqualis, si chylus qualitate mediocris, & quantitate non admodum opprimente ingressus fuerit; hinc febres æquales cum exacerbationibus, cujusmodi exempla proposuimus in lassitudinariis æqualibus Hippocratis.

Transpiratio dupliciter deficere potest; nimirum quotiescunque a sanguine non secernitur perspirabilis materia, & quotiescunque tanquam secreta retinetur. Quum itaque vel ob vitium sanguineæ massæ, vel ob atoniam vasorum, sicuti in foeminis, & semiviris (in quibus haud tantum cutis mollioris causa, sed & debilis motus vasorum, & præcipue desidiæ, quietisque corporis, hujusmodi secretio minus promovetur); vel ob cruditatem indigestorum non separatur a sanguine, inde sanguis ipse superabundat, mensuris evacuationibus, seu phlebotomia demendus, qui si talis sic relinquatur, ac supersit, præ copia non immutatur, & chylus per consequens in sanguinem non convertitur, febresque ex chylo exoriuntur, ut jam memorati sumus, conditionis hujus, vel illius, pro dispositione diversa. Verum quando perspiratio jam præparata, seu separata a sanguine impeditur, quominus per secretoria, atque excretoria cutis & pulmonum exeat, atque ab aliqua externa causa repressa in sanguinem remeat, in eoque remanet, rursus verum multa est, repente cohibita, & brevi coacervata, vel sensim imminuta, & parcius, tardeque congregata. Præterea vel acrior est, vel mitior, pro temperamentorum, aliorumque accidentium varietate. Denique vel eam impediam sequitur jejunum, saltemque parcius solito victus, atque plenior, & implens. Pro fortuitis hisce diversis, nasci possunt,

sunt, vel non nasci febres, atque illius exoriri, vel alterius naturæ, & generis. Transpiratio, quæ multa repente cohibetur, & acrior est, quum generaliter perspiratio prohibita & capitis dolores inferat, & artuum confractiones, ex Sanctorio, ratione, atque experientia, etiam Ephemeræ, & Sinocas simplices dictas, nisi alia cruditas misceatur, generare valebit, simplici, hætherogeneo quidem, sed prius elaborato, & concocto *ad tertiam coctionem*, excremento repleta, turbata, morboseque rarefacta sanguinis massa, quæ in aliquibus nocturni spatii, in aliquibus biduo, in aliis aliquot diebus, nisi alia obstant, plerunque depuratur. Cæterum transpiratio sensim remorata tum per copiosiores subsequentem perspirationem, tum per alias vicarias abundantiores secretiones consumi potest, tum per depositionem ad membranam adiposam, & cutem, a sanguine diverti: *Si ex staticis deprehendatur, impeditam esse perspirationem, diebus sequentibus vel succedet plenior perspiratio, vel aliqua evacuatio sensibilis plenior, vel cachexiæ vestigium, vel febris.* Sanctor. in Stat. de ponderat. Aph. 11. tum pauco, & perspirabili alimento corrigi valet, ac dissipari: *jejunium corpus suo majore pondere* (ob imminutam transpirationem, in quo solubre dicit idem jejunium Aph. 32. de cib. & pot.) *insignitum juvat.* Aph. 70. pariter de cib. & pot. *Si post mæstitiam* (quæ ex pluribus ejusdem gravissimi Auctoris locis perspirationem sistit) *corpora fiant leviora &c. id ex necessitate fit vel ob minorem ciborum quantitatem, vel ob eorum qualitatem magis transpirabilem.* Aph. 18. de Anim. Affect. tum exercitio corporis, ac potissimum Animi: *Ubi transpiratio in sanis deficit, exercitio sarcitur.* Aph. 34. de exercit. & quiet. *Corpus quiescens magis perspirat, & minoris ponderis fit, si Animo vehementer agitetur, quam si celerrime corpus moveatur, Animo permanente otioso.* Aph. 35. de Anim. Affect. Quamobrem generaliter inhibita perspiratio ex se sola

raro fuscitat febrem. Quod si huic restrictæ perspirationi accedat chylus copiosus, & implens, quum is ob plenitudinem, rarefactionem, Naturæque perturbationem, ex retenta perspiratione enatas, non concoquatur, cruditatem parit, & repletionem, a qua in dies magis per quemcunque victum deprimitur virium cum hac eadem resistantia æquilibrium, unde sanguifera vasa majore pondere gravantur, fortiusque distenduntur, ac stimulantur, febrisque gignitur ex chylo; neque enim febris statim ab impedita transpiratione suboritur, nisi ea, sicuti dictum, multa repente, & acris cohibeatur, sed *diebus sequentibus* ex eodem Sanctorio, in primum allato aphorismo, atque adeo in altero, in ejusdem perspirationis imminutione laudat jejunium; neque alias cohibet secretiones in sanguine modice restitans sola parata perspiratio, cum ex citata Sanctorii doctrina, & per se uberius, & per alias auctas secretiones non raro exoneretur, utpote concocta, tenuis, ac stimulans, contra ac chylosa cruditas, quæ in sanguine congregata ab eodem nunquam exire consuevit, antequam per febrem, aut per remedia concoquatur; immo ipsa chyli cruditas aliorum omnium humorum concoctionem, digestionem, atque excretionem implicat, ac remoratur; ex quo citissime tarditas circulationis immodica turgentis massæ communis, distensio, atque irritatio vasorum, febris. Ista itaque transpiratio quum sales etiam admixtos habeat (quod vel per experientiam innotescit, nam omnis perspiratio aliquantum acris est saporis, & linguam ferientis) ipsi sales una cum crudescente chylo, in sanguine existente, confunduntur, efficiuntque, ut ille, nisi sit ex mala materia, nimium per se crassa, & glutinosa, cum sanguine magis misceatur, etenim illius viscidas particulas spiculis suis paulatim incidunt, dividentesque comminunt, & solvunt, simulque iidem vasa sollicitant, unde fortior, crebrior, constantiorque eorum motus, ex quo ad-

huc

huc major contritio cruditatis, ejusdemque mixtura quasi æqualis in massa, quæ ideo minus inæqualem, magisque universalem infert distensionem sanguiferis vasis, hinc minus dissimiles eorundem labor, ac motio, unde æqualitas febris.

Præterea ad æqualitatem maxime accedunt hujus generis Febres, quando chylus superexistens, atque crudescens, ex tenuiore, spirituosioreque est materia, quemadmodum præ cæteris est chylus ex liquoribus vinosis quibuscunque, tum ex aliis salino-sulphureis alimentis; talis enim & sanguinem implet, & primum rarefacit, & æque miscetur (etsi postea totum sanguinem spissum reddit, febre solvendum) similiterque, & ubique vasa tendit, distrahit, laceffit, unde æqualis febris typus. In hisce itidem duplex stimulus: alter a plenitudine impura, & tarditate circulationis, alter ab acredine cruditatis; quapropter hæ febres & habent pulsum reliquis frequentiore, & minus dissimilem, & vividiorum calorem perseverantem, & urinam rubro colore saturam, igneam emittunt, quia, ex supradictis, omnia ad invicem confricantur, atque solvuntur.

Calor externus Solis, balneorum, hypocausti, cruditatem quidem similiter parit, sanguinem rarefaciendo, veruntamen pro ejus, & chyli diversitate diversas febres inducit; etenim istæ omnes causæ vel singulæ existunt, & remissæ, modicaque fortuito chyli quantitas in illis crudescens, breviterque concoctilis, atque Ephemeræ faciunt cum typo harum æqualium; vel omnia intensiora sunt, & Synocas putridas Antiquorum generant.

Et aliquando hæc accidentia, quæ cruditatem cum sanguine miscent, caloremque æqualem pariunt, cum accidentibus conveniunt, quæ miscellam implicant, calorem deprimunt, inæqualesque reddunt. In hisce si plus existat crassi, & viscidum, magis inæquales erunt febres, & calor quandoque naturali minor, quia crassities, & visciditas
exce.

excedens oppositas alias minores qualitates superare valet, atque coercere; istiusmodi inæquales esse diximus lassitudinarias in obesis, bene pastis. Sin autem plus undecunque accesserit tenuis, acris, atque miscentis, magis æquales erunt febres, callidioresque, sicuti lassitudinariæ æquales. Si vero utrorumque oppositorum tantum insit, ut pares sint utrorumque facultates, mediæ quædam, seu de utroque participantem nascentur febres, veluti lassitudinariæ illæ Hippocratis cum *neglecta victus ratione*. Sicuti in reliquis suis operibus, partibusque Natura non ab una ad aliam speciem sine medio procedit, quod cum Tullio celeberrimus Vallisnerius sapienter observat, ita neque in morbis ordinem-hunc videtur omisisse.

Nos autem distinctam classem intermediam non posuimus, quia omnes Febres vel distincte, sensibilibusque invadentem accessionem habent, vel crescentem paulatim, ac quodammodo insensibiliter exacerbationem, indeque primas inæquales vocamus, secundas æquales. Etenim nobis differentias classium, specierumque harum Febrium ad distinctionem ponere volentibus haud iste ordo servandus erat, quo Natura suaviter, ac per quasdam interpositas affinitates, similitudinesque, omnes propemodum febres connectit, atque concinnat. Naturæ enim sapientia nobis difficultas. Ac nisi talis modus datus esset opportune, breviterque discriminandi, & nimis fuissent dissertationum ambages, & semper aliquid intermedii nihilominus praxeos exercentibus oblatum fuisset.

Nobis profecto, posteaquam chylum male, inæqualiterque cum sanguine mixtum tam in generali, quam in particulari explicavimus, in Febribus, tum quasi æqualiter mixtum, ubique scilicet interfusum, restat ut chyli ex dissimilibus quidem cruditatibus nuper adumbratis (quarum alia cum sanguine sociatur inique, alia probe componitur, atque ubi-

cunque miscetur , veluti si quis aquæ oleum infundat , & vinum), sed particulariter, maximeque morboſi , ita ut diſtincta inde exurgant inſignia quædam , allatis vulgaribus terribiliora ſymptomata , hæc eadem producta exploremus , in hiſce peculiarem aliam Febrium Speciem cœterarum pernicioſiſſimam , non intermediam claſſem , propter modo traditas rationes , conſtituentes .

Sic quando in eodem corpore aliquot ex diverſis cauſis procaſtarticis (quæ ſingulæ , aut binæ ejuſdem characteris , aut ſimilis indolis , diverſas Febrium harum ſpecies conſtituunt , aut quæ licet eſſentia , ac vi differentes , oppoſitæque , attamen & non ingentes , & paucæ quaſdam febres etiam acutas majores , periculofaſque , de inæqualibus , æqualibuſque aliquid participant , ſupra designatas procreant) fortioribus , ſimul confluunt , uniuntur effecta , atque ita exaltantur , ut conſuetis majora appareant , multiplicatis hoſtibus , reſiſtentia , diſtenſionis ſenſus , viriumque detrimentum , & languor , ac Febres mali moris , atque adeo malignæ propignantur ; quæ ipſæ vel inæquales ſunt , vel æquales , prout cauſæ viſcidiores , aut agiliores oppoſitis quoquo modo prædominantur .

Neque multum nobis arduum videtur Febres ex chylo Malignas theoretice exponere , quinimmo per noſtra principia commodius , clarius , ac ſimplicius explicari poſſe , conſido , Malignas Febres : tam epidemicas , quam ſporadicas , tamque ſalubres , quam læthales earundem exitus , omniaque , & ſingula earum phænomena .

Ubi igitur in quopiam corpore aliquot procaſtarticis cauſis , natura , & facultate diſſimilibus , oppoſitifve , intenſioribus cauſa efficiens , & proxima noſtrarum Febrium innititur , permagna fit cruditatis pravitas , & vis multiplex , quæ ſimul reſiſtentiam diverſimode multiplicat , & vaſorum moleſtiam , ac dolorem exacuit . Quare in hiſ citius , quam

in aliis febribus, retardatur sanguinis circuitus, crescitque irritamentum, quod reipsa sentitur, & manifestatur per dolores, qui totum corpus veluti frangunt, quique fortiores, & magis universales in his periculosissimis febribus, quæ *petechiales*, & malignæ futuræ sunt, quam in aliis acutis majoribus, perseverant; Hinc pulsus cordis, & arteriarum, *ab initio fere naturalis*, quia sub tanta sarcina torpent, ac languent vires vasorum, ab irritatione permagna, & crescente multo frequentior fieri cogitur: sic in vulneribus membrum primo torpet, deinde clonice convellitur, ac tremit; Veruntamen inde tardius circumeat sanguis, oportet, quia etsi Natura frequentiore vasorum contractione defectum supplere, & sanguinem pellere satagat, tamen is lentius it, ea ipsa de causa, quia nimium frequenter contractis corde, & vasis, non datur tempus aptum sanguini ad ingrediendum in ventriculos cordis, atque ad exeundum ab arteriolarum finibus, unde *pulsus frequentia major, quam pro ratione caloris adaucti*. Frigus vero notabile, hisce licet positis, in morbi progressu, & statu, raro sequitur tantam, & in dies, ne dicam in horas, auctam tarditatem circulationis sanguinis, quia cum tardissima sit eadem circuitio, simulque vasa frequentius agantur, massa communis motu quodam intestino necessario perturbari incipit; idque tum quia omnis, quantumvis crassi, mixti, impurique humoris, in mobilem, seu extrinsecam vi in motum adauctum canalem infusi partes, nisi permittantur, ut recta fluant, circa proprium centrum feruntur, & cum immixtis subsequenter quodammodo colliduntur, si interim in eundem canalem novum liquorem infuderis; tum quia heterogeneæ, ac diversæ indolis cruditas jam ab crebriore vasorum contractione, atque a motu intestino, ac percusso particularum massæ communis aliquatenus divisa, & sanguini interposita, dum ad reciprocam rursus unionem singulorum similium contendit, alterum

rum motum excitat , qui eo magis viget , quo minus fluit sanguis ; hinc continuatus fermentationis hic motus circuitio-
ni expeditiori , quoad calorem aliquem faciendum , æquiva-
let . Ipseque harum febrium , quantumcunque sit , calor ab
externo calore multum fovetur , externo frigore supervenien-
te imminuitur , ac cito cohibetur , sicuti calor cujuscunque
fermentationis , atque putredinis ; sæpe enim evenit , ut hu-
jusmodi ægrotantes regimine callidiorē ferventes , admissō
frigidiusculo aere , facile perhorrescant . Sed non diu id Na-
tura ferre potest , nam perquam vehementer laceffita , præ-
sertim in febrilibus exacerbationibus , in quibus , ut jam do-
cuimus , sanguis intra arterias maxime coacervatur , orgas-
mos solvere nititur , sanguinemque commotum , ac intra se
tumultuantem , ex angustis , nimiumque crebro contractis
finibus arteriarum , impredientibus chyli particulis rudioribus ,
ac viscidioribus , tardius , ac difficile exeuntem , nonnisi æ-
grius , laboriosius , lentiusque depellere valens , ab enormis
tamen distensionis , distractionisque vasorum stimulo irrita-
ta , quanta potest vi in arteriis sanguinem urgens simul ef-
ficat , ut is in lymphatica lateralia , emollita , atque dilata-
ta a sudoribus copiosis symptomaticis , ab circulationis ni-
mirum tarditate expressis , atque lubricata , detrudatur , sic-
que pellatur ad cutem , unde peticulæ fiunt , & ut massa
communis in putredinosum motum adigatur (intermedio ae-
re undecunque compresso , ac frequentiore vasorum systole ,
& creberrimis particularum massæ ejusdem ictibus agitato ,
se se restituere tentante , ac rarefaciente , & jam multipli-
ces , confusasque particularum earundem directiones , refle-
xionesque numero augente , magis confundente , perturban-
te , massamque universam alterante , dissolvente , corrup-
pente) unaque cum chylo in putredinem feratur . In quo
miserrimus fatiscentis , stimulatae Naturæ motus ab oppres-
sione , atque irritatione inditus , peculiaris exoritur , compo-
situs .

situs ex motu tardissimo circulationis sanguinis, ex motu violentissimo languentium, stimulatorumque vasorum, atque ex motu intestino, & putredinoso massæ communis. Ab his autem unitis motibus volatilior, ac tenuior exprimitur ex universa putredine portio, miasma nempe malignum, & contagiosum, idque vitiosa, ac symptomatica perspiratione cietur. Quantum vero valeant mutati, & diversi motus vasorum, progressionis sanguinis, atque intestinæ ejusdem agitationis, ad commutandam, invertendamque, etiam antea sanam, sanguineam massam, patet ex sudore foetido, quem notat Celsus, corde vulnerato, prorumpente, Medic. lib. 5. cap. 26. num. 8. *de signis percussæ Cordis.*

Multi multa loquuntur de miasmatis, deque damno ab iisdem allato, saniores quidem Scriptores tenent, miasmata spiritus afficere, sed non bene explicare videntur hanc affectionem. Alii occultam qualitatem accusant, quod idem est, ac nescire. Alii nimium generaliter miasma nuncupant venenum, sed venena diversas ab hisce descriptis febres mali moris pariunt, prout ex utrarumque symptomatis liquet. Post hos alii sunt, qui eandem sententiam, sed peculiari modo sectantur, ac plures acria, quidam acida miasmata putant, eaque acri, aut acida vi agere, opinantur. Veruntamen hæc quoque, quando summopere nocent, alia sensibilia mala inferunt: immanes ventris torsiones, lypothimias, evacuationesve enormes, crudeliores convulsiones, viscerum erosiones, inflationes diras, mortemque citiorem. Nos ex solidis animadversionibus hæc inferimus: Jam notum est, acceptumque, ad spiritus animales conficiendos & partem puriorem sanguinis, tenuiorem, ac volatiliorem, quæ vitalis spiritus dicitur, & aerem simul concurrere, ex quo potissima illorum vis pendet; serenis enim diebus, aereque puriore perflatis, majorem agilitatem, & promptitudinem motus animalis, facilioremque mentis discursum, indeque hilariorem tranquillum sensum quendam in nobis met

ipsis experimur (unde Hipp. de morb. sacr. *aerem ad sapientiam, & motum conferre*, docet) quam diebus opacis; quin immo pluviosis, ac nebulosis temporibus torpore, seu fœcordia quadam & corporis, & Animi cum molestia, & tristitia afficimur. Tantum potest in nobis dicta de causa aer, ut is in quibusdam regionibus, multis, crassis, cœnosis, palustribus exhalationibus densus, & inquinatus endemias febres non raro malignas producat, atque advenis statim easdem incutiat; quia nempe ex aere tali spiritus generantur pauci, hebetes, admodumque torpentes, qui solidum, etiam ab eodem aere atonicum, male movendo, digestionibus, secretionibusque servandis impar reddunt. Quamobrem eo magis febribus hisce malignis progignendis aptus erit aer scatens tetro miasmate, quod ab sanguine, & chylo simul putrescentibus, tanquam spiritus quidam putredinis, violenter secretum est, quodque ideo est quid summe corruptum, ac morticinum, volatile quidem, quia ex ægri sanguinea massa, cum aere rarefacto, per pulmones, & cutem erumpit, quemadmodum crudus mortuus lignorum humor, ab ignis calore in extraneum motum concitatus cum aere rarefacto e lignis iisdem secedit, atque in fumum avolat; ita ex Sanctorio in static. de ponderat. Aph. 75. & 77. *Perspirabile habet duas partes; levem scilicet, & ponderosam. A parte perspirationis ponderosioris contagiosæ infectiones una cubantium proveniunt; leve enim avolat, ponderosum vero adhærens coinquinat.* Idque itidem miasma, ab aere delatum, eique penetratum, in alios & per inspirationem, & per cutaneos poros, & præsertim per salivam descendentem, transit, inque illorum sanguinem ingreditur, atque cum tenuissimis particulis, ac volatilibus sanguinis, jure quodam similitudinis, commiscetur; unitis vero corruptis, morticinis miasmatibus cum spiritibus vitalibus, torpescere incipit horum motus, a quo sanitas eorundem conservatur, deinde

simul paulatim tabescunt , morticinis , & corruptis admixtis particulis , agilitatem subtilissimorum atomorum , spiritus componentium , impedientibus , & complicantibus , compagemque sic relaxantibus , ac destruentibus , quemadmodum a fummo flamma sensim debilitatur , extinguiturque ; hinc perniciosissimi sunt halitus apertorum sepulcrorum , quia ab cadaverum fermentatione , & putredine , morticina corrupta miasmata diffunduntur ; & præ cæteris morbis , malignis febribus ex Rammazzino de morb. Art. de Vesp. Mor. obnoxii sunt illi , qui in sepulcris cadavera sepelientes frequenter versantur .

Miasma igitur afficit vitales spiritus , ac destruit , destructis spiritibus vitalibus secundum magnam partem (haud enim omnes vitales spiritus concidunt , nisi interdum in effera Peste) spiritus animales multo parcius regenerantur , hinc massa communis , jacentibus etiam spiritibus vitalibus , inertior , quam antea , ab vasis propter inopiam spirituum languentibus minus movetur , ac territur , unde statim chylus cum sanguine circulans , neque tritus , neque subactus crudescit , circulumque sanguinis retardando , vasa premit , insigniterque distendit , unde stimulus distensionis in vasis universis , febresque nascuntur , quæ in malignis ipsis , epidemicis , contagiosisque constitutionibus omnes quidem ex chylo sunt , multæque malignæ , veruntamen non omnes , quemadmodum observavi , sed pro aliis causis procastarticis , aliisque dispositionibus , diversi sunt febrium characteres . In causa pravi chyli communi plures homines impuro chylo ponderosum sanguinem , spiritusque vitales , animalesque jam cacochymia affectos , vitiatos , indeque semivivos gerunt ; nam passim tradidimus ab impuro , crudoque chylo contaminato sanguine paucos suppeditari spiritus , imperfectos , hebetes , languidos , ægrosque , quia cruditatem sanguinis primi sentiunt spiritus ; quapropter ægrotantes spi-

ritus ,

ritus , & a solo ferme bono aere vitam habentes , addito , pro bono , infecto aere , & miasmate adacto , facillime , & citissime exsolvuntur , non secus , ac si ægro jam languenti homini , pro refectiōe , & levamine , Mezentii more aptes cadaver ; unde in maligna constitutione facillima , ac citissima disseminatio contagii ; nam miasmatiss accessio causas numero auget procactarticas , atque efficientem intendit , sicque frequentes sunt in causis variis , universalibus , & maligna constitutione epidemica febres vere malignæ . Facillime omnium contagium capiunt homines cruditate laborantes , videlicet viventes inordinate , maleque dispositi , quia jam ægri in illis spiritus , & massa sanguinea impuritate gravis , debilitatis etiam a contagione epidemico viribus , quæ illam quomodocunque trahebant , statim permagni fit oneris , ac fere etiam acutioris stimuli (quia mala vitæ ratio cruditatem generis cujuscunque , diversæque indolis , ideoque etiam per se pungentem , atque adeo tumultuantem conglomerat) malignæque febres adoriuntur . Mediocria quædam temperamenta , seu media , accepto contagio , aliquot dies impune degere videntur , verum , antequam finiatur constitutio , maligna decumbunt febre : capto contagio , conciderent vires , satis constat ex supra allatis , tum imminui secretiones , magnamque cruditatis copiam paulatim accumulari , quæ si ex dissimilibus facta sit , in dies magis , enormiterque Naturam gravat simul , ac intime irritat , atque ipsa constitutione putredini favente , malignitatem plerunque in febres accersit . Robustissimi , ac sanissimi quidam , quive secretionibus seu naturalibus , seu artificialibus aptis , & perennibus emundantur , in epidemia , & contagio , vel levi ægrotant febre , vel incolumes degunt ; robustissimos enim hominum raro , vixque lædunt causæ communes , quæ alios premunt , & siquando ab miasmatibus , aeri communicatis , pars spirituum ipsis vitiatur , haud statim succumbit , ac
deci-

decidit, quum hi spiritus ex unica tantummodo parte laborent, nempe ex miasmate adjuncto; non statim, inquam, pereunt, sed adhuc moventur in sanguine, suisque muneribus, cum fociis quoquo modo funguntur, nimirum sanguinem factis movent, miscent, mutant, vivificant, ita ut interim alii reparentur vitales spiritus (liquidem deleteria epidemica aerem assidue, æqualiterque non occupant, & per consequens haud semper similiter inficiunt; aer enim ventis non raro immutatur, nec semper eodem gradu tetra urget constitutio, ipsaque Pestis, notante Sydenham de feb. pest. & pest. nec non de dysenter. ann. 1669. 1670. &c. initio atrocior est, quam ubi morbus adoleverit, monetque idem constitutionum morbosarum observator egregius, quosdam epidemicos morbos gravissimos, & principes non assidue, sed alterne sævire; sic sancitum est a Deo Optimo Maximo, *qui eos, qui exerrant, partibus corripit, dans locum pœnitentiæ*, quemadmodum habemus in Sacris Litteris, Sapient. cap. 12. & videre est in epidemiis nunc multos ægros, & multa funera, nunc paucos, minusque ægrotantes, ac vix ullos emori) in spiritus animales evasuri, per secretionem in cerebro, suasque functiones strenue perfecturi; damnosum autem morticinum inficiens, a sanguine cæteroquin puro, vividoque tandem circulatione discussum, vel per pustulas, vel alio modo eliminatur; quod siqua ex contagione, atque ab alia causa recens subrepat simplex cruditas, tanta in his non congregatur, ut putredinem inferre valeat, sed per febrem in alacri corpore propere excitatam concoquitur & ab Natura feliciter expurgatur: Quibus autem, in ipsa epidemia contagiosa, evacuatio aliqua viget, chylosa cruditas ante eliminatur, quam sanguinem adeo contamineat, ut maligne putrescat, & corrumpatur. Tum pro diverso in febribus regimine, aliisque contingentibus, consumatur, vel non consumatur contagium; sic nonnulli ex sobriis, qui
hisce

hisce febribus correpti statim evacuationes, & diætam, eisdem febribus convenientes adhibent, neque ab initio sudoribus vires perdunt, morbo validiori, in statu, sese opposituras, ut plurimum solent experiri febres aut mitiores, aut non malignas. Subjunximus: pro aliis fortuitis contingentibus, in eisdem febribus, enatis; etenim quibus etiam vehementer, periculoseque febricitantibus tumores oedematosis similes, præsertim post sufficientem detractionem sanguinis, aut copiosam hemorrhagiam, in artubus cito, paulatimque oboriuntur, ab massa sanguinea pleraque cruditate, rectæ circuitiois obice, & tumultus, & putredinis potissima causa, remota, forasque translata, malignitas non ingruit, aut saltem parcior, nec aliis æqualis, etiamsi maligna constitutio adsit, atque contagium; siquidem ex Sanctorio de Peste: *res ipsa peste infectæ inficiunt, quousque durant proximæ, & remotæ causæ, unica tamen deficiente, cessat virus, ad instar motus horologii, dum rotarum unico irritato dente, quiescit.*

Et vice versa in optimis constitutionibus, omnique contagio vacantibus, quotiescunque non communes, sed peculiare alicui homini, domuive causæ procæstarticæ, cujuscumque modi esse solent: mala, immo varie prava alimentorum materia, vinolentia, mœrores graves, diuturni, aliisque diris pathematibus confusi, callidior, immutatusque aer conclavium subterraneorum, sordidorum, & cœteræ similes conveniunt, atque internam ex se cruditatem progenerant, Febres malignæ sporadicæ fiunt, quæ miasmata emittunt. Ubi enim, absque accepto contagio, æquilibrium virium cum pondere varie deprimitur ab dictis, & circuitio sanguinis summopere retardatur tum ab excedente multiplici cruditate resistente, ac inter se tumultuante, tum a motu vasorum nimium accelerato, perturbatoque, propter insignis distensionis sensum, id satis est ad hoc, ut pene strangulata sanguinis circulatione, vasa maxime stimulentur simul, atque

atque opprimantur, & magis intestinus motus impurissimæ massæ, quam progressivus exerceatur, sicque sanguinea massa, absque accepto maligno seminio, maligna putredine alteretur (potissimum in febrilibus exacerbationibus, in quibus & maxima fluidi talis resistentia, & difficillimus rectus cursus, & vehementissimus a distensione dolor, vasorumque labor, ac motus, atque dissimilium partium confusio, perturbatio, pugna, dissolutio summopere vigent) detrudanturque conatu perquam violento, per multa lymphatica arteriosa particulæ massæ communis, incipiente putredine solutæ; unde peticulæ, & per alia eorundem exalent miasmatica corruptionis effluvia, unde contagii periculum. Hæc autem miasmata agunt in quædam corpora male disposita, seu similiter cacochyma, siqua sint, illius familiæ, ea præsertim, quæ diutius ægro affiderunt; nanque talis adstantium sanguinea massa ob discordem varii chyli cruditatem ægre repens, magis languente vasorum vi ob labem spiritibus ab contagione impressam, citissime a recto motu deficere incipit, hinc admodum tarde ex tali sanguine, talique adhuc segniori progressionem alii regenerantur spiritus imposterum, dum major est & ab incepta febre, & a quotidiano advecto chylo, semperque incocto, retardatio; quare Natura ab instantis suffocationis tumultu, ex oppressis, summeque irritatis vasis, fatiscente, perturbante, vehementissimeque urgente massa communi, suscitata supradicto modo inducit malignitatem. Sunt fere alieni immunes, etiam si ægrum, paulisper visunt, quia scilicet, ut supra vidimus, ad malignas febres procreandas haud una causa sufficit, sed plurium, diversarumque procactarticarum causarum unio, earundemque intensio requiritur. Hominibus, qui prævia fluidi communis cruditate, spirituumque impura infirmitate minime laborant, vegeta sanguinea massa spiritus in ægri vicinia fortasse paulum affectos novis, fortibusque

que cito supplet, & fulcit, antequam concidat æquilibrium, & morbosum ullum principium invalescat; ita ex Syncope quidam cacochymi in graves chylosas febres incidunt, sani autem vix quidquam aliud ex accidentali syncope capiunt detrimentum; Quæ omnia argumenta sunt, malignitatem non immediate dependere a miasmate, & contagione, tanquam a semine, sed magis pendere ab assignata cruditate chyli, in sanguine existentis.

Sic explicata phænomena contagii, & contagiosarum constitutionum epidemicarum, & Febrium intercurrentium Malignarum; restat igitur, ut Malignarum salubrium, & læthaliū, per eadem principia, rationem ponamus.

Exitus pariter harum Malignarum Febrium bonus, aut malus ab causarum procastarticarum earundem minore, vel majore numero, & quantitate, atque exinde a causæ efficientis, ac proximæ minore, vel majore intensione proficiscitur, unde Natura per malignitatem vincere possit, aut non possit resistantiam.

Ubi igitur in hoc morbo viget Natura, hæc in sanguinæ massæ semper tardius circumeuntis resistantiam, irritatione (dum cum sanguinis tarditate crescit causa efficiens) in dies aucta, paulatim insurgit frequentiore pulsu, quo motus intrinsecus particularum communis, in se variæ massæ, atque inter ipsas concursus magis inditur, ac incitatur, quam recta circuitio, unde in dies etiam major rarefactio accersitur; hinc gradatim exquisitior fit intimus dolor vasorum, atque in morbi statu ad violentissimum impulsū adducitur opere tanto, tantaque vasorum distractione afflicta, coacta Natura. Et in hoc violentissimo conatu & peticulæ, & miasmata exprimuntur, simulque causa efficiens, hoc eodem Naturæ impetu minor (tum quia non languet Natura, tum quia ipse motus intestinus, quamvis symptomaticus, & putredinosus, non parum huic rei con-

ducit, sanguinem solvendo, & sic eum rectæ propulsioni minus obstinatum reddendo) vinci, ac superari incipit, & circuitio sanguinis promoveri; sicuti in paroxysmo epileptico essentiali, atque humorali, vivide irritatis nervis, tumor, rubor, livor, in cute faciei apparent, & spuma ex ore, flatus inferne &c. symptomatice, atque involuntarie expelluntur, simulque eo nisu removetur, destruiturque, saltem pro ea vice, intima causa efficiens epileptici paroxysmi, materia nimirum occupans cerebrum, seu nervorum principia, & rectum spirituum iter impediens. Sanguinis vero circulatione ab irritatæ superantis Naturæ conatu, in dies melius directa, decrescit simul causa putredinosi motus in massa, atque expulsionis ad cutem, & pro his restituntur, sensimque augentur (sepe in tonum recipientibus fibris, nimis antea relaxatis, & pro symptomatica intrinseca solutione sanguinis, bonam attenuationem per rectum circuitum, & distributionem humorum Natura inchoante) primum eæ secretiones, quæ minore opus habent circuitiois sanguinis celeritate, videlicet sensibiles, & crassiores alvi, & urinæ, quæ talem impuram massam sanguineam omnium optime purgare possunt, atque ad rudi, putrido chylo liberare; hinc secundum maximam partem detracta resistantiæ causa, secretiones cæteræ quoque eriguntur, melioribusque separatim spiritibus refici incipit, & recreari Natura, functionibusque suis rite prospicere: recentem chylum bene præparare, concoquere, conquassare, in sanguinemque convertere, simulque digerere, segregare, atque excernere morbosas veteris, putrefacti reliquias, donec integre expurgato sanguine, salus tandem confirmetur.

Contra vero ubi causa major est, quam ab Natura in morbi stadio superari queat, quando nempe impura sanguinis massa magis resistit, quam ab illius corporis viribus, per ipsam etiam putrefactionem, corrigi possit, atque domari;

mari; pulsus initio morbi vel nimis frequens fit (five id ab irritatione chylosæ cruditatis nimium vasa distrahentis simul, atque pungentis, five id ab clonica cordis, vasorumque distentorum, particulariter sensibilibum facili convulsione procedat) vel nimis, inquam, frequens est pulsus, & parvus, vel languidus, & febrili rarior, naturali similis, vel de utroque participans, nempe inæqualis; istiusmodi enim solent esse pulsus, ubi supra Naturæ facultatem est morbus. Si pulsus nimis frequens, & parvus sit, circuitionem jam tardam lenti sanguinis reddit tardiores, minus temporis spatium, angustioresque locum sanguini concedens ægre commeanti. Si nimis tardus sit, & febrili rarior, debiliorque, circuitio profecto languet, sed quoquo modo aliquandiu protrahitur, licet sanguinis tantum repentis, ab vasis tenuiter conquassati morbosa lenta crasi in pejus labente, viribusque sensim imminutis, paulatim decreascit. Si tandem utroque excessu peccet, sitque inæqualis, varius, intermittens, circuitionem semper magis retardat, quia modo nimis frequenter vasa moventur, unde ingressus crasso, & viscido sanguini in cordis ventriculos difficilior, modo debito amplius quiescunt, neque sanguinem exprimunt; sic tarde ingredienti, tardeque exeunti perpetuo segnior circuitio, atque in hac pulsum varietate frequentes esse solent orgasmi in massa communi. Quamobrem unusquisque horum perquam vitiosorum pulsum, cum descripto sanguinis statu, prava potissimum constitutione conspirante, eo pene angustiarum circuitionem sanguinis adducit, ut amplius progredi nequeat, simulque dilatata vasa extra spheram activitatis jam jam pellantur; At Natura (quæ jam, crescente cum morbo vasorum distensione, eorundem motum auxit in cassum, atque adeo in damnum circulationis, quod patet ex iis, quæ alibi, ac modo etiam tradidi) majore, ac quanta potest vi spirituum paucorum quidem, ægrorumque, sed ma-

guo impetu descendantium, maximo periculo, dolorique occurrere frequentiore adhuc, & violentiore cordis, arteriarumque systole fatagit, præcipue in accessione, seu exacerbatione febrili, verum frustra, atque in malum, quemadmodum dictum; nam potius in lateralia lymphatica arteriosa sanguineæ, difficillime recta progredientis, massæ ab universali coagulo per fermentationem, seu putredinem incipientem solutæ particulæ truduntur, peticulas pravi, flavo-rufi, seu eruginosi coloris, ubi ad cutem venerunt, constituentes, & plurimo chylo putrescente refertam massam sanguineam demonstrantes, eodemque Naturæ nisu intestinus, putredinosus motus, exortus ab aucta pulsus frequentia, & celeritate, atque a tardiore hinc facta circulatione, sed præsertim ab diversarum cruditatum conflictu, crescit in sanguine, intenditurque, & inde contagiosum miasma generatur; veruntamen ab illo irritatæ, ac percussæ Naturæ conamine morbosæ causa, vires propellentes vincens, quum nil melius regatur, immo ab intestino perturbatiore putredinoso motu cum sanguine magis, magisque confundatur, cum eoque mixta, & computrescens symptomatice potius in lymphatica explodatur, quam ad conferentia secretoria feratur, a sanguine nulla crisi separatur; sed fere omnis in eo remanet, ampliusque corrumpitur simul humor uterque. In frustaneo tamen eodem Naturæ impetu, ipso stimulo distractionis amplius perseverante, ab irritatorum vasorum tumultu, & ab intensiore motu putredinoso symptomatice attenuata, mixta, in diesque magis resoluta in accessionibus massa communis adhuc quoquo modo circuit, sic vita, quamvis vacillans, protrahitur diutius, addita hac corruptione, quam nisi foret adjecta. Cum porro eadem restiter in sanguine morbosæ cruditas, cumque pro inæqualitate ejusdem cruditatis, massæ communis, circulationis, & denique febris, quæ modo augetur, modo remittitur, inæqualitas sit in ipsa

ipsa putredine (nam in putredine æquata ; & consumata non superest vita) crassamenta uniuntur in febrilibus remissionibus , ad angustosque fines arteriarum congregantur, atque orgasmos adhuc , accessiones, exacerbationesve funestiores pariunt , in illisque singulis irritatur Natura ad conatum , & ad expulsionem , quæ cum semper minor sit morbificæ causæ quantitate, ac vi, non tam rectum, quam confusum , perturbatumque , ac reciprocum in partes massæ communis (unde putredinis deterioris perennis occasio) obliquum , & in latera vasorum , sanguinis momentum promovet , ac repetit , ex quo semper nova peticularum turpiorum apparitio , quarum ipse color , in dies pejor , densior, obscurior , crescensque magnitudo , numerusque abundantior palam ostendunt , causam efficientem viribus moventibus , & circuitum sanguinis dirigere frustra conantibus superiorem esse , cum facilius in angusta vasa lymphatica lateralia sanguineæ massæ etiam crassiores partes intrudantur , quam prosequantur rectum iter per arterias sanguiducas , ex iisque in suas venas ; Interdum in istis Naturæ conatibus adeo præpollet indomita causa , ut vitiatarum , in expressione adinvicem compactarum , sanguinearum partium thrombi ab communi massa per vascula lymphatica ad cutem explodantur , ubi uniti , atque intercepti ab strangulatis vasis , colorem tetriorem , ac nigrum acquirunt , & ita pustulæ nigrae , aut carbunculi nascuntur . Sic quum partim per vanas istas Naturæ contentiones , vires semper in deterius ruant , partim per expressos sudores imminuto , partim in misasmata exhalato liquidiore sanguine , qui spiritus quoquo modo subministrabat , & symptomaticam fulciebat reliquæ massæ solutionem, corque, ac vasa in horas languidius, exiliusque moveantur , indeque corruptus , ac pene quiescens sanguis reffiduus fiat inertissimus , penitus immobili facta reffistentia , circuitio sanguinis ejusdem demum intercipi-

pitur, & mors malignæ ægritudini finem imponit, nisi ante in orgasmis Natura succumbat.

Diximus, febres acutas graviores in malignas interdum evadere, & postea tradidimus, febres ex chylo perniciosissimas, ac malignas a diversis procaërtarticis causis conflare. Quando igitur procaërtarticis causis, acutas istas simpliciter constituentibus, aliæ insuper non gravissimæ, Naturamque consopientes, sed potius variæ, dissimiles, turbasque fuscitantes accedunt, tunc acutæ graviores in malignas faceffunt. Hæc causarum differentia in malignis, seu pestilentibus febribus comprobari potest per observationes Hipp. lib. 3. de morb. popul. section. 3. ubi notat, pestilentes febres grassatas esse post diversas temporum mutationes, quæ mediante aere ambiente, sanguinemque ingrediente diversimode corpus afficiunt; adnotatur ibidem transitus anni ab excessivo squallore ad excessivum humidum, atque in ipso anno vices temporum, varietas, ac diversitas, Austro tamen superante. Variam pariter constitutionis indolem ostendit morborum, tunc occupantium dissimilitudo, seu multitudo diversarum eorundem specierum; sed omnium maxime causarum in iisdem corporibus differentiam, aperteque demonstravit *fluxio abscessuum pestiferorum collecta non puri similis, sed alia quædam putredo, & fluxio multa, & varia*. Quid quod varia ipsa alvi excretio pestifera a Celso reputatur, medic. lib. 2. cap. 6? *Alvus quoque varia, inquit, pestifera, & quæ strigmentum, sanguinem, bilem, viride aliquod, modo diversis temporibus, modo simul, & in mixtura quadam, discreta tamen representat*. Ad malignas itaque, pestilentesque febres efficiendas opus est, iussis vasa omnia multum, diuque, licet vage obstruentibus, & causis itidem validis, quæ stimulum universalem, oppressioni æqualem, aut quasi æqualem inducant, quæque tumultum distinctum, enormem, ac perseverantem commotionem, perturbationemque faciant. Quamobrem

obrem quædam ex istis acutis gravioribus inæqualibus, quæ lene, ac fallax initium habent, cum pulsu naturali simili, aut rariore, addita aliqua causa, quæ simul contractionem vasorum sollicitet, & cruditatem solvat, inque motum perturbatum concitet, absque hujus idonea evacuatione, in malignas transeunt, per se fere læthales; Excitata enim a rarefactione, atque a stimulo tumultuatio, & confusio parta, non destruunt resistantiam crassissimam, & viscidissimam, immo accessionum orgasmos augent; hinc circulatio tardissima pene extreme distendit vasa, doloremque etiam incutit; quare post pessima symptomata, quæ ab lentissimo, quasque strangulato sanguinis circuitu, ab nova irritatione vasorum, ab succumbentis Naturæ nisu, & ab fermentatione, seu incipiente putredine exorta sunt, quando Natura primum potest, superstitem, tenuem spirituum cohortem in conatus ultimos cordis, atque arteriarum totam impendit; & quum resistantiam insidiosè ad immane, deindeque ad supremum difficultatis pondus adauctam, repentino impetu vincere nequeat, perturbatio fit major, & orgasmus fortissimus in sanguine, motibus frequentioribus cordis urgentis conquassato, impulso, atque intra arterias coacervato, putredo intenditur, & miasmata generantur; quapropter spiritibus reliquis ad cor, arteriasque concurrentibus, jam derelicto, ac relaxato habitus tono, minusque resistente, quam orgasmus, seu circuituonis adhuc major, summa, atque exiguis viribus invincibilis difficultas, ab extremo conamine & expulsio obliqua ad lateralìa, ad cutem tandem fit, & spirituum integra consumptio; Sic in mortis articulo expelluntur & teterrimæ exhalationes, & lividæ, seu violacæ peticulæ abundantes, aut maculæ similes, hic illic corporis superficiem occupantes. Hæc tamen symptomata magis exeruntur, si phlebotomia oneris partem detraxerit. Aliquando in harum graviorum gravissimis, primæ

inæ tantum evacuationes institutæ , & callida exinde volatilia adhibita , iisque curatio omnis reliqua commissa gravitatem , etiam insignem , morbi in malignitatem commutare solent .

Veruntamen diversis , remediisque ullis non turbatæ Febres inæquales hujusmodi , lene , ac fallax principium habentes (quæ videlicet cum pulsu sunt rariore , quam pulsus aliarum omnium febrium , & tardiore) gravitate , & nece , plerunque citiore , ipsis malignis antecellunt , quia multæ in iis , omnesque gravantes , sensumque vasorum hebetantes causæ procærtarticæ uniuntur , vel una causa procærtartica , nimirum pinguis , crassa , viscidissima , multa materia , jam preparatum corpus replens , aliorum effectuum eodem collimantium , ad pondus nempe , stupiditatem , atque hebetudinem una facientium parens est , veluti ex suo loco dictis constat . Ex quibus stupor , anxietas , angor , indeque mors , circa septimum , nonum , undecimumve , ingruit , intercepta penitus circulatione ab gravissimo morbo , eo quod neque symptomatice agere valet semisopita , ac vincita Natura , & (nullatenus intestino motu antea attenuata massa , quemadmodum a putredine demoliente , tum quia defuit diversitas causarum procærtarticarum , istiusmodi fermentationis , & putredinis ansa , tum quia obtusus fuit pene semper vasorum sensus , & rarior , tardiorque per consequens pulsus) per nefas , scilicet per malignitatem , vitam protrahere ; Et si tunc temporis contingat interritus , hæ febres malignæ nondum sunt , sed mere inflammatoriæ ; suffocatio enim circulationis massæ communis densissimæ , & lentissimæ , inflammatio consummata extrema , & mors partium inflammatarum , sunt unum , & idem . Malignitas autem est ab imminente suffocatione violenta , desperata , dubia subtractio , veluti si quis reus laqueum vitare studeat , ancipiti , sibi que ,
ac

ac fœciis periculoso conatu carcerem diruendo, ac subvertendo.

Æquales contra, callidioresque ad malignitatem aliquando evehi posse, præsertim in constitutione maligna, additis causis incrassantibus, deducitur ex præmissis.

Febrium harum conditiones superiores physice exposuimus, eas nimirum, quæ in Acutarum sunt numero, superest igitur, ut Chronicas, ac diuturnas (omissis Periodicis, quarum ratio, & phænomena facile ex dictis elucescunt) continuas scrutemur, Hypochondriacarum videlicet, Hystericarumve, tum Hæcticarum generationem, indolem, metrum, & symptomata itidem exploremus.

A prima ergo Specie incipiendo, quæ nequior, quæque hypochondriaca in maribus, in fœminis hystERICA vocitari consuevit, inquit Duretus in epilepticis (non pauca autem affinitas inter Epilepsiam, & Hystericam Affectionem, aut Hypochondriacam, neque exigua inter quædam utriusque morbi symptomata similitudo) multum languere ventriculum & intestina, atque ressolvi; quod ideo fieri potest, quia spiritus animales sive corpus universum convellendo, viscera quoque ista mulctant, torquent, ita ut ea postea male se habeant, ac inepta languescant, sive quia ipsi eandem deferunt naturalem regionem. Veruntamen horum viscerum apto usui non modo languor a spasms præmissis, & resolutio obest ab alienatione spirituum, sed & ipsæ fortiores, violentæque contractiones, etiam dum exercentur, magnopere nocent. In hypochondriacis, hystericisque spiritus animales, præ imbecillitate, levique textura, quolibet dato impulsu, sæpe præcipitant plurimi quo ex œconomia, naturalique lege non deberent, pariterque earum regionum, quas violenter petunt, opera perturbant, & qui remanent minus sufficiunt functionibus partium, quibus fuisset ipsis inserviendum. Itaque quum ad viscera digerentia primarum viarum nimii defiliunt,

liunt, illis atroces afferunt dolores, contractiones, convulsiones, unde neque motus peristalticus, concoctioni necessarius recte peragitur, neque boni succi e glandulis separantur, neque inutilia excrementa rite excernuntur, hinc chylus crudus simul, & impurus ad sanguinem migrat: quando ad alia membra pars maxima spirituum declinat, minima, exilisque portio ad ventriculum, tubumque intestinale pergit, atque debilia hæc viscera per consequens chylo elaborando deficient, oportet. Horum argumenta sunt flatus nidorosi, & ructus acidi in istiusmodi ægrotantibus, quos magnus observat Sydenham: *quin & omnibus tam hysteriis, quam hyppocondriacis, quibus scilicet jam malum inolevit, id accidit, ut flatus quandoque nidorosos e ventriculo emittant, quoties aliquid comederint, licet moderate tantum, & pro ratione appetitus; tum etiam aliquando acidum eructent, &c. læsa nempe utrobique concoctione, & succis proinde a naturali statu interversis.* Sic prima digestio vitatur.

Porro in debilibus hisce temperamentis, quemadmodum antea innuimus, nascuntur hæc febres aut post præcipitem casum, aut superveniunt doloribus excessivis, aut perturbationibus summis, spiritibus, ut vitiose constructis, ita facili negotio dissipabilibus, repente profligatis, unde cor, & arteriæ frustrantur vi necessaria ad bene movendum, atterendumque sanguinem, & chylum, hinc ingruit crassities, & visciditas in massam communem, unde impotentia adhuc major ad concoquendum, digerendum, recteque assimilandum. Indeque cum prima concoctione, secunda quoque deficit.

Insuper a spirituum etiam inordinatione, universo turbato metro in solidi motu (præterquamquod, parta jam in sanguine cruditate, etiam ex parte massæ communis ob qualitatem, & quantitatem, molemve partium morbosarum variæ in seipsa, ac differentis, affectatur cursus iniquitas

confunditur ordo in circulo ejusdem massæ, & mixtura turbatur; quare crassamenta quodammodo segregantur a reliquarum particularum populo, simulque congregata movent accessiones febriles, & jam natas mirifice, repenteque intendunt, sanguinis rectum cursum reprimendo, ad quod & convulsiones vasorum maxime faciunt, ex influxu spirituum nimio, ac peculiari in partes, unde illæ per quædam temporis spatia corrugantur, quasque connivent. Et hæc causa inæqualitatem augens in massa, cruditatem congregans ad febrem excitandam, atque exacuendam, proxime disponit.

Quemadmodum vero in hisce ægrotantibus modo in hanc, modo in illam subjectarum partium turbo spirituum descendit, atque debaccatur, ac fere per quasdam veluti periodos, sive per vices, affectus isti irregulariter, instabilerque insurgunt; cum vitiiati, pravique spiritus animales, quasi degeneres, sine lege, & fortuito sæpe ferri soleant; ita fortuita spirituum æquitate facta, remittuntur crispaturæ vasorum, ac violentæ oscillationes, in ipsa etiam accessione febrili, & sanguinea massa blande mota tempore gaudet idoneo ad fines vasotum commode peragrandos, æquior fit partium quarumcunque mixtura. Sic orgasmi repente quiescunt. Id aliquando sane evenit temere, ac sine ratione: sic talorum lusforiorum projectio, & sortitio modo hunc, modo illum numerum, modo imparem exhibet, modo parem; aliquando tamen amicorum quorundam, inter alios acceptissimorum, grata colloquia, quibus mens delectatur, oblivionem ideo mali adferentia, id præstant, spiritus nimirum revocando, recreando, componendo, qui suaviter moti suavi ordine aliquantisper respondent, donec incidat aut intra, aut extra facillimum irritamen.

Quapropter hæc Febrium species duplex habet fundamentum, utrumque vagum: alterum in massæ sanguineæ

inæquali crasi , & turbata circulatione , ob notatam chyli cruditatem , alterum in spirituum animalium speciatim instabili , inconstanteque indole , & inordinato influxu situm. Vicissitudo porro est , & reciprocum vitium utrunque ; siquidem ab sanguine inæquali inæquales spiritus , eorumque inæqualis generatio , & vis ; ab spirituum autem influxu irregulari , & iniquo irregularis , inæqualisque & motus sanguinis , & crasis , unde febres hæ diuturnæ , ac perennes .

Symptomata itaque habent simul chyli cruditatem , & cacochymiam in sanguine sequentia : molestissimam inappetentiam , linguam farinosam , viscidam , non raro & foetidam ; os insuave , ingratum ; halitum maleolentem , & foedum , veluti incocti alimenti , acidum foetidum ; capitis persistentem dolorem gravativum , & vertiginosum ; augmentum accessionale vespertinum a prandio , & nocturnum a cœna ; urinam sæpius naturalem , & crassam &c.

Et symptomata possident , quæ sunt spirituum præcipue , nervorumque affectiones , quemadmodum sunt repentini dolores alicujus regionis , aut membri , nonnunquam atrocissimi , atque incredibiles ; tensiones , spasmi , convulsiones , etsi chronica sit febris , palpitationes ; torpores partium , ac stupiditates inconstantes ; urina nonnunquam alba cruda , aut clara , & chrySTALLINA , atque alii inconcinni excessus , ac symptomata mirabilia , sensibilia in dictis lunæ aspectibus detrimenta .

Ab utroque vero fundamento procedunt , veluti tertia , de utroque participantia symptomata , scilicet virium cum anxietate insignes prostrationes , interdum ingruentes , febre etiam modica , & remissa apparente , ac totius extrema gravitas ; siquidem hyppocondriacis , hystericiisque semper sunt infirmi , ac semianimes spiritus , maxime autem in febribus , talesque spiritus facillime prosternuntur , dissipanturque sive a morbo , & symptomatis , sive a vigiliis ,
sive

sive a tædio franguntur , languent , ac torpent , unde eorundem parcior , adhucque nequior distributio ; hinc quasdam partes quasi paralyticas , saltemque valde torpidas aliquando per horas sinunt ; quod si vasis sanguiducis contingat , quæ tantum pondus massæ sanguinis simul , & cruditatem ferre , & movere debent , hæc magis , magisque opprimantur , oportet , vixque febrem pandant , sed ægrotum angentem , nec multum dissimilem moribundo offerant . Ab utroque item proficiscuntur æstus febriles repentini , & orgasmus irregulares , intensiones , inquam , febrium improvisæ , ac sine ratione , cum urina magis rubicunda , quæ profecto ex supra allatis constare , puto . Hanc demum agnoscunt originem & illæ insigniores fervidissimæ periodi febriles , quæ ab hoc graviore morbo convalescentibus accidunt , quæque assidentibus & maximam admirationem , & timorem incutiunt . Nam in declinatione morbi , post evacuationes universales repetitas , a quibus maxima peccantis materiei pars demitur , & post quas spiritus animales , morbo etiam detriti , magis percelluntur , unitis , quacunque supra descripta data ansa , ad fines aliquot arteriarum paucioribus cruditatis reliquiis , hæc ramulos eisdem distensione irritantes efficiunt , ut illico omnes simul arteriæ consentientes velocius , crebrius , & fortius , quam in aliis ex chylo febribus , constringi incipiant ; sanguis autem levem , tenuemque continens impuritatem , anteaque attenuatus statim rarefit in arteriis adeo violenter motis , minusque ob rarefactionem circuit , ex iisdemque difficilius exit ; eæque illum resistentem , ac distendentem seipsas , adhuc vividius comprimunt , frequentiusque compellunt ; quare is vehementissime conquassatur , concitanturque massæ sanguinæ partes , impetusque in latera vasorum major exercetur , quo ipsa vasa magis sollicitantur , atque adhuc crudelius sanguinem pulsan , unde is commovetur funditus , magisque rarefit ,

orgasmi fiunt, luctæ, inter ejusdem particulas, fortes, ac creberrimæ, ardores febriles, magni anhelitus citissime adoriuntur; adeo vero contrito adinvicem sanguine, urina multo rubicundior redditur; donec paulatim, confusa cum toto sanguine perpauca cruditate, atque aliis consumptis, aliis delassatis spiritibus, arteriæ mitius agant in sanguinem, eumque suo consueto fluxu labi sinant.

Hirsuti graciles quidam homines, præsertimque ætatis florem prætergressi, quando vel causæ sunt infra altos gradus, vel quando in magna causa, febreque ex chylo acuta, id per se Natura, sive adjuta remediis aptis quidem, sed parcius administratis, præstiterit, ut ablata fuerit multa cacoehymia, relicta densiore, in longas febres, hæcticas nomine, sæpe labuntur. In his enim fortioribus temperamentis, ab vasis minus infirmis, quam in reliquis nec siccis, nec biliosis, intra aliquot dies illiditur cruditatis crassities, ac visciditas, mediocriterque erudita cruditas inter sanguinis particulas fibrosas, globulares, serosasque miscetur, atque confunditur, non inter minimas (quod cruditati non datur) partes elementares inseritur. Hæcque rudioris, hetherogenei, superflui chyli corpuscula, continuo circulo, & attritu aliquatenus divisa, & ad modicam molem, figuramque redacta, & ubique mixta partim impediunt, partim permittunt inter sanguineos globulos, fibrasque collisionem, confricationemque, ita ut calor neque magnus sit, neque naturalis, sed moderate febrilis, sibi æqualis. *Calor lentus primo, mox acer* tangentibus apparet, quia pigra est, & simul quodammodo violenta causa hujus caloris phlogistici, sicuti calor omnium glutinosorum, si quomodocunque callescant. *Circumstantibus partibus sunt callidiores arteriæ*, quia supranotatus sanguinearum particularum collisus, motusque violentus, ac perturbatus totius fluidi communis commode exerceri nequit in minutioribus tubis fibrarum carnosarum, aut

aut in tenuibus vasculis sanguiferis membranarum, sicuti fit in vasis majusculis, quum in illis parvum detur spatium ad concurrendum, vixque aliud concedatur illac, quam transitus, ubi siquid interponatur, vel minutum, id magis, quam alibi, impedit, confricationem, & concursum inter sanguineas partes, necessarius ad promovendum notabilem calorem, & calori arteriarum majuscularum æqualem.

Confracta vero isto modo, & comminuta cruditas per totum sanguinem æque distribuitur, ubique retardat, & ubique similiter irritat; cumque, a motu febrili cordis, atque arteriarum inhibita cohæsione, servetur sic sejuncta, non amplius retardationes illas parit, absque alia accedente causa, quæ periodos veluti quasdam, quomodocunque invadentes faciunt, frigorisferas, atque insignes accessionum differentias. Servatur autem sejuncta, neque coit talis morbosa materia in hac febris Specie, quia ejusdem particulæ magis solidæ sunt, quam viscidæ, ideoque per se quadante-nus, perpetuoque irritantes, ex quo nulla febris remissio, nullaque exinde morbosorum corpusculorum cohæsiō; tum etiam quia eadem particulæ parvæ sunt, nec molem partium sanguinis superantes, unde perennis mixtura.

Augetur quidem hæc lenta continua Febris a sumpto necessario alimento, adjuncta sanguinæ massæ a novo chylo resistantia, causa, inquam, majoris distensionis, irritationisque vasorum (cum ipse advectus chylus rudior sit, & viscidior antiquo) & resectis etiam utcunque spiritibus, multiplicatis videlicet utraque ex parte hostibus, (namque ex hisce duobus etiam reliquæ febres omnes ex chylo, pro sua cujuscunque dispositione, incrementa capiunt) paulo fortius certamen viget, donec novus chylus, ad descriptam normam, febre aucta attenuetur, & per sanguinem universum inutiliter, morboseque disponatur.

Postea vero de massæ communis parte liquefacta, &
ma-

magis diffluente tantundem fere ex eadem massa ferius, ocius emittitur aut per urinam, aut per alvum, aut per sudores, qui promptiores, frequentioresque ob expressionem, quantum est ingreffum, Natura fymptomatice præparante, atque evacuante, indeque atrophia, confumpto folido ob defectum fucci nutritii, ab fanguine non fuppeditati, & cum fucco eodem fpiritus quoque animales paulatim decrefcunt, unde hebetudo, febrem non percipiunt ægri, languentibus cum fua caufa & fenfu, & motu, hinc pigri funt, & ad actiones defides, difficilesque ægrotantes; demum penes fceleti figuram perducuntur, dum impura fanguinea massa vix quidquam interim mole decrefcit, & pondere potius augetur.

Parvus eft, durusque pulfus, quia talis fpiffus, lentusque fanguis nonnifi remiffam patitur rarefactionem, atque expansionem; durities autem potiffimum nafcitur ex eo, quod Natura omni conatu fanguinis onerofæ circuitum tueri fatagens plerofque fpiritus animales in hujusmodi massa fanguinea propulfanda impendit, ab arteriarum vero tentione emergit pulfus durities.

Oleofum, quod in urina fecernitur, eft pars chylofæ pinguioris fubftantiæ, in fanguine remanentis, ob fanguinis ejufdem ineptitudinem ad bonam fecretionem, atque diftributionem per membranam adipofam, & cum eodem circumcumeuntis, in febre eliquatæ, quæ per vias patentiores paulatim effluit. Pulverulentum autem in urina fedimen, feu *farinaceum* portio quædam eft antiquioris, folidiorisque contritæ cruditatis, qua fcætet fanguis; cum autem urina fit fanguinis soboles, aliquid ex illa provecto morbo cum urina fecedit.

Diarrhæa fere lethalis oritur, quando cruditas longo tempore, morboque aucta, ac deterior facta, quod indicat fœtor excrementorum intolerabilis, quidquid boni fu-

per-

pereſt vitiat , & jam languentem Naturam ſymptomatice ſtimulat ad frequentem , nimiamque expulſionem . Et hinc ſumma colliquatio . Diarrhæa iſti ſæpe anſam dat ſolidi ipſius peculiaris affectio , exulceratio nempe inteſtinorum , ſive partium adjacentium .

Quoniam autem de ſolido organice affecto incidit ſermo , jamque explicatæ ſunt chronicæ Eſſentiales , earumque ſymptomata , quæ jam ſunt communia tam Eſſentialibus , quam Symptomaticis , modo ad Symptomaticas , ab peculiari ſolidi conſtante vitio vel omnino dependentes , vel pabulum , vitamque trahentes veniendum .

Chronicæ ſunt ex eſſentialibus ſymptomaticæ , quando in aliquibus plures dies , in aliquibus pauciores (hinc & quædam acutæ ex chylo in chronicas ſymptomaticas tranſeunt) pro diſpoſitione temperamentorum , atque cauſarum , ſine opportunis medicis auxiliis excucurrerint , cum Natura irritata impedimentum circulationis , ac diſtenſionis cauſam , chyloſam cruditatem qualibet acceſſione febrili eliminare contendens eo deponat , ubi minorem invenit reſiſtentiam , minor autem fere in internorum viſcerum glandulis , quam in habitu , aliisque muſculofis , aut nerveis partibus , eoque magis ſiqua alia ratione eadem viſcera fuerint debiliora . Quum porro talis materia minus facile per vaſa pergat , unde eorundem continua diſtenſio , per glandularum circumvoluta vaſcula ſanguiduca cum ſanguine copioſior difficilius traducetur , præcipue ſi ante concoctionem , iſtam & crudam , & nimiam huc expulſerit irritata Natura . Huc porro urgente ſubſequenti ſanguine , pars cruditatis craſſior , tuidiorque in fines arteriarum , glandulas componentium , magis figitur , & diſtenſionem parit , unde glandulæ , quæ ſerme hebetes , laxioresque ſunt , tumidæ fiunt , atque earum arificia premuntur , dum interim pars cruditatis tenuior in glandularum earundem cavitatem exprimitur , inque ea hærens .

rens, ac moram trahens calore, & tempore spissitudinem acquirit, atque indurefcit, & quæ in glandularum vasculis fanguiferis, membranisque est in spuriam quandam carnem concrefcit; fic intumefcunt glandulæ, dum minus fecernunt, luxuriante in iis cacochoymo vitiofo nutrimento, ftrumofæ redduntur, ac veluti carneo-callofæ. Interdum alia mala his decubitibus fuperveniunt, quæ perfequi meum non eft; fatifque mihi generationem chronicarum ex chylo fymptomaticarum Februm ab effentialibus enarrare, quæ peragitur chronice ab eifdem, organiceque læfis glandulis abdominis, aut pulmonibus. Ab horum namque viscerum vitii cruditatem chyli gigni, & renovari, jugiterque detineri tradidi, unde Chronicæ fymptomaticæ contumaciffime perfiftunt, & donec durat viscerum labes, a qua dependent.

Cer autem, affectis abdominis visceribus, fæpiffime Hystericæ, aut Hypochondriacæ Febres exoriantur, nonnunquam & Hæcticæ; læfo vero pulmone, femper Hæcticæ nafcantur, non levis eft quæftio.

Facilis quidem refponfio quibus fuppuratio, & pus tantumquam parentes Hæcticæ Febris videntur, fed minus vera hæcque fatis a nobis antea confutata eft opinio. Hic modo jungimus, fuppurationem in visceribus hypochondriorum in mefenterio &c. æque dari poffe, & reipfa nonnunquam dari tam in quietioribus Hæcticis, quam in chronicis tum multuofis Hystericis, feu Hypochondriacis, cum non fit major ratio pro una, quam pro alia fpecie; immo admiratur Morton, Phthifim ipfam pulmonarem non femper, ac perpetuo fequi hypochondriacas, hystericafve diututnas affectiones. Demum fymptomata fuppurationis, abfcessuumque viscerum abdominis, quæ funt validiores febrium exacerbationes; inopinatæ periodi, abfque ordine, aut tempore ingredientes; rigores fæpe recurrentes, atque inordinati horrores vigilæ; labores a fomno, etiam modico; fudores frigidi

Animi deliquia ; pulsus admodum inæquales , intermittentes &c. symptomatis incertis , ac gravioribus hyppocondriacarum , hystericarumve Febrium magis assimilantur , quam Hæcticæ ordinationi : Typus igitur Hæcticæ a suppuratione , & pure minime dependet .

Quæ mihi videntur probabiliiores , rationes exponam . Pulmone organice læso , tum vasa sanguifera publica pulmonalia , tum respiratio vitiatur , per quæ fit sanguinis tractio a dextro ventriculo cordis in sinistrum ; quare hæc , isto posito impedimento , multo tardior redditur , & dexter ventriculus tarde exoneratur : sic cava vena , in ipsum fundens sanguinem : sic demum in cavam eandem tardius sanguinem inferunt subclaviæ venæ ; hinc ad orificium ductus Pecqueti , chylum in subclaviam sinistram vehentis premitur valvula apposita , & sola pars tenuior chyli descendit , quæ mixtioni cum sanguine aptior est ; Et revera thoracicus ductus in nullis aliis cadaveribus sectis æque solet plenus , distensusque apparere , ac in iis , qui ex morbo pulmonum diuturno phthysici e vita decesserunt . Chylus ergo in his minutatim ex orificio in sanguinem instillatur ; & chylus tenuior , & paulatim infusus , licet in sanguinem non convertatur ob vitium pulmonum , & crudus maneat , multo tamen melius , æquiusque per sanguinem distribuitur , & cum eo inde miscetur , quam chylus rudis , qui absque hac locali oppositione , atque angustia , cito multus , ac secundum totum transfertur in sanguinem . Cruditas vero ubique , & æqualiter mixta cum sanguine vasa sanguifera , læsis vasis pulmonum consentientia , atque a sanguine in toto reliquo corpore , ubique tarde ob ostium impeditum circumeunte distenta æqualiter , & ubique gravat , magisque distendit . Cumque perpetuus sit hic ordo , fixo isto organico stabili pulmonum morbo , febres æquales chronicæ producantur , oportet , solum crescentes quotiescunque externa evi-

dens accedit causa, & augetur interna. Præterea in Phthysicis tenuis, & sparsæ cruditatis pars minutior per sudores universales, copiosos divertitur, nec irruit in nervos, sicuti in hyppocondriacis, five hystericis, unde & spasmi, & inæquales vasorum motus, inæqualitatem in mixtura, in circuitione, & in febribus efficientes.

In aliis hæcticæ, in aliis autem hyppocondriacæ, hystericæve nascuntur febres ab obstructionibus iisdem viscerum abdominalium, quia idem sane solidi morbus, sed in diversa incidit temperamenta. Isque in temperamentis robustioribus, per cruditatem in sanguinem immissam, facit febres æquales, sibi que constantes, hæcticas nomine; illis enim parce quidem, positis hisce febribus, distribuuntur, sed æqualiter spiritus animales, unde cruditas melius regitur, æqualiterque miscetur. Eos vero homines imperfectiores, quorum corpora convulsionibus, etiam ante febres, erant obnoxia, cruditas facillimo negotio turbat, atque convellit, neque regitur, verum in vasis inæqualiter motis inæqualiter miscetur, febresque inæquales parit, ac nervinis symptomatis tumultuosas. Exemplum habemus in morali-
bus, quandoquidem ab iisdem duris rebus tum fortes, tum imbelles afficiuntur, ast effectus diversus: fortes affliguntur quidem, attamen diu constanter ferunt, debiliores contra inique tolerant, & modo in furorem, modo in fletum, nunc in hanc, nunc in oppositam sententiam rapiuntur.

Capiti huic tandem finis imponendus; prout exposcit autem opportunitas, cæteris quoque in locis aliquæ traduntur theoriæ, eo quod ibi symptomatum quorundam explanationem, ad seriem, & modum hujus capitis minus necessarium, minusque facientem, commodiorem esse existimavi.

CAPUT SEPTIMUM.

De Prognosticis.

SYmptomata alia morborum naturæ, alia Medentium methodi soboles sunt; etenim quæ morbos non revocant ad melius fere alterant in deterius. Medentium autem nomine non Medicos tantummodo accipi velim, sed & domesticos, & quicumque ægro vel curando, vel alendo, vel regendo operam navant. Itaque primum, quod meum magis est, in præsentī, insitum Morbi genium, varium, quoad exitum quoque, ac diversum, ob oculos ponam, posteaque in sequente aliqua, quæ a remediis quibusdam male adhibitis, quæque a prava diætā, & incongruo regimine oriuntur, incommoda, prout necessitas tantum postulabit, attingam.

Quoniam vero periculum in hisce Febribus minus, majusve primo ab earundem humiliore, seu graviore ordine, graduque dependet, signa peculiarīa cujuscunque classis, & cujuscunque conditionis earundem Febrium ad memoriā revocanda, ut hæc sciamus. Quoniam præterea similes sæpe sunt harum Febrium, cæteroquin indole diversarum, invasus, ab acutis minoribus chronicas, quod ipsi Hipp. difficile merito visum est, infra discernemus, ut impar discrimen, & diversus exitus prævideatur. Nunc quædam circa Ephemeram adnotanda sunt monumenta, quo minus decipiamur.

Febrem ephemeram hujusce generis sæpe in pueris, aliquando in adolescentibus, raro in ætate consistente, in senili vix unquam observavi; in adultis enim, quando ista symptomata hanc statuunt causam, nimirum chylosam in febribus cruditatem, continuæ, ac ephemera longiores, pe-
rica-

riculosæque febres sæpius esse consueverunt. Neque urina ipsa concoctionis speciem initio referens in quibusdam febre ex chylo laborantibus semper est ephemeræ inditium, quemadmodum non semel admiratus sum. Id evenire interdum solet post phlebotomiam statim celebratam in istiusmodi febribus aut æqualibus, aut ad eas accedentibus, in quibus materia neque crassior, neque viscidior, minusque post missionem sanguinis, indeque Naturam ad expulsionem magis stimulat. Nonnunquam enim in primo illo Naturæ cum cruditate conflictu, in attritione, inquam, & pressione vaporum irritatorum, aliqua dictæ cruditatis portiuncula, magis turgens, vel per sudores unctuosos, in principio apparentes exprimitur, vel per alvum cum fæcibus liquidis, quarum partem luteam, seu fusco-albicantem reddit, deponitur, vel tandem cum urina emittitur, ac puriformem nubeculam in fundo gignit, hypostasim, & concoctionem simulans. Fictæ autem, imperfectæque concoctionis signum est, quod non perseverat, quodque morbi symptomata crescunt.

Ipsa etiam febris brevitās in pluribus nihilo magis tuta videtur; nam accidit non raro, ut quis febre ex chylo capiatur, quæ cum non extendatur ad alterum diem, ephemera febris fuisse judicatur, dum interea pristinae vivendi rationi securus sese credens convalescens, paucos post dies, denuo ejusdem quidem generis, quoad causam, sed longiore, periculosaque febre corripitur, sæpe per quasdam veluti periodos incipiente, quemadmodum diximus de inæquali specie secunda. Hanc non esse Ephemeram, vel ex eo apparebit, quod neque intensione, neque fortasse exacta nictemeri duratione stipabitur, neque postea omnino sanus, liber, æqualisque pulsus remanebit, neque homo omnibus horis se bene habere sibi videbitur.

Ea insuper, quæ cap. præcedente habuimus de citiore
post

post causam exortu febrium acutarum minorum , & tardiore graviorum , fortiorumque , huic distinctioni non parum conducent .

Porro quum illic , minores acutas febres pueris , atque adolescentibus vividioribus , graviores autem senibus , obtusioribusque magis familiares esse , dixerim , id non ita accipi velim , ut sola ætatis , aut temperamenti inspectio ingruentes febres alias in pueris &c. ephemeræ , acutæve minores , alias in natu majoribus graviores , majoresque futuras dijudicet ; siquidem haud semper in pueris , & adolescentibus ab chyli cruditate cum symptomatis istis Ephemeræ gignuntur , sed non raro acutæ etiam periculosæ suboriuntur , multoque diutius durantes , atque in chronicas quoque quædam transeunt , sicuti in aliis .

Diximus alibi , præcipue in puerorum acutis minoribus , puncta quædam libera fere conspici in farinosa descripta albedine linguæ ; quod bonum est in hisce , atque etiam in acutis majoribus , siquando in his dentur , & in chronicis ipsis , sive periodicis , sive continuis . Bona , inquam , sunt puncta illa ut signum , & ut causa ; namque ostenditur tanta non esse cruditas , ut omnia secretoria obstruat , atque impediat ; inter causas vero , cur cito solvuntur istiusmodi febres , præcipua est libertas , & apertio viarum earundem , per quas excrementa possunt eliminari , & boni succi ad secretionem meliorem chyli provenire ; etenim sicuti glandularum communes esse solent morbi , ita & incolunitas ; atque ideo , opinor , ex Baglivo lib. 1. prax. cap. 3. habemus , febricitantes , quando probe spuunt , esse ut plurimum extra periculum .

Iisdem fere , notatis alibi , principiis aggrediuntur Acutæ minores , & Chronicæ non paucæ ; quinimmo & nonnullæ Acutæ minores in Chronicas faceffunt ; indeque non levis in prognosi interdum hallucinatio . Ad prognosticam
igi-

igitur distinctionem: Illæ febres cum impetu aliquo invadentes, posteaque binis, tribusve transactis diebus, remissiones factæ, chronicæ certo futuræ sunt, in quibus percipimus acriorem, & constantiorem calorem, pulsum semper, mane quoque, febrilem, contractum, ac parvum, quæque simul citiorem debito afferunt extenuationem, atque in quibus, opportunis etiam usurpatis remediis, minus concoquitur urina; tum illæ, quæ superveniunt maciei, malæque habitudini; nec non quæ tumoribus glandularum externis subjunguntur (externis enim compatiuntur internæ, & morbi glandularum communes ex Baglivo de lu. ven. & morb. glandular.) præsertim si longa diarrhæa tumores eosdem comiteatur; sic demum quæ accedunt antiquæ tussi, difficilique respirationi, eoque magis si hæmoptysis præcesserit, aut copuletur. Hæ, nisi levia, ablatusque facilia sint partium particularium incommoda, fere in chronicas abeunt, de quibus postea suo loco. Quomodo autem quædam, quæ cæteroquin solum acutæ minores forent, si bene tractarentur, desinant in chronicas, videbimus in sequente.

Acutarum vero graviorum, periculosiorumque Februm. itidem ex Hipp. incertum præsagium, quum vulgatum illud in genere scripserit: *Acutorum morborum non omnino certæ sunt prænunciationes aut salutis, aut mortis*; nihilominus faciendum, caute tamen, & cum circumspectione multa, in fortioribus præcipue causis, aut multiplicibus, aut quasi vetustis, quæ lassitudinem longam ante morbum fecere.

Temperamenta igitur primum, quæ magis, minusve his febribus insidiosis, gravioribus, pejoribus tandem, majoribusve periclitantur, exponemus, deinde febres has easdem, earumque symptomata dijudicabimus.

In phlegmaticis aliquando, & in quibusdam senibus, si ad placiditatem insidiosam harum febrium, de familia Quotidianarum, tum de Acutis senilibus, attendamus, vix quidem

dem acutæ videntur; attonito tamen stupore quodam ægro-
tantes afficientes, in diesque graviores factæ opprimunt; in-
terdum in Cachexiam, vel in humidam Phthisim, vel in
Lienteriam, in quæ proni sunt phlegmatici, vel in Hæcti-
cam Febrem, ac marasmm, in quæ hirsuta seniorum cor-
pora, pertransire consueverunt sibi relictæ.

Contra in ætatis flore constitutis, & forti tempera-
mento præditis calidæ, fortesque sæpe sunt hæ Febres: vi-
giliæ, anxietates, anhelitus non raro easdem comitantur;
attamen plerunque bonum omen habent, citoque properant
ad finem, hyeme maxime, vere, ac prima æstate; quo-
niam hæc omnia in vegetis, & cæteroquin sanis corporibus
facili negotio per remedia tolluntur.

Maxime periculosæ sunt hujusmodi acutæ Febres in
iis, qui naturalia digestionis primæ viscera habent jamdiu
vinosis liquoribus obdurata, ac stupefacta, quippe quod ta-
libus in phlogosim, atque adeo in inflammationem particu-
larem paulatim degenerant; tum in gracilibus quibusdam,
strigosis corporibus; multi enim ex his ægrotantibus citius,
aut tardius pereunt: alii per recidivam, cui levi etiam de
causa obnoxii sunt, alii per alios subsequentes chronicos; in
nullis nanque magis ad longas iliades malorum proclivis est
hic morbus, quam in istiusmodi hominibus. Post hos, il-
li periclitantur, difficileque ab his febribus liberantur, qui
vasis sanguiducis perangustis instructi sunt; contra illi mi-
nus, quibus vasa sunt capaciora.

Modo generaliora quædam, & frequentiora circa febres
easdem majores ex Hipp. Aph. præmittamus, quæ ad pro-
gnosim pertinent, hæcque a Sect. iv. Aph. sumpta, haud Apho-
rismorum, prout stant, sed febrium progressus ordine digesta.

*Et ubi in toto corpore mutationes, & si corpus refri-
geretur, vel rursus calefiat, vel calor alter ex altero fiat,
longitudinem morbi significat. Aph. 40.*

Febres quæcunque non intermittentes tertia die fortiores fiunt, magis periculosæ; quocunque autem modo intermiserint, periculum abesse significatur. 43.

Lassitudinem habentibus in febris in articulos, & circa maxillas potissimum labores fiunt 31.

Quibus circa dentes in febris quidam lentores nascuntur, his fortes fiunt febres. 58.

Excretiones, in febris non intermittentibus, lividæ, cruentæ, fætidæ, omnes malæ; Et si bene exeant sive per alvi excretionem, sive per urinam, bonæ; si vero non aliquid eorum, quæ juvant, per hæc loca excernitur, malum. 47.

Febricitanti sudor superveniens, febre non deficiente, malum; prorogatur enim morbus, & multam significat humiditatem. 56.

Quibus in febris sexto die rigores fiunt, difficile iudicium sequitur. 29.

Si rigor incidat, febre non deficiente, lethale est. 46.

In febris non intermittentibus, si partes exteriores frigidæ, interiores uruntur, & sitis habeat, lethale 48. Quod non de febrium principiis intelligendum, sed de Lypiria, persistente etiam post opportuna remedia; ex quo abdominis tenuia, ac sensibilia viscera inflammata deprehenduntur.

His positis, Febres hæ minus periculosæ sunt, quæ diutius remittunt; quanquam enim illa sit insidiosa remissio, sanguinis tamen per febrem solutio melior est quæ accessionibus intervallo distantibus paulatim fit, siquidem omne nimium Naturæ inimicum, & quod paulatim fit, id tutius; quo ergo longiores, crebrioresque accessiones, eo periculosiores, nam indicant, materiam morbificam & multam esse, & crudiorum, & magis proclivem ad cohæsionem, atque ex altera parte minores vasorum vires, quam possint attritione accessionum solutam per aliquod notabile tempus sanguineam massam servare. Malum expectandum etiam ubi accessio,

feu

feu febris exacerbatio ad mane differtur, quod Naturæ tarditatem ostendit, nimirum ob plenitudinem, cruditatemque magnam fero chylum quotidianum distribui per sanguinem, atque inertia vasa stimulum tarde sentire, segnitertque moveri.

Lingua maxime commendatur mollis, atque humida, non intense rubra, & initio veluti similagine leviter conspersa superiorem superficiem; quæ si circa quartum in obscuriorem evadat, & mellis colorem paulatim induat, constanterque retineat, febris septima die finietur; si talis fieri incipiat die septima, & crescens maturus color perseveret, undecimum, aut decimum quartum non prætergredietur febris. Summopere vero improbanda est lingua, quæ simul sicca, arida, ac crustosa, in medio subobscura, eoque peior nigra, etiamsi circum albescat. Fortissimus morbus, si labia quoque arefacta laminas quasdam, tanquam squamas metallorum, exhibeant. Secunda ab hac est ea, quæ livida fæditate, quasi luto, oblinitur. Longitudinem morbi significat quæ sæpe mutatur, ac modo hanc, modo illam fert vestem, modo pene nuda apparet; linguæ varietas in gravi morbo, nisi alia spem tulerint, fere lethalis.

Pulsus optimus est magnus, mollis, & æqualis, saltem in accessionibus, & mediocri febrili frequentia motus, calori itidem febrili quidem, sed non multo conjunctus; malus est durus, peior inæqualis, & parvus, præsertim in statu, pessimus formicans; huic proximus est confusus, qui licet altior prædicto, tamen pene indistinctus est, propter plenitudinem, obtusamque frequentiam, ita ut vix systole a diastole commode discernatur; maxime quoque improbatur pulsus sepultus, obtusus, hebes; post hos naturali rarior. Pro symptomatum autem comitantium levitate, aut gravitate diversimode judicari possunt pulsus intermittentes, & pulsus similes naturalibus; utrique vero suspecti.

Urina varia esse solet pro varia morbi indole, diversoque ejusdem tempore; illa tutissima est, quæ mediocritatem servat in omnibus qualitatibus; abundans, & non tenuis, neque decolor, bona fere semper in hoc morbo. Color sanorum urinæ similis ambiguus; si concoctioni constanti uniatur diebus convenientibus, admodum salubris; sin minus, contra. Sero lactis similis urina vel acido multo, vel chylo crudo valde superabundante, mixtoque talis apparet. Rubra, atque ignea in quibusdam æqualibus, si talis perseveret, mala. Rubens, & cruda diu permanens valde timenda, ac feralis, hæc in aliquod viscus decubitus prodit. Urina male, inconstanterve concocta periculosa, febremque debito longiorem, & symptomaticam pronunciat; at si alia prava signa adsint, etiam mortalem prodat; si autem remediis paulatim mutetur, sensimque coquatur, convalescentiæ, quanquam tardioris, affert expectationem. Periculum minatur urina semisuppressa, majus quæ cohibita; tum ea, quæ confusa manet, neque nubes separatur, neque corrumpitur, quæ si, licet adhibitis adhibendis, talis prosequatur, mors metuenda, nam omnino perniciofa est; item quæ semper corrumpitur, antequam concoquatur.

Fæces flavescentes, quantumvis sinceræ: liquidæ, aut strigmentosæ, aut partim duræ, partim liquidæ primis sedibus minime damnantur, quia conveniunt morbo. Odor illarum etsi quadantenus initio gravis nihil per se lethalis habet, ob eandem mox allatam rationem, nisi sociata terreant symptomata; sic oleosæ fæces multæ in principiis exeuntes, quæ potius sunt salutares. Interdum etiam alimentorum quædam incoctæ, & integræ particulæ liquido fæcum lacu innatant, nec tamen Lienteria semper prædicenda, maleque ex hoc uno prognosticandum; nam quamvis talia in debilioribus, morboque fractis occurrant, tamen om-

nia mutari possunt, si reliqua securitatem promittant. Fæces in morbo variæ admodum periculosæ; pessimæ quæ una, eademque sede diversas, extraneasque qualitates habent. Viridia excrementa acidum copiosum corpori inesse, redarguunt; albescentia chylosum crudius præseferunt; cinericea deterius; cretacea, limosa multo pejora: omnia hæc chronicum periculum ominantur; Quod si tritorum laterum colorem referant, perquam improbæ habendæ; si autem simul humidæ, sinceræ, & glutinosæ existant, ita ut vasis parietibus ubique adhæreant, erunt nequissimæ; nigræ in paucis viribus, summeque foetentes mortem prædicunt.

Diarrhæa in his febribus, nisi modum excedat, mala nequaquam est, præsertim in bonis temperamentis, quamvis etiam torminosa; si vero in statu superveniat, concocta urina, valde salubris. Horrendum sane, & mortale, si fluens etiam intumescit venter, vel flatu quodammodo distenditur, ac turget, quod iis præcipue accidit, quibus in labefactatis naturalibus, primæ coctioni dicatis, visceribus morbus firmatur; & multo crudelius, certiusque exitium prænunciandum, si interim dolores acuti, etsi vagi, intestina circumeant, quod iisdem solemne est, eoque magis si & singultus simul erumpat.

Attamen malum etiam, admodumque timendum in magna causa, nullas, exiguasve dari evacuationes; suffocativum enim est, ac mortiferum.

Sanguinis extractus, qui a suo sero boni coloris sejunctus de vitro inclinato libenter effluit, & cultro leviter premente separatur, superficiemque rubeam habet, brevem morbum, exitumque pollicetur sælicem, si nullum viscus interea peculiariter laboret, unde haud sit pertimescendum, ut læsa pars confluens crassamentosum retineat. Malus sanguis, qui non secernit serum. Cæterum sebacea, ac gelatinosa sanguinis superficies, si æqualis sit, aut crassior
sem-

semper morbi gravitatem accusat, & quo tardius, minusque in hanc concretionem abit, eo minus malum; si vero in sanguine extracto adhuc calescente quid viridescens hic illic cogi cernatur, quod semper magis amplificetur, & clarescat, usque ad coaguli similitudinem, magnus, & gravis est morbus. Color autem coaguli tum albus, tum ad flavedinem quandam claram, tum ad cœlestem tendens pravus, pessimus varius color, nequissimus totus sanguis, qui cum sordido coagulo, ab insula subter nigra, ac diffluente serum cruentum emittit. Quod si extractus sanguis vitro ita glutinosus cohæreat, ut nonnisi validis, repetitisque concussionibus, & tunc quoque difficile, neque integre extrudatur, vel lethale (quod in virium imbecillitate) vel diuturnum malum, chronicumque quid præcipue in pulmonibus persæpe minuitur.

Color faciei ægroti probatur, qui a naturali per moderatum pallorem recedit. Si nimium rubescat facies, præsertim post remedia, malum; si flavescat, periculosius; pessima est facies ad plumbeam accedens; hi duo enim posteriores colores hyppocondriorum viscera affici, vel affecta demonstrant, chronicosque fere insequuturos mortales indicunt, nisi citius ex acuto pereat ægrotans. Facies plena, quæ morbo vix imminuitur, multam cruditatem, densam, tenacemque redarguit, morbumque longum futurum.

Signa prognostica Malignarum Febrium alia febrium dispositionem ad malignitatem, & per consequens putredinem, ac malignitatem, sequuturas indicant, alia transitum ipsarum in malignas, & putredinem, indeque malignitatem, exorientes ostendunt, alia earundem diversos gradus, periculumque discriminant.

Febres acutæ ex chyli cruditate malignitati obnoxie sunt, ad eamque dispositæ primo quæ plures validas, variasque, ac diversæ indolis causas procastarticas habuerunt;
hinc

hinc illæ præcipue , in quibus fæces colore , & substantia variæ, multumque inter se differentes conspiciuntur. Sic febres , quæ simul calidæ sunt , & convulsiones , subfultusque tendinum, vel sudores profusissimos inducunt initio morbi , cum quo stare potest illud Galleni , nempe *genarum rubores cum sudoribus* , sed intelligendi rubores intensiores , atque ad fuscum vergentes ; item hæ , quarum accessiones sunt longiores , & frequentiores , etiam post opportuna repetita remedia ; tum illæ , quæ incipiunt cum capitis dolore exquisito , cæterisque vulgaribus antecellente , duro , opprimente , perseverante ; tum febres graves cum doloribus totius , atque artuum crudelioribus , constantioribus , diutiusque durantibus ; illæ quoque , in quibus cardialgia unita torpori , quæque sitim afferunt , & ariditatem citra calorem ; & symptomata demum quæcunque in suspectis acutis febribus prava simul , anomala , atque insueta , maleque sibi invicem respondentia inter malignitatis inditia haberi possunt . Quæ omnia , & singula certius prognosticum faciunt , si in maligna constitutione eveniant .

Non solam propensionem , sed ipsum transitum in malignas monstrant oppressio simul , & turbatio Naturæ , insigniores , quam in aliis febribus , magisque crescentes , quam febris , cujuscunque sit classis , præstare valeat , & sine alia causa manifesta , animalis videlicet , vitalis , quandoque & naturalis facultatis commotio , passio , ac detrimentum ; Atque inter cætera pulsus obtusi , confusi , sepulti , aut obscuri initio , sive augmento morbi , in statu undosi , vacillantes ; tum pulsus in febre mutatio ex naturali simili in frequentiorem quidem , sed inordinatum ; Corpus etiam in acutis febribus non admodum pro ratione febris calere , membraque minus calida nudare , perinde ac si incendio conflagrarent , malignitatis signum ex Hipp. de vict. rat. in morb. acut. & i. prognost. Item supranotatus extractus sanguis, qui
sub

sub impuro coagulo diffluit, serumque atro cruore inficit; Demum peticularum eruptio.

Coeterum in malignis febribus sternutamenta optima, atque etiam ex Riverio securitatem pollicentur; hæc quippe Naturam sentire, viriliterque expellere, indicant. Contra cardialgiæ frequentes, & singultus ferales sunt.

Pulsus boni, constantesque omnibus temporibus morbi bene sperare jubent. Malus vero in malignis pulsus valde inordinatus, inæqualis, tum frequentissimus; mali, inquam, tales pulsus; ac si etiam debiles percipiantur, mortiferi.

Practici distinguere solent peticulas in criticas, & symptomáticas, & quasdam criticas audent dicere in malignis febribus peticulas, quasi tantilli, & crudi sanguinis extillatio ad cutem, critica esse possit evacuatio, dum ex noto axioma *nil paucum criticum*. Nullo nomine hæ criticæ dici possunt, sicuti variolæ, quæ sunt ad instar crisis; nam dispar omnino ratio est; siquidem in variolis post plenam eruptionem cessat prorsus prima febris, morbifica materia ad cutem depulsa: apparentibus vero peticulis, vel major apparet febris, vel symptomata pejora insurgunt. Variolæ conferunt tanquam criticæ, quia purgant corpus per abscessus, & eorum suppurationem, qui si dispareant, antequam suppurentur, male cedere solent; suppurationem autem nullam habent peticularum stygmata; immo peticulæ mere rubræ aliarum optimæ, & tanquam criticæ communiter censentur; veruntamen ea non est crisis, per quam non evacuatur præcise peccans, sed plus de bono, quam de malo, quod proprium symptomáticos. Malignitatem per peticulas ad ambitum e sanguine expelli, isti opinantur. Id autem si verum foret, advectis peticulis, semper, saltemque ut plurimum in vado res esset, eoque magis, quo plures, & quo peioris coloris; quæ omnia quotidianis opponuntur observationibus. Quamobrem quum peticulæ neque sanguinem
fatis

fatis minuant, neque cruditatem fecernant, expurgentque, neque de massa malignitatem exhauriant, quam ratione unquam criticæ reputandæ? Insuper neque criticæ debent judicari peticulæ, etsi eas nonnunquam sequatur notabile levamen, morbusque post eruptionem mitescat, nam hoc non provenit ex peticulis expulsis, verum ex aliis criticis evacuationibus, præsertim alvi, & urinæ, accersitis per excitatam, vique directam sanguinis circulationem in efficaci victricis Naturæ conamine, atque expulsionem, in qua simul & peticulæ promoventur, & istiusmodi secretiones utiles disponuntur; siquidem non statim sequitur ablatio morbi ex peticulis, quemadmodum ex cæteris crisibus evenit, sed post evacuationes istas; morbus enim per hæc perseverantes, quanquam etiam peticulæ interim dispareant, paulatim decrescit, quæ si imminuantur, aut supprimantur, licet ad cutem sint peticulæ, morbus tamen recrudescit, & rursus in vitæ discrimine æger versatur.

Minus autem, magisque periculosæ peticulæ, pro variis eruptionis accidentibus: sic quæ morbo haud nimis protrahito, neque penitus fractis viribus, erumpunt boni coloris claro-rubicundi, diluti, mixti, & cum aliqua protuberantia, minus periculosæ sunt; tum pro aliis adjunctis consequentibus, nempe si febris ante, occulta, & depressa, manifestior emergat, & pulsus, antea inæquales, contracti, parvi, expandantur, constantiores, fortioresque fiant, (quod signum est, resistantiam a Natura per malignitatem vinci) ac possimum si dictæ secretiones alvi, & urinæ cum concoctione post peticularum apparitionem probe exerceantur, aut saltem tumores, etiam alibi citati, œdematosi similes, aliqua videm prævia coctione, ambitus partem occupent, teneantque, vix amplius timendæ. Quod si tarde, jamque profligata Natura, peticulæ pravæ, obscurioresque in conspectum veniant, & pro secretionibus salutaribus, sint urinæ con-

fusæ , turbatæque , aut tenuiores , aut cum hypostasi , contentivæ nigris , seu livescens (quæ certo exitalia) conspiciantur , vel caput oneretur delirio , sopore &c. prorsus funestum ; eoque certius , si exanthemata livida , carbunculi præsertim magni , aut cum ulcere depascente , aut qui in gangrænam mutantur , aut cordi , aut gutturi vicini , aut plures comitentur peticulas , sequanturve ; etenim hæc omnia pessima , atque mortifera .

Surditas in statu harum Febrium adveniens , præcipue post evacuationes , semper salubris . Surditas vero initio omnium acutorum , præsertim malignorum , periculosissima .

Parotides vel tantillum inclinante morbo (quod cognoscitur ex imminutione symptomatum) accedentes salutare . Initio autem , augmento , vel etiam exacerbationi , & vigori morbi cum gravibus aliis symptomatis superveniente malum ominantur , & interitum , maximeque si disparuant .

Febres Chronicæ sicuti communia quædam diagnostica symptomata ex chylo habent , quædam peculiariora ; ita & prognostica quædam generalia iis quoque inserviunt (generalia autem , seu communia prognostica sunt aliqua ex illis quæ antea in acutis posuimus , quæ scilicet tam acutis , quam chronicis convenire possunt) hic autem subnectemus prognostica propria .

Hujusmodi Chronicas alias , diximus , essentielles esse alias symptomaticas ; ergo prognostica febrium essentialium primo , deinde symptomaticarum afferamus .

Hypocondriacæ , etiam essentielles , quæ magis accedunt ac sæpius ad acutum ; tum illæ , in quibus spirituum tumultus turbant potissimum partes principes sive vitales sive animales , sive naturales , earumque functiones , pessimæ , difficillimæ , facilique negotio inferunt necem . Quæ

a par-

a partu incipiunt hystericæ nequiores , & curatu ut plurimum difficiliores .

Hæ ipsæ melioris spei in adolescentibus , atque juvenibus boni coloris ; in pueris cito nascuntur , citoque sedari possunt .

Hæcticæ pariter essentielles , nisi cito curentur , periculosæ .

Eædem in bonis temperamentis , morbo nondum pro-
vecto , atque inveterato , facile sanantur .

Chronicas porro essentielles minus periculosas esse , & minus longas , minusque difficilis curationis , quam symptomaticas , nemo non videt .

Signa Prognostica Symptomaticarum alia propensionem , ac facilem transitum in symptomaticas , alia jam symptomaticas factas ostendunt ; Hæcque signa quoniam aliqua majus , aliqua minus periculum , aliqua dubium eventum prædicunt , idcirco in mala , media , & bona dividuntur .

Inter signa igitur propensionis essentialium in symptomaticas, est atrabilarium , aut simile temperamentum ægro-
tantis , in quo & densior est sanguis , & glandulæ vitiosæ magis , quam in aliis fiunt , quemadmodum videmus magnos lienes iis familiares , schyrros &c. ex quo malum o-
men colligere licet, quum istiusmodi corpus per se , ac spon-
te in pejora ruat .

Tum sicuti ab causarum diversa natura , ac specie di-
versus effectuum genius , atque exitus consequuntur , ita eas-
dem inter prognostica signa recensere haud absurdum erit .
Itaque si causa fuerit diuturnus meri , & vinorum spiri-
tuum abusus , Chronicæ symptomaticæ facilius producentur ,
valdeque perniciosæ ; siquidem , tum glutinosis impuri sangui-
nis , tum salinis ipsorum liquorum particulis in fibrarum
porulis , & in interstitiis relictis , infixisque , ac tempore si-
mul induratis , rigida dura , quasi coria , paulatim viscera

redduntur, ut exhibet morbosorum Anatomes; id scilicet contingit præcipue vasculis angustis, maximeque convolutis, quibus glandulæ componuntur; quare hæ concretionibus istis sensim obdurescunt, quæ vix, aut ne vix quidem solvi possunt, morbo præsertim inveterato; sed eum potius alterant, citoque in alios lethales chronicos convertunt.

Item obstruuntur viscera ab Animi dolore, & tristitia: *tristitia*, & *mœrore membra humore referta obdurescunt*. Sanctor. in Static. Mœror, etiamsi brevis, atque improvisus, ad cor spiritus reprimat, illudque violenter constringit, unde tardior sanguinis circuitio, pallor, tremor, cordis palpitatio; Ab ista itidem constrictione, segnique sanguinis circulatione expressio humorum fit, per arteriarum lateralia lymphatica, unde in plerisque lachrymæ, in aliis sudores, in nonnullis œdemata improvisa erumpunt, in quibusdam etiam enphsemata, extruso ad loca extima aere: hæc autem in sanis, in quibus perculsa Natura, usque ad excretoria, aut ad exteriora humores viriliter digerit, aut explodit; in ægris vero, in quibus gravata Natura, & viscera languent, eo feruntur humores excrementosi, ubi major calor, & naturalis, ac morbosa minus resistens partium mollities, nempe intra cavitates, in thoracicorum, vel abdominalium viscerum vasa, indeque per hæc pathematum impressiones exprimuntur ubi ad conglomerata, magisque tortuosa vascula venerunt, nempe in primis fere glandularum liminibus, deponunturque in laxa glandularum corpora. In his itaque Febris a tristitia (quam inter cruditatis causas conscripsi) longoque mœrore natis, ante generata, congregataque cruditate ab sanguiducis vasis abundantius in viscera emissa glandulæ, ac interstitia earundem in dies magis infarciuntur, & symptomaticæ, curatu difficilimæ febres, ac fere lethales gignuntur, certioris necis, si diu duret tristitia; quia hæc cruditatem & primarum via-

rum,

rum, & in sanguine auget, & in visceribus; viscerum porro infarctus utranque priorem cruditatem amplificat; hinc morbi longeva diuturnitas, ac recrudescentia; a longo autem, ac recrudescente morbo renovatur mœror. Quare per hosce reciprocos processus ad interritum ducitur egrotans. Febres igitur, quæ ab dictis oriuntur Animi affectibus, in symptomaticas sponte inclinant; atque si hisce Febribus essentialibus hæc superveniant pathemata, ipse in symptomaticas transire consueverunt.

Si ab acuto aliquo inflammatorio ipsorum viscerum morbo jam convalescenti chronice istiusmodi Febres superveniant, periculum est, ne in symptomaticas cito faceffant (*siqua enim pars ante morbum laboraverit, hic morbus firmatur*) & in symptomaticas, jam ante debilitato egro, per se fatales.

Antiquitas febris, eandem fieri symptomaticam, arguit; longorum autem morborum finem vulgus quoque scit infœlicem.

Si hisce Febribus Hemophtysis superinducatur, tussis, & spirandi difficultas, perseverantes accedant, in Symptomaticas jam faceffunt, exitus valde periculosi.

Si iisdem in Febribus caro minuatur, oculi concavi fiant, vultus magis pallefcatur, aut infletur, albescant ungues, arefcatur cutis asperior facta, aut lævior, quam antea luceat, tanquam si gummi illita fuerit, atque hic illic morbose rubicundior, fordidiorque in dorso manuum, pedumque scindatur, ac veluti leprosa appareat, fixus denunciatur morbus in abdominis glandulis gigni, neque superari, nisi difficillime, posse. Quando externum solidum ab interno vitio pati incipit, potiori jure, internum male se habere, judicandum: id videmus in plantis, quæ siquam malam notam offerant in cortice, aut passo, aut calloso, aut quoquo modo præter naturam tumente, medulla vitata,

aut

aut saltem pars aliqua interior laborare deprehenditur. Cum hisce pravis signis Chronicæ Febres proculdubio in symptomáticas transeunt. Hæque sibi relictæ ad certam mortem sensim perducunt, curatæ plures enecant, maxime rusticos, per recidivas.

Oculorum quoque peculiaris, accuratiorque consideratio ad hujus prognosis cognitionem multum conducit. Sic oculi in ægris opaci, pulverulenti, floccosi, graves, obtusi &c. argumento sunt, organicos istiusmodi morbos, nimirum obstructions, in solidum internum viscerum altas jam mittere radices; idque ob communionem nervorum, quia par sextum & oculis infervit, & ad inferiores cavitates thoracis (ubi intercostale dicitur) & abdominis descendit plexus cum aliis cavitatum dictarum nervis efformans, donec tandem cum cruralibus jungatur; hinc ex Hipp. in coac. *Oculorum rubor in febre natus diuturnam ventris molestiam ostendit.* Sic si diu permaneant oculi, quales descripsimus, raro, vixque unquam in salutem, atque in pristinum æger revocatur.

Icterus ingruens, ac perseverans, quanquam remissus, maximum viscus abdominis obstructum palam profitetur, quod pessimum ut signum, & ut causa; ut signum quidem, quia Icterus in hisce febribus semper est symptomaticus, ut causa, quia chylus bile orbatus multo majorem cruditatem acquirit; tum segnior fit alvus, stimulo deficiente, unde ex ea magis contaminatur sanguis, morbus alteratur, intenditurque plerumque lethalis.

Si igitur hisce Febris in progressu, aut statu aliqua ex hujusmodi signis superaddantur, essentielles in symptomáticas evadere, pronunciato; Si vero cum hisce chronicæ ab ortu compareant, aut ea præcesserint, præsertim hæmoptysis, seu cita sine externa causa, extenuatio, jam a natalibus symptomaticæ habendæ, quæ sæpius funestæ.

Per

Per manuum vero tactum, atque explorationem glandulæ, nisi valde morbosæ, ac permagnæ sint, aut difficile, aut minime deteguntur; quamobrem si facili negotio vitiosa earum moles attrectatione inveniatur, majus erit vitium, quam brevi tempore discuti possit. Si autem glandulæ tales hepar, aut quæ in mesenterio sparsim consistunt, fuerint, admodum periculosum. Quod si cum his ægri vires tenues deprehendantur, mors magis, quam salus expectanda.

Ambigua, seu media signa, quæ infarcta viscera in chronicis hisce Febribus, harumque dubium exitum faciunt, hæc sunt: obstinata, etiam post evacuationes, & absque ægri errore, febris continuæ lentæ inhærentia, aut crebra recidiva. Incertum autem ex hoc uno vitæ, & mortis præsagium. Hic porro reminiscendum, continuam quandam spuriam, lentam febrem interdum aliquantisper insistere, ob spirituum debilitatem, & confusionem a prægresso morbo, ab evacuationibus, & a diætâ inductam, præcipue in fœminis hystericis, aut melancolicis maribus. Sed hæc & alibi distincta.

Infœlix facies, & vultus, præter morem, constanterque pallidus in his Febribus signum est obstructionum, sed, quoad finem, ambiguum, atque ad alia accidentia Animus est advertendus, & secundum illa expectandum.

Si capitis, si corporis totius diuturnam quandam molestam gravitatem experiatur æger, affectum solidum viscerum abdominis arguitur. Hæc vero continua ad malam prognosim vergunt, interpolata ad bonam, si etiam rara sint, & levia. Initio sane, atque in progressu Febrium ex chylo, integra manente causa, parumve imminuta, persint talia solent ægrotantes; veruntamen quum ea auxilia usurpata fuerint, quæ istam primariam, ac essentialem cruditatem e sanguine tollere valent, atque ea nihilominus affligunt

fligunt incommoda, quæ cacohymiam adhuc redundare, commonent, vitium in ventris visceribus existere arbitrandum, quod reintegrat, & fovet illam eandem, quam Baglivus caput præ cæteris partibus sentire, observat, & notat in epistol. ad Andry de feb. mesent. Romanor.

Item si æger, post idoneas evacuationes universales, non reficiatur cibum assumens convenientem; sic si difficile digerat, satietatem sentiat, & pondus epigastrii, a cibo etiam parco, febres hæcæ chronicas jam symptomaticas esse, docemur; nam ista ab obstructionibus eveniunt, ex Avicenna. Hæcque per se indifferentia itidem sunt; ac si cætera bene vertant, ne valde terreamur, si alia accedant mala, periculosum.

Alvi fluxus præsertim chylosus, sive cum externis concretis glandulis colli, aut inguinum, certum infarctus viscerum inditium, & febrium symptomaticarum, tum si retrocessum glandularum tumorem & alvi fluxus, & febris subsequantur. Hujusmodi quidem alvi fluxus sunt symptomatici; veruntamen haud semper periculosi; perniciosi habendi, si quantitate, qualitate, & duratione modum excesserint, & morbo fractis, & senibus. Nisi autem enormes fuerint, atque obstinatiores, opportunis auxiliis paulatim corrigi valent.

Deterior aliquando alvi suppressio, aut tarditas, quæ, in morbi præsertim declinatione, tanquam obstructarum glandularum signum merito habetur; nequissimum, si omnimoda fuerit, recrudescentia enim febris certo expectanda; sola vero parcitas facile tollitur, neque timenda, si copiosa, & crassa interim fecernatur urina.

Urinam nigrescentem inter lethalia symptomata aliquis absolute poneret, si tamen non perseveret post remedia, bona spes; secus res male se habet. Talis urina liene obstructo aliquando reddi consuevit. Urinæ hypostasis, seu nubecu-

becula lateralis indicat non gravem, neque eam, quæ nullo modo concoqui possit, cruditatem inesse; attamen viscera obfessa, & longitudinem morbi præfert; ac si favorable temperamentum, ætas &c. bonum, aliter malum. Lateralis concoctio hæc, & mutila in chronicis evenit, ubi febris remittere incipit; Signum est alia viscera concoquere, alia non dare concoctionis symbolum, unde inæqualis nubecula, ac lateralis, quia crudum cocto præponderat. Indequæ si multa sit concocta materia, licet inique pendens, medenti animos addit; si pauca, & restricta, demit.

Sudor & pulmonibus originaria præsertim Phthysi laborantibus fere semper, & primarum regionum glandulis infarctis interdum contingit. De Phthysicorum sudore, utpote organicum pulmonis morbum, lippis, & tonsoribus notum, febremque inde palam symptomaticam sequente, profusque malo, quia augescente morbo incipere solet, ac inferre atrophiam, non loquor; verum de illo sudore hic sermo est, qui supervenit quibusdam abdominalium viscerum obstructione affectis, ad morbi declinationem; nam integro in morbo sudor a plenitudine, indeque ab expressione oriri potest. Itaque si sudor chronica ex febre longa ægrotantem, tussi, respirationisque difficultate immunem, diætam servantem, & probe evacuatum, in somno corripiat, ventris glandulas morbosas enuntiabit, & febrem inde foveri. Sudor hic secundum quosdam respectus malus est, secundum alios bonus. Malus est, quia chylum in prima regione, ob viscerum impedimentum, succorumque inde male secretorum vitium, non bene præparari, significat, ita ut in corporis alimentum queat rite converti; tum quia monstrat, excrementosum per sua loca conferentia non eliminari; denique quia debilitat: Bonus, quia indicat, mesentericas saltem vias aperiri, uberiusque admittere alimentum, atque ex
V alia

alia parte, chylum crudum quidem, sed non esse adeo crassum, rudemque, ut nequeat per universum corpus distribui, aliquo modo regi, ac tenues cutis poros penetrare; multoque in hisce peior, ac periculosior est interna collectio, quam sudor.

Bona sunt quæ sequuntur. Febris, ex continua lenta diuturna, facta intermittens, talisque, actis agendis, perseverans, aliquem cruditatis fomitem adhuc in glandulis superesse, docet, sed non tantam ipsi vim inesse, ut pariat in febre continuitatem.

Urina itidem in chronicis istiusmodi intermittentibus diu durantibus, aut sæpe recidivam facientibus, quotidie concoctionem exhibens, a residuo organico, etsi bonæ spei morbo viscera adhuc detineri, monet, indeque ali intermittentem; sanguinem autem, & vasa sanguida per se satis bene disposita ostendit, ita ut cruditatem in sanguinem illatam quotidie concoquant.

Abundans urina, etiamsi quadantenus cruda, absque siti, in longa, beneque tractata Febre chronica quacunque, indigestionem denotat ex obstructione viscerum; sed bona, quia monstrat, cruditatem chyli in sanguine quoquo modo vinci, atque in urinas facessere.

Ad signa obstructionum prognostica salutaria in hisce Febris longis Dysenteria quoque spectat, nondum detritis, ac jacentibus viribus superveniens, maxime aliis bonis signis prægressis, quamvis febris aliquantum inde augeatur, nam cum critica perturbatione accedere consuevit. Hæc interdum nasci solet, quando sive a Natura, sive ab Arte peccantis materiei portio evacuata fuit per secessum, hoc est per glandulas primarum viarum, quo Natura huic crisi assueta, ac irritata, etiam rudiora, & crassiora transmittit, quæ, humidioribus exhaustis, remorantur, atque ibi relictæ, neque novissime, ob irregularem ineptitudinem, expur-

purgata glandulas claudunt. Sic igitur hæ glandulæ infarciuntur, & morbosæ reliquæ remanentes in sanguine, in diesque modo dicto fomite adauctæ chronicam Febrem exercent vel continuam, vel si minor sit causæ quantitas, intermittentem. Quod si is sensim accedat aut ab arte, aut ab aere, tempestateve, melioribus, aut ab aliis accidentibus Naturæ robur, ut tempore, & febre attenuet, coquatque reliquam istam in sanguine cruditatem, atque ad excretionem insurgere incipiat, eandem per conferentia, usitata loca, nimirum ad intestina depellere incipit cum arterioso sanguine, qui glandulas obstructas inveniens illis vim infert (unde dysentericus dolor, tormina ante excretionem) per capillaria earundem vascula sese insinuando, quorum aliis ramis a prævio infarctu clausis, per alios pleniore copia ruens eosdem amplificat, nimisque dilatat, ac globulares, rubræque sanguinis particulæ, via patentiore facta, exeunt. Talis vero Dysenteria haud admodum cruenta esse consuevit, sed plerunque in primis tantum dejectionibus striæ quædam sanguineæ observantur, cæterum implet chylosa liquida simul, & mucosa saburra. Critice autem eliminata morbifica materia, quæ in sanguine supererat, paulatim concoquetur etiam illa, quæ in glandulis hæret.

CAPUT OCTAVUM.

*Effectus exponuntur variarum Medicationum,
in hisce Febris institutarum.*

MUltæ quidem, variæque sunt methodi medendi hisce, sub quocunque titulo, ac nomine habitis Febris, fereque omnes perpendi (eam omitto, si qua est alicujus regionis peculiaris, ac propria, usuque longo comprobata, quam unam postulare videatur climatis distincta ab aliis con-

stitutio, per alios prævios morbos, & hominum corpora, & per consequens has febres alterans, inducendo anomala quædam symptomata; quæ cum particularis sit, nihil ad nostram rem) atque aliorum curationes attente æque, ac meas observans effecta remediorum, exitusque adnotavi. Auctorum etiam, super hæc, opiniones, & dogmata practica consideravi, ac morborum hystorias. Alii alia sentiunt. Antiquorum præstantiores doctrinæ, quam Recentiorum eorum, qui ab illis toto Cœlo dissentire magnum reputant. Nullam tamen (licet apud aliquos aliqua bona reperiamus) legi hætenus, vel audivi integram, factam, & tectam methodum medendi his Febris; immo aliquæ compertæ, deprehensæque medendi rationes, nescio quibus principiis innixæ, procul ab ægrorum lectulo inventæ, generales, ac superficiales, quæ vel parum, nihilve profunt, vel symptomata accersunt, cœteroquin non sequutura, atque in discrimen ægrotantes adducunt, ex iisque non pauci misere pereunt. Observationes autem, quæ ab aliis traduntur, minus tutæ, quam quæ propriis sensibus, propriaque animadversione colliguntur, præsertim si uni non fiditur, sed repetitis, ac ferme perpetuis. Porro non sola culpanda quædam Medicorum remedia, verum & quæcunque a domesticis in ægro alendo, regendoque perperam, maleque gesta, jam ante præmonui, addoque ipsius ægrotantis in victu perpetrata delicta. Quoniam vero discitur etiam ab erroribus, atque defectibus, symptomata in his Febris inde nata afferam, ut, quæ sint genuina morbi, & quæ inconvenientium circa ægrum actorum soboles, quisque dignoscere, tum hunc vel illum morbi ejusdem progressum, finemque ab ipsis expectare, ac prædicere possit, & simul methodos absurdas vitando, optimam viam seligere valeat.

Ephemeræ profecto (quum Natura cito sentiat invadentem morbum, ac per se ut plurimum expellat; cum

que

que vehementia febris, innappetentia &c. cibum in ea capi non sinant, vixque aliud præter aquam admittat æger, & calore intenso febris afflicto alium non patiatur superinduci, ex quibus causæ augeantur; neque ullum tam cito remedium adhiberi soleat, aut sola sanguinis missio, quæ utilis, nonnunquam administrari) raro alterantur, aut viginti quatuor horas, duosve dies prætergrediuntur.

Ex acutis minoribus Catarrhales si, sprete conditione morbi, neglectaque victus ratione, vinosis etiam tententur liquoribus, ut vulgo fit, ad catarrhum, quod ajunt, concoquendum, in sanguineis potissimum temperamentis, orgasmo, in nimio, cruditateque referto sanguine, parto, depromitur illuc peccans materia, ubi pars primum laboravit; cumque ea distincte affecta aut caput sit, aut pulmo; si primum, illud dolore inconstante, atque hebetudine jam gravatum vel in acutum continuum dolorem, vel augendo febris gradum, in lethargum paulatim isti errores inducunt. Si pulmo, hic tussi, serosoque viscido affluxu debilitatus sive in Peripneumoniam, sive in Phtysim inde labitur. Prima ex tussi, atque ex febre adauctis, difficiliore respiratione, pectoris oppressione majore, capitisque dolore assiduo quidem, sed tussi valde exacerbato, accedere dignoscitur. Secunda ex longitudine morbi, ac semper crudæ materie expectoratione, dolore ad sternum, & spinam non raro erumpente, & catarrhali febre ad hæcticam sese componente prospicietur.

Rheumaticæ non raro in diuturnos, atque ad plures menses, etiamque ad annos, perseverantes dolores desinunt, si ab initio lacescitæ fuerint sudorificis; nam materiæ crudæ portio in his febribus fere extra circulationem deponitur, qui vero eam per sudores movere, atque eliminare conantur aliam materiam e sanguine extra circulationem pellunt, intra fibras musculares, ac tendinosas, atque in ipsas easdem; etenim perspiratio in plenitudine cruda nequit moveri.

veri. Sic vidi hæc febriculas in juvenilis ætatis florem prætergressis, qui eas neglexerunt, immo assiduis, violentisque corporis laboribus non pepercerunt, attenuata inde cruditate, atque aut multa, aut omni ad ista loca e massa communi delata, ac defixa, artuum dolores cum debilitate quadam, ac motus difficultate, admodum longos abeundo reliquisse; quibusdam autem, ob attenuantia, absque evacuationibus, diæta, ac regimine, necessariis, in cruditate integra, usurpata, ac ob male habitas istiusmodi Febres Rheumaticas, artus morbose, perpetuoque contractos; nonnullis dorsi spinæ enormem gibbositatem inductam cum admiratione perpexi, natis ab inæquali materie affluxu, & decubitu (unde muscoli alii obstruuntur, seu quoquo modo infarciuntur, atque impediuntur, tum stamina ipsorum nervea comprimuntur, hincque eorum remittuntur fibræ, dum antagonistæ spiritibus abundantioribus concurrentibus, ac meliore, plureque derivato sanguine, nimium, semperque tenduntur) confirmatisque convulsionibus, ac turpi membrorum figura ab morbi vetustate, calloque quodam obdurata.

Demum Acutæ minores in genere illæ in chronicas, pro alterutra dispositione, Hæcticas, vel Hypochondriacas, evadunt, quæ cum pulsu duriusculo linquantur, propter omissam, aut nimis parcam, aut non repetitam, quum opus erat, phlebotomiam. Atque hæc ipsarum in chronicas degenerationis omnium est frequentissima causa. Tum in chronicas hæc desinere consueverunt, si, iisdem retusis, verum non ablatis febribus, concedatur ægrotis usus vini, sanguineis temperamentis potissimum, bonoque in clymate.

Ex Acutis vero majoribus Quotidianæ nimio, pro morbi qualitate, quæ pertenuem exposcit, victu tractatæ gravissimæ fiunt, ægrumque quasi ex insidiis oppressum suffocant. Quod si aqueo potu æger repleatur, hæc Febres de facili in Ascitem delabuntur.

Acutas alias hujusmodi, quæ per non paucas horas remittunt, in calidis, & humidis corporibus, succi plenis, qui, unica, parciore, celebrata sanguinis missione, absque secessu aut arte excitato, aut spontaneo, eoque abundante, saltemve copiosa fluente, & crassa urina, per diaphoretica curare contendunt interdum efficiunt, ut hæ ipsæ in Aquam intercutem cum doloribus transeant, expulsa violenter ad membranam adiposam, quæ & musculos, & fibras, & habitum cingit, crudæ saburræ portione; *neque vero Aqua intercus, si ex acuto morbo cæpit, febrim solvit, sed doloribus torquet, atque interficit.* Hipp. in prælag. Aliæ similes per similem medendi methodum alia partium incommoda supererogare solent, quemadmodum in pueris, & senibus debilioribus stuporem, comatosos affectus nonnunquam perniciosissimos, & lethales: membrorum, & medii etiam corporis ressolutiones; in densioribus, robustioribusque hominibus dolores acutissimos, fixosque capitis: delirium, indeque tardius excedentem stolliditatem; in aliis tandem crudos, ac periculosos abscessus, duros, multum, diuque affligentes, parotides &c. Hisce affinia detrimenta, in cruditate multa, quibusdam afferre possunt decocta amara, tum diuretica quædam, & aucto morbo, stupentibusque Medicis, & morbi pravitatem immerito accusantibus, paulatim mortem invehere, sicuti & supradicta diaphoretica. Adeo methodus ista, quæ parum stimulat, parum evacuat, parumque Naturam debilitare videtur, indeque innocentissima, atque optima vulgo habita, est perniciosa!

Aliquæ ex similibus Acutæ Febres, sed præsertim calidiores, minusque remittentes, per sudorifera in Phrenitidem præcipitantur, confusa magis, quam a prænotatis diaphoreticis, morbosa materia cum sanguine, unaque ad cerebrum missa. Sanguis per carotides ad cerebrum purior ascendit; gravior nanque, & viscidior tendit deorsum; si vero

vero massa communis, chylosa cruditate referta calefacientibus, acribus sudorificis simul conturbetur, stimulatque vasis, violenter ex corde per carotides explodatur, sanguis vitiosus, secundum totum, ad cerebrum pergit, unde in tenuissimis vasculis tortuosis, atque in mollissima materia, vix quidquam resistente, aut fulciente constitutis, ab rudimento fœculento fixa inducitur inflammatio. Nonnulli quasi declinante continua febre, sed accessiones habente, per sudores jam evasisse videntur, quiescente cum profusissimo sudore accessione; sed crassiuscula viscida, & glutinosa remanens, spirituosiore parte, & tenuiore sanguinis per violentes sudores exhalata, rebellior, quæ ab accessione colligata, & cum sanguine rarefacto mixta, finita accessione, vix apparebat cruditas, rursus unita accessionemque renovans ægros viribus destitutos, atque ob id minus morbum sentientes, ac demonstrantes, repente, atque inopinato occidit. Aliæ in malignas, proruptis, maxime initio, sudoribus, cessant; idque ex alibi traditis perspicuum esse potest; siquidem causis implentibus, tardam, inæqualemque sanguineam massam facientibus altera a sudorificis internis additur diversarum facultatum, nempe confusionem, & stimulum salinum inducens, rarefactionem humorum, distractionem vasorum, lateralem symptomaticam sudoris expressionem; quibus oppositis de causis, quid violentissimum Natura patiatur oportet, atque extremæ passioni non nisi per extremum conatum, morbumque nequissimum adversari contendat. Insuper calor omnia simul, crassa cum subtilibus &c. miscendo, sudor liquidior, melioremque partem excernendo, duo prorsus diversa, & quodammodo inter se pugnancia præstant, utrumque tamen ad putredinem faciens. Idipsum de calidiore regimine, sudorem promovente, intelligendum. Mox recensita caloris damna paucis, sed aureis verbis expressit Celsus, Medic. lib. i. cap. 9. *Calor concoctio*

*coctionem prohibet , sudore digerit , obnoxium morbis pestilenti-
bus corpus reddit .*

Dictum sane fuit , stupores , comata , convulsiones , de-
liria esse symptomata Febribus hisce solemnia , & non raro
ipsam malignam putredinem in iisdem nasci ; veruntamen
haud omnes Febres acutæ hisce per semetipsas suscitandis ap-
tæ sunt , neque eadem omnibus ægrotantibus afferre consue-
verunt . Comata , convulsiones , deliria fere per se ingerunt
Febres verminosæ dictæ , tum opprimentes insidiosæ , quæ
gravissimæ a nobis nuncupantur , tum pessimæ , seu malignæ .
Comatosi facillime fiunt pueri , habitiores , senesque : proni
in delirium sunt ægrotantes , quibus caput antea infirmum ,
tum quibus cito , ac per se oboriuntur tendinum subsultus ,
tum denique quibus sponte lingua nigra fit , atque arida .
Quænam autem Febres ex se ad malignitatem dispositæ sint ,
fatis alibi significavimus . Aliis in casibus si hæc mala oc-
currant , ut plurimum sunt effecta pravorum remediorum ,
diætæ , aut regiminis .

Quæ vero jam adsunt perniciofa symptomata , modo
memorata , perniciosiora reddit calidior methodus ; sic in-
ter alia jam deliros febricitantes , lethargicosque plerunque
perdit consuetudo apponendi eorum capiti gallinas per spi-
nam scissas , sive columbos , sive catulos ; hæc enim Phre-
nesim veram accersunt , calefaciendo , morbum insuperabilem
faciunt , ac omnino lethalem , ægro non evacuato , neque
fatis purgato , adhibita : siquidem , ex lege hydrostatica expe-
rimentali , ubi major calor , huc major gravioris materie
confluxus . Malignas autem amplius exacuit methodus ista
per procuratum , impurgato corpore , sudorem ; quod enim
impuri , ac putridi existit in primis regionibus in sanguinem
allicitur , & ex citata lege , & quia sudore sistitur alvus ;
tum confusio in massa communi gignitur pejor , intenditur
putredinosus motus , pestilentior fit corruptela , & ab rare-
facta

facta, putrescente massa, expressa tenuiore plurima liquidiore parte in sudores, ac miasmata, extruduntur per relaxata lateralìa lymphatica sudoris vehiculo multæ simul, in symptomatico nisu, sanguinis corrupti particulæ, unde peticulæ, seu maculæ obscuræ, lividæ, carbunculi &c. atque in his anxietates lethales, frequentes miserrimi angores, mors.

Ex hisce constat, sudoriferam methodum curandis huiusmodi ægrotis perniciosam esse; attamen quoniam & usitatissima est, & quamvis plerisque male vertat, nonnullis etiam salutem affert, normam hic certam statuere, opportunum duco; non enim perpetuo, & absolute prohibendus sudor. Ac primo lentus calor, vixque naturali similis permultarum Februm inæqualium, tum pulsus earundem tardus, rarusque, crassissimam existere cruditatem, ac viscidissimam denotant, quomodo autem crassissimam, & viscidissimam materiam duces per sudorem? Neque illud Sanctorii: *Humores podagricorum, etiamsi crassissimi sint, solum per modum vaporis resolvuntur*, quidquam suffragatur; nam humores podagricorum tanta copia non sunt, ut Naturam opprimant, cum immo ipsi primis statim diebus ad ignobiles, extremasque corporis partes ab eadem strenue in brevem febrem depulsi sint, ac relegati, ubi per diætam, perque longum tempus concocti in venas, inque sanguinem paulatim resorbentur, cum eoque puro gutta una, puta, vel altera illorum quotidie miscetur, & in totum dispergitur, ac motu vasorum, circuitioneque ulterius attenuatur, ita ut humores iidem per secretionem, etiam tenues, dissipari possint. Harum vero nostrarum Februm cruda peccans materia in sanguinea massa adeo abundans est, ut Naturam quasi vinciat, impediatque motum cordis, & arteriarum, concoctionem, ipsique manifestæ febri necessarium; sine concoctione autem nullus criticus sudor. Absit ergo paritas. Deinde in

Febribus inæqualibus, accessionem aperte distinctam, pulsusque palam inæquales habentibus, nequaquam convenit unquam, donec tales sunt, arte promovere sudorem; quomodo enim æqualis sudor criticus instituetur in crasi massæ communis, & ejusdem circuitione, inæqualibus? Non per attenuantia, & sudorifera, nam præterquamquod, tali in cruditate, supra recensita mala pariunt, insuper magis dispositum, minusque iners semper primum, magisque solvetur, & per sudorem fere assidue expressum ciebitur, quod symptomatice præstat Natura, docente Hipp. 4. Aph. 42. *Sudor multus, frigidus, vel calidus, semper fluens, frigidus majorem, calidus minorem significat morbum, idest morbosum Naturæ conamen, & symptomaticum, quod clarius enunciat, 4. de morbis: Et si quis febre oboriente ab omni humore, non adhibeat idonea, invalescet morbus, quantum ipse humores superaverit, hoc modo. Calescente sanguine, exhalat maxime, per hunc, humor aquosus, qui feбри est infestissimus, relinquitur autem pinguis, &c. qui biliosus est, & feбри maxime nutrimentum est. Denique in omnibus, atque etiam æqualibus, dolores partium, ossium &c. monstrant, materiam morbosam cum angustiorum vasculorum diametro minus aptam proportionem habere. Quidam tamen tam ex inæqualibus, quam ex æqualibus Febribus ægrotantes, maximeque ex secundis, per sudoriferam methodum servantur, quia rarefacta massa communi, vasisque magnopere distentis, summopereque retardata, conturbata, atque confusa massa eadem, vel per abortam malignitatem diruitur peccans materia, & extreme percussa Natura extremo conatu nonnunquam resistantiam vincit, pellitque ad secretoria omnia: conferentia, & non conferentia; vel in aliis, rarefacta massa, expansisque vasis, rudiuscula minus distinguuntur, & minus obstruunt, atque excessivo calore, ac tempore etiam eliquantur; quamobrem vi illata vasis tenuibus*

lymphaticis, cum aliis humoribus exit quoque cruditas; unde aliquibus paulatim salus. Veruntamen quanto plures in malignis intereunt, victa Natura, adeo ut in pestilentes evadant malignæ! Quam multi, pluribus simul obortis secretionibus non sufficientes succumbunt! Quot sunt, in ipsis æqualibus, qui phrenitisi pereunt, aut convulsi, defixa in cerebri minima vascula inflammatione! Non pauci, post horrenda pericula, symptomata, ac cruciatus, propemodum ineffabiles, ab acuto emergunt, atque in chronicos delabuntur; omnes demum qui servantur quam longam, afflictamque, ac morbo parum dissimilem, convalescentiam agunt, demissis spiritibus, humidoque balsamico consumpto, solidoque enervato! Neque in principio igitur, neque in augmento statuque harum Februm, non donec adsunt dolores partium particularium, aut totius, sive continui sint, sive inconstantes, scilicet non ante evacuationes crassiores, nec ante concoctionem, sive inæquales Febres sint, sive æquales, sudor arte provocandus. Restat, ut videamus, num postea tuta sit, utilisque sudorifera methodus, quum nempe urina bene concocta apparuerit, inter statum, & declinationem. Post idoneam itaque sanguinis detractionem, copiosamque purgationem, plurimæ harum acutarum Februm, notabiliter imminuta continua, in accessiones evidentes, ac distinctiores, quæ sine frigore quosdam, quosdam & cum frigore aggrediuntur, facessunt, & urina ipsa probe concoquitur. Neque in hisce prodest remediis promovere sudorem, quin immo periculosum. Concocta quidem multo magis, quam in principio, augmento, statuque adventante, est materia. Sed quomodo, quæso, concocta est in sanguine talis materia? Ipsa accessionum patentior distinctio a reliqua febre, & ipse accessionum earundem fortior vigor, ostendunt, materiam hanc in concoctione congregari, & magis, quam antea obstruere fines arteriarum, febrilesque tales paroxysmos

non

non raro & frigore inceptos generare ; ideoque & Antiqui observabant , horrores interdum præcedere crises , quia concocta sæpe conglomeratur materia , & inde obstruendo canales , universam circuitiorem sanguinis valde retardat. Tandem intueamur , quomodo sit concocta materia in urina , quæ massæ communis soboles est , ac veluti quædam imago. Nonne ideo concocta est urina , quia excrementum chylolum maturum , atque subactum , *album* , *leve* , & *æquale* apte separatur a reliqua urina , simulque concurrit in quandam nubem , quasi centrum tenentem , seu infra medium vasis existentem ? ita profecto ; concocta igitur est , tanquam monstrante Natura , ad alvinam secretionem magis , quam ad sudorem , aut perspirationem , in quibus excrementa uniri non debent , sed dispergi ad universam corporis circumferentiam ; quod vero unitur , ac præparatur in massa ad alvi certam secretionem , & urinæ , improbum est contrario Naturæ nisu spargere rursus per sanguinem ad aliam oppositam incertam secretionem , cum discrimine prædictorum symptomatum , aut saltem recrudescentiæ morbi. Concocta sit ad perspirationem in sano corpore perspirabilis materia , tamen si , frigore improvise repellente , rursus refundatur per sanguinem , non ne Ephemeræ , aut his etiam longiores suscitatur febres ? Concoctum est pus , & tamen si diffundatur per sanguinem , non ne febres inducit valde periculosas , quemadmodum secundarias in Variolis ? Nunquam ergo bonus erit sudor , quispiam inducet. Tunc solum , respondeo , tutus , utilisque sudor in hisce Febribus , quando post phlebotomiam ablata sit pars crassa aut purgantibus , aut saltem spontaneo abundante secessu , quæ autem remanet tenuis sit , & disposita , quod arguetur ex febre humili facta , absque manifesta accessione (etenim citra has conditiones malus sudor vel ex Hipp. ipso probari potest , 4. Aph. 56. *Febricitanti sudor superveniens , febrem non deficiente* ,

ente, malum, prorogatur enim morbus; non dicit: Febris non deficiens, sudore superveniente, malum) & sine doloribus, etsi inconstantibus, vagis &c. tum ex urinæ hypostasi tenui, diaphana, rara, lata, aurei coloris. Si cum his Natura per se vergat ad sudorem, is non est ullo modo impediendus, sed neque sollicitandus nimis, satis est aqua ebullita cum aliquo amaro-blando, tepida epota, eum conservare, criticus enim est, veruntamen in inæqualibus rara avis: unicum, factis prædictis, febreque imminuta, & æquata, mihi videre licuit, quem sola diæta, & regimine ad metam perduxit; non ita rarum in æqualibus.

Non defunt qui phlebotomia, sæpe repetita, sanguinis phlogosim in acutis Febris, cujuscunque classis, sibi tollendam putent; veruntamen causa efficiens non est proprius sanguis, sed chylus crudus, hetherogeneus in sanguine; isti itaque abundantiore, debitoque crebrius iterata sanguinis missione enervant sanguineam massam, vires motrices, secretionisque minuunt, unde major cruditas, quæ vel mortem paulatim infert, vel saltem morbi longitudinem, & convalescentiam tardior, periculosiorque. Quod si unquam phlebotomia in februm frigore celebretur, ea maxime lædit, & quo major est horror, eo illa periculosior, eamque interdum mors ipsa inopinato consequi potest; nam tunc temporis coacta est, densa, & stricta sanguinea massa; quare sanguinis prætiosior, fluidior, & volatilior portio, quæ eodem tempore summopere necessaria est ad servandam circulationem, atque ad irrorandum, penetrandum, calefaciendum coactum reliquum, per sanguinis missionem, tunc temporis institutam, educitur, cumque ea sit spirituum proxima materia, vires cordis, & arteriarum, quæ hunc eundem compactum sanguinem obstinate admodum resistentem, solvere, ac promoveri deberent, franguntur. Perniciosissimam in febrili frigore phlebotomiam adnotavit celeberrimus

Lancyſius, in equorum epidemia : *Id tamen discriminis animadvertendum fuit ; ſcilicet equos , ſi frigore correpti nondum febrili æſtu incaluerint , & ſanguinis miſſione curati ſint , plerunque interiſſe , aut diutiſſime conflictatos ægre convaluiſſe .* In chronicis vero ad Hydropem viam ſternunt iſtiuſmodi miſſionum ſanguinis abuſus .

Alii poſt phlebotomiam in magni momenti Febribus totam rem committunt vexicantibus ſtatim appoſitis , ad nimium repente confugientes , & ab exceſſu Clinicorum præteriti ſæculi , qui nimium ſero illa imperabant , contrario exceſſu discrepantes in periculum ægros adigunt , ſiquidem in permultis ex his Febribus cruditas in principio male mixta eſt cum ſanguine , quo fit , ut frigus ſæpe ingruat , quemadmodum in inæqualibus deſcripſimus , Boheraavve autem , de frigore febrili , hæc habet : *Frigus febrile omni eo , quod valide ſtimulat , quocunque demum titulo tentatum , dedit ſæpe inſanabilem poſtea inflammationem .* Hinc vexicantia , & ſimilia damnosa ſunt . Hæc nanque , inducendo maſſæ ſanguineæ repentinum impetum , per ſolida laceſſita , crudam ſaburram , inæqualiter poſitam in debiliores impinguat partes , quæ exinde ſemper magis relaxantur , & accipiunt , dum aliæ contrahuntur , & expellunt , hinc *inſanabiles* ex facili ſubrepunt *inflammationes* , Ex alia vero parte nihil boni ab iſſdem expectandum in Febrium principiis ; nam tunc cruditas & nimia eſt , & nimis craſſa , neque vaſcula lymphatica peragrarè poteſt , quum nondum per ipſum ſanguinem valeat quocunque pervadere ; inepta igitur ipſa eſt ad hanc expurgationem ; quapropter ex tali maſſa , per vexicantia , ſolum tenue quid extrahitur , fruſtraque mulctatur æger , cum illa non ſit via toti , atque integræ cruditati movendæ ; verum craſſior , majorque pars primum recte ducitur per alvum ; poſtea autem & vexicantibus tutior erit locus .

Baglivus in his Febribus , quas ille meſentericas vocat ,
ſine

sine præmissa phlebotomia , purgantia præscribit . Hæc in juvenibus , athleticisque temperamentis , maribus præcipue , absque prævia missione sanguinis , fere semper turbas excitant , ac tormina ventris , vires frangunt , parumque ut plurimum de morbo detrahunt , quum massa sanguinea ad secretionem prædisposita non sit , atque omnia sint plena , faciliusque tenuior pars , & spirituosior ab stimulis vasis exprimitur , quam viscidior , & crassior , quæ primaria est morbi materia . Quamobrem adhibita , sine missione sanguinis , purgantia , minus de cacochymia , quam de viribus dementia , si ægrotans debilis sit , certam necem inferunt .

Hic vero adnotandum , quod si ab congrua , beneque præscripta , post phlebotomiam , purgatione , accessio ejusdem , vel sequentis diei & consuetam aggrediendi horam præveniat , & multo intensior , fortiorque exeratur , ac diutius affligat , nonnullis fortasse rei male actæ suspensionem incutiet ; sed temere ; ratio ex theoretico desumenda capite ; nam minus periculi a febre manifesta , quam ab oppressione , aliisque insidiosis symptomatis ; præterea febris ipsa , reliquis opportune administratis , si per se curabilis fuerit morbus , opinione citius cessabit , quod repetita experientia probatum candide assero .

Malum dare acria purgantia in accessionibus validis , etiam præmissa detractio sanguinis , aut in Febris æqualibus , valde , semperque calidis ; de hoc errore , incommodis , ac periculis inde emanantibus commonet Hipp. lib. de purgantibus : *Quicumque igitur a fortibus febris corripuntur , his medicamenta purgatoria dare non oportet , donec remiserit febris , sin minus saltem non intra quatuordecim dies . Carnes enim ipsorum , & ventres , quum calidissimi sint , medicamentum absument , & nihil depurgantur , & febris major fit , & color evertitur , & morbi regii speciem præferunt . Commotum enim bile , & non purgata , non sorbere vult æger , neque bibe-*

re, sed omnia abominatur, & plerunque perit. Si vero detinet medicamentum, ante meridiem nihil purgatur: a meridie vero nimium purgatur, & perit. Ac si hac die superstes maneat, & una cum purgatione remittat febris, sanus fit. Quapropter in febribus vehementibus medicamenta purgatoria dare non oportet. Particulariter autem purgans in accessione, si-ve exacerbatione sumptum capiti perniciosissimum est, ejusdemque partis principis mala multiplicat, & auget, de quo Celsus Medic. lib. 2. cap. 12. ubi de alvi ductione, rationem affert: *Quia quod tunc infusum est alvo continetur, regestumque in caput multo gravius periculum efficit.* Fortia item purgantia prava in vomitionibus insignibus, inque fixis intestinorum doloribus, ac perseverantibus, in quibus cautius agendum.

Verum perniciosissima etiam quædam purgantia in malignis Febribus; nam a præscripto, sine selectu, validioreque cathartico, provecto potissimum morbo, fractisque viribus, æger, spiritibus reliquis repente a violenta purgatione consumptis, citissime perit: *turpis autem calamitas est,* inquit Hipp. lib. supra citato, *dato medicamento hominem occidere.*

Vix minus periculi in Chronicis, extenuato ægrotante; Hypocondriacis enim purgantia acriora, aut nimis repetita non raro ingentem appetitus dejectionem, aut vomitiones enormes, cæteraque admodum perniciofa symptomata invehere possunt, Hæcticis vero alvi fluxum lethalem; feralem autem Tympanitidem iis, quibus in symptomaticis Febribus abdominis viscera jamdiu laborant. Malum & purgare nimis frequenter in Chronicis Symptomaticis, etsi intermittentes factæ fuerint, nam vires nimis prosteruntur, unde rursus generalis cruditas, emungunturque nimis, crebroque glandulæ, in locum porro violenter evacuatorum subeunt cruda, & in meatibus impinguntur, unde morbus difficilior.

Oppiata, & adstringentia, ad quancunque diarrhæam in hisce Febris adhibita: in Acutis singultum, & alia graviora symptomata, indeque vel mortem, vel longitudinem morbi, & transitum in chronicas adsciscunt; Chronicas autem essentielles, ut in symptomaticas faceffant, efficiunt. Oppiata vero, quum calida sint, & rarefacientia, atque efficacia diaphoretica, ea mala insuper inducunt, quæ ex his nasci, alibi docuimus, deliria, convulsiones, inutiles sudores symptomatici, ac debilitantes &c.

Nescio quæ temporibus nostris methodus Aquam communem, simplicemque, tanquam remedium, exhibendi invaluit, quæ multum improbanda est ut inutilis, & ut damnosa. Quod ad primum, hæ Febres a Chyli cruditate fiunt, repletionem facientes; *morbos autem, qui a repletionem fiunt, curat evacuatio*, non aqua; ergo inutilis. Quod ad secundum, aqua vel calida sumitur, vel temperata, vel frigida. Calida primarum viarum fordes emolliendo, & meatus chylicos aperiendo, efficit, ut impurum facilius in sanguinem transferatur; solidum maxime relaxat, ac hebetat; atque sanguineam massam implet simul, & rarefacit; unde vasa sanguifera magis adhuc remittuntur, ac distenduntur: ex quibus omnibus febres in dies graviores emergunt, ac perquam insidiosæ, quæ ægrotantes torpidos, atque enervatos de medio tollunt. Temperata copiose epota, sicuti imperandi mos est, ventriculum debilitat, & gravat, languidos, & jam a naturali statu dejectos succos gastricos nimium humectando amplius infirmat, aqueam cruditatem vappidam sanguini infert, vasisque itidem atoniam; Et talis igitur in hisce Febris perniciofa: Aquam intercutem inducere potest, saltemque morbum protrahere, diuturniorem, laboriosam, periculosamque convalescentiam reddere. Aqua frigida & omnem concoctionem aliarum maxime turbat, & secretionem quascunque impedit, & pectori inimica

tuf-

tusses excitat , huicque parti pejora minatur ; hinc damnatur in Acutis . Aquæ istiusmodi simplicis usus , etiam tanquam potus , similiter reprobatur ab Hipp. de vict. rat. in mor. acut. *Aquæ porro potui in Acutis morbis nullum aliud opus habeo , quod attribuam , neque enim tussim lenit in peripneumonicis , neque sputum educit &c. præcordio mala immo pessima fit , ac biliosissima , & vires maxime prosternit , ubi in vacuitatem ingressa fuerit . Sed & splenem auget , & hepar , ubi inflammatum fuerit , & fluctuat , ac superinnatat . Nam & tardi transitus est , eo quod frigida est , cruda , ac incoctilis , & neque per alvum secedit , neque per urinas transit . Insuper autem & propterea læsionem inducit , quod a natura stercus non subducit . Si vero etiam dum adhuc frigidi sunt pedes aliquando bibita fuerit , hæc omnia multo plus lædit ad quodcunque tandem ipsorum pervenit . Siquid igitur decumbit magis figit , ac durat potissimum frigida , quod advertit Celsus : *Aqua frigida strumas excitat .* Et re vera chronicas hæc Febres essentielles brevi facit symptomáticas , & symptomáticas insuperabiles , atque lethales . Ex dictis , quæ de Aquæ , tanquam remedii , usu sunt tradita , eadem de aquæ ejusdem crudæ , simplicisque ordinario potu habenda .*

Quoniam a nocuo potu Diætæ incongruæ detrimenta in-
cepi , nunc vini in his Febribus male usurpati incommoda ,
ac pericula subnectam . Vinum igitur , ac similia spirituosæ ,
fermentatione confecta , maxime integro morbo data , gene-
raliter Febres augent , fortiores , & calidiores reddunt , accessio-
nesque earum molestiores , longiores , & frequentiores , ita ut ad
æqualitatem magis accedant ; caput doloribus sævissimis , ma-
joreque gravitate afficiunt ; atque ægrotantem in convulsio-
nes impellunt , in delirium , ac in citum interitum : hæc
solemnia vini effecta sunt ; interdum tamen & inflamma-
tiones internarum partium fixas facit , quas hyeme , ali-

quando malignitatem Febris, quam magis per æstatem, ingenerare valet. Vinum sanguinem maxime, ac citissime implet; cruditatem tenuem addit, turbas facientem, vasa nimis expandentem, irritantem, summopere calefacientem; simulque spiritus vitales, animalesque crudos, & convulsivos subministrat; hinc & orgasmos inflammatorios intendit, & confusionem in febris magnam, atque tumultum parit in sanguinis circuitione enormem, & sudores symptomaticos inducit. Avolatis autem spirituosius volatilibus partibus, ea, quæ remanent ex vino in sanguine, eundem spissum faciunt, ac densum. Hos duos vini contrarios effectus etiam vulgaris ostendit observatio; statim nanque ab eo sumpto exortus color rubicundus, calor, vasorum aucta amplitudo, rarefactionem significant; Sanguis autem de bibacibus hominibus extractus saturo-ruber, immo obscurus, nigerque densitatem ejusdem a vino natam manifestat; hinc pulsum plenissimum, ac durissimum efficit. Vinum itaque chronicas quoque alterat, ita ut ad acutas quasi extolli videantur, & nervina Hypochondriacarum mala exaltare consuevit.

Cibus insulsus hebes tum in Acutis, tum in Chronicis cruditatem fovet; hinc Febres reddit contumaciores, & ferme quibuscunque remediis minus obtemperantes; appetitum prostermit, ægrumque facit languidiorem. Miror profecto, Medicos aliquos solum pertimescere in alimentis, dum aliis salibus, etiam fortioribus, ex triplici regno desumptis curationem plerumque committunt.

Diæta quæcunque crassa, gelatinosa, aut multum nutriens generaliter has Febres sive acutas, sive chronicas exacerbat, inopinatas, ac sine ordine accessiones superingerit, has enim fere duplicat, illisque horrorem inducit, aut illum protrahit, saltemque accessiones reddit longiores, quosdam, præsertim acute laborantes; etiam in lipothymias frequenter adigit, omnibus anxietatem, sitimque parit, chronicæ

niceque decumbentes aut intensa, auctaque febre occidit, aut essentielles febres citissime in symptomáticas, gravatis visceribus, convertit; jam vero symptomática febre affectis aut obseffas partes inflamat, aut eosdem sudoribus debilitat, atque in marasimum adducit incurabilem, aut cohibitis omnibus secretionibus, in Hydropem. Hujusmodi alimenta damnoſa sunt jura nimis plena, fercula alia debito densiora, aut glutinosa, carnes, & pingua omnia, atque oleosa, quæ infensissima sunt hisce ægrotantibus; quocunque enim titulo exhibita augent causam morbosam, gignunt lentorem, torporem, repletionem, indeque natam oppressionem, obstructions internorum viscerum &c. ova forbilia, inter cœtera, caput plectunt, febrilem adaugent calorem, pulsus frequentiam, turgentiam &c.

Quod ad Regiminis improbi damna spectat, jam ea attulimus, quæ sunt calidioris, & sua tamen sunt frigidioris detrimenta; & quemadmodum illud symptomata superaddit Acutis, & Chronicis, ita frigidum tam in Acutis, quam in Chronicis symptomata, quæ minime sequerentur, suscitare solet. Frigidius itaque regimen Acutas Febres magis confirmat, alvum, & urinam supprimendo, aut imminuendo, atque in iisdem inflammationes partium fixas facit; gravius enim frigidum ambiens turgentem, vagamque phlogosim premit, & cogit, illamque ad aliquam plerunque interiorum partem determinat, in eamque figit, hinc Anginæ, Pleuritides, Peripneumonix, Iliaca Passio &c. Hæc significasse videtur Hipp. 3. Aph. 5. de aquilonijs constitutionibus: *Si vero Aquilo fuerit, tusses, fauces, alvi duræ, urinæ difficultates, horrores, dolores costarum, & pectoris*, tum lib. 3. de morb. popul. *Frigiditas ea, quæ in ventre sunt, indurat.* Horum quædam similia symptomata nonnumquam & in Chronicas invehit frigus perceptum, sed ut plurimum debiliora; in his enim decubitus sæpius lentiores, & ipsi chronici

nici ad viscera fiunt, atque essentielles in symptomaticas inde migrant; illas vero, in quibus jam glandulæ infarctæ sunt, jamque symptomaticas, clausis visceribus, sæpe lethales reddit frigus, aut molestissimas saltem, curatu difficillimas, ac perquam diuturnas. Experientia generaliter demonstrat, frigidioribus tempestatibus crebrius, evidentiusque sanguinis extracti coagulum, densiusque in hisce Febris fere omnibus, quam aliis temporibus.

Quædam passim tradidimus de remediorum, & diætæ incommodis in communi etiam circa Febres Chronicas, modo particularium usitatorum remediorum perniciem exponemus, quæ tamen ex supradictis elucescit; ideoque id paucis præstabimus.

Chronicarum Februm remedia, Medicis valde familiaria, sunt jura viperata, decocta ex sarsaparilla, & alia similia dulcificantia dicta; tum decoctiones galli veteris, aut pullorum tantummodo alterantes; quæ omnia inter attenuantia connumerantur; & lactea diætæ.

Quod ad prima; talia attenuantia, etiam post phlebotomiam, sine idoneis evacuationibus, usurpata crudam, impuramque massam perturbando, & ad symptomaticos decubitus disponendo, tum Hypocondriacas, tum Hæcticas Febres exacuunt, atque essentielles in symptomaticas vertunt; in primis porro convulsivos dolores mirifice intendunt, quare vigilias, & agitationes excitant, atque ululatus extorquent, quosdam & in paralyses adigunt ægrotantes, tandemque in mortem; in secundis, nempe in hæcticis, copiosiores reddunt sudores, colliquativos dictos, calorem hæcticum fovent, atque in marasimum, & tertium gradum ægros impellunt, qui ferme lethalis.

Diætæ lactea hypocondriacis fere semper noxia, hisce ingerit, sive auget cibi fastidium, digestionum, & secretionum tarditatem, languorem, & pulsus obtusos; Phtyficis quo-

quoque hyppocondriacis lacteam diætam rarius convenire, asserit Morton. Hæc eadem diætâ Hæcticas, ante evacuationes necessarias, si essentielles sint, hebetiores quidem, verum obstinatiores præstat, repletionem enim, cruditatem, hujusque lentorem amplificat, & viscera opprimit, atque obstruit, præsertim lac bubulum; quamobrem utrasque brevi facit symptomaticas. Multum etiam obest chronica Febre symptomatica ex abdominalium viscerum infarctu laborantibus, lac integro morbo datum, quorum multos reddit incurabiles. De hoc autem fusius tractabimus.

Alia quædam, quæ certum damnum evidenter non accersunt, omisimus alibi, ubi locus videbitur, examinanda; effecta enim consuetissima omnis methodi minus congruæ hic exhibenda erant; ulterior autem discussio, & recta, tutiorque remediorum, diætæ, ac regiminis norma maxime in sequentibus.

C A P U T N O N U M.

De Sanguinis Missione, ad curandas hasce Febres adhibenda.

Istis reprobatis Febrium ab chyli cruditate productarum medicaminibus, tuta, efficaxque methodus eisdem mendi est stabilienda, quod nullo modo melius mihi videor præstiturus, quam remedia ipsa cum indicationibus conferendo, confirmando, objectaque evertendo, ac diluendo.

In hisce Febribus composita plethora dominatur, hoc est sanguis cacochymus superabundat, uti satis hætenus demonstravi, totus autem Antiquorum Senatus generatim in plenitudine cacochyma phlebotomiam, ducunt, esse necessariam, inter quos Cornel. Celsus Medic. lib. 2. cap. 10. de sanguinis detractone per venas, ait: *Si materia vel deest, vel integra est, istud alienum est; at si vel copia sui ma-*
le

le habet, vel corrupta est, nullo modo melius succurritur. Sen-
nertus vero lib. 5. Part. 2. Sect. 1. cap. 7. de Venæ Sectione
hæc ex præmissis summam inducit: *Ex quibus patet, uti-
lem esse posse venæ sectionem dum sanguis vel putrescit, & cor-
rumpitur, vel peccat copia.* Distincte porro in Acutis inquit
Hipp. de vict. rat. in morb. acut. *Verum in Acutis morbis ve-
nam secabis.* Gallenus denique lib. 2. methodi, tanquam mo-
nitum constituit: *in omnibus febribus putridis saluberrimum es-
se sanguinem mittere.*

Sequuntur dogmata, quæ in morbis phlebotomiam
ipsam eandem purgantibus, omnino judicant, esse præmit-
tendam, & Hipp. itidem de vict. rat. in morb. acut. num.
36. ubi morbus magnus, & acutus & phlebotomiam, &
medicamentum exposcit, primum phlebotomiam, docet, ef-
fe adhibendam, postea vero dandum medicamentum; at-
que idem lib. de loc. in homin. sic ingeniose loquitur: *Medi-
camentum tamen, donec corpus floridum est, ne propinato, non
enim vacuatur, nisi parum, utpote corpore turgente, deflorat
autem corpus, & turgentiam opportune tollit phlebotomia.*
Porro ex Galleno sic Ballonius: *Si phlebotomia corpus eva-
cuaveris, catharticum venas, arterias, & inanes regiones inve-
niet, non oppletas, ita facile in totum corpus pervadet ad
attrahendos succos, & facile educendos, ob eorum fusionem,
& tenuitatem.* Præclara sane Galleni commentatio ad præ-
notatos textus Hipp. nobisque admodum rationalis doctrina!
Quoad enim faciliorem educationem, Natura oneris parte
detracta per venæ sectionem, id, quod reliquum est, minus in-
commode movet, ac digerit; siquidem Natura & plenitu-
dine universali, & chylo inutili, morbofoque gravata duas
habet resistantias, misso sanguine, unicam habet, nempe
cacochymiam solam, quam crebriore, & liberiore vasorum
concussione erudire, & a sanguine quoquo modo separare
valet, ejusdemque sic dispositæ etiam crassiuscula, & vis-
cida

cida excrementa ad conferentia secretoria depellere, adjuvante cathartici stimulo magis attenuante, ac determinante. Quare sic instituta phlebotomia & minuit, & quantum satis est ad secessus secretionem, concoquit sanguineam massam.

Phlebotomia itaque in hisce Febribus primum debet esse remedium; atque ex brachio, in quo minor, ac torpidior est pulsus (ut plurimum enim alter pulsus altero notabiliter major, plenior, frequentior &c.) ea est facienda, ut etiam revulsione ad æqualitatem circuitio informetur; atque ex largo foramine sanguis, pro mensura repletionis, vitium, & ætatis, sic in pueris ad vi. in quibusdam ad viii. in pluribus ad x. in nonnullis ad xii. uncias circiter, extrahendus; idque temporis ad hanc eligendum est evacuatio, quo declinavit, multumve remisit febrilis accessio; quia tunc magis mixta est, ac facilius circuit massa communis; istud plerunque esse solet horis matutinis; secunda itaque, aut tertia est opportuna; horæ vero, quibus maxime exacerbatur morbus, ex Celso, vitandæ, qui Medic. lib. 2. cap. 12. habet: *ubi febris vehemens est, in impetu ejus sanguinem mittere hominem jugulare est, expectanda igitur intermissio est, si non decedit, cum crescere desit*; nam in augmento febris, quod plerunque pomeridianis horis ad vesperras accedere consuevit, corpus quid violentum patitur, quod augetur a phlebotomia, quæ vires divertit, ac deimit, pugnæ necessarias.

Non raro evenit, ut satis non sit unica sanguinis educio, præsertim in gracilibus, qui sanguine abundant, idque colliges vel ex pulsu nimis pleno, turgente, ac nimis infuso, post celebratam sanguinis missionem, quietis diebus, est quibus nulla facta fuit artificialis insignis evacuatio; nam enim phlebotomia, quam catharsis eodem die alterat pulsum, & ferme plenior effingit, quod nemini Clinico-

rum ignotum arbitror, idque a commotione, & rarefactione quadam ab istis sanguineæ massæ inducta contingere. Præcæteris itaque repentendæ plebotomiæ necessitatem indicat pulsus in his Febris aut semper plenus, nimiumque resistens, aut saltem quibusdam temporibus aliquatenus durus obtususve, licet inæqualiter; Vel si primæ phlebotomiæ binisque purgantibus, alterne cum alterante usurpatis, vix parumve cedit morbus; eoque magis si crescat aliquod symptomata, ut capitis dolor &c. Vel ex urina, quæ antea laudabilis fuerat, si confusa appareat, seu etsi coloris non mali, attamen neque quidquam separet, neque corrumpatur, sive sæpe quidem, sed parce mingat æger. Hæc quippe ostendunt, Naturam ab sanguinis sarcina adhuc premi, neque concoctionem morbosæ materie persequi posse, neque, ut oportet, excernere, nisi alia rursus sanguinis detractio. Medicus ipsi subveniat. In hisce omnibus nisi venæ sectionem iteres, adhuc periclitatur æger, si adimpleas, citissime in meliorem mutabitur acuta, aut saltem essentialis quæcunque ea sit, hujus generis Febris, & urina rarius quidem mingetur, sed quacunque vice abundantior, probeque concoquetur.

Nihilominus quidam casus dantur, in quibus venæ sectio etiam potest omitti, nempe si in infantes, aut in prima pueritia constitutos inciderint hæ Febres; exiguam enim pletoram generare solet corpus, quod crescit, & ut rarum maximopere perspirare consuevit, ex Sanctorio. Neque tamen hoc tanquam omnino perpetuum tenendum, nam si morbus urgeat cum symptomatis, vel diutius perseveret cum pleno seu turgidulo pulsu, his quoque conveniet sanguinis missio, atque hoc auxilium ab hac ætate minime alienum esse docuit ipse Celsus Medic. lib. 2. cap. 10. de sang. detract. per venas.

Alter casus est, in quo necessarium aliquando non
vide-

videtur mittere sanguinem, quum nempe in primis viis dura hærente materia, atque alvum supprimente, ex impuro, suam excretionem non habente, atque per lactea vasa simul cum chylo ingrediente incipit lædi sanguis; quia tunc sola cacochymia peccat; veruntamen id in morbi tantummodo primordiis nonnunquam accidere, & admitti potest, antequam eadem cacochymia & secretiones impediendo, & densitatem inducendo in dies majorem, utramque pepererit plethoram: ad vasa scilicet, & ad vires.

Tum superflua plerunque phlebotomia in recidivis, quando in prima febre satis sanguinis fuerit detractum, dummodo a suppressione mensium, aut hemorrhoidum &c. aut a vini abusu non fuerit recidiva.

Prætermitti consuevit phlebotomia etiam in Ephemeris multis, tum in languidioribus pulsibus; verum in Acutis etiam minoribus reliquis omnibus, dum pulsus permittunt, fere opportuna est, ac necessaria.

Porro si quis dicat, saltem in illis, qui humido, & pituitoso sunt temperamento, & in senibus, in quibus, ex dictis, vix acutæ videntur hæc Febres, quum ad phlegmaticas potius reduci mereantur, atque in senibus langueat calor, absolum, extraneumque esse id remedii genus, hisque detrimento esse magis, quam auxilio; quod ad primos, scilicet phlegmaticos, a fortiori, illud oppono, quod de sanguinis detractone in ipsa Anasarca legitur apud magnum virum Alexandrum Trallianum: *cui enim hydropi Anasarca nomen est, & venæ sectionem interdum requirit, ut quæ ex sanguinis frigidi copia nascatur, videmus enim, quod etiam ignis externus, cum a lignis viridibus propemodum extinguitur, refocillatur rursus, si ea, quæ ipsum suffocabant, auferantur.* Et Cornel. Celsus pariter lib. 2. Medic. cap. 10. supra citato, postquam varios casus enumeravit, in quibus opportuna est phlebotomia, addit: *item malus corporis habitus,*

quem pro phlegmatico habebat, sicuti videre est apud ipsum. De senibus autem dico, eos magis indigere venæ sectione, quam juvenes, quia in illis vetus sanguis perquam difficile mutatur, cum ex eo senum carnes vix nutritionem ullam accipiant, cumque exsucca cutis, & conniventes pori parum perspirent, addita maxime senili inertia, ex quibus omnibus superfluous, inutilis sanguis coacervatur.

Arguet fortasse alter subsumens ex Rammazzino de morb. Artific. *Agricolas saltem non esse per sanguinis missionem eodem modo curandos, ac urbana gens; illorum enim corpora ab assiduis laboribus attrita facile exsolvuntur; his accedit, quod sanguinis systasis tota fere gelatinosa sit, & parvum volatilium effæta.*

Respondeo primo, Rammazzinum, quamvis fortasse nimium a phlebotomia aversum, haud improbare illam in rusticis, nisi largiorem, aut debito ulterius repetitam. Secundo constanter affirmo, eo ipso, quod sunt laboribus fractæ vires, necessariam esse sanguinis detractionem, qua levetur sarcina viribus major; quæ ratio rusticorum ipsorum autopsia confirmatur; nam bobus, postquam hi per æstatem araverunt, sanguinem perquam utiliter extrahunt bubulci, experti affirmantes, inde lassitudines solvi, morbosque divertiri. Lentus in rusticis fit sanguis præcipue dicta de causa, quia videlicet vires motrices laboribus, & caloris excessu imminutæ languent, & tunc massa sanguinea a minoribus viribus male regitur, quare paulatim retardato circulo crassescat, oportet, ac gelatinosa impleatur visciditate per exsuperantem in ea crudum chylum, & multo difficilius moveatur, Febresque istiusmodi lassitudinarias dictas pariat, quæ sine sanguinis missione sedari nequeunt, sed ægrum vel enecant, vel diutissime fatigant; opus enim illis curandis est phlebotomia, non modo ad onus diminuendum, sed etiam ad spissitudinem, per datum in vasis spatium, tollendam.

lendam. Immo nonnunquam liberalior, atque iterata rusticis convenit sanguinis missio, quum nempe sese antea vino impleverint, sive in ipso morbo ad febrem profligandam, uti mos illorum est, vino abusi fuerint.

In verminosis quidem Febribus parca sit phlebotomia, quia in his spiritus animales, vitalesque crudiores, pauciores, magisque inæquales, quam in aliis febribus, facili negotio deficiunt; quod si pulsus in his minutus, exilisque sit, ac pressioni deficiens, etiam vitanda.

Cæterum idonea sanguinis missio in his Febribus acutis, quemadmodum nuper tradidimus, nunquam omnittenda. Quidam autem ægrotantes, qui a phlebotomia insolentissime abhorrent, cucurbitulas scarificatas malunt admittere, quam venæ sectionem, ignorantia vero, pervicaciaque suæ dant pœnas, dum frustra terga cæduntur, nec quidquam remittit morbus, nisi etiam sanguinis ex vena detractiōni postea assentiantur. Sanguis crassus, impurus, inæquali crasi, & mixtura constans non ex minimis, sed ex grandiusculis vasis extrahendus secundum totum; sicuti enim observant Auctores, magis proficere sanguinem missum, si ex amplo venæ foramine, & facto circulo exierit, quam si ex angusto, & per brachii altitudinem repserit, ita pari de causa magis juvabit, si ex vase non parvo, quam si ex angustissimis, cujusmodi sunt cutanea, ducatur. Præterea per phlebotomiam dirigitur, acceleraturque sanguinis circuitio (ut patet ex pulsu expeditiore, ex calore inducto &c.) unde concoctionis, & secretionum spes, quæ commoda cucurbitulæ nequaquam præstant. Neque est, cur quis dicat, per cucurbitulas perspirationem promoveri, quæ immo per illas in hisce Febribus magis cohibetur, evocando violenter ad cutem ea, quæ secerni nequeunt, utpote cruda, & indisposita: *Frictiones, & cucurbitulæ in non purgato corpore plus attrahunt, quam resolvunt; Sanctior. in Static. Frictiones, &*

cucurbitulæ in refertis crudis succis impediunt perspirationem ; ibidem . Quæ a sanguinis missione minime sunt metuenda .

In malignis autem Febris Medici quidam phlebotomiam tanquam nefas reputant , præcipue repetitam , scarificatis cucurbitulis magis fidentes (hæ vero nusquam venæ sectionis suppleant utilitatem) quibus simul peticulas ad cutem alliciendo , Naturam adjuvari a se ipsis , putant , dum tutius , citius , ac minore detrimento illi Febres hæc superare deprehenduntur ægroti , qui ita tractantur , ut putredinem , ac malignitatem effugiant , non fecus , ac malignum hominem melius effugere , quam ab illius nequissimis moribus , dolisque sese extricare . Natura sane peticularum eruptionem , & putredinem , unde malignitas , molitur , sed coacta id præstat , non sponte , coacta ab massæ communis pondere , perturbatione , vasorum distensione , ac summa irritatione , ut se a suffocationis imminente periculo liberet ; symptomatice id agit , & symptomata non sunt adjuvanda , sed prævenienda , atque impedienda , eoque magis malignitas , quæ pessimum est symptomatum ; nulla autem re melius primum succurritur , quam si , ponderis partem , indeque distensionis , irritationisque , per phlebotomiam , aliquando etiam iteratam , demendo , circuitiorem rectam , motum scilicet progressivum massæ sanguineæ fervemus , & lateralem , ac intestinum , perturbatum , putredinosumque avertamus .

In malignis vero epidemicis , contagiosis Febris quam citissime celebretur , & primo , aut secundo die sanguinis missio , aut saltem ante quartum ; nam hinc profecto *occasio præceps , & tardare in talibus malum* ; facienda igitur (correcto primum aere cubiculi junipero cum baccis usto , pino , lauro , seu aromatibus , si lubet , aliis hujuscemodi gratis , seu , quod optimum est , vapore aceti) antequam corruptio restaurationem spirituum , post detractionem sanguinis ,

nis, prohibeat, massam sanguineam totam, & proximam spirituum substantiam alterando, atque invertendo. Quo amplius enim protrahitur, eo magis spirituum imminuitur secretio, & corporis œconomia ruit; siquidem adeo mala sanguinis crasis a solo circuitu aliquid obtinet vitalitatis, hoc in dies magis restricto, paulatim in putredinem abit, neque amplius, per phlebotomiam, statim, adeoque erigi valet, ut cito spiritus reparentur, quemadmodum initio assequi possumus; hinc fit, ut in epidemicis quibusdam contagiosis constitutionibus, sanguine octava, aut nona die extracto, nonnulli paucis moriantur horis. Præterea non modo cita, verum & moderata in talibus casibus esse debet sanguinis missio, habita semper virium ratione. Hæc omnia ex pulsu cognoscentur.

Differt multum maligna Febris, nata ab contagione, a Febre maligna sporadica, absque contagione, orta ab aliis causis, licet ejusdem cæteroquin naturæ, & quamvis peticulæ ad cutem veniant, ac miasmata progignantur, etiam in secunda; nam in hac remissior est causa efficiens, neque spiritus vel ab initio statim decidunt, sed paulatim decrescunt. In epidemicis autem ab contagio obortis duplex, in causis communibus, est spirituum detrimentum: alterum dum a suscepto contagioso morticino halitu statim ab initio ipsi afficiuntur, indeque modo jam descripto corumpuntur: alterum dum a circulatione, usque ad finem status semper tardiore, sensimque magis putrescente impurissima massa communi, miasmatumque proventu gradatim imminuitur, contrahitur, vitiaturque illorum separatio, &, quicumque sit, vigor. Itaque ubi inter causas haud fuit contagium, in malignis sporadicis, atque intercurrentibus, liberius administrari potest phlebotomia.

Convenit in malignis Febribus sanguinis eductio, etiam quando post peticularum apparitionem Medicus vocatur, si
pul.

pulsus non deterrent ; nam omnino est necessaria ; ac si morbi violentia rursus minuetur , etiam repetenda ; etenim in plenitudine , & tarditate massæ communis , qualibet accessione , aut exacerbatione , in conspectum plures veniunt peticulæ , novatur qualibet vice , seu intenditur pessimus , perturbatus , diversus motus , unde in putredinem semper magis solvitur sanguinea massa , quod inhibendum per phlebotomiam , qua illico imminuitur plenitudo , ponderis resistantia , & distensionis stimulus , expediri incipit circulatio , orgasmi , ac tumultus moderari incipiunt ; alioquin enervata Natura a repetitis conatibus symptomaticis , atque a putredine sanguinis , & ab miasmatum in se generatorum , resumptorumque seditione , ac desolata prorsus impar plerunque redditur movendo tanto , ac tali sanguini , cujus exiguum portionem per peticulas eliminat ; & hæc ipsa eliminata portio in lymphæ ductus arteriosos intrusa per se nequaquam juvat sanguinis circuitionem , quin potius eidem jam deficienti proximæ , alicui impedimento est , obstruendo , atque hic illic premendo .

In Periodicis aliquando utile , ac necesse est , aliquando supervacaneum mittere sanguinem . Quando ab pigra , sive obstructa alvo nascuntur Intermittentes ex chylo , quod sæpe accidit , etiam sine phlebotomia , quemadmodum supra de acutarum simili primordio proposuimus , curari potest ægrotans ; itidem quotiescunque ab obstructione glandularum talis periodica diu ægrum infestat ; absentia enim continuitatis significat , sanguinem vix quidquam per se peccare , sed per contractam a visceribus indigestionem , non multam , & expurgari quotidie per aliquam secretionem , atque eisdem glandulis , quæ adhuc gravantur , magis prospiciendum esse , tanquam causæ procastarticæ febrem foventis . Necessarium autem venæ sectionem ad Febres huiusmodi intermittentes adhibere in plethoricis , & in quibus
pul-

pulsus duri, saltem in paroxysmo, sentiuntur; tum maxime quando, libera etiam alvo, hæ ad continuitatem tendere videntur, quando scilicet dolor, seu tensio, & pondus capitis, etiam extra paroxysmum, affligunt.

In Chronicis quoque continuis perquam necessaria est detractio sanguinis. In Hyppocondriacis Febribus eo liberior administranda, quo majores habent exacerbationes, & calore intensiore fultas, quæ si tales perseverent, etiam iteranda; hæc nanque & febris feritatem mitigat, & dolores, convulsionesque lenit, quæ hac in Febrium specie occurrunt.

In Hæcticis etiam Febribus ut plurimum unica satis non est phlebotomia, ubi præsertim pulsus duriusculus maneat, & talis enim pulsus semper venæ sectionem indicat, & Hæcticæ Febris causæ frequentiores exposcunt; nempe plethoricum gracile temperamentum, vini abusus, nimia extractionis sanguinis parcitas in acutis, & defectus hæmorrhagiæ consuetæ, quod etiam agnovit Hipp. 6. Aphor. 12. *A diuturnis sanato hæmorrhoidibus si una non servetur, periculum est Aquam intercutem; vel tabem* (quæ per Hæcticam scilicet Febrem inducitur) *advenire*. Hæc omnia globulorum, fibrarumque sanguinearum numerum excedentem efficiunt, superfluum, inutilem, immutabilem, bonisque secretionibus prorsus ineptum, indeque Chyli cruditatem permanentem generant, quæ mala corrigi nequeunt, nisi primum causa præcipua auferatur, nimirum plenitudo sanguinis, per phlebotomiam.

Etiam in symptomaticis non raro iteranda est venæ sectio, quotiescunque evidens turgentia pulsus æqualis, vel inæqualis efflagitat, certius tamen, perseverantiusque levamen a phlebotomia in essentialibus, quam in symptomaticis. In quo etiam advertendum quod didici ab experientia, scilicet obstructions lienis, atque hepatis sæpe extraneam

quandam pulsus plenitudinem accersere, quæ vix per diem unum, aut alterum phlebotomia emollitur; id præsertim ex facie pallida, subtumida, aut subflava ægrotantis, & ex siti cognosces; hæcque peculiaris turgentia species aliis peculiaribus solvenda remediis relinquatur, non phlebotomia renovata tentetur.

C A P U T D E C I M U M.

De Purgatione.

Quemadmodum oleum, & operam perdimus in his Febribus præsertim magni momenti curandis, omissa sanguinis detractio, ita vix quidquam tuto proficitur, absque purgantium administratione.

Mirabuntur multi, nos tam levioribus, quam magnis Febribus, atque etiam malignis, nec non & chronicis methodum ferme eandem, & purgationem præscribere. Veruntamen quum Febres acutæ minores in acutas majores non raro transeant; acutæ majores in malignas; inæquales in æquales, & vice versa; intermittentes in continuas; continuæ in intermittentes; omnes autem in chronicas desinere queant; quumque non pauca sint omnibus communia symptomata; quum demum omnes procastarticæ causæ, singulariter, ac seorsim sumptæ omnibus fere Febrium harum conditionibus valeant esse communes; causa vero efficiens, & proxima ubique sit eadem, tantummodo secundum magis, & minus, pro diversis febrium classibus, & characteribus, distincta; & materia causæ efficientis in omnibus item eadem existat, nempe crudus chylus; cum destructio causæ morbi sit ablatio materiei, quæ morbum facit, methodus, quæ educendo e corpore morbosam istam impuram Chyli cruditatem in genere tollit has Febres, etiam in partu-

ticulari conveniet ; eoque magis , quod ad varietatem , & differentiam a diversitate accidentium , classiumque illatam , nos quoque remediorum quantitatem , eorundem materiam , atque ipsa exhibendi tempora variamus .

Hoc profecto sæculo , quo in omnibus lenitas , ac prudentiæ opinio , atque existimatio vulgaris magis , quam vera Prudentia , & vera Praxis affectantur , extraneum videtur tam frequentia admittere purgantia ; attamen inauditum non est , sanguinis eacochymiam per alvum purgari , sed id Majoribus nostris perquam familiare fuisse , ex eorum monumentis perspicuum est , satisque sit Artis Principis dogmata in arenam prodire . Habet igitur magnus Præceptor , 2. Aphor. 9. *Corpora quum quisquam purgare voluerit oportet fluida facere ;* & lib. 4. de Morb. a num. 18. ad 21. quatuor , docet , esse conferentia loca , per quæ noxium e corpore tum in statu morbofo , tum in sano effertur : os , nares , alvum , & urinæ meatus , sed maxime alvum , inquit enim sub. num. 20. *Influit autem humor de corpore ad ventriculum amplior , & graveolentior , & desert cibos concoctos , & quidquid est in corpore morbosum , & simul exit .*

Huncque Natura ipsa demonstrat conferentem locum in his Febribus ; siquidem ephemeræ ex chylo , & aliæ acutæ minores alvi fluxu superveniente interdum solvuntur ; acutæ majores , quibus tempestivus alvi fluxus accedit , absque gravioribus , multisque symptomatis , breviter sua tempora decurrunt , faciliusque sanantur , sic malignæ , sic chronicæ ; contraria omnino symptomata accidunt in Febribus his omnibus , quando venter siccus est ; idque observat Hipp. lib. 1. de morb. num. 14. inquit in genere : *Febrienti , aut vulnerato alvus resiccata , malum ,* deteriora videlicet ingruunt , urgentque symptomata , exitiumque , aut saltem longitudo morbi , & in chronicas , ut plurimum symptomaticas , transitus , expectanda sunt . Modo , missis acu-

tis minoribus , quæ haud tantum interfunt , duas Februm acutarum majorum hystorias , ab Hipp. petitas , prout stant , lib. I. de morb. popular. fideliter afferam , quibus tanquam oppositis veritas magis elucescat . *Ægrotus X. Calzomenium* , qui ad Phrenichidæ puteum decumbebat , febris vehemens corripuit . Dolebat autem caput , collum , & lumbos ab initio . Statim autem surditas . Somni non aderant . Febris acuta invasit . Præcordium elevabatur , cum tumore : distensio non valde : lingua sicca : quarta ad noctem desipivit . Quinta laboriose omnia exacerbata sunt : circa undecimam parum remiserunt . Ab alvo vero , ab initio , usque ad decimam quartam , tenui multa , aquei coloris , prodibant . Toleranter ea , quæ ad secessum pertinent , ferebat : postea alvus restitit . Urinæ perpetuo tenues quidem , verum boni coloris , & multa in medio , suspensa habebant divulsa : non subsidebant . Circa decimam sextam , minxit paulo crassiora , habebant subsidentiam parvam , paululum allevarent , resipiebat magis . Decima septima rursus tenuia . Circa utrasque aures tubercula extiterunt , cum dolore . Somni non aderant : delirabat . Circa crura dolebat . Vigesima a febre liber judicatus est : non sudavit : omnia intelligebat . Circa vigesimam septimam , coxæ dextræ dolor fortis , cito quievit . Tubercula vero juxta aures neque sedata sunt , neque suppurata , verum dolebant . Circa trigesimam primam , profluvium alvi ex multis aquosis , cum ejusmodi , quæ in dysenteria prodire solent . Urinas crassas mingebat . Tubercula circa aures sedata sunt . Circa quadragesimum , oculum dextrum dolebat , obscurius videbat . Restitutus est .

Ægrotus XI. Dromeadæ uxorem , quæ filiam pepererat , & aliis omnibus secundum rationem factis , secunda die rigor corripuit : febris acuta . Cœpit autem prima die dolere circa præcordia , fastidiosa , ac nauseabunda , horrida , anxia , & sequentibus non dormivit . Spiritus rarus magnus , statim revulsus . Altera a rigore die stercora ab alvo bene prodibant .

(Hac

(Hac una tantum die, memorat, ægram ex alvo fæces excrevisse) Urinæ crassæ, albæ, turbatæ, qualis fit ex his, quæ subsiderunt, ubi multo tempore sita fuerint conturbata: non subsidebant: nocte non dormivit. Sudavit per totum subfrigida. Statim autem rursus recalescens est. Quarta die circa præcordia parum allevata est. Capitis gravitas, cum dolore: in soporem incidit: parum de naribus stillavit: lingua sicca: siticulosa: Urinæ tenues, oleosæ: parum dormivit. Quinta siticulosa: fastidiosa. Urinæ similes: nihil ab alvo. Circa meridiem, multum deliravit, & statim rursus parum resipiebat: exurgens in soporem incidit: frigiditas parva: nocte dormivit: deliravit. Sexta mane superriguit. Statim autem recalescens est. Sudavit per totum: extremitates frigidae: deliravit. Spiritus magnus rarus. Paulo post convulsiones a capite cœperunt. Statim mortua est.

Binos nunc casus mihi subnectere liceat propria experientia notatos: alterum malignæ, alterum chronicæ Febris, qui, inter alios, purgationem in hisce utrisque Febribus indicari, mihi maxime comprobarunt.

Rusticam mulierculam, in quadam epidemica contagiosa constitutione, vehemente, ac Maligna Febre, in qua æruginosæ peticulæ per cutem sparsæ erant, laborantem, cum delirio, liquidaque eruginosa alvi dejectione, exiguo levissimi temperantis usu, ac quasi per se, optime convalluisse, observavi.

Monacum olim curabam, nobili de Stirpe ortum a Febre Hyppocondriaca, cum diris symptomatis, præsertim colicis, ac vomitionibus, ex obstinata, ac diuturna alvi stipticitate, qui brevi tempore in tantum marasimum, eumque deplorabilem statum redactus erat, ut insigniores superaccerfati Civitatis Medici non amplius quidquam sperarent. Ille tamen ventre, cui potissimum prospiciendum assereram, post duodecim dies, meis, ægre admissis, remediis rursus aperto, & commode moto, ab dolorum

ſævitie citiſſime reſpiravit , ac Superis faventibus , eadem methodo tandem convaluit .

Aſt Alii Hippocratis doctrinis , a me primum adductis , primo alias ejusdem magni Senis opponunt , ſcilicet tritos illos , nescio tamen , an bene conceptos Aphoriſmos , tanquam tela , in me jacentes : *In acutis paſſionibus raro , & in principiis medicinis purgantibus uti &c. Concocta medicari , atque movere non cruda , neque in principiis , modo non turgent , plurima vero non turgent .* Veruntamen ſecundus primum nobis optime diſtinguit ; nam alii ſunt acuti morbi , in quibus materia non turget , ſed fixa eſt , quemadmodum plurimi morbi partium peculiarium locales : *maxime autem & hepatis dolores , & ſplenis gravitates , & aliæ inflammationes , & ſupra ſeptum tranſverſum dolores , & morborum collectiones* , videlicet Appoplexiæ , Anginæ , Pleuritides , Peripneumonix &c. *quæ ſolvi non poſſunt , ſiquis prius medicamenti purgare aggrediatur* , ſicuti ipſe Senex noſter Aphoriſmorum ſuorum explicationem , commentationemque palam ſuppeditare videtur , lib. de vict. rat. in morb. acut. num. 36. Alii ſunt acuti morbi , in quibus materia turget , atque in his , etiamſi valde acuti ſint medicandum , docet , eadem die in alio Aphoriſmo , ut notum eſt . Atque de hiſce acutis ſunt Febres ab Chyli cruditate , quod alibi demonſtravi . Præterea illud innuere perſpicitur Hippocrates , primo iſto Aphoriſmo , quod ego ipſe ſuperius præcepi : non eſſe in acutis ab initio adhibenda purgantia , id eſt non eſſe per ea inchoandam curationem , ſed per phlebotomiam , quod aperte docet ibidem de vict. rat. in morb. acut. ubi venæ ſectionem *in talibus principalem eſſe* , ſubdit , *deinde etiam poſtea* purgandi locum dari poſſe . Demum factam jam aliquam concoctionem , per præmiſſam phlebotomiam , eſſe , teneo ; etenim quidnam aliud eſt hic concoctio , niſi diſpoſitio morboſæ materiæ ad ſecretionem , & quæ-

quædam ejus præparatio? hæc autem per phlebotomiam fit, sicuti antecedente capite ostendi; ergo neque cruda moveo; Quandoquidem aliud est crudum per se, & absolute consideratum, aut etiam respectu massæ sanguinæ, aliud est crudum respectu purgationis. Cruda re vera in his Febribus est morbosa materies, si consideremus ejusdem essentiam, & qualitates, quia indigesta, rudis, viscida, & crassa; deinde cruda, habita ad sanguinem ratione, utpote quæ superflua, per se veluti existens, ac non raro separata, veluti in inæqualibus, & primis diebus; cruda insuper quoad tenuiores sanguinis secretiones sudoris, & perspirationis; non tamen cruda quoad purgationem censenda, quia, ex dictis, de sang. miss. ad hanc secretionem bene disposita est, eo quod minus compacta, atque implicata cum bonis humoribus.

Deinde acutas, gravioresque Febres, potissimum per urinas, &, nihil obstantibus traditis, per diaphoram tutius solvi, contendunt Adversarii. Sed quoad primum, nempe diuresim, peto ab illis, quænam tam certa sint ipsis diuretica, quemadmodum purgantia habemus? affirmat enim Bartholinus in epistola ad Wepfer, apud Bonetum T. 2. Patholog. lib. 4. cap. 22. *nos laborare defectu diureticorum, quæ promptè effectus suos edant; quapropter illa expectationem sæpissime fallunt; purgantia vero, ea, qua opus est ratione, usurpata fere nunquam; illa attenuando, magisque confundendo cruditatem lentam, crassam, viscidamque cum sanguine, & ad renes (qui ex arteriosis ramis quatuor, vel quinque majoribus, alios multo minores, atque inde rursus arcuatos, tenuissimos, visum fugientes, per omnia loca renum distributos accipiunt: illi harum arteriolarum ramuli, vermiculari reptatu, mutuis concursibus uniti, separatique glomeres quasi constituunt, ex his vero ultimis videntur oriri venæ reducetes minimæ, tum fistulæ laterales, tenues &c.* Boheraav. in In-

Instit. Med. de activ. ren. vacfulis scilicet, maxime convolutis, innumeris, minutissimis, hincque ex glandulis, sese invicem prementibus, magna ex parte componuntur) traducendo, glandulas obstruent, atque urinam, quam diureticis confidentes moliri student, imminuent, atque cohibebunt, quod a purgantibus, febris gradui proportionem respondentibus, haud est metuendum; quandoquidem crassius per hæc ab renibus divertitur, ac foras transfertur; ubi enim primus localis glandularum stimulus, ibi motus major, & emunctio, eoque Natura intendit momentum, & graviora primum, ac potissimum deducuntur, & sic a sanguine feceruntur; rectiores autem sunt, capacioresque meatus, longaque aptior, brevior, atque adeo multiplex est secretio intestinorum; quare eorum semper proprium est, etiam in statu sano, confertim separare crassiora, mucosiora, atque oleosa; nam ex eodem Auctore nuper citato, intima eorum tunica pertusa fistulis aquosis, & glutinosis, pertusa poris grandibus, qui ab aliis his meatibus distincti, humore aquoso, & glutinoso assidue madida. Glandulae peyerianae hiantes gluten suppeditant, unde fecum, maxime circa finem Ilei crassescens, inunctio &c. Alia tenuis tunica reticulari innumerabilium vasculorum arteriosorum finibus... partim in glandulas peyerianas, partim in canales, in cava intestinorum excretorios, distributorum... intertextu constans. Cingit illam muscosa, parte concava, fibris anularibus, firmis, densis, unde hinc intestinorum cavitas integre per partes successive assurgentibus valvulis arctatur &c. hancque etiam tunicam crassiorum humorum expressionem summopere juvare, quisque conjiciet. Ex ipsa igitur Anatome perspicuum est, uter ad morbosam harum Februm materiam expurgandam sit magis conferens locus. Quin etiam purgantibus urina ipsa multo copiosior redditur, tum quia per purgationem pressio aufertur organis urinariis internis illata sive ab induratis fecibus, sive ab ca-

rundem multitudine, & pondere; tum quia cruda corpuscula renum arterias, & renes ipsos obstructura, aut obstruentia divertuntur, derivantur, & per secessum eliminantur; id Baglivus observatione confirmans ait: *Sæpe observavi in iis, quibus obstructions sunt in primis viis, cum magno humorum apparatu, urinam diminute procedere, & aliquando supprimi, quia humorum hujusmodi in mesenterio hærentium causa, lymphæ cursus in lymphaticis viscerum turbatur, impediturque (non tam autem ad ejus rationem, quam ad observationem attendimus). Diuretica quantacunque, & cujuscunque activitatis dederis, urinam non educes, immo magis supprimes. Purgantia repetita ex pillulis de hyera, cum agarico, tartarea, epithimus, & lenia hujusmodi purgantia, educendo mesenterii impuritates, pro modulo, quo tales educuntur impuritates, urinæ quoque cursus aperitur, ægrique sanantur. Ischuriam porro quamcunque leniri, ac valde imminui a remediis alvum moventibus, atque a clysteribus ipsis, etiam in calculosis, experti Practici passim commemorant. Tandem purgantia pleraque liquant massæ communis particulas, easque solvendo, in serum redigunt, unde urina abundantior; quidem post missionem sanguinis datum catharticum, etsi ventrem notabiliter alicui, ob quamlibet fortunam, non subduxerit, urinam tamen multiplicat.*

Sanctorianam transpirationem, criminabitur quis, a nobis omissam esse, penitusque neglectam (quod secundo loco discutendum servavimus) illud fortasse ipsius Sanctorii intendens: *Ut quid nostratum plurimi, in omni ægritudine, solum per alvum, vel per urinas evacuandum sibi proponunt, & de insensibili perspiratione vix cogitant?* Sed primum nobis non competit ista reprehensio, quum non in omni ægritudine, neque adeo in omni, & quacunque febre, sed quidem in febribus ab chyli cruditate, medicamenta alvum subducen-

censemus. Hacque ipsa methodo, Febres hasce curando
 non secus, ac urinæ promotionem, modo explicatam, per
 spirationem quoque melius, quam alia omni restitui, au
 demus asserere; etenim Medico omnia physice agenda sunt
 & recta ratione duce, ab morborum animadversione, ac
 ponderatione petita, non empyrice. In nostris Febribus om
 nibus viget cruditas, siquidem in ea morbus ipse consistit
 cum in his, vel prima coctione deficiente, vel secunda, ve
 utraque, chylus crudescens sanguinem inficiat, ejusque cir
 cuitionem vitians has generet Febres. *Perspiratio vero insen
 sibilis est excrementum tertiæ coctionis, quare, si non fiat pri
 ma, neque tertia fiet concoctio*: Sanctor. in Stat. Sect. de cib
 & pot. Cruda porro quæcunque eandem inhibere perspira
 tionem, passim tradit memoratus Sanctorius; Natura autem
 in morbo tollendo ad perspirationem tendere nequit, ubi
 impossibilis est perspiratio; huc ergo non vergit Natura, ne
 que nos eam, quo recusat, vi trahere (quod frustra) debe
 mus. Atenim Medicus est Naturæ adjutor, & quod illi
 per se præstare non valet, ipse auxiliis opportunis suppleat
 oportet. Quomodo igitur Medicus perspirationem instituet
 non certe diaphoreticis internis; nam stimulis vasis, &
 rarefacta impura massa (quod toties inculcatum) magis re
 tardabitur circuitio, indeque perspiratio difficilior reddetur
 orgasmus major nascetur in sanguine, augebitur morbus
 non externis, balneis scilicet, fomentis, frictionibus, cucu
 bitulis, quæ, vigente cruditate, ex eodem Sanctor. Sect. d
 ponderat. Aph. 103. impediunt perspirationem. Auferendum
 impediens, cruditas nimirum superflua maxime Naturam
 onerans, per lenia repetita purgantia; tuncque Natura pri
 mum concoctionem paulatim pariet in sanguine, multo mi
 nus, quam antea vasorum viribus resistente, celerius, fo
 tiusque moto, ac conquassato, deinde & transpirationem
 sensim absolvet. Sed aliquis subsumet: Per te hæ Febres
 etiam

etiam a defectu perspirationis nascuntur ; itaque , si causis
occurris , huic occurrendum . Per me vel a sanguine non
sejuncta transpirabilis materia paulatim efficit , ut non re-
novetur sanguis , per ablationem ejusdem fuliginoso-humidi
excrementi , quò detur aptitudo conversioni chyli in sangui-
nem : hinc crudescit chylus superabundans ; vel ea , quan-
tumvis a sanguine discreta , retenta tamen intra vasa san-
guiduca (quacunque etiam externa de causa) eadem vasa im-
plet , sanguinem rarefacit , Naturam in concoctione chyli
turbat , atque impedit : hinc chylus iterum crudescit . Sic-
que alteruter horum transpirationis defectuum , per chy-
li cruditatem , hæc Febres non raro progignit ; nam quæ
febres statim , ac repente suscitantur ab sola transpiratione
recens prohibita , ab his nostris , sicuti genere , ita & indo-
re diversæ sunt , veluti quædam ex ephemeris , & synochæ ,
simplices a Veteribus quoque dictæ , quæ tamen pauciores
sunt , quam vulgo creduntur , & curantur per solius transpi-
rationis restitutionem , sine catharticis . Verum in nostris
symptomata haud amplius deficientem perspirationem , sed
chylum crudum luxuriare , arguunt ; hæcque alia omnia aut
alterant , aut superant , atque obtegunt . Chylus vero , qui
tam crudescit , inutiliterque coacervatur , non amplius in san-
guinem converti potest (nam quod antea fieri nequivit , eo
minus imposterum , manentibus iisdem , immo auctis impe-
dimentis) immo ipsi novo supervenienti prohibet talem
transmutationem , cœterasque secretiones imminuit , eoque
magis perspirationem cohibet . Is ergo e corpore efferendus ;
etenim ex Galleno , quod ultimum est in causarum inven-
tione primum esse debet in remediorum executione : sit lo-
co exempli istud : ob prohibitam transpirationem acuta fe-
bris in muliere utero gerente , victuque abutente ; ab acu-
to morbo extinguitur foetus in utero , symptomata crescunt ;
febris multo perniciosior ; nunquid promovendæ perspirationi

tunc incumbes ? aut si etiam (data hypothesi) illa procederet, febrem, & reliqua mala per illam tolleres ? minime gentium ; at profecto excluso foetu, & lochiis aliquandiu fluentibus, febris valde remittet, tuncque perspiratio revocari forsitan poterit.

Denique ipsam superius enunciata experientiam, per oppositam, confutare quidam contendunt, eo scilicet, quod observatur alvi fluxus tam in acutis, praesertim malignis, quam in chronicis Febris saepe & lethale signum esse, & interitum valde accelerare. Objectioni cum distinctione respondeo: Alvi fluxus tam in acutis, ac praesertim malignis, quam in chronicis hisce Febris tempestive succedens, & critice, salutaris est, nulloque modo mortem praedicat, aut affert ; atque ex hac parte nego assertum ; immo audeo dicere, necis ignominiam adstringentibus, perperam adhibitis frequentius deberi, quam alvi fluxui ; cum enim ista a pluribus usurpentur, apparente, ac durante quacunque lubricitate ventris tum in acutis, praecipue malignis, tum in chronicis, & plerunque Naturae sese excutienti, & defendenti fraenum, ac vincula iniiciant, salubremque supprimant evacuationem, ita per ea de medio tolluntur aegri, iniusta interea diarrhoea nota. Ex altera autem parte, verum fane est, alvi fluxum istis Febris supervenientem, Natura aut oppressa, aut protracto morbo jam victa, in peiusque ruente, mortem indicere, atque inferre ; veruntamen ex hoc non sequitur, alvum in hisce Febris nullo modo esse ducendam. Hippocrates ipse, *in febre ardente, si alvus eruperit, mortale esse*, docet in coac. praenot. & tamen in febre ardente purgationem per alvum praescribit, de vict. rat. in morb. acut. circa num. 35. & lib. de affectionib. *ventrem* itidem in febre ardente *curandum* jubet. De chronicis quoque morbis Hipp: dixit in genere: *ex morbo diuturno etiam alvi defluxus malum* ; in specie de tabidis, inter quos

quos potissimum hæctici , phtysicique censendi , inquit , 5. Aph. 12. *quibuscunque tabe laborantibus capilli de capite defluerint* (hoc est in ultimo gradu , & solido jam pessundato) *hi alvi profluvio prodeunte , moriuntur* . Attamen idem Hipp. in tabibus fere omnibus purgationem : in his leviozem , fortiozem in illis , commendat ; id videre est in lib. 2. de morbis , num. 54. lib. de loc. in homin. ubi tabidorum curationes instituit , & de intern. affectionib. circa num. 13. in Tabe , novem annos durante . Considerandum itaque cur lethalis sit illis alvi fluxus , cur his profit , & non absolute , indiscriminatim , quo nil pejus , judicandum . Juvat vel ab initio , sufficiente sanguinis missione primum celebrata , insurgens , aut in augmento , aut saltem in primo statu harum Februm , quia nondum mixtus est omnino , & ubique cum sanguine crudus , peccans chylus , sed hic illic veluti per se existit , indeque minus intime contaminato sanguine , spiritibusque nondum victis , dum irritata quidem Natura , sed multo minus detrita , quam imposterum , excernere valet , excernitque per secessum , qui locus conferens est , plus moribifici , quam utilis , videlicet chylum superfluum , crassum , viscidum , morbosum ; Hinc ista bona sequuntur : intestina amandant foeda , & impura , quæ continent , & glandulæ illorum ab infarctu liberantur , atque hæ quo magis emunguntur , eo plus peccantis materie e sanguine secernunt ; indeque magis , magisque levata , ac vicens Natura minus culpabilem , minusque resistentem sanguinem movens morbosum reliquum optime concoquit , & per glandulas easdem , atque alias , facilius e corpore eliminat , unde salus . Contrarium accidit vel in plenitudine , absque factis primis evacuationibus universalibus , in violentissima irritatione , & perturbatione accessionum , exacerbationumve in Febris , præcipue malignis , quo in casu , cum non detur locus ulli concoctioni , bonæ scilicet discretioni , ac præparationi , Natu-

ra a pondere , & vasorum distensione enormi irritata , qua data porta , sive per sudores symptomaticos , sive per intestinorum glandulas , tenuius extrudit , relicta autem crassiora morbum , & symptomata intendunt : atque hic alvi fluxus perniciosus est , ac minime permittendus ; vel ubi in malignis a provento acerrimo morbo , & a visibus propriis symptomaticis fracta Natura , simulque ab resistentiore , ac putrefacta jam massa summopere laceffita foedæ , corruptæ , ac fatiscentis ejusdem massæ liquidiorum putredinem , nimiam , & nimis frequenter per secessum expellit , hinc concidunt vires , usque ad interitum ; vel ubi per morbi longitudinem in chronicis , ex una parte , aucta simul , attenuata , & magis irritans facta furfuracea , aut putrida cacochymia , ex altera vero , abdominis visceribus labeficientibus a fæculenta materia , in eadem decumbente , afflicta seu primario , seu per consensum intestina , ac relaxata vix amplius resistunt influxui : ex hisce duobus diarrhæa nascitur symptomatica , lethalis ; vel demum ubi in Hæcticiis Phtysicorum partim impurgata saburra pulmo jam nimium intumescens iter sanguinis intercludit , partim pus ex ejusdem apostematum suppuratione in sanguineam massam absorptum ad promptiorem excretionem urget : tum a tardiore sanguinis circuitu , tum a stimulo puris in inferiorem & longo morbo debilitatam , & per consensum affectam fit cavitatem expressio , nimirum per intestina , unde alvi fluxus itidem symptomaticus , exitialis . Quamobrem nemo inde inferre poterit , purgantia , monstrante Natura , in his Febris esse perniciofa ; nam quisque videt , omnia remedia suum habere tempus , suamque opportunitatem , & si initio , augmento , aut statu harum earundem Februm vel per spontaneam criticam diarrhæam , vel per purgantia causa aut imminuta , aut ablata foret , hanc minime fuisse sequuturam damnosam excretionem , & prorsus mortiferam .

Sic

Sic in Volvulo si, corruptis omnibus, sero ingruat foetidissimus alvi fluxus, actum est de ægro; quis vero alvum in Iliaca passione nunquam aperiendam, movendamque esse, ideo pronuntiabit? Nemo sane; etenim si intra primos dies venter satis exoneretur, in vado res est.

Sic auctoritate, experientia, ratione, quam reddidimus objectis respondendo, unicuique, arbitror, quod proposuimus esse probatum.

Quanquam autem tradiderim, opportunum alvi fluxum tam in acutis, quam in chronicis Febribus esse salubrem, attamen dico, spontaneam diarrhæam, qualem probavi, febres quidem leviores interdum delere, verum acutas febres magni momenti, ac periculosas raro solere penitus tollere; ideoque medicamentorum saltem unum, vel alterum est securius administrare; alioquin fluxus, febrisque, licet remissa, perseverare possunt, viresque perdere; & fluxum in symptomaticum mutare, faciliq[ue] remedio solutu[m] morbum in pejorem, atque longiorem; datis vero aptis purgantibus, tum diarrhæa cito finitur, tum febris. Neque cathartici fluxus hic, tanquam contraindicans, obicem ponit, nisi malignæ, & præsertim contagiosæ cum isto sint Febres, aut in aliis sint valde prostratæ vires, quod pulsus ostendent; consistentibus autem pulsibus, & in reliquis hujusmodi Febribus alvi fluxus vix unquam ab idoneis evacuationibus Medicum detertere debet.

Neque in Febribus ex chyli cruditate, siue acutis, siue chronicis, fidendum solis clysteribus; ipsi enim ne unquam catharsi bene substitui possunt, nec ipsi ultimæ; fæces isti vix ex omnibus, totisque intestinis crassis educunt; cathartica vero intestina tenuia, crassa, & sanguineam massam certissime purgant. Memini, me curasse senem rusticum, a specie quadam harum Febrium, in chronicam labente male habitum, & afflictum, cui jam duabus bene versis purgatio-

gationibus ; quum is febre adhuc laboraret, infra describendum pulverem purgantem, mihi consuetum præcepi, dum alter senior Medicus clyfma adhiberi maluit, quod etsi aliquid liquidi deduxisset, nihil tamen de residuo morbo detraxit, quare catharticum tandem a me præscriptum sumpsit, quo libras iv. aut amplius limosæ, cretæque similis materie binis, tribusve sedibus deiecit, ex quo optatam obtinuit salutem ; quæ relicta post duas catharfes, & clysterem fæculentæ materiæ quantitas me admiratione perculsit.

Sæpe vero in pueris, fermeque semper in illis, quibus indigestio recens primas vias præcipue tenet, ac parum inde vitii cepit sanguis, *quibus etiam nondum febricitantibus termina acciderint, genuum gravitas, & lumborum dolor*; vel alia suo loco proposita symptomata crudæ materie sordidioris, duriorisve in intestinis stabulantis, & ascensus in sanguinem cruditati occasionem præbentis, adfunt, cum levi quacunque febricula; tum in aliquibus Febribus intermittentibus, omiffa (quemadmodum antecedente capite innuimus) phlebotomia, per aliquam potionem cathartica, invadentem morbum aggredimur. Etenim purgatio sic tollit antecedentem materiam, atque ulteriorem sanguinis inquisitionem avertit; ipsamque sanguinis incipientem impuritatem, per eandem intestinorum secretionem, expurgat, statimque febrim, modica ablata causa, destruere valet sola catharsis, ac interdum unica.

In Febribus igitur ab chylo inæqualibus, sive acutæ minores sint, sive majores, die a phlebotomia secundo, instituenda purgatio, horis remissionis, per potionem solutivam, temperamento, ætati, cæterisque accidentibus accommodatam; sic calidis hominibus, aut febribus in accessionibus calorem habentibus ex tamarindis cum fenâ, hujusque correctivo aniso, confici recte potest decoctio. In temperamentis, febribusque obtusioribus præstat ali-

aliquod amarum ventrem aperiens , ut polypodium quercinum , aut radices lapati acuti , simul cum fenna decoquere , quam mitiores tamarindos . Præterea ferme in omnibus nitrosam aliquam herbam , mercurialem scilicet , quæ lubricans est , emolliens , & suaviter liquans , addere bene est ; colaturæ vero adjungitur optimo de more manna , quæ mollit simul , extergit , & attenuat , ac syrupus rosatus solutivus , qui efficax , blandusque penetrans est , & horum utrunque ad ʒ i. circiter ; hujusmodi autem potio tertio die repetenda . Porro remittente morbo (post secundam enim purgationem plerunque tales Febres declinare solent , & , continuitate ablata , in periodos secari , ac , imminuta peccante materia , in intermittentes evadere) pro tertio purgante in multis uti soleo pulvere sequente , modo in jure simplici , modo in decoctione aliqua aut betæ , & cicorei , aut violarum propinando : ℞. Tart. crud. ʒ i. fs. Agaric. troiscat. ʒ i. Mercur. dulcif. ʒ i. f. p. S. A. Quod si forma boli magis arrideat , cum aliquo syrupo pulvis hic compingatur , sive sit syrupus menthæ , sive fumarix , sive alius cujuscunque mitis detergentis . Dosis autem variari potest , pro ægrotantium varietate ; hæc unita glutinosiorem materiam incidendo , extricando , penitusque educendo , Febrem radicitus extirpare consueverunt ; neque ulla amplius , nisi delinquat æger , recidiva metuenda ; quæ si ob errorem aliquem cibi nimii , aut pravi , subrepat , aut ob ventris parsimoniam , aut demum ob labores mentis , corporisve , intempestive susceptos , fere illam delebit replicata descripta potio magistralis .

Ne autem triplicem purgationem absque ratione pluribus præscribere , quasi superstitiose , aut nimium affectantes videamur ; *qui ægritudine perniciofa corripuntur , cur sanantur ?* interrogat Sanctior. in Static. de ponderat. Aph. 81. respondetque : *quia multorum ponderum salubrium sunt capaces .*

A corporibus enim ægritudines triginta libras auferunt , plus , minusve , prout corpora magis , vel minus repleta sunt , & prout ægritudo magis , vel minus calida , & longa existit . Ex triginta igitur libris evacuati plus , quam dimidium erit morbosæ materiei ; si enim plus de bono , quam de malo exiret , aut de utroque æqualis mensura , & nisi bonus humor superet , sive expellat malum , nunquam convalesceret , sed periret homo , quod erui potest ex Hipp. lib. 4. de morb. sub num. 27. ex triginta ergo libris viginti circiter erunt de malo . Jam vero per quascunque naturales , etiamsi initio imminutas , secretiones morbosum gradatim quandoque excernitur , veruntamen non exit aliquid notabile de malo , nisi concoctum , scilicet in urina morbosa materia , quæ excernitur , est eneorema , nubes , hypostasis , crassamentum ; aliud pene totum ut plurimum ingestorum excrementum est , sicuti urina potus &c. & parum habens de malo . Crudæ vero secretiones vel alimentorum sunt imperfecta excrementa , vel plus de bono habent , quam de malo . Sic missis libris decem boni , in bene recta ægritudine , ac detracta libra una crudi sanguinis , supponamus libras etiam sex morboſi emitti per alias quascunque secretiones ; remanent libræ tresdecim . Quomodo autem tresdecim libras simul concoquet ægra , & gravata Natura , aut quomodo tot libras unica , aut bina purgatione tuto educes ? Ideoque in tres vices catharsis bene disponitur , nonnunquam in quatuor , si aut copiosior fuerit peccans materia , aut humiliores vires .

Vividioribus tamen , & sensibilibus adolescentibus , ab externa causa ægrotantibus , nonnunquam supervacaneæ sunt tot purgationes , atque una sufficit , quia istiusmodi corpora parum congregare morboſi , jam antea proposuimus . Ablatæ cruditatis inditio erunt : levitatis sensus in toto , appetitus restitutio , linguæ mundities .

Si alvus dura fuerit , haud absonum esset aquæ leviter mulsæ , ac tepidæ siphum unum sorbendum dare jejunio , hora una ante medicamentum , quo compacta emolliantur ; hæcque multo melior videtur , quam *aqua calida aliquot horis epota* , quarum utranque commendat Celsus de alv. ductio. ad purgationem . Relictis hoc quoque in casu tamarindis , fennæ , & mercuriali addantur flores meliloti , ac passulæ ab acinis mundatæ , aut hujusmodi emollientia , simulque decoquenda ; neque ommittenda manna , & syrupus supra laudatus ; neque omnium parca sit mensura . Lubrificantia etiam oleosa huc conveniunt , quæ præsertim biliosis , e sicco ventre ægre , atque exigua , combustaque deponentibus sunt peropportuna .

Item oleosorum utilissimus usus , quando adeo impedita , & obstructa est alvus ab impactis crassis , durisque fæcibus , ut inde vomitus excitetur , eoque magis si phlogosi in vasa occupatorum intestinorum decumbente , Volvulus enascatur , quem notat Sydenham in Febre *Stationaria* , aut *nova* ab ipso eodem appellata ; absint vero purgantia sumpta de pillulis , ab illo laudatis ; nam pace tanti Viri , cathartica quæcunque , stimulum talem habentia hic sunt perniciosissima , & oleosa tuta , ac omnium optima sunt , idque & ex aliis Auctoribus didici , & ab experientia . Oleum Amigdalarum amararum , sæpe in die ingestum , ad aliquot coclearia , inungendo interim ventrem emplastro de arthanita majore , & minore , æquis partibus (vitata regione ventriculi , ut alvum per inferiora tantummodo moveat unguentum) felicissime ad Passionem Iliacam in hac Febre non semel adhibui . Oleum istud minime ori ingratum ita sumptum fœcum duritiem vel emollit , vel saltem involvit , inungitque , ac intestinorum corrugationem lenit , atque remittit , viamque lubricat , ut facilius etiam duræ , sed lubricæ inde , lævesque factæ fœces descendere possint .

Emplastri autem particulæ penetrantes motum intestinorum peristalticum suaviter salibus suis extrinsecus incitant, quin mordeant, ac convellant sensibilissimam tunicam intestinorum nerveam intimam, sicuti ista faciunt, in morbo, seu symptomate tali reprobanda cathartica.

Coeterum usitatissimum oleum amigdalorum dulcium simplex, utpote insipidum, incrassans, & laxans, in hisce Febribus, ubi alia possunt in usum revocari, minus placet; in inæqualibus enim febribus omnibus opus est purgantibus, quæ aperiant, incidant, detergant, Naturæque calcar veluti sint ad expellendum, non per viscida unctuosa lentor augendus in fluidis, in solidis debilitas, atque atonia fovenda, majorque reddenda insidiosi morbi efficiens causa: hæc detrimenta nausea ipsa, quam oleum istud assumptum parit, satietas, transitus difficultas, & anxietates evidenter patefaciunt. Ejusdem damna alibi tradidimus implicite, quum oleosa in genere refutavimus.

Sicuti Febres quædam ex chylo Acutæ Inæquales, quæ accessionem quidem habent, verum extra hanc quoque calidæ sunt, & Æquales Seniles: alteræ mediæ quasi stare videntur inter inæquales, æqualesque, alteræ inter acutas æquales, & chronicas, sic media quædam purgantia requirunt, v. g. ℞. Tamarindor. ʒ i. Sen. mund. ʒ ii. Herb. Mercurial. M. i. fs. Coq. s. q. Aquæ: Colaturæ ʒ iii. fs. dissolve Man. ʒ ii. Ita tamen, ut in corporibus purgatu facilibus, pro majore febrium intensione, aut tempestatis fervore &c. imminuatur senna, dilutiorque potio reddatur. Hæc demum quousque acutæ fuerint febres ad amissim observanda; quando porro primæ in periodos faceffunt, secundæ in chronicas, dejectiones eæ instituendæ, quas febrium tales species expostulant.

Æquali vero alteri speciei, minus remittenti, utpote in quibus febribus pulsus semper frequens est, calorque ma-
ior,

jor, ac constantior, tutius est refrigerantem, mitiorem decoctionem lenientem præscribere ex tamarindis, aut si alvus suppressa sit, ex mercuriali, in sero caprino destillato; additur autem & manna ad certiore purgationem. Istiusmodi etiam blandas vires habent decocta prunorum cum passulis; oximel simplex in decocto malvæ, aut fænugræci, aut portulacæ; aqua simplex cum syrupo rosato solutivo; aqua ceraforum nigrorum, cum oleo tartari per deliquium. Magis autem forma liquida prodest, quam solida. Hæc si per diem parum dejecerint, clyster emolliens, cum saccharo rosato, aut simili, sub vesperras injiciendus. Ac si prima die hæc non satis moverint, die sequente iteranda, & postea alternatim, donec morbus frangatur; ita enim tenuior cum sanguine mixta materia paulatim, sine ulteriore sanguinæ massæ confusione, melius separabitur, quam alio calidiore stimulante cathartico.

Frigeſactorias potiones in febribus ardentibus, quando viles, bibendas dato: lib. 3. de morbis, num. 29. inquit Hipp. qui in febribus vehementibus, si non remittant (hoc est si æquales sint) intra quatuordecim dies jure damnat medicamenta purgatoria, lib. de medicin. purgantib. idest pharmaca, quæ in usu tunc erant, purgantia acria: scammonium, thimalidem, helleborum &c. quæ vel augment irritamentum, orgasmum, confusionem, vel nimis purgant, & cum vitæ periculo. Has frigeſactorias potiones (alterantes autem, purgantes, & diluentes una exponit) multarum esse, ait, operationum; aliæ enim, subdit, mictionem inducunt, aliæ alvi egestionem, aliæ utrunque præstant, aliæ neutrum, aliæ solum frigeſaciunt &c. Meliora, ac paratu facilia hæc sunt; num. 3. Aquam mulsam aquosam, ad dimidias coquito, deinde, appio injecto, frigidam paulatim exhibeto. 12. ovorum trium, vel quatuor candidum in aquæ congio concussum bibat. Hoc valde frigeſacit, & ægrum ad alvum exonerandam conturbat. 15. Cu-
cume.

cumeris peponis , corio nudati pollinem ex aqua præbeto . Hæc potio urinam ciet , frigefacit , & sitim sedat . 20. Mala odorata dulcia contundito , & aqua macerato , & aquam bibendam dato . 29. Appii manipulos tres , pulegii pugillos duos , in aceti heminis decem , ad tertias , coquito . Hoc melle , & aqua dilutum aquosum bibat , adjanti pugillo injecto . Hoc urinam ducit , & alvum solvit : Hæc habet , & alia hujusmodi , ut diversis temperamentis apta seligere quisque possit , quemadmodum antea commonuit : Dabis itaque alias aliis , neque enim dulces omnibus conducunt , neque acerbæ .

Quum tractatum hunc meum revisendum , corrigendumque susceperim , Hippocratemque super hæc maxime controversa diligentius consulerem , quanto perfusus sum gaudio , cum invenirem observatiunculas meas , indeque excussam hanc medendi rationem ab Medicorum Magistri oraculis , quorum plurima solummodo post effectuum animadversionem lecta intelliguntur , illustrari , confirmari , minime dissentire !

Febres mali moris , cujuscunque sint classis , diebus criticis plerunque exacerbantur , quod ex Baglivo , de suis mesentericis loquente , observavi . Illis igitur diebus , nisi necessitas urgeat , satius est a purgantibus obstinere , saltem in virium imbecillitate , aut in alvi fluxu . Istud primum adumbrasse videtur Hipp. lib. 4. de morbis , num. 29. ubi diebus febrium imparibus *medicamento forti uti* periculosum esse , docet , quia ægri nimium purgantur , *non ita paribus* .

Quod si ex signis , cap. de prognosi traditis , metuatur Acutarum transitus in malignas , si ipsæ febres ex inæqualibus sint , neque accessiones frequentes , callidioresque sese invicem excipiant , nec adsit alvi fluxus , neque admodum fuerint prostratæ vires , supra dicta purgans potio magistralis necessaria est ; nam occasio hic præceps , & quo tardius educitur materia , eo facilius subrepat , ac deterior malignitas ; ideoque certa per hanc instituenda purgatio , eo-
que

que magis si alvus diu adstricta manserit. Si autem crebriores fuerint, æstuosioresque exacerbationes harum febrium, in quibus metuitur malignitas, breviorque remissio sit, quam catharticum validum tuto sumi queat, aut reipsa ad æquales inclinent, adhibendæ temperantes descriptæ blandæ subducentes decoctiones, & partitis etiam vicibus propinandæ, si pulsus langueant, mitioribus etiam clysteribus, si opus sit, evacuationem adjuvando. In alvi fluxu notabili fere suspendendæ; etenim in malignis majus, quam in aliis discrimen ab excedente catharsi, damnumque, tum ob virium insignem depressionem, tum ob perturbatissimæ Naturæ stimulum, ferme irreparabile. Hoc in casu quid tuto faciendum sit, videbimus in sequente.

In epidemicis contagiosis Practici, præsertim Chymici, vomitoria celebrant. Hæc quidem triplici ratione agere valent. Primo saburram stomachi, & primarum viarum evacuando; secundo salivam, per quam contagium magna ex parte capitur, exprimendo, simulque accepta miasmata; tertio vi illa, conatuque vomendi conatum Naturæ in expulsionem sanguinis per sua vasa juvando. Veruntamen emethicorum quodcunque in malignis, nonnisi fortioribus temperamentis dare auderem, iisdemque facile vomentibus, & non pro primo auxilio, veluti male tradit Ethmuller. de feb. malig. de petic. & feb. pestil. sed post sufficientem sanguinis detractionem, quæ omnino præmitti debet: tum ubi a cruditate quidem oppressa est, non victa Natura. Vomitoria autem in malignis nondum salubria expertus sum.

Omnium sane optimum, tutissimumque remedium in malignis quibuscunque, etiam ab contagione ortis, epidemicisque Febribus purgans, quod frequente usu comperii, est supra recensitum oleum tartari per deliquium, ad 3 ii. circiter, in emulsionibus, qua ratione sumptum minus est ingratum. Hoc quidem in omnibus Febribus ab chyli crudita-

ditate productis, & præcipue in æqualibus secundis, verum & in malignis, facta jam sufficiente sanguinis detractiōe, fere omnes indicationes adimplet; nanque id acido falso suo, sensim, atque efficacissime penetrante sine ulla commotione sanguinem incidens; simulque refrigerante qualitate temperans, quippe quod *coacta dissolvit, dissipata cogit*, aperit, ac destruit orgasmos (hinc in quibus tenuior magis mixta est & ubique cum sanguine materia, videlicet in modo dictis æqualibus, aliis cathartici nequit ad conferentem secretionem commodius congregari, quare hujusce in ipsis utilissimus usus) motumque intestinum, putredinosum compescit; quæ præstando etiam per consequens circuitiōem rectam instituit, quod in malignis est maxime necessarium, ac versus glandulas ideo dirigit, fluidumque illac, quo reipsa determinat stimulus ipsius suavis catharticus, optime, & conferenter evacuat, absque ulla virium jactura; etenim serum sanguinis per sedem non educit, sed tantummodo crassius feculentum; feri autem residua inquinamenta per urinam, quam multiplicat, amandat. Hæc autem saluberrima ex eo æque parantur, quod solidum quoque vasorum atonicum roborat, sicuti omnia de tartaro petita, quæ etiam externe admota tumores, solidum confirmando, discutunt; insuperque vasa, ac viscera, glandularum cavitates, orificia, ductusque mundat, abstergit, ac referat. Fluidum vero, solidumque condiendo, ac firma faciendo, impurumque separando a bono, putredini jam natæ medetur; nam, cum id etiam appositum gangrenas extrinsecas curet, eo magis interius sumptum iniquam, variam, pessimamque cruditatem, putredinis causam e corpore eliminando, corruptionem debellabit. Quamobrem, quum calorem, atque orgasmos refrænet, cohibeatque, etiam in exacerbationibus ipsis tuto adhiberi particulatim poterit; & quum nihil debilitet, conturbetve, in ipsa virium imbecillitate, dummodo ejus sa-

por apte corrigatur, saltem partitis vicibus dari, atque etiam post peticularum eruptionem quocunque morbi tempore, & quacunque tandem die. Si quis autem etiam spirituosum ad malignas adhibendum desideret, ad spiritum tartari recurrat, qui propinari quit ad gut. vi. aut viii. circiter in emulsione, potuve ordinario; quandoquidem hic pariter sanguineam massam refrigerat, attenuat, malignitati adversatur, atque ad salutarem crism per eadem conferentia loca, alvum scilicet, ac urinam, morbosam materiam incitat, sitim tollit, & secretoria aperit; unde & acuta, & maligna ab hoc quoque vinci potest Febris, pariterque chronicæ symptomaticæ fortasse subsequuturæ periculum præcavetur.

Periodicæ ex chylo, quum viscera sana sunt, sæpe uno ab purgante ex potione magistrali deleri prorsus, ac sine recidiva solent. Quod siquid nonnunquam remaneat, altera catharsis ex pulvere jam laudato tartari crudi, agarici, & mercurii dulcificati, omnem, primum idonee præparatam, reliquiam radicitus absumit. Cortex etiam peruvianus semper aliquam secretionem sensibilem promovere haud immerito creditur (quemadmodum pro humanitate sua, ex aliorum etiam eximiorum Practicorum observationibus Patriæ nostræ Medicus, de hac eadem, de domo mea, ac de me quemadmodum benemeritus, editisque operibus clarus Pujatus mihi communicavit) hinc neque illum excludo a purgantibus, cum etiam alvum ab hoc moveri, vulgo sit notum. Atque ubi parva est causa, quamcunque secretionem sensibilem extet, augeatque, ipse utilis esse potest, illisque adhiberi, qui purgantia fastidiunt. De Stationaria, seu Nova Febre, intermittente facta corticem istum triumphare, Sydenham quoque testatur. Veruntamen aptius, citius, & minore cum medio per methodum vere purgatoriam, quæ integram causam, nullas linquendo reliquias, salubriter, facillique via ex-

trahit , quæque inde bonam , securamque valetudinem , appetitum , cæterasque functiones omnes statim restituit, Intermittentes hujusmodi curantur ; illi enim ægrotantes , quibus cortex peruvianus ventrem non solvit , vix unquam a spuriis hisce periodicis bene , penitusque illius usu liberantur , quod frequentius perspexi .

Cathartica in chronicis Febris essentialibus , qualia in acutis remittentibus , minusque calidis , fere conveniunt , do si corporibus , atque accidentibus apta .

Hoc vero in iniquioribus , ac tumultuosis Hyppocondriacis advertendum , ut impetum febrilium augmentorum , & symptomatum graviorum quandoque insurgentium sinamus prætergredi , quibus temporibus frigidioribus subducen-
tibus , & clysteribus , si purgandi necessitas urgeat , tantummodo est locus .

Quandocunque autem febris a mera *ataxia* spirituum ficta protrahitur , cum illa vera febris haud sit , sed quædam febris larva , & similitudo , a purgantibus quibuscunque , atque adeo ab ipsis clysteribus fere est abstinendum .

In Hæcticis sint dilutiora purgantia , quemadmodum potionēs purgantes ; hæ enim demolliunt simul , erudiunt , & vehiculo sunt efferendis consistentioribus cruditatis partibus , ac furfuraceis , cujusmodi sunt in Hæcticis chyli superflui , vitiosique corpuscula diu in sanguine stabulantia hisce quippe extrahendis , hæcticoque calori , ac maciei minus opportuna sunt salina sicca , aut resinosa medicamenta . Hac Febre , præsertim provecta extenuatis , post universales evacuationes sanguinis , & secessus , quæ constantiam morbi fregerint , optimum est lac asininum dare pro purgante iis quos lac delectat , ac juvare alias , satisque purgare solet . siquidem id & blandum est demolliens , penetrans , atque idoneo vehiculo subducens , quum omnium lactium tenuissimum sit , ac serosissimum . Huic deficienti substitui potest
serum

ferum caprinum depuratum ; atque iis , quos non satis movet , cum sufficiente quantitate herbæ mercurialis decoquendum .

In symptomaticis autem chronicis his Febribus intervallo majore ab invicem distent , & mitiora sint purgantia , vitando aloetica , scammoniata , & similia ; nam stimulo ab hisce in viscera adacto circuitio sanguinis violentius concitatur , & orgasmus periculosus nascitur in vasculis sanguiferis circa obstructa loca ; aut saltem , vasis vehementius inde actis , ex impeditis glandulis exprimitur tenuior feri portio , ac spirituosior magis , quam crassior , viresque multo magis sic deprimuntur , quam morbus decrescat . Post primam autem , sive alteram lenem purgationem bonum est uti *apozematis* alterantibus simul , atque moventibus , eaque repetere , quoviescunque ulterius purgandum suadebit opportunitas . In principiis magis purgandum , versus finem magis aperiendum , & solido , morbo peculiari laboranti prospiciendum .

Hyppocondriacis porro , Hæcticisque Febribus particulariter symptomatice ægrotantibus , præcipue quibus lac , & similia minus consonant , post primas evacuationes , immo post repetitas purgationes , declinante quidem morbo , sed febricula obstinatius inhærente , maxime quando remediorum ædium , ac nauseabunda , debilitata viscera a purgantibus abhorrent ulterius sumendis , utilissimæ sunt Aquæ minerales chalybeatæ Recobarii , Vallis Solis &c. quæ inter purgantia sunt , interque aperientia connumerandæ , quæque viscera recreando , ac roborando purgant . Hic de earum purgante facultate loquimur , de aliis eximiis earundem dotibus in sequente . Has secessum movere , constat , tum ex componentibus , quum eæ ex doctissimi Gratiani , Accademici Patavinæ , quæ magnum est Italiæ lumen , atque ornamentum , olim Philosophi aureis manuscriptis deprehendantur continere *partes sulphureas* (sulphur autem dulcora-

tum , docente Lemery , in ditionar. simplic. est quid catharticum) tum *aluminosas aliquas , & ferreas , ac venas vitriolicas* (vitriolum vero album validum & emeticum est, & purgans) in Terræ officinia mixtas , ac divinitus temperatas ; præterea de eadem Aqua minerali Recobarii scribere pergens idem Gratianus habet : *Fermento stomachi nequaquam adversatur Dolores stomachi a succorum acrimonia orti pelluntur , & ubi mucosæ quisquiliæ , aut alia concoctionum opus perturbantia ibidem hærent , attenuantur , & excedunt ; prostratum appetitum restituit &c.* Alio loco : *infringit vim salium aberrantium , atque per alvum provebit .* Eandem demum Aquam blandissime , & quotidie alvum subducere , experientia demonstrat .

CAPUT UNDECIMUM.

De Alterantibus , Digerentibus , & Diversoriis .

QUÆ traduntur hoc capite remedia vix ullius spei sunt per seipsa , quinimmo pleraque valde periculosa , si absque aliis præmissis usurpentur , quemadmodum docuimus ; verum post phlebotomiam , & purgationem , interque purgationes adhibita suum habent pondus , fereque omnino necessaria censentur ; quapropter post illas de hisce nobis disserendum , quippe quæ secundum ab illis obtinent locum .

Duæ sunt rationes , quibus Natura cacochymiam a sanguine eliminat : per glandulas separando , & per abscessus detrudendo . Utraque esse potest critica , & symptomatica . Criticæ sunt , si facernantur quæ fecerni debent , si fecernantur per loca conferentia , si tempore , si modo idoneo fecernantur ; contra utraque est symptomatica . Natura per se modo criticas præstat , modo symptomaticas . Ars autem curare debet , ut semper fiant criticæ . Phlebotomia ,

mia , & alterantia utramque harum excretionum reddere solent salubrem . De phlebotomia satis dictum est , postea-que ostensum etiam , cujus esse debeat , & per quas glandulas secretio , ac quæ eo loco dicenda erant circa hanc evacuationem quoque attulimus ; ut autem utraque expulsio citius , tutius , & commodius critica fiat , præparantia alia trademus , nempe alterantia , ac digerentia ; insuperque certa diversoria critica instituemus , quæ suppleant abscessus , qui incerti sunt , atque ancipites , malosque etiam fientes corrigant , ac vertant in bonos .

A primis igitur incipiendo , scilicet ab alterantibus ; in acutis istiusmodi Febribus , præsertim in illis , quæ ab initio magis calore vigent , eadem sæpe , qua celebrata est venæ sectio , die sub vespertas hanc do emulsionem . *℞.* Amig-dalar. dulc. Amig. amar. excorticatar. āā. \mathfrak{z} i. aut \mathfrak{z} i. *℥s.* Semin. quat. frigid. maj. \mathfrak{z} vi. aut \mathfrak{z} i. contunde affundendo aquam hordei , aut pimpinel. \mathfrak{lb} i. colaturæ , & expressioni adde syrup. violar. \mathfrak{z} i. quo vero die pharmacum hauserint ægri , & sint purgati , si languidi sint , vel hyppochondriaci , aut fœminæ hystericis affectionibus subjectæ , pro syrupo dicto , more Sydenham , syrupum de papav. albo adijcio , semperque salis prunel. \mathfrak{z} i. immisceo . Emulsionem autem quotidie , si febris urgeat , & accessiones protrahantur , solam absque cœna particulatim offerre soleo ; sin evacuationibus , morboque , antea graviore , & protracto debilitatus fuerit æger , bis , vel ter in accessione declinante permitto , ut sumat de emulsione ante cœnam , quæ , ita conservatis viribus , amplius differri potest , magisque tenuari ; sicque quotidie , donec status præterierit . Hac emulsione & suaviter temperantur humores , & blande refrigerantur , & noctis molestiæ præcaventur , aut imminuuntur . Ommittantur amigdalæ dulces , aut restringatur quantitas in torpidis Febribus insidiosis , inæqualibus , & amararum potius augeatur dosis .

Mane

Mane porro altero a purgatione , & diebus a purgatione vacuis , jejuno stomacho , aperiens hoc blandum antiphlogisticum utile exhibeo . *℞.* Herbar. cichor. capilv. \mathfrak{aa} . M. i. Coque cum f. q. Aquæ Font. &c. colaturæ addi potest aut nitrum ad \mathfrak{d} i. sive ad 3 ss. aut chrystal. tartar. ad \mathfrak{d} ii. in aliquibus ad 3 i. Et si conijcio acidum dominari , in locum istorum pono oculor. cancror. similiter pulverator. eandem mensuram . Quod si ad cachecticum colorem inclinet ægrotus , quemadmodum in aliquibus Quotidianis , & in quibusdam Senilibus , descriptis herbis aliquid de comis absynthii adjungere opportunum erit. Pulvis autem decocto infundendus pro hebetioribus hisce temperamentis sit vel nitrum stybiatum , vel stybium diaphoreticum , idque ad \mathfrak{d} i. aut ad 3 ss. ad summum , ne ullas turbas excitet ; imposterum , nempe post statum , dosis sine periculo augetur ; nonnullis talibus , præsertim rusticis , & tartarus crudus ad \mathfrak{d} ii. aut etiam ad 3 i. conveniens alterans esse judicatur . Vel si forma boli magis arrideat , cum syrupo de fumaria , seu de cichor. cum rheo , seu alio simili confici possunt boli . Sic & de superioribus pulveribus , cum aliis syrupis : de acetosa , seu de pomis &c. fac ad libitum .

Si vomitus importune excruciet , Riverianum illud ex cocleari fumatur . *℞.* Salis essential. absynth. \mathfrak{d} i. succi limon. 3 ii. In æqualibus , ferventibusque febribus , vel solus iste succus primum tentetur , vel aliquid mastiches pulverat. addatur pro sale absyntii ; sin minus hæc prosint , saltem succum auge , quo minus illud acre lædat ; taleque alterans particulare , & universale etiam per diem potest iterari , si opus videatur .

Sic alterantia variantur , ut in inæqualibus , minusque calidis febribus , atque in hebetioribus grandævus corporibus , mulieribusque aquosioribus , præcipue hyeme , aut ad hyemem , alterantia salibus magis vigeant , minusque insipido-

rum contineant liquorum ; in oppositis vero temperamentis, febribusque calidioribus , & maxime in classe æqualium secunda , ad frigidiora disgregantia , & ad diluentia suaviora sit recurrendum .

Optimum porro in omnibus , tam acutis , quam chronicis Febribus , in quibus pulsus præter morem duriusculus manet , obtususque , tum maxime in quibus vermium suspectus , atque adeo in malignis Febribus , ubi præsertim secretiones cujuscunque generis aliis minus obtemperant incidentibus , mitissimum , atque efficacissimum alterans est mercurius dulcis , post secundam purgationem , atque alternis diebus præscriptum ad Θ i. neque unquam ab eo vidi aut salivationem , aut aliud vel minimum incommodum subrepisse .

Hæc omnia post catharsim adhibita urinam quoque excitare solent , & multiplicare .

Causarum præterea minus proximarum respectus haud negligendus , ut curationes difficiles quam meliore modo peragantur , eisque per opportuna occurrendum in alterantium administratione . Itaque num solidum , num fluidum , num utrunque primario peccet , perspicendum ; idque ex accidentibus ad primam morbi originem , ex temperamentis , constitutionibus &c. conijcietur . Verum quidem est , quodcunque tandem ipsorum in culpa sit , maximam curationis partem absolvi ab evacuationibus memoratis , quæ sanguineam massam emendant , ac expurgant de materia morbum efficiente , quomodocunque fuerit parta ; & si recens plenitudo sola sanguinis , vel chyli , vel utriusque , cruditate , & febrem repente invexerit , omitti etiam posse alterantia , atque evacuationibus prædictis , utpote causam tum proximam , tum omnem , effectumque , quasi illico , citove absumentibus , rem totam comitti posse . At si , impura , multiplex , & densa plenitudo sanguinis , & chyli ab
ini-

initio morbum fecerit, aut mora, secretionefque cohibendo, quæcunque cruditas in talem evaserit, quum hæc inquinet omnia, obstinate adhæreat, & glandulas etiam inferciat, ea insuper necessaria sunt, quæ attenuent, concoquant, digerant, separent, aperiant, detergant, uno verbo quæ ad secretionem disponant, & purgantibus auxilientur, ut multa, quotidie aucta, involuta impuritas sola, si fieri potest, evacuetur, & tota, non vero tenuior, ac serosior portio sanguinis, quæ ab coacta, alte, graviterque infecta massa, lentissime circumeunte, per catharsim inopportunam exprimi consuevit, relinquendo crassissimam, ac viscidissimam, non præparatam materiam, neque cum secretoriis proportionem habentem. Cæteris igitur recensitas facultates possidentibus antecellunt scabiosa, scorzonera, scordeum, ruta capraria, dictamnium album, & alia hujusmodi.

Si solidum atonicum primario cruditatem procreaverit, factis primis evacuationibus, proderit primulaveris, quæ solidum peculiariter reficit, nervosum systema probe confirmando; unde & paralytis vocatur; acetum rosatum; acetum simplex; tartarea juvant, succus granatorum, syrupus de acredine citri, & similia, quæ omnia corporis universi fibras roborant, absque calefactione, humorum rarefactione, secretionumque imminutione.

Sin autem solidum ab spirituum jactura detrimentum ceperit, post supra enunciata essentialia digestionem cruditatis promovebunt spirituosæ aromatica, cardiaca, talia sunt aqua herbæ cardiacæ: aqua herbæ menthæ; aqua totius citri &c. hæcque spiritus reparantia, non omissis indicatis reliquis alterantibus, necessario adhibenda, præsertim quando febres a contagio exortæ fuerint, tum in aliis quibuscunque malignis intercurrentibus, ubi viribus metuitur. In iisdem omnibus ad ipsum utilissima est aqua theriacalis Bauderoni, utpote quæ est temperata, sic cordialis aqua Saxonæ, campho-

phora &c. Multum commendatur a Practicis celeberrimis spiritus sanguinis humani. Hæc, inquam, in perniciosissimis hisce Febribus valde proficiunt, in quibus, plenitudine, & pleraque dempta pessima impuritate, spirituum restauratio prima est intentio. Calidiora tamen nonnisi caute imperanda, frigidisque corrigenda, ut emulsionibus, syrupis, aquis acidulis de ribes, de limon. &c. semperque extra accessiorem propinanda, atque habita pulsus ratione.

Alterantia simul, & Diverforia Acutarum Febrium sunt vexicantia; Hæc enim acribus volatilibus salibus penetrantibus præparant crudiores, rebellioresque materiam; nam quod alterantia alia relinquunt extricandum, ac discindendum vexicantia acutius, & asperitate majore suarum particularum diruunt, ac demoliuntur; vexicantia itaque & alterantia sunt, & alterantium aliorum suppleant defectum, crudum oleosum, a purgatione, aliisque alterantibus reliquum separando; ejusque exinde partem revellunt, extrahuntque, partem aptiorem reddunt, atque obtemperantiores purgantibus, impofterum ingerendis: & reciproca vice purgantia eadem efficiunt, ut uberius purgent, quod observavi, vexicantium plagæ, crassius vasa tenuia obstruere valens deponendo per intestinorum secretionem; Sic cruditas bene dirigitur & per glandulas, & per emunctoria vexicantium paulatim effertur; dummodo & alterantia antea memorata vexicantibus inferviant, diluendo, & detergendo, quo materia promptius fluat ad loca excoriata; insuper avolatis e corpore, eliminatisque cantharidum salibus, alterantia attenuantia sumpta præparare debent vexicantium emunctoriis materiam; ad id efficacissimum mercurium dulcem expertus sum, qui tunc temporis bene præscribitur. Cum vero in his periculosis Febribus haud semper eas abundantes purgationes instituere possimus, quæ necessitati respondeant, neque perenniter, assidueque ad unum locum va-

riæ cruditatis partes , per sanguinem sparsæ , cum eoque interdum ubique mixtæ , quæ in mali moris febribus assidue vitæ periculum minitantur , in Natura pene jacente , aut turbata tuto , commodeque reduci queant , post generales primas , quæcunque eæ sint , evacuationes , si hisce nihil cedat , seu cessurus videatur morbus , seu ab iis pacatus recrudescit cum pulsu debili , ac molli , non pleno , die quarta , aut quinta , dummodo vel ex absentia frigoris accessionalis , sive ex eo sublato , cognoveris magis , & ubique mixtam esse materiam , diversoria omnino necesse est apponere , vexicantia ampla , binisque plura . Denique vexicantia non modo fluidum præparatione , atque expurgatione , de quibus hætenus , juvant , verum & stimulis suis contrahunt , restituuntque solidum in tonum , atque hinc quoque circuitionem attenuati , præparati , correctique sanguinis accelerando , secretionibus reddunt promptiorem : id autem præstant spiritus animales excitando , eosdemque ad irradiationem per illatum artubus dolorem avocando .

Hæc itaque adhiberi possunt in Febris gravioribus , perquam infidiosis , atque adeo gravissimis , in quibus ægrum magis urget oppressio , quam febris ; ac fere necessaria sunt ubi sive nullis , sive inutilibus usurpatis remediis , malum in deterius processit , febrisque facta est minus remittens , & magis æqualis : necessaria in hoc casu sunt vexicantia ad Naturam citius excitandam , quam a confirmato morbo prorsus superetur ; iis tamen præmittendæ , si fieri potest , primæ evacuationes universales ; tum in paucis viribus , ubi neque exercentur , neque excitari aliis remediis valent sensibiles secretionibus , ad ea confugiendum .

Hæc eadem itidem indicantur , ubi decubitus periculosus fit ad cerebrum , unde comatosi affectus , aut delirium , in quo simul cum vexicantibus artubus apponendis tutius est præscribere interna refrigerantia , ut minor ab cantharidum

particulis nascatur in sanguine confusio, præsertim in calidioribus temperamentis, atque in fortioribus æqualibus; talia sunt emulsiones cum sale prunellæ, superius laudatæ, spiritus nitri, aut tartari ad guttas aliquot potui ordinario infusus. In delirio contumaciori, lethargo &c. mos est quorundam vexicantia statim, aut cucurbitulas occipiti applicandi, indiscriminatim in omnibus; quibus autem multa inest cruditas, tanta videlicet, ut aut malignas, aut graviores pepererit febres, stimulus occipitis multo plus turgentis impuritatis attrahet ad cerebrum, præsertim impurgato corpore, quod vulgo consuetum, quam extrahi ab eodem emunctorio, atque educi possit. Melius igitur, demptis crassioribus per opportuna remedia, primum diversoria cruribus, & brachiis affigere, in symptomatis capitis, atque ad opposita, & ignobilia, Priscorum imitatione primum materiam revocare, his porro cæsis, occipiti aut vexicans aliud, aut cucurbitulam profunde concisam adhibere, ad peculiarem lentorem excutiendum, & quoquo modo derivandum, ac divertendum.

Decubitus quoque turgentis materie ad pulmones per feminibus aptata vexicantia præcavetur, sive imminuitur.

Omnibus profecto istiusmodi periculosis Febribus in dictis accidentibus conveniunt vexicantia, sed maxime in malignis, præsertim si alvi fluxus symptomaticus, crescente morbo, perseverans vires, pulsusque depperit; hoc in casu necesse est statim vexicantia apponere, quæ revellant, præparentque materiam, ne nimius, & crudus cum vitæ discrimine sinatur alvi fluxus, ressolventibus interim datis, vel absorbentibus, prout opportunius videbitur, cum mitioribus roborantibus, quæ in aliis minus horribilibus febribus, factis faciendis, etiam sine vexicantibus, ad idem temperandum symptoma magnopere faciunt. Sic ubi impacta magis irritant, quemadmodum in diarrhæa magis torminosa

quam abundante, eaque resolutione opus habent, *℞. Merc. dulcif. subtiliss. pulveriz. G. viii. oppii pur. Gr. i. fs. cum extract. scabiosæ, aut conserva florum lavendulæ, aut simili, pillula conficiatur, sub somnum deglutienda.* Si vero debilitata viscera in alvi fluxu quandam lævitatem intestinorum portendant, *℞. Conserv. Menth. odoræ, pulveris e chelis cancror. fluviatil. āa 3 i. cum tinctura juniperi, aut rosar. rubrar. aut corallor. fiat massa, cujus dimidium capiat mane, aliud incipiente nocte.* In omnibus autem diu manantes ferventur vexicantium abrasiones, per emplastrum alterutrum usitatissimum Astori, donec morbus penitus conquieverit.

Coeterum quando post sufficientes sanguinis detractio- nes, & binas catharces, deliria, vigiliæ, anxietates eisdem cedere, ac febres declinare videntur, aut saltem in meliores, tutioresque facessere, nempe obscuræ accessiones in patientiores (quamvis calor intensior sit, quam antea) & succedere distinctiores remissiones, longioresque, tum secretion- nes laudabiliter vigere, omitti possunt vexicantia, eoque magis si febres minus suspectæ fuerint, ac si dira, periculosaque semper abfuerint symptomata, partibus principibus minitantiis; etenim alia vulgaria partium istarum, aliarumve incommoda, quæ in hujus generis Febris ferme omnibus occurrere consueverunt, aliis mitioribus externis auxiliis queunt sublevari, dum principalia, a quibus potissima causa vincitur, celebrantur.

Sic capitis dolorem mirifice temperat aqua simplex, sive rosarum, & acetum, æquis portionibus, si linteola iisdem madefacta fronti, vel etiam calvariæ applicentur, ac sæpe renouentur, quippe quod acetum in capitis dolore febrili externe, & interne quoque utile proponit Cornelius Celsus, lib. 3. Med. cap. 10. de remed. in febris ad capitis dolorem.

Affectum vero stomachum juvat, & recreat emplastrum ex absynthio, cum aceto, contrito; sic emplastrum de crusta panis Montagnanæ, aut simile aliud, quemadmodum & panis tostus, cum vino malvatico, quod præsertim in Febribus malignis adhibendum.

Phlogosi hyppocondriorum, aut ventris doloribus compescendis apta sunt fomenta ex decoctis herbarum nitrosarum: saponariæ, parietariæ, sempervivi, anacampseros, primulaveris, additis aliquando paucis discutientibus verbasci foliis &c. ubi tensio est spasmodica, omentum vervecinum, statim ab extractione aptatum, tepideque repositum magnopere levare solet.

Multa autem alterantia tam interna, quam externa fere communia esse valent tam acutis, quam chronicis huiusmodi Febribus.

Quod si ex febris in longitudinem protensione, aliisque propositis signis, non acutas, sed chronicas febres esse, animadverteris, alterantia pariter erunt prorsus necessaria ad disgregandam, solvendamque cruditatem.

Chronicis essentialibus jam tradita alterantia ferme, inquam, communiter conveniunt, a mitioribus semper incipiendo, quibus addenda quædam tanquam specifica; nam aliæ febres sunt tumultuosæ, aliæ pacatiores.

In Hyppocondriacis, ablata pleraque sanguinis cruditate, ad solidum roborantia non styptica, ad stomachica, ad nervina, ac spirituosam confugiendum; quum solidum viscerum, & spiritus animales magis in hisce langueant, quam in Hæcticis. Prima talia erunt: fumaria, quæ solidum confirmat, & alvum, quæ fere semper dura, segnisque in iisdem esse consuevit, liberam servat; easdem vires habet therebinthina, utraque etiam humores blande resolvit, & per urinas ducit. Ideoque huiusmodi remedia, post primas evacuationes, tuto in usum, citoque revocari pos.

possunt. Similibus facultatibus, sed fortioribus prædita sunt mirrha, lapathum acutum, sal armoniacus.

Ventriculo amica sunt, quibusdam in his febribus, temperamentis, atque temporibus, lenia stomachica, quemadmodum ribes, cichorea, endivia, opobalsamum; in aliis mediocria, veluti cortex aurantiorum, cortices, & semina citri, anisum, & reliqua hujusmodi; in aliis fortia, sicuti angelica, zedoaria, calamus aromaticus, ruta muralis, arum, absynthium, raphanus rusticanus, & similia.

Inter aromatica simul stomacho gratiora, atque spirituosiora est mentha redolens, hæcque utilissima in hisce Febribus omnibus, ab chyli cruditate productis, quotiescunque spirituosioris utendum; etenim hæc solidum, specialiterque ventriculum, atque abdominis viscera juvat, & fluidum ipsum, idem solvendo, attenuando, concretiones demoliendo, atque ab iisdem arcendo; quippe quæ lac etiam in mammis coactum, grumefactumque resolvere, ac digerere ab Authoribus dicitur; quapropter & chylosæ cruditatis in sanguine crassitiem, visciditatemque diruet, atque ad excretionem præparabit, cum lac nihil aliud sit, quam elaboratior chylus, cum aliqua feri sanguinei parte commixtus; & quum lacti infusus illius herbæ ejusdem succus hoc ab coagulatione, in quam sponte per acescentiam tendit, mirabiliter vindicet, ita chylum novum a condensatione præservabit. Deinde spiritus animales, sanguinea massa in melius disposita, volatilibusque amicis particulis vivificata, reparat, reficitque. Melissa, post illam, & attenuat sanguinem, & spiritus exhilarat, atque multiplicat, sic anthos, spica nardi, cinnamomum, ocimum, quod melleitia, ac melancolica desperatione, hisce febribus hypochondriacis frequente affectos recreat, eo quod per massæ sanguineæ similem correctionem, erectionemque spiritus vitales restaurat.

Alia sunt spirituosiora quidem, sed amara foetida, atque in-

ingrata, spiritibus dicata castigandis, ac moderandis, quæ convulsionibus, spasmodicisque doloribus subveniunt, talia sunt spiritus cornu cervi, oleum succini stillatitium, castoreum &c. In effrænis tamen symptomatis, remedia cœtera spernentibus, ad laudanum recurrere necesse est, sive ad reliqua oppiata, quod omnes suadent Auctores.

Quo loco duo reminisci, quæ alibi attigimus, haud duco supervacaneum, nempe fortia alterantia amara, aromatica, roborantia, & ipsa oppiata non prius esse imperanda, quam multum de causa demptum sit; neque eadem unquam in accessione febrili, quamvis chronica, esse ingerenda. Hisce in casibus alterantia, & roborantia optima erunt aquæ fragorum, cerasorum nigrorum, borraginis, & aliæ hujusmodi; *paregorica* vero succus lactucæ æstivæ lacte repletæ, succusque mororum, quæ a Celso Medic. lib. 2. cap. 32. somnifera dicuntur, aut saltem oppium parva dosi, & frigidis, acidulis, & diluentibus corrigendum. Neque ipsa externa tuta judico in vigore accessionis, quæ aliquo modo magis rarefacere valeant, cujusmodi est apud Celsum eundem, *Crocinum unguentum, cum irino*, quod *in caput datum prodest ad mentem componendam, & ad somnum revocandum, sub quo plerique mente moti sanescunt*; quod provecta curatione, atque extra accessiones, melancolicis quibusdam utile esse potest.

Talia sane in usum revocare bonum est, attamen quum viderim, satellitem quendam Romano Cœlo natum, crassioris antea, robustique temperamenti, sed ab hypochondriaca febre, dirisque symptomatis ad plures menses vexatum, extenuatumque, dictis remediis a me præscriptis profecisse quidem, sed non convaluisse, nisi ad usum calybis, atque equitationis tandem imperandum devenerim, de primo nunc, tanquam præcipuo alterante, tractandum, de altero suo loco. Non hic de Aquis loquor chalybeatis, illas enim, ut-

pote

pote præstantiores, virtutibusque ditiores, & tanquam purgantia alibi commendavimus, & tanquam alterantia eo distulimus, ubi magis, dupliciterque gravata Natura parem opem exposcit, sed de chalybe vel limato, vel chymice elaborato, sive in pulverem, sive in syrupum, sive in tincturam redacto; chalybs enim facilius habetur, quam istæ Aquæ, & quocunque tempore; quod autem per hunc præstari valet non semper requirendum ab illis. Is est alterans & fluidi, & solidi universale, & particulare; attenuandoque sanguineam massam, & vasa, ac viscera roborando, spiritusque ipsos confirmando cæteris sive ex vegetabili, sive ex animali regno desumptis, huic speciei chronicarum aptis alterantibus ferme omnibus antecellit. Quos igitur alia istiusmodi remedia *non sanant, sanat ferrum*, cujus solutæ particulæ & diu servant qualitates ponderis, asperitatisque, quibus accelleratur, expediturque sanguinis circuitio, tum crassa, ac viscida sanguinis excrementa discinduntur, & solidum, ejusdem mineralis tinctura idipsum quodammodo ferruminante, restituitur in tonum; ex his porro in fluidum, & solidum actis fit, ut præparetur, ac propelli queat ad sua secretoria cruditas, faciliusque ab purgantibus eliminari; a purgatiore vero, vegetiore, rectiusque cuncte sanguine melior, valentiorque spirituum copia separatur: hæc demonstrantur a pulsu frequentiore, erectiore, firmioreque facto; quibus omnibus & digestio, & reliquæ functiones paulatim refarciuntur, febris autem, atque alia incommoda dissipantur. Peculiariter autem succos gastricos corrigit, stomachumque, & intestina præ cæteris confirmabit, cum in ea primum ingrediatur, agatque sincerus, cumque vomitui, & diarrhæis frænandis, ex Veterum, Recentiorumque observationibus, ferrata, aut chalybeata inserviant; non tamen styptica ea sunt, quum vinum ipsum, in quod ferrum fuerit infusum, alvinæ etiam secretioni servandæ in plu-

pluribus conducere animadverterim . Hoc remedium Hypocondriacis magis , quam Hæcticis competit , ob majorem fibrarum , nervorumque laxitatem , ac spirituum distinctam imbecillitatem , hypocondriacis perquam familiarem ; quia Chalibis compertus est aptius , commodiusque juvare laxa , atque humida temperamenta , & chronicis morbis afflicto , quam hirsutos homines , aut acute laborantes , in quibus merito damnatur .

Hæcticis magis accomodatum est oximel scylliticum ad ℥ iii. circiter cum decoctione parietarię , in fero caprino destillato facta ; sic enim emollit , incidit sanguineam massam , attenuat , discutit hetherogeneum chylum ; detergit , ac vivificat solidum , mundificat viscera , & corpus universum ; deinde sapo venetus commendatur cum eodem vehiculo ; ita denique sales urinosi adhibendi , ubi morbus resistere videatur ; hæc enim siccum glutinosum , & minimorum globulorum , fibrarumque primarum sanguinis debito tenaciores chylosas concretiones iterata diruent .

Tum celeberrimum illud Anti-hæticum Poterii , quod scilicet nihil aliud est , quam merum alterans , & præparans . Huic autem nitrosæ decoctiones superbibendæ , siccius enim esse videtur . Nitrosas decoctiones suppeditabunt heretice descriptæ . Istud etiam , sicuti & sales urinosi , minimos canales a partium remora liberare putatur .

Aliud quasi sibi particulare minerale , Anti-hæctico isto multo tutius , atque efficacius habent Hæctica Febres , nempe alibi laudatum mercurium , in officinis præparatum , & sulphificatum . Alterans quidem id commune esse valet ferme omnibus Febribus ex chilo , præsertim acutis , atque ipsi malignis , quia disgregans , & resolvens frigidum , ac blandissimum est , vix quidquam stimulans . Veruntamen , quum sæpe alia in Acutis queant in usum revocari ; & quum in Hæctica solidior , quam in reliquis omnibus febri-

bus, cruditas alio fere nunquam possit alterante demoliri; ut ad secretionem disponatur, atque ad expurgationem; ipsiusque itidem sanguinis durioris, & vetustioris, quam in febribus aliis, dissolvi ab invicem non valeant globuli, ac fibræ, ut sanguis immutetur, nisi mineralibus; cumque demum mineralia cœtera vel nimis irritent, vel nimis exsiccent; hoc unum specificè indicatur. Ista autem egregie præstat, quia minerale ponderosissimum est omnium, auro excepto, & quia pariter, quacunque data ansa, omnium est metallorum divisibillimum in minima, omnium maxime penetrans quoquoeversum cruditatis porulos, globulorumque, & molecularum sanguinis, eaque sensim in serum, & lyncham solvit; unde concoctio, renovatio, & secretiones promoventur; insuper lynchatica pervadit, expeditque vias, & glandularum destruit, si natæ fuerint, obstructions.

Quibus si jam viscera teneri, Febresque sive Hypochondriacas, Hystericasque, sive Hæcticas jam symptomáticas esse; perspexeris; visceribus ipsis vel primario, vel secundario afflictis, opem ferendam esse, manifestum est; quandoquidem & fomes auferendus est, ut hæc febres conquiescant, & remedia ita disponenda tunc sunt, ut & primario morbo, & postea oborto satisfaciant.

Pulmoni læso, unde Hæcticæ Febres symptomáticas, satis consultum est ab aliis Practicis, ac præsertim ab insigni Morton, qui cœteris omnibus Phytologia facile antecelluit.

Affectis quoque abdominis visceribus, unde Hypochondriacæ, & Hæcticæ hujusmodi, multa ab Scriptoribus tam interna, quam externa offeruntur. Valde profunt plantarum aperientium, ac detergentium succi, saponacæa, sales lixiviales; quædam animalcula oleosa salina, arte præparata; mineralia quædam. Sic ℞. suc. depurat. saponarie ʒ ii. fs. suc. mercurial. ʒ v. salis tart. lixivial. ʒ i. Vel ℞. suc. depurat.

rat.

rar. betæ , parietar. āa ʒ ii fuc. verben. ʒ iii. his addendo aquæ cinnam : seu caryophyllor. q. f. ad saporem verbenæ temperandum. Verbena cum aliis istis bene agit in muccosum crudum impactum , fixumque in glandulis primarum viarum : illa emolliunt , erudiuntque , hæc idipsum solvit , atque e glandulis verrit , unde & nomen derivatum est . Sin formam solidam mavis , ℞. Calomelan. Turqueti, asellor. pp. sapon. venet. ras. āa. ʒ i. oppii pur. Gr. i. cum f. q. oximel. ireat. fiant pillulæ . Oppium autem validissimum discussivum ab Practicorum præstantissimorum observationibus deprehensum est . Si decoctum merum velis , ℞. Sarsaparil. concis. ʒ ii. sem. anis. ʒ ii. Infunde per horas xii. in aq. font. ℥ iii. tunc adde scrophular. marrub. alb. āa. M. ii. ficuum siccor. num. v. coque lento igne ad quartæ partis consumptionem ; colaturæ misce vel syrupi de quinque radicib. aperient. ʒ ii. vel alterius similis ; de quo capiat ad libitum . Quos validæ , pluresque obstructions male habent multum juvabit aqua illa composita Morton , in minore tamen febrili calore data : ℞. Aq. petrosellin. fænicul. āa. ʒ iv. aq. lumbric. magistr. syrup. de quinq. rad. aper. āa. ʒ ii. salis succin. nitidissimi , & ab oleo optime depurat. ʒ ss. fiat julapium ad potum ordinarium , quod ori minime insuave esse , Auctor asserit, ac mirabile ad obstructions abdominis tollendas , etiam cum fluxu cæliaco .

Hic tamen adnotandum , pauca in symptomaticis , & , quoad fieri potest , singularia alterantia remedia esse debere ; nam quo plura mala , eo magis nocet remediorum copia , & varietas , quæ magis , ac magis ventriculum afficiunt , nauseam pariunt , digestionemque perturbant . Si plures adsint indicationes adimplendæ , aliquod selige , quod plures requisitas virtutes possideat ; id enim melius , quam varia remedia præscribere . Itaque quotiescunque alterans aliquod satis prodesse comperies , illi prudenter , moderateque insistendum .

Quamobrem ad symptomaticas chronicas Febres, tam hyppocondriacas, quam hæcticas præstantissimum etiam alterans, cui, cæteris non satis proficientibus, soli, diuque inhærendum, sunt Aquæ minerales acidulæ, chalibeatæ. Hæ utrique febrium harum speciei æque conveniunt, quia, præter diversam naturam componentium, etiam alibi notatam, pluresque inde facultates, organorum in glandulis extricandorum, expediendorum, vivificandorumque maximæ necessitati satisfaciunt. Hujusmodi Aquæ Recobarii dotes, effectusque alterantes propositos hisce verbis describit eximius Gratianus: *Levior cæteris omnibus Aquis, Ejusdem odor sulphureus, & ferruginosus... Ob dilutum, & volatilitatem summam, quam habet, apte se ab secundis succorum qualitatibus tuetur.... Prodest biliosæ, & melancolicæ cacochymiae, ubi acidum fixum molestum est... Pro morbosis capitis affectibus curandis non pauci sunt, qui hujus fontis usum, mirum in modum extollant, hinc epilepticis.... paralyticis (utriusque autem remissionem speciem patiuntur hyppocondriaca, hystericae febre laborantes) & capitis dolore vexatis prodesse creditur, quoties tamen memorata mala, a viscerum depravato munere (quemadmodum in casu nostro) orta sint, atque a pravis succis inde jugiter emanantibus.... Ubi Febres quædam Hæcticae, & Atrophia ab obstructionibus pendeant, facile ejusdem Aquæ usu his ægritudinibus vexatos sanari posse, experientia demonstrat; præsertim vero si Atrophiae calamitas ab obstructis venis lacteis, glandulisque mesenterii exoriantur. Prodest obstructionibus reliquorum viscerum, etsi ab iis scchyrosi tumores assurgere cœperint. Ex iis, quæ Philosophus iste tradit, colligimus, has Aquas continere plurimas volatiles partes, quæ sese in angustissima insinuant; quæque cum suam (sicuti mineralia omnia) retineant naturam, referant, aperiantque, incidendo, ac detergendo in transeundo, meatus cruditate infarctos, qua viam faciunt aliis suis partibus majuscul-*

jusculis vitriolicis, & reliquis; vitriolum nanque est quoque strenuum attenuans, & mundans. Præterea magnopere elasticas esse easdem Aquas, atque expansivas, docet laudatus Auctor, & experientia, quum vasa, si hæc iis repleantur, omninoque plena claudantur, frangant; quare penetratas glandularum arteriolas tam sanguiducas, quam lymphaticas expandent, quo hetherogeneum a seipsis antea sumptis paulatim, aliquatenusque præparatum, eruditum nempe, ac divulsum, vel per secretoria in excretorios ductus, vel in venulas impellatur; nec tamen arteriolæ nimis distenduntur, nam alumen, ferrum, & vitriolum, easdem corroborando, vellicandoque, ad contractionem sollicitant; cumque perpetuæ sint hæ actiones, dum Aquæ istæ cum sanguine circumeunt, motus vasorum sanguiferorum tam majorum, quam minimorum alternus, systalticus revocatur, exercetur, ac viget, unde & sanguineæ massæ attritio, circuitio celerior, generaliorque, nimirum etiam in minimis vasculis, & secretionum restitutio, atque abundantia, & glandularum, sicuti & Gratianus tradit, libertas, & pristina vis.

Aquarum porro istarum omnes, & quascunque facultates multo magis experiuntur illi, qui easdem ad fontem bibunt, quam qui longe disciti delatas hauriunt. Asservatæ enim multum volatilium, spirituosarum partium amittunt, siquidem mensura palam evidenterque in vasis, rite licet clausis decrescit. Deinde ut Aquæ eædem tuto in symptomaticis hisce Febribus in alteratione operentur, primum tenui quantitate sumendæ, ad duos cyathos in die; mane tribus, aut quatuor horis ante prandium, & duabus circiter ante cœnam; & quum ipsæ gradatim ex dictis agant, sensim, ac per uncias, earum dosis augenda; & siquod incommodum afferant, intermittendæ, rursumque modice sumendæ.

Externa obstructorum viscerum auxilia localia multa
ab

ab Scriptoribus proponuntur, potissima sunt emplastrum usitatissimum de cicuta; & emplastrum de artanita majus, & minus, æquis partibus; horum alterutrius, præmissis fomentis ex decoctis vulgaribus malvæ, althææ, fænugræci, florum meliloti, ad præparandum, fiat inunctio ad regionem affectam. Utrunque mirabile discutiens; secundum vero alvum etiam commode solet deponere.

Sua pariter diversoria habent & chronicæ aptissima ad mutandos vitiōsos Naturæ decubitus in salubrem declinationem. Hæcque illis sunt necessaria, quæ futuræ esse symptomatice conijciuntur, aut tales jam sunt, in quibus a visceribus divertendum, & alio avocandum, ac derivandum. Talia sunt setacea, cauteria, fonticulo excitato; tum balnea tepida aquæ dulcis.

Prima conveniunt magis Hyppocondriacis Febris, posteaquam satis evacuatum sit internis remediis, neque tamen morbus conquiescat. Hæc enim assidue expurgando viscidum chylum, quotidie crudescentem, indeque exuberantem, neque de viribus quidquam imminuendo, massam sanguineam, quin ægros debilitent, jugiter mundant ab multo inquinamenti, & decubitus arcent ab visceribus abdominis, & a cerebro, & præcavent hetherogenei diffusionem in nervos; quare perenni affluxu in partes principes, vitæ, viribus, digestionibusque inservientes vitato, tum causa ablata pleraque & morbi generalis, & congestionis, aut congestionis majoris in easdem, vitia fluidi, & solidi tam universalis, quam particularia, in dies minora, & obstructions minus resistunt Artis auxiliis, & motui Naturæ vividiori sensim cedunt, salusque paulatim recuperatur de morbo cæteroquin difficillimo.

Altera sæpe opportuna, nonnunquam & necessaria sunt Hæctica Febre extenuatis, exsiccatisque corporibus, ideoque nutritionem recipere nequeuntibus fibris; remissa quidem, sed adhuc

adhuc tenuiter perdurante febricula, quæ ex eo scilicet perseverat, quod nondum bene, ob dictam fibrarum restrictionem, & siccitatem, e sanguine in easdem demitti, neque distribui incipit succus nutritius; nec mutari propter nimiam inde ad vasa, & ad vires plenitudinem sanguis; chylusque in sanguine eodem per consequens secundum magnam partem morbose remanet, & crudescit. In hac porro febris specie neque capitis dolor, nisi initio, adest, neque præcordia dura esse solent, neque intumescere, quanquam obstructionis adhuc aliquid fortasse resideat, neque medium corpus dolor infestat, quæ in specie superiore frequenter occurrunt, quæque a Cornelio Celso tanquam impedimenta balneorum contraindiciantia sapienter statuuntur. Balnea universalia emollientia, & humectantia tepida, cutem, atque habitum corporis, ipsiusque sanguinis globulos, ac moleculas molliores, rarioresque faciendo, prima alimento admittendo, altera suis secretionibus, & renovationi apta reddunt: quo fit, ut in dies refici ab illis incipiant, integumenta videlicet, & caro, antea exsucca, impleri, atque hæctica lassitudo minui, dum ad sua loca deferitur, ac disponitur nutrimentum, atque ita levantur sanguifera vasa, & sanguis a superfluo liberatur; in succumque nutritium denuo, imposterumque sanguinis pars debita facessit, & chylus idcirco in sanguinem sese in dies magis convertit; unde is non amplius inutilis in eodem sanguine crudescens haud amplius vasa, ac viscera gravat. Hæc quodammodo intellexisse videtur Celsus, ubi Medic. lib. 2. cap. 17. agit de balneis, licet ad sudorem comparatis. *At balnei duplex usus est, inquit, nam modo, discussis febribus, initium cibi plenioris, vini-que firmiter valetudini facit. Modo febrem ipsam tollit, fereque adhibetur, ubi summam cutem relaxari, evocarique corruptum humorem, & habitum corporis mutari expedit. Ut autem istiusmodi commoda melius ferant balnea, post quartam*

tam circiter horam a prandiolo , maxime digestibili , selectoque, institui debent; nam tunc vires minus infirmæ , tunc tempus distributionis ; a balneo vero somnus placidissimus procurandus , quo corpus etiam ad transpirationem disponatur.

CAPUT DUODECIMUM.

De Dieta , Regimine , & Præservatione .

OMnia , quæ potest , Medicus ad ægrotantis sublevationem concinnet , informet , atque componat , quemadmodum Hippocr. primi Aphor. parte altera instruere videtur , ac præsertim cibum , & potum . Tunc enim optime tractabitur æger , quando ea , quæ in succum , sanguinemque illius transeunt , non augent resistantiam , sed vires ; ita ut hæ perseverantes illam , in dies magis aliis auxiliis imminutam tandem vincant ; quod eo melius præstabunt , si quædam ex alimentis quoquo modo remediis in officio insuper famulentur ; & quando cætera ita aptentur , ut neque ipsa lædant , sed aut fluido , aut solido , aut utrique , prout par est , favere possint . Diæta itaque , ac regimen ab remediorum intentione minime dissentire debent , immo potius eorum vicem quodammodo gerere .

Quod igitur ad alimenta , in omnibus hujusmodi Febris probantur juscula , tenuissima in acutis , tenuia in reliquis , nunquam insulsa , multo minus in insidiosis , ex vervecis , aut pulli macris partibus , in aqua fontis cum pane , quasi in pulverem redacto , subtiliterve conciso , optime , & liquide cocta ; matura subacidi succi sub cineres cocta poma , cerasa sapidissima nigra , fragæ parvo numero permittuntur ; in symptomatica diarrhæa etiam pyra cocta . Hæcque bis in die tantum , nisi necessitas , ob aliquam enormem ,

mem, aut abundantem evacuationem, jus, aliudve crebrius exhibendum suadeat.

Mos rusticorum panem ruditer sectum ad aquæ conformationem ebulliendi, & spissum edullium oleo, aut butyro, etiam crudo, condiendi damnandus, quia nimis densum, solidumque constituit alimentum, quod sanos quidem reficit, multum vero gravat infirmos. Oryza quoque, quibus fercula ægrotantibus male confici solent, sunt ableganda, quia etiam in sanis multis gelatinosum, crassumque chylum gignunt, succosque gastricos rudiore sui parte, ceu glutine irretiunt, & stipticum ventrem, inertemque faciunt. Hordeum multo melius hisce substituitur, præsertim in non gravissimo morbo, ac post evacuationes universales; idque bene coctum, jure dilutum sumendum. Vel succo inde expresso uti quibusdam commodum erit, quemadmodum in calidissimis harum Februm acutarum. Ova sorbilia, quantumvis recentia, mala sunt in his Febribus; hic autem subjungo, ova, non solum numero plura, & consueto copiosius data, sed vel unica in die damnosa esse, præsertim ante declinationem; idque sæpe observavi; veruntamen ne quidam pravo, sicuti dici solet, naso id audiant ovis nimium faventes, rationes adducam; siquidem ova in primis regionibus minus digeruntur, quod vel ex cita ab illis sumptis satietate facile evincitur; præterea vitelli ovorum, quia anodini, & obtudentis cujusdam ad instar sunt, alvum supprimunt, quum contra sit magni momenti eam servare liberam. Deinde ova utpote multum continentia alimentum, sanguineam massam nimis celeriter imbuunt, veluti patet ex obtuso somno, & gravitate capitis, quæ etiam sani quidam ab illorum usu pomeridianis horis experiuntur; talis autem debito citior, pleniorque nutritio deterior est in cruditate: *impura corpora quanto plus nutries, tanto magis lædes*. Denique cum gummosa, lenta, oleosa mate-

ria consent, crudam visciditatem augent in sanguine, docente Celso: *ova sorbilia pituitam faciunt crassiorem*. Ex his vero, præcipue duobus postremis (a quibus immediate retardatur circuitio sanguinis quasi repente gravati non mole quidem, sed nimis nutriente substantia, & lentioris ab eorum glutine facti) orgasmi in massa communi, & phlogosis inde universalis intenditur. Hæc paucis comprehendit Hipp. de diætâ lib. 2. *Ova volucrum robustum quid habent, & alunt, & inflant*.

Potus optima materia sit aqua boni, & probati fontis, vel fluminis saxosi, simplicisque, non ex diversis vivulis compositi, eoque minus palustris, aut limosi, aut stagnantis (ex talibus quippe aquis etiam fanis panis, ac cætera male conficiuntur) decocta cum hordeo integro, quod & lenissime alvum lubricare consuevit, & deterisivum est, atque aperitivum blandum, & nonnihil cortice suo vasa juvat exsiccando; addi possunt ad ebulliendum poma matura concisa, vel cerasa sicca, vel pruna, vel similia; hæc suaviorem potum, temperatiorem, ac penetrantiorum reddunt; non paucis vero quibus displicet aqua hordei, hoc prætermisso, eorum fieri potest jucundius decoctum. Perutilis quoque est aqua ebullita cum herba saponaria, quæ nitrosa est, refrigerans, & suaviter abstergens. Talia conveniunt juvenibus, fortibus, calidioribus, in quibuscunque ex his Febris, sed præsertim in æqualibus. Senibus, phlegmaticisque commoda aqua cum malis persicis siccis decocta, aniso correctâ, addito saccharo, aut melle. Illis porro, quibus metuuntur, vel jam adsunt chronicæ symptomaticæ, utendum est potu aquæ stillatitiæ cichorii, aut graminis, sive alius hujusmodi, aliquando etiam oximelle simplici dulcoratæ. Hisce deficientibus, cichorii folia, addendo vel coriandrum, vel ficus siccos, vel crustam panis tostam, bonum erit decoquere.

Vinum in febribus non negasse videtur Hipp. de vict. rat. in morb. acut. at subdit ibidem intra num. 30. & 31. *ubi tamen in morbis suspicatus fueris aut capitis gravitatem vehementem, aut mentis percussione, penitus a vino abstinendum est.* Et alio loco, nempe paulo supra num. 27. itidem de vict. rat. in acut. habet: *qui igitur aqua mulsa utitur, absque sorbitionibus, pro alio potu in his morbis, hic multum successum percipiet, & in non multis successu destituetur.* De symptomatis a vini abusu allatis jam disserui, tam in acutis, quam in chronicis, & dixi, a vino sanguinem impleri, & primum rarefieri; unde crudæ plenitudini rursus duplex plenitudo accedit, & cruditatis augmentum, ac quæ in sanguine insunt vitiosa hetherogenea intestino motu cum massa communi magis confunduntur, sicque eorum secretio magis, magisque prohibetur, atque excrementa eadem etiam rudia, & crassa in angustos arteriarum ramulos infiguntur, cumque hyeme ad centrum cogatur, atque ad viscera sanguinis momentum, nascuntur viscerum fixæ inflammationes. Aliis vero tempestatibus vinum in febre sumptum magis universalem parit orgasmum, & circuitionem sanguinis summopere retardando, & motum intestinum perturbatum excitando, vasis etiam irritatis, sanguineam massam ad putredinem, febresque etiam insidiosas ad malignitatem disponit. A vino postea sanguinem densari, addidi; eas igitur febres, quas cito acutissimas, aut pessimas, malignasque non facit, id valde periculosas reddit, saltemque obstinatissimas, expressis, ac tempore consumptis agilibus partibus, sanguinem vix euntem incrassando, morbumque supra Naturam confirmando, seu ad chronicum difficillimum protrahendo. Attamen circumferuntur hystoriæ quorundam, maxime rusticorum, qui fortissimis, atque etiam malignis febribus laborantes vino ab illis sese expediverunt. Verum non ne frequentius enarrantur fatales casus

eorum, qui vino morbum tentantes citissime defecerunt! Id enim par discrimen, ac si quis obstructum debilem tubum multo pulvere pyrio incluso, atque accenso liberare contendat, nam vinum, si sanguineæ massæ orgasmos, quos certo certius primum intendit, formidabili expansione non solvat, quod & admodum difficile, & perquam dubium, & omnino periculosum, strangulat circuitionem sanguinis in Febris, præcipue malignis. Ex altera vero parte, quoniam vinum recreat gustum, & digestionem, spiritus reficit, solidumque restaurat, alexipharmacumque etiam ab Authoribus Practicis habetur in malignis, ac præservativum; idcirco necui parti deesse videar, distinctio ponenda, ut sine errore, & periculo, de illo decernere possimus. Antequam ergo vinum in his febribus propinemus (admissa necessitate vini aliquando in obstinato, ac periculoso quarundam febrium frigore exhibendi oppressis, debilibusque, juxta illud Hippocr. *Anxietudo, oscitatio, horror, vinum æquale æquali potum solvit ægritudinem*, & Santorinus lib. de feb. part. 2. hoc in casu vinum calidum paulatim haustum bene commendat; etenim vinum calefacit, vivificat, & coactum, compressumque sanguinem irrorat, ac solvit, & constricta vasa dilatat, ut fervetur sanguinis circulatio) tria sunt advertenda. Primo factæ sint omnes evacuationes universales, & secretiones jam apertæ vigeant, alvi potissimum, & urinæ; tuncque non amplius aut vehemens capitis gravitas, aut delirium, quæ jure ab Hippocrate metuuntur, deterrent. Secundo pulsus mollis, tenuisque sit, nam pulsus duriusculus, aut femiobtusus a vino fit durior, obtusiorque ob majorem turgentiam, difficilior circuitum, indeque fortiolem, quam antea, in latera vasorum impulsus; pulsus itidem non fit tunc temporis debito frequentior, in quo quid convulsivum ostenditur, vinum autem convulsioni perniciosissimum. Tertio procactar-

ticæ

ticæ causæ ex iis sint, quæ spiritus minuunt, aut saltem ex iis, quæ solido atoniam afferunt; nam si nimia sanguinis abundantia primario febres induxerit, seu temperamentum ad multum sanguinem cito generandum dispositum fuerit, liquet ex dictis, vini usum noxium futurum. Quamobrem, his positis, hominibus phlegmaticis, senioribusque, emergentibus ex acutis pauca quantitate, ac temperatum; sic in malignarum febrium tuta declinatione, collisis tum a protracto morbo, tum a remediis viribus, ea mensura, qua alia cardiaca dantur, similiter tandem & in chronicis haud inepte permittetur.

Haftenus traditus victus non modo in acutis, verum & in chronicis ipsis Febribus, aliqua tamen habita proportionem, servandus. Neque ille Aphorismus Hipp. quo *tenuem victum semper periculosum* dicit, in morbis longis, ullum nobis timorem, dubiumve incutit; siquidem primum victus tenuis, atque exquisitus, Hippocrati consuetus in morbis acutis, erat succus ptyfanæ, aqua scilicet, pura cum hordeo probe cocta, & colata, sive expressa, quemadmodum perspicuum est, lib. de vict. rat. in morb. acut. cujusmodi tenuissimum victum hisce temporibus perraro adhibendum judicamus. Præterea tenuis victus non ob aliud periculosus statuitur in Aphorismis, nisi quia *in tenui victu ægri delinquant*, idest errores committunt, & *gravius ferunt errores* eosdem, sed hoc accidens haud est ablatu omnino impossibile. Habet insuper alio loco Hippocrates, nempe in præceptionibus, num. 11. *Contractam victus rationem non diu præscribant*; Id autem ad tollendum ab ægrotis Medicorum fastidium, non ad morbi bene curandi necessitatem, quæ magis urget, imperat Princeps Artis, quod ibidem videre est. Deinde putari potest Hippocrates omnibus istis locis damnasse nimium, superfluum, irrationalem in victu rigorem; neque enim exquisitus ille tenuis victus, qui in acutis

tis

tis est necessarius, exacte tenendus in chronicis; in his quippe & jura, & fercula minus diluta, minusque parca, quam in acutis, & concisus in jure panis minus restrictus concedi possunt, sed carnibus omnino interdiciamus, ovisque, donec in vado æger fuerit. Talisque victus inter extremam tenuitatem, & repletionem ægrotantis medius stare videtur, Febris chronicis, utpote mediocris intensiois, ita opportunus; quem tamen pro symptomatis, evacuationibus &c. minuere licet, sive aptare; sicque tantum cibi indulgemus, *quanto morbus extremis est mollior*. Cœterum idem Hipp. pariter de vict. rat. in morb. acut. circa num. 21. docet in genere, etiam post evacuationes non esse deferendum victum tenuem, eundemque non esse augendum, *prius, quam morbus concoctus, ac maturus factus fuerit*, alioqui expertus *magnam noxam, & mortem* indicit, *nisi omnino facilis fuerit morbus*. Morbi vero omnes tam acuti, quam chronici, quum sanescunt, per maturationem, & concoctionem sanantur: primi citius, tardius secundi, quum Natura mitius in his agat. Chronicas porro febres non prorsus faciles morbos esse, sed perquam difficiles, præsertim symptomáticas, nemo non novit. Neque in chronicis febribus igitur descripto moderate tenui victui, qui satis est ad vires diu conservandas, est adiiciendus cibus, qui resistantiam augeat, viresque gravet, maturationemque, & concoctionem morbifici prohibeat, cujusmodi sunt carnes, ova &c. quæ in sanis quoque plurimis ex natura sua, nempe ob fortiores materiam, tarde digeruntur.

Hippocrates in singulis pene morborum speciebus peculiarem, ac distinctum victum instituit, & quædam præscribit, quæ prorsus absurda non paucis nostrorum temporum, & contemnenda viderentur; quamobrem me quoque dicteria vulgi, remedia quæque obvia temere, atque inconsulto aspernantis, solis arcanis, quæ minus capit, fidentis, minime

me vitaturum, scio, si quædam naturalia, simplicia, paratuque facilia, minus tamen Medicis usitata in ægrorum diætâ scriptis commendavero, cum calumnias istas in mendo parvi pendens tulerim. Quidquid sit, quum chylus crudescens harum Februm tam acutarum, quam chronicarum proxima materia extet, quærendus talis chylus, qui prævum emendet, destruat, mutet; & sicuti multa existunt, quæ malum generant chylum, ita multa, quæ huic contrarium, & bonum subministrant, adsunt, etiamque in esculentis dantur quæ concoquunt, digeruntque cœtera, quod in sua Statica, sec. de cib. & pot. Aph. 81. & 82. Sanctorius adumbrare, atque autopsia docere videtur. Cumque ex alimentis ipsis alia minus, alia magis per alvum secedant, cumque demum alimenta, seu alimentorum excrementa e corpore exeuntia secum devehant noxios humores, quod Hipp. notat, lib. 4. de morbis, sub num. 20. tam alterantium, quam purgantium adminicula, sive focia alimenta habebimus. Ista ergo in omnibus hujusmodi Febris tam acutis, quam chronicis recte usurpari, perspicuum est; verum illis maxime convenire, in quibus vel vomitus, vel nausea ad quæcunque remedia, nullas per alia evacuationes admittit, viresque quocunque modo detritæ dicta purgantia pharmaceutica, cœu ingrata non amplius ferunt. Præterea in quibus styptica, & segnior est alvus, tum in æqualibus, in quibus nefas validis medicamentis uti, diætâ alvum aperiens aliis, ac levioribus potionibus subducentibus commode famulabitur.

In hisce itaque omnibus primum diætâ leniter purgantem instituere bonum. Istiusmodi edulia conficiuntur ex betis, albis scilicet, vel rubris, in jure coctis, additis passulis mundatis ad gratiam saporis, atque efficaciam majorem; & si magis ducendum sit, earundem betarum adjecto succo. Betæ parce nutriunt, sunt nitrosæ, sanguinemque

que temperant blande aperientes , spissum suaviter , molli-
terque disgregant , refrigerant calorem febrilem , alvum hu-
meant , nec supprimi , sinunt , quod post quædam alia
purgantia evenire consuevit ; emolliunt concretiones , atque
ad fluendum disponunt , multoque melius , ac tutius id sen-
sim agunt , nonnullis in casibus , quam ressolventia fortiora.
Post has stant urticæ , easdem ferme habentes , sed remis-
siores purgandi vires , hæ autem solidum insuper aliquate-
nus firmant . Inter hæc recenseri possunt raparum juscula ,
cucurbitarum &c. quæ nitroso blandissimo lubricante , &
dissolvente donatæ sunt , secessumque servant , lotiumque
cient . Fercula quoque ex conchis parvis , rotundis dictis , in
februm præsertim chronicarum declinationibus , possunt pa-
rari , quæ leviter alunt , & falso suo inquinamenta etiam
ab glandulis discutiunt , & alvum placide movent , inuien-
te Samonico , ubi de ventre molliendo , ad quod multæ mo-
lis , atque impensarum remedia reprobant :

Mugilis , & viles pellent obstantia conchæ .

Alia autem alios magis purgant . Mellis ipsius comestio
utilissima est in convalescentibus , morbi reliquis emundan-
dis , illis nimirum , quibus id suave est . Hoc cum quod-
dam saponaceum sit , si crudum sumatur , alvum aperit ,
primarum viarum viscera , pulmonemque fœdatum optime
detergit , massam sanguineam refovet , erigit , mutat ; idem
liquefactioni aptum , indeque *secundum omnes partes fluxile* ,
bene nutrit fluidum , & solidum , securiusque recreat , ac
reficit . Idque aut pro alimento cum pane , aut pro condi-
mento , quocunque modo , attamen moderate , usui est
idoneum .

Panis quoque in his Febris melior *cibarius* , quam
siligineus ; ille enim ex Hippocrate , lib. 2. de diæta , &
Celfo Med. lib. 2. cap. 18. alvum subducit , & minus im-
plet . Panis contra ex siligine alvum adstringit , quod ex
ejus-

eiusdem Celsi Medicina, lib. 2. cap. 30. & maxime nutrit; quod lib. 2. cap. 18. significatur.

Quod dixi de alvum lubricantibus, idem de humores præparantibus tenendum in curandis extenuatis; enectis; que supra notatis ægrotantibus. Hæcque post evacuationes universales, alterne cum modo laudatis moventibus, & per vices, quemadmodum de alterantibus aliis remediis suo loco tradidimus, sumi possunt, idest modo excrementosum per sedem deponentia, modo aperientia, & resolventia alimenta adhiberi, eademque modo intermitti, modo continuari, prout opportunitas ostendet. Talia itaque præparantia acutis opportuna sunt blitha, quæ etiam spinachia vocitantur, lupuli, lactuca, cichoria hortensia blandissima, endivia &c. Tam in acutis minus calidis, quam in chronicis, asparagi, cardui comestibiles utiles sunt. Humidioribus autem, crassioribusque temperamentis, in chronicis febribus, dempta magna cruditatis parte, felinum bene coctum commendatur, appium, & alia similia.

Anthos, salvia, anisi semina pro condimentis cæterarum herbarum, aut edulliorum habentur; sic raphanacea, allium, cæpe, porri, quæ rusticorum theriacen appellat Gallenus, tanquam postprandia ad finem morbi chronici, obtusioribus quibusdam concedi possunt, atque imperari; quia digestionem tum primam, tum secundam juvant.

Hæc fane virtutibus imitantur cætera alterantia, ac digerentia alibi proposita, verum familiaria, atque esculenta modo recensita id habent particulare, quod alimentorum more sumpta bene nutriunt, & rectius operantur; siquidem hæc eadem cum jusculis, aut aliis parce nutrientibus, nihil fere generant cruditatis; quia sales possident, quibus & in primis regionibus defectum succorum suppleant, atque adeo horum vitia paulatim corrigunt, insuperque motum peristalticum ventriculi, & intestinorum (quas par-

tes etiam vivificant , ac sensim tono resarciunt) sollicitant , quo fortius agant in tunc temporis contenta ; quapropter hæc simul cum suo nutriente vehiculo bene concoquuntur in ventre ; & in sanguinem translatae , in *secundam* , quam dicunt , *officinam* eadem nitrosæ , sive aromaticæ , sive amaræ particulæ cor , & vasa roborant , pariterque ad vividiorum contractionem stimulant ; sicque ipsa vasa in talem chylum firmitus , & frequentius reagendo , illum optime digerunt . Idcirco & prima , & secunda concoctio perficitur , secretiones reparantur , spiritusque minus culpabiles exoriuntur ; cruditas vero in sanguine præexistens , non aucta a novo alimento , sed nuda , a particulis sapidis , blando-salinis herbarum sensim penetretur , incidatur , dividatur , alteretur , atque viribus gradatim resurgentibus dometur , atque regatur , oportet . Idque multo melius , tutiusque peragitur ab hisce more alimentorum adhibitis , quam a fortioribus mane propinatis , alio postea cibo (qui præsertim in symptomaticis febribus quotidie crudescit , & causam fovet , augetque febrium) aliis horis ægrum reficiendo ; etenim hoc modo id reedificatur in massa communi , quod comminutum fuit ab attenuantibus ; immo & confusio inde nascitur non raro periculosa , attenuata a subsequente alterante nimia cruditate ; utrunque sæpe remediorum diu usurpatorum inutilitas , cum longævitate morbi , aliquando & ejusdem recrudescencia , plerisque irrationalis , atque inexpectata , alias memorata , satis ostendunt , atque hanc methodum necessariam indicant .

Quod autem ad locales solidi morbos , nimirum obstructions glandularum abdominis , & pulmonum tumores , in chronicis symptomaticis , pars cruditatis in iisdem glandulis , meatibus , vasorum sectionibus , parenchymate &c. concreta , & compacta deobstruentibus , purgantibusque remediis vix unquam obediunt , si alio interim victu utaris , propter

pter supradictam rationem , quia scilicet cruditas ab alio victu quotidie renovata remediorum turbat effectum , jugiter reintegrato per universalia ipsa notata detrimenta eodem peculiari partis morbo , nonnunquam & crescente , quia vires a remediis distrahuntur , atque franguntur , & cruditas , ejusque decubitus superant . Præstat itaque ultra evacuationes generales necessarias , quæ cruditatem plerumque , cum sanguine circummeuntem eduxerunt , remorantem , & fixam sensim , assidueque erudire , ac liquefacere alimentis quotidianis , blande solventibus , & lubricantibus paulatim eliminare , quam ægrotantes frequentius debilitare , atque in discrimen injicere .

Satis hætenus de herbida diætâ , quæ omnibus fere temperamentis , & quibuscunque ex his Febribus , & cuicunque morbi tempori , ac statui , proportionem , selectuque habitis , est opportuna , ac minus invisa ægrotantibus , & absque ullo timore , ac periculo ab prudente Medico institui potest .

Alibi insipidum victum condemnavi , hic salium herbarum mentio facta est , quapropter subnectere est animus utilitatem notam salis communis , quo alimenta sanis quoque condiuntur , atque ægris omnibus , pro ratione , condiri debent . Is tum in acutis , præsertim minus calidis , tum in chronicis probe adhibitus attenuans remedium utile est , ac necessarium ; ait enim Plutarchus in sympos. *tenuatur sanguis salem lingentium , neque coeunt quæ intus sunt* . Tam massæ igitur temperandæ , quam glandulis expediendis apprimere in victu conducit .

Quoniam lactea diætâ in chronicis pluribus usitatissima est , tum apud Antiquos , tum apud Recentiores Medicos , ideo de eadem in Febribus nostris quæstionem ponere operæ præmium duco , & inquirere , num hisce chronicis utilis esse possit . Neque alia ratione id melius me præstiturum ,

credo, quam lactis proprietates ex ejusdem quacunque parte componente emanantes cum toties repetitis morbi fundamentis conferendo; tum ordinarios ejusdem effectus considerando, ut inde & a priore, & a posteriore, quid sentiendum sit, quid tuto judicandum, conijciamus; perfunctorie enim ambigenti, ob ejus simplicitatem, facilem in infantibus vel tenerrimis digestionem, vim refrigerandi, diluendi, reficiendi, & commode alendi, fortasse hisce eisdem Febris curandis optime convenire videbitur.

Lactis itaque partes aliæ sunt butyrosæ, ramosæ, ac oleosæ, quæ emolliunt, laxantque etiam quod aridum est, veluti coria &c. hinc morbis a nimia solidi duritie, tensione, & rigiditate medentur; præterea sicuti oleosa omnia, fibras remittendo, easdem minus sensibiles, minusque agentes faciunt; hinc quosdam dolores leniunt; solidum itaque tam ventriculi, & intestinorum, quam vasorum sanguiferorum hæ magis laxabunt, ac infirmabunt, & utrorumque motum, omnemque functionem reddent languidiorem. Caseosæ aliæ, quia facile in coagulum abeunt, quippe quæ sunt glutinosæ, tenaces reciproce adhæSIONIS, solidamque massam, in dies magis obdurescentem constituentes; hæ primo obstruunt, atque alvum pigram efficiunt, quæ admodum frequens est harum Februm occasio; deinde chylosam cruditatem crassam, viscidam, & glutinosam augent, & viscera lentore occupant, chronicasque disponere valent ab symptomaticas. Aliæ tandem ferosæ alibiles, quæ aliquantum nitrosæ sunt, pingues simul, & aquosæ, tempore coagulabiles; hæ quidem diluunt, & ad exeundum e corpore proclives sunt, hæque acredinem, irritationemque humorum temperant, sed nimia lenitate jam insulsam, segnemque crasim sanguinis afficiunt, ac magis hebetant; si vero serum lactis in primis viis corrumpatur, adeo stimulat intestina, debilitat, lubricatque, ut diarrhæam inducat

terminosam ; ac sæpe suspectam . Simul unitæ , atque a Natura concinnatæ istæ partes mitem , spissumque humorem efformant , qui sanos multos delectat , cito , abundeque nutrit , nec male digeritur in quibusdam , maxime si solus assumatur , absque carnibus &c. fatietatem tamen parit , & hyppocondria inflat , inertiam totius , & lassitudines multoties inducit , oris insuavitatem , & viscositatem ; quando autem in morbum a nimia plenitudine offendit , eundem auget , debito citius , crudeque replendo sanguineam massam impuram , jamque antea onerosam ; quamobrem haud tutum Febrium harum , neque chronicarum , remedium erit , quæ semper generantur ab massæ communis quantitate , & pondere viribus vasorum majore , seu cum vasorum debilitate conjunctis . Ubi vero chronicæ symptomatice sunt , glandulæque abdominis parum , maleque fecernunt cruditate deposita obductæ , easdem lac magis gravat , & obstruit ; siquidem in ipsis sanis nutricum mammis ob solam remoram aliquando concrescit , eo autem magis cruditate sanguinis inquinatum , decumbens in visceribus morbosus . Lactea igitur diæta minime commendatur in hisce Febribus , neque chronicis . Experimenta hujus bina vidi , unum ab alio factum , a me alterum in diverso temperamento , utrunque in morbo jam antiquo , & cui marcor accesserat , neque valde urgente febre , & utrunque male cessit , ita ut relinquenda fuerit istiusmodi diæta .

Quamquam vero lac in genere in hisce Febribus fere periculosum sit , ars tamen illud in bonum vertere valet , primo temperamenta , ac tempora , quibus lac conveniat , distinguendo , secundo lac seligendo , tertio tandem ab lacte auferendo quod noxium , addendo ipsi id quod commodum , utile , ac necessarium ægrotantibus . Quibus hominibus lac profit , nulla alia re magis assequemur , quam sciscitando ab iisdem , num lac ipsis sanis semper bene verterit ,
in-

inquit enim Hipp. seu alius Auctor, lib. de alim. *lac nutrimentum*, quibus videlicet secundum naturam alimentum est, aliis vero non; crassis autem, humidisque, semicacheticis, aut œdemate, aut alio simili tumore laborantibus absonum est, tum ex Hipp. *caput dolentibus*, tum *febricitantibus* (hoc est forti sive continua, sive accessionali, sive periodica febre afflictis) & quibus *hyppocondria murmurant*, & *siticulosi*, & in bilioso alvi fluxu, & quibus sanguinis multæ egestio facta est (quæ ventris male habitis visceribus magis evenire consueverunt) *convenit tabescentibus* (siccioribus nempe hæcticis, & quibusdam phtyficis) *non multum febricitantibus*, & in febris longis debilibus, nullo ex prædictis signis præsentē, sed præter rationem consumptis. Non bonus igitur lactis usus, nisi dempta plenitudine, & crassa omni cacochymia, cujus signa exilis febris, sine ulla accessionali superinductione, ac sine siti, cum capitis, ventrisque libera quiete; talibus lac exhiberi potest, si alio alimento ægrorum carnes nihil proficere videantur. Utilissimum porro lactis adhibendi tempus est ver, quo tum lac, tum homo magis viget. Quoad selectum, illud lac eligendum, quod ad secretionem magis dispositum est; ovillum ex Hipp. lib. 2. de diæta, *alvum sistit*, caprinum vero magis per alvum secedit: bubulum vero minus: equinum autem, & asininum magis secedunt. Ab asinino itaque incipere melius erit, quoties magis purgandum videbitur, de quo satis cap. de purg. Lactis denique alimentum correctio haud est omittenda. Addita aqua communis, simulque ebullita, & salis idonea ad saporem quantitas, ablato in ebullitione cremore, lac magis solvunt, & fluxile reddunt, neque tam facile coagulabile, ad quod maxime facit succus menthæ, vel mentha ipsa combullita, quam præterea ventriculum, viscera, & vasa roborare, & chylum spirituosiores reddere, & viscera referare, ex traditis satis constat. Compertum est ob-

fer-

servatione Ballonii epidem. & ephemerid. lib. 2. lac eos correctum juvare posse, quos sincerum lædebat. Modus tandem ejusdem offerrendi est lac cum pane coctum dare in prandio, & cœna, absque alio cibo.

Antequam de Diæta differere supersedeam, de hoc monendi Tyrones, quod quamvis congrua usurpentur alimenta, si illa horis indecentibus exhibeantur, fere in mala vertuntur, quia & aliqua tunc nocent remedia. Idque minime negligendum docet, post Hippocratis Aphorismum: *In accessionibus, nihil dare oportet, neque cogere &c.* aurea Celsi doctrina de curatione Semitertianæ Antiquorum, quæ nostri generis Februm species sæpius est germana, ac genuina; *Habet enim, ait, frequentes accessiones, decessionesque.... & magnopere necessarium est neque dari cibum, nisi in ea remissione, quæ vera est, & ubi ea venit, protinus dari. Plurimique sub alterutro curantis errore subito moriuntur.* Quare in omnibus Febris cibus, qui bis in die fere exhibetur, in eas horas disponendus, ut extra accessionem offeratur, aut saltem, si ea longa nimium sit, extra augmentum, & summam exacerbationem. Vera autem remissio est, etiam in insidiosis, quando minus urgent symptomata, & oppressio.

Potus quoque qualis esse debeat, jam proposuimus; quoniam vero multæ harum Februm initio, & aliquando in progressu quibusdam horis frigus, & horrorem habent intermedium, optimus mos est, *ubi expectatur frigus in febris, ab omni potione ægrum abstinendi*, ex eodem Celso, *nam multum malo adijcit*, eo magis in frigore.

Sola tamen Diæta concoctionem tum alimentorum, tum morbosæ materiei, etsi ad id alimenta seligantur, & aptentur, non absolvit, immo neque remedia ipsa id bene perficiunt, nisi adhuc cœtera famulentur.

Regimen calidius alibi repulimus objectionem quorundam

dam minime fugientes, digestionem tam primam, quam secundam calore perfici, observantium, non autem refrigerantibus, idque tum in statu sano, tum in morbo; nam (misso primo) in morbo, de quo sermo vertitur, & in quo cruditas, Natura febrim, hoc est calorem majorem, & præternaturalem excitat, ad concoquendum; ergo si Naturam debemus imitari, nullis apta sunt frigida in his Febris, in quibus digestionem sunt promovendæ. Respondemus, non semper imitandam, sed plerunque Naturam esse regendam, intraque debitos limites continendam; ideo distinctionem proposuimus etiam capite de alterantibus & februm, & temperamentorum; sic illis, in quibus calor, seu Naturæ actio minus sufficit concoctioni, addidimus stimulos per sales, in quibus vero calor superabundat, & vitam adigit in discrimen, ipse est temperandus, atque coerendus. Etenim haud digestionem proprie perficit calor, sed motus viscerum, motusque sanguinis, quorum uterque causa est digestionum, simulque ipsius caloris. Ad digestionem præterea concurrere debent opera glandularum, succi, sales sanguinis. Calor porro nimius digestionem potius infirmit, quod ipse novit Celsus, cujus textum & alibi posuimus: *Calor concoctionem prohibet*. Siquidem excedens calor spiritus dissipat, quum ex Hipp. 5. Aph. 16. *nervorum incontinentiam, mentis torporem, Animi deliquia* afferat, ad quæ mors: solidum debilitat; nam *carnium effeminationem* accersit: massam communem rarefaciendo, molem ipsi majorem inducit, & vasis continentibus amplificationem, ac distensionem, quia & *sanguinis profluvia* provocat; indeque languidiorem, difficilioremque motum vasorum, ac viscerum reddit, circulationemque sanguinis retardat, & succorum secretionem vitiat, turbat, imminuit, quare utraque digestio langueat, oportet. Hinc calidius regimen malum demonstravimus, quia has Febres alterat, pejoresque facit; ergo regimen moderanda-

derate, ac proportione frigidiusculum ex adverso alterabit, corrigetque non parum febres easdem, & sane Antiqui Medicinæ Patres, refrigerantia in febribus generaliter indicari, mordicus tuebantur, & quasi peculiariter ad has facit illud Hipp. 5. Aph. 23. ubi in morbis illis, in quibus *frigido utendum* connumerat *quascunque inflammationes*; In omnibus igitur hisce Febribus calidis, atque adeo in malignis, & petechialibus prodest frigidum, & non calidum.

Deinde non modo nimium calorem, sed & nimium frigus diversimode istiusmodi ægrotantibus obesse, diximus; perspicuum est itaque, horum utrunque temperatione indigere, ac moderatione. In his Febribus, sicuti in morbis aliis, maxime necessariæ sunt temperies, concoctio, conferens secretio. Temperies autem in mediocritate consistit, atque perficitur, ab eaque concoctio, & secretiones utiles, criticæque proficiscuntur. Nimium omne, sive calidum, sive frigidum, concoctiones, & secretiones bonas impedit. Harum porro qualitatum sui sunt moderati, diversi gradus, qui huic, aut illi præparationi, dispositionique favent, ac secretioni. Sic in sanis modicum, gratumque matutinum frigus secessum bene movet, quod notat Hipp. ubi de matutinis deambulationibus agit lib. 2. de diætâ: *Alvum autem solvunt, quia cum calida sit, frigido spiritu superne allabente, caliditas frigiditati cedit*. Secessum, & lotium ciere solet pedum aliqua refrigeratio; urinam vero distincte mediocriter, in frigidiusculo aere, corporis motus; perspirationem exercitium in aere temperato; sudorem idem in calido exercitium. Quapropter alia est dispositio, seu concoctio ad secessum, alia ad urinam, alia ad perspirationem, alia tandem ad sudorem. Immo concoctio ad secessum prorsus diversa est a concoctione, & dispositione ad sudorem, contraria, atque ex diametro opposita; nam ad secretionem secessus, separari debent crassiora ab reliquo sanguine, atque

ad centrum congregari; ad secretionem autem sudoris, misceri debent omnia, & ferri simul ad circumpherentiam, ac per minutos cutis meandros quoquoersum in tota superficie corporis dispergi; quæ etiam alias ostendimus; præterea, altera fiens, impeditur altera; paucis hanc oppositionem secretionum adumbravit Hipp. notissimo illo Aphorismo: *Cutis laxitas, alvi densitas*. Quamobrem ea, quæ maxime conducit in his Febris, quod ex dictis, & probatis constat, quæque tutior est (tutior porro quæ magis naturalis, & consueta, quam quæ rara, ac fere violenta: minusque debilitat quæ crassa, quam quæ tenuia excernit) primam intentionem meretur, efficiendumque, ut primæ qualitates ita accomodentur, ut eidem inserviant. Sic intensum febrile frigus affligens calore externo moderemur, oportet, frigore calorem itidem febrilem, & inde symptomaticum sudorem, atque alia symptomata. Quanta vero sit necessaria correctio per assignatam prospectionem, facilius, vel difficilius tolerantia ægrotantis regulam facilem dabit.

Capitis ratio in gravi capitis dolore, ac delirio, ad temperatum regimen attinet; hujus utilitatem optimi quique Practici norunt. Eadem, & alia cerebri incommoda in iisdem febris mitigare solet etiam erecta positio.

Neque tamen lecti requies ægro interdicenda sive in acutis, sive in chronicis, nam dissipatio spirituum ab incongruo labore, atque incommodo quocunque, perniciofa, quum sit inter causas harum Februm; eosque solos censeo a lectulo dimittendos, qui parce laborantes ab eodem libenter exeunt, seseque regere, ac stare valent; cæterum lecti tantummodo permutationem de plumeo, seu laneo calidiore in refrigerantem, interdum necessarium est suadere.

Aer præterea in hisce Febris vitandus australis, humidusque, in acutis malignis epidemicis saltem corrigendus odoris suffumigiis &c. in chronicis fugiendus, idque maxime si in-

si inde exortum malum agnoveris, *pestimum* enim ægro Cœ-
lum est, quod ægrum fecit. Quare loca depressa, nebulosa,
tetra, sic terrena, aut Soli impervia cubicula mutantur.
Aer clausus, non renovatus, opacus malus. Aer optimus
montanus, apricus, qui solidum roborat, spiritus erigit, re-
paratque, & omnes paulatim functiones restaurat; isque ad-
eo digestionibus prodest, ut quosdam rusticos noverim fe-
bribus ex chylo chronicis laborantes, qui cum e rure, quasi
in convalle posito, in montes per æstatem migrassent, mul-
to melius se habuerunt, indeque, credo, ipsos etiam con-
valuisse. In specie autem aquilonaris aer magis confert
Hyppocondriacis; nam corpora bene firma, & bene mobilia,
coloratiora, & melius audientia facit, ex Hipp. In Hæcticis
vero aer isto aquilonio, qui nimis hosce exsiccat, sit tem-
peratior, & maritimus saluberrimus.

Labor viribus major, aut diuturnior semper malus.
Quies nimia torpidius solidum, crassius, viscidiusque fluidum,
atque inertius reddit impetum faciens. Hæc mediocria, &
sefe invicem excipientia juvant digestionem, labor videlicet
quiete passim interciscus, ac moderatus, quo & digestio, &
distributio, & confertio, seu commutatio chyli in sangui-
nem, & secretionem perficiuntur. Laborem ingestorum ali-
mentorum quasi antagonistam ponit Hipp. lib. i. de diæta,
contrarias, inquit, *inter se vires habent cibi, & labores*, ve-
rum *inter se mixti conferunt ad sanitatem*. Labores enim ea,
quæ insunt, consumere solent, cibi autem, & potus ea, quæ
evacuata sunt, explent, & proportionem ciborum cum la-
boribus unicuique, prout sua fert Natura, inculcat, ut salu-
tem tueatur. Febris acuta in ægris labori substituitur, ad
superfluum crudum concoquendum, nam ipsa profecto labor
est cordis, & vasorum oneratorum, qui cum sit vehemens
(morbos enim acutos laboriosissimos vocat Hippocr. lib. de
affectionib. numer. ii. & ait i, Aph. 7. ubi igitur morbus

peracutus est, statim extremos habet labores &c. & quum tenuiorem victum in ipsis acutis febribus, aliquando & tenuissimum adhibeamus, citiusque per remedia consumatur superfluum, alius exercitii additione opus non est. Sed in chronicis minor est materia morbofa, attamen obstinatio, rebellior, antiquior, & minus ideo percellit, opprimitque Naturam, sed eidem diutius inhæret; minus tenuis est in his victus, & evacuationes, quæ rariores esse debent, non semper omne absolvunt, eoque difficilius, quando peculiaris viscera insigniter imbecilla, sive obseffa, & infarcta male per se quotidie, manceque digerunt, causamque restaurant febrium; hisce igitur externum exercitii auxilium est opportunum & ad digestionem, & ad viscerum, glandularumque discussionem, atque in his sane viscera, quod Sanctorius agebat, in Static. sect. de cib. & pot. gravantur quiete, exercitio liberantur pondere. Corporis ergo aptus motus ex acutis non nisi convalescentibus; sed chronicis his, maxime autem symptomaticis, adhuc laborantibus convenit.

Exercitium tamen quodcunque neque penitus impuro corpore ab initio capiendum, sed post evacuationes necessarias, & declinante morbo, aut saltem valde remisso; neque unquam statim a pastu, at potius ante pastus ineundum. Denique sit unicuique geniale, atque opportunum, ac præcipue consuetum, a quo minus debilitari solent homines ex Hippocratis trito illo 2. Aph. 49. *Qui consueti solitos labores ferre, etsi fuerint imbecilles, & senes, non consuetis fortibus, atque juvenibus facilius ferunt; & paulatim suscipiatur.*

Corporis exercitatio efficax utilissima, & gymnastica est equitatio, quam in chronicis, rebellibusque morbis expertus ingeniosissimus Sydenham passim celebrat. Hæc etiam hujusmodi Febris longis, Hypochondriacis præsertim, Hystericisve, quibus nil pejus otio, debellandis aptissima est.

Tarde quiescunt, maxime in effœtis, hujusmodi Febres, quia non bene renovatur sanguis, non perficitur chylus, non satis reficiuntur vires; quare addendo succussionem, & motum artificialem languido motui vasorum, ac viscerum, id ipsa integre absolvent, quod per se præstare nequibant; sic veteres particulæ sanguinis globulares, fibrosæ, serosæ, aucta collisione per equitationem, ex se granulos, seu fibrillas, seu atomos antiquiores emittunt, retinentque propriam figuram, & porulos receptui aptos, sicut gingiva, vacillante ob duriorē crescentem masticationem, & exempto primævo dente, foveam servat, ut in eandem succedat alter; simulque chylus utraque in officina multiplicatis concussionibus digeritur, atque in porulos modo dictos præparatos inseritur: sanguis renovatur; viget solidum, ipso mutato aere in liberiorē, promptius agentem, & recreantem; vitales spiritus eodem reficiuntur; melius circuit sanguis, secretiones obit, indeque spiritus animales vividiores separantur, atque ad motas equitatione fibras omnes influunt, ex quibus salus, & universi corporis vigor. Isto vero motu præcipue intestina, aliaque abdominis viscera adjuvantur, quod ex laudato Auctore patet in Colica convulsiva, hyppocondriaca, aut hysterica, in diarrhœa colliquativa; nanque, ultra supra notata commoda, e glandulis paulatim impura compacta excutiuntur, expromuntur, eorumque restituitur naturalis, salubrisque secretio; quamobrem ab equitatione etiam in symptomaticis digestio morborum egregie promovetur, unde œconomia corporis sensim reviviscit. Viris quidem facilius, & convenientior equitatio, fœminis autem vectio in effeda, curru &c.

Somnus, & vigilia, utrinque, si modum excesserit, malum. Nimius somnus nimis implet, hebetioresque etiam famos facit. Somnus a pastu, videlicet prope illum, damnatur, & profecto a somno meridiano in convalescentibus non-

nunquam febris reaccenditur, quia ex Morton, in Phtysiology. *Somnus a pastu tardat ciborum digestionem, unde massam sanguinis effœtam, & chyli inutilis plenam reddit.* In somno paucos secerni spiritus, ostendunt vani, futesque conatus somniantium, quos graphice de more expreſſit Virgilius 12. *Æneidum.*

*Ac velut in somnis, oculos ubi languida preſſit
Nocte quies, nequidquam avidos extendere cursus
Velle videmur, & in mediis conatibus ægri
Succidimus; non lingua valet, non corpore notæ
Sufficiunt vires, nec vox, nec verba sequuntur.*

A paucioribus autem spiritibus male concoquitur chylus in utraque officina, hinc massa morbose repletur, unde crescit pondus, distensio vaſorum &c. Excedens vigilia vires a coctione distrahit, & maxime dissipat, quorum argumentum sunt membrorum gravitas, ac tristis ſenſatio totius in importune vigilantibus.

Inter excreta, & retenta, abusus ſpuendi, ſalivamque fundendi, primam digestionem impedit, & rudem deſerit chylum; inſuperque cum ſero ſalivali multam ſpirituum materiam exhauriendo, atque idcirco debilitando, utramque vitiat. Ex altera parte Hipp. lib. 4. de morb. docet, cruditatem etiam per os, naresque expurgari; Sic igitur ſentiendum: ſalivale, quod craſſum ſentitur, maxime ab ægrotantibus expui debet, non ita tenue, niſi ab humidioribus, quibus utile eſt minui quacunque via humidum ſuperfluum, moderate tamen, atque paulatim. Tum mucus narium ſternutatoriis promovendus poſt debitas alias evacuationes, & concocto morbo, præſertim in Febris Catarrhalibus, & ubi comata, ſopores, aut deliria tenuerunt. Hippocrates nimium coitum damnoſum, moderatum utilem demonſtrat, lib. prædiction. 2. De nimio inquirere, utrum pernicioſus ſit ægris huiusmodi, ridiculum plane eſſet; utrum

igitur moderatus profit, investigabimus. His in Febribus crescentibus malus est: *Augescentes morbos coitus; frigiditas ea, quæ in ventre sunt indurat*. Hipp. de morb. popul. lib. 6; deinde in Febribus hujusmodi calidioribus, minusque remittentibus semper periculosus est, perniciosusque; etenim in utrisque ab actu, æstroque venereo orgasmus major nascitur in massa communi, unde major Naturæ passio, & nimia cruditatis cum sanguine confusio. Præterea stypticissimis ægrotantium plerunque noxius, quia ventrem facit duriores. Pallidos, languidiores, *atrabilarios*, etiam ob insitam spirituum paucitatem male digerentes, ad digestionem ineptiores reddit; in talibus enim licet parcus fere nimius est, quia incongruus propter infirmam dispositionem eorundem, siquidem spiritus præcipue in viris dissipat, solidumque, præsertim primarum viarum, hebetat ex Sanctorio in Stat. sec. de ven. Aph. 10. Hyppocondriacis item, convulsionibus, palpitationibus, stuporibus obnoxiiis male vertit, ex eodem Auctore, eadem sect. Aph. 10. nam subdit, ex immoderato coitu *facile fieri palpitationes in superciliis, & artubus, & deinde in membris obtinentibus principatum*, quæ detrimenta ab antecedentibus nuper assignatis generantur. Insuper in hisce imperfectis hominibus cruditas jam in sanguine præexistens per coitus excandescentiam ruit in debiliora viscera, illosque ad chronicas symptomáticas difficillimas disponit: *fiunt obstructiones, & inde alvus supprimitur*, addit Sanctor. idem Aph. 12. ejusdem section. Jam vero symptomáticas febribus laborantes magis gravat, præsertim si labes viscera abdominis occupaverit: *coitus ea, quæ in ventre sunt, indurat*, quod ex Hipp. habemus lib. supr. cit. Attamen quum ex opposito videamus interdum nonnullos homines ex succi plenis, bono colore præditis, juvenibusque, cœlibem vitam agentes crebro male se habere, qui matrimonio juncti ab incommodis præstant se immunes; & cum de suo morbo

con-

consilium capiens mihi narraverit juvenis quidam febre ex chylo rheumatica, in chronicam lentam facta, & provecta laborans, se multo minus tunc temporis a coitu cum uxore debilitari, quam dum sanus degeret; cumque nullus dubitem, quin de superfluo turgentis chyli per ea loca, ista data occasione, effluat, atque aliquando gonorrhœam minime virulentam, at veram efficere valeat, quæ aliquibus etiam absque venere occurrit; cum tandem inveniam apud ipsum eundem Hippocratem, lib. 6. de morb. popul. *coitus morbis a pituita commodus* (pituitæ autem nomine crassum & viscidum sanguinis excrementum intelligebant Antiqui) in febribus inæqualibus mediocribus, non periculosis ex chylo, nempe post statum earundem, coitum in bonis habitibus non improbo. Mulieres etiam duplici de causa juvare poterit: & quia retenta menstrua ad uterum revocare valet, quod docet idem Hipp. lib. de genitura, ad id coitum frequentem laudans, qui *uterus humectat*, unde sanguinis tollitur plenitudo: & quia per conceptum impenditur etiam chylus, alioqui futurus superabundans, in foetus nutritionem. Non ideo tamen coitus illis, quibus vetitus est, nefarie, turpiterque suadendus; neque enim tuto, certoque solus coitus curat has Febres, sicuti non curavit descriptum juvenem, qui aliis congruis remediis a me præscriptis restitutus est; sed hæc habui, ne omnibus indiscriminatim interdicator. Eodem fere modo puerperis, febribus ex chylo laborantibus confert lactatus, veruntamen infans ut plurimum febriet ex chylo, quia cruditate ejusdem contaminatur lac; lactet qui expuat. Sudoris inepti incommoda jam satis retulimus, & alvi suppressæ. Retentam vero quamlibet aliam naturalem, vel artificialem consuetam evacuationem corpus ad hasce Febres præparare, easque natas amplificare ex suo loco dictis perspicuum est.

Ex fortibus, diuturnis, molestisque Animi motibus,
feu

seu affectibus frequentiora mala esse solent Febres ex chyli cruditate profectæ. Alii nanque, vires distrahendo, ac perdendo, chylum crudum reddunt, alii cruditatem, confundendo repente circuitionem massæ communis, in angustos meatus figunt; quamobrem eosdem vitandos esse, moderandosque, nemo non videt. Digestiones, & secretiones juvare alterna quoruncunque mediocrium pathematum successio, & mutatio dicitur a Sanctorio, in Stat. sect. de Anim. affect. *Nunc bilares, nunc mæsti; nunc iracundi, nunc timidi perspirationem* (& necessario præviam concoctionem) *magis salutarem habent, quam qui unico, licet bono, semper gaudent affectu.* Veruntamen id in fortioribus sperandum; imbecilles ægrotantes, ac pusillanimes aut in nullo affectu mediocritatem servantes ab omnibus percelluntur, ideoque iis non favet alternatio; aut mæstitia, & timor ipsis semper prævalent, quæ præ aliis inimica sunt, atque has Febres ad chronicas, & chronicas symptomaticas maxime deducunt, quemadmodum Sanctorius asserit, aph. 3. de Animi affectib. *Timentes, & mærentes facile obstructiones, partium duritiem, & affectus hyppocondriacos patiuntur.* Omnes ergo Animi affectiones in his non tam mutandæ sunt, quam contrariis temperandæ; sic danda opera est, ut assidua Animi depressio assidua erectione sustineatur. *Ira, & spes auferunt timorem, & lætitia mæstitiam; passio enim Animi non medicinis, sed alia passione contraria superatur &c.* eadem sect. aph. 12. *Melancolia duplici via superatur, vel libera perspiratione, vel aliqua continua Animi consolatione,* aph. 27.

Diæta profecto, & regimen, quæ ægrotis conducunt, digestionem promovendo, etiam convalescentes a recidiva, & a morbo in constitutionibus epidemicis nondum ægrotantes præservare poterunt; ex Sanctorio enim *nemo incidet in morbum, si sedulo prævideat, ne cruditatibus laboret;* atque cruditate jam obsefforum salubri statui reintegrando, cum aliis

rationalibus, securioribusque medicæ tutelæ auxiliis, erunt necessaria. Quamobrem ut sciamus, quinam hac indigeant vivendi norma, ut eos nimirum cognoscamus, qui etiam extra morbificas constitutiones imminenti subjacent calamitati; & ne nos exigui, negligendique mali specie fallat cruditatis principium, ejusdem tam externæ, quam internæ inditia sumenda ab causis prægressis, & ab signis, quæ vel cruditatem in primis viis denotant, talia sunt cibi fastidium, sitis &c. cap. de signis ad finem satis descripta; vel eandem in sanguine incipere indicant, cujusmodi sunt vertigo inconstans: *si oculi*, absque externa causa, *cum dolore vertuntur*, ex Celso: sic calor in volis manuum, ac pedum sub vespere, five per noctem; si hæc, aut alia ibidem notata adfuerint, has Febres timeto, ac paulatim superventuras præcave. Quod si etiam pulsus inconstanter, inæqualiterque moveri incipiant, jam inest ipsarum Februm rudimentum.

Fontes igitur cruditatis statim exhauriendi, & causæ submovendæ. Quod ad cruditatem primarum viarum attinet, si a mala, aut nimia materia, nuper ingesta metuatur cruditas, quisque videt, rejectionem per vomitum utilem esse; si alvus recenter suppressa fuerit, nondumque alia incommoda turbant, lubricantibus alimentis satis est eam aperire; sin per aliquot dies eadem ista aut segnis, aut penitus restiterit, opus est medicamento, quo hæc quodammodo externa, videlicet extra sanguinem cruditas, seu mala præparatio destruat; veruntamen nisi pristinus vigor, atque appetitus statim redeant, & secretiones cito non restituantur, mel solum comedendum præcipito, inquit enim Hipp. lib. de affectionib. *Mel cum aliis quidem comestum, & nutrit &c. ipsum autem per se ipsum, attenuat magis, quam reficit. Nam & per urinam, & per secessum plus justo expurgatur. Sicque defectum secretionum, & damnum allatum rependit.*

Crudititas autem, etiam si primarum regionum, raro bene solvitur solo jejunio, omnimoda scilicet a cibo abstinentia, occasio enim major præbetur rudi, atque impuro illic stabulanti, ingrediendi in sanguinem, quum a motu ventriculi, & intestinorum, deficiente cibo, quem concoquant, excutiat, atque a succis gastricis diluatur, ab iisdemque in lactea, recenti chylo vacua traducatur, magisque inde venter exsiccat. Jejunium quidem a crapula laudamus, donec ea solvatur; verum indigestionem duorum, triumve dierum, seu vetustiore inædia, dicta de causa, minus tuto aufert, sed purgatio. Præterea in quacunque cruditate homo statim inædia, vel tenuissimo tractatus cibo durare nequit, & necesse est postea eundem, viribus a nimio jejunio fractis, alere, quod vero tunc ille sumit minus digerit ob debilitatem, unde etiam ex hac parte crudititas. Hippocrates de vict. rat. in morb. acut. hunc errorem manifeste reprehendit, ac in 1. Aph. 10. docet, initio victu clementiore utendum esse, *ut æger sufficiat*.

Sin autem ipso in principio mala præparatio appareat interna, videlicet in sanguine; si sanguinis plenitudo ipsam fecerit, phlebotomia illico celebranda; si chyli, catharsis; si utriusque culpandi inditium adfuerit, utrumque remedium suis diebus convenit. Neque cunctandum, præsertim si secretiones imminui incipiant; nam in tali statu, etiam si chylus bonus, modicusque ingrederetur, in sanguine crudefcit, & malum auget, ex alibi habitis; non enim fiunt utiles secretiones, donec nimium a copia detrahatur, deturque concoctioni aptitudo: *valde autem impletæ venæ nihil ex se ipsis remittunt, priusquam spaciosa capacitas ipsis contingat*. Hipp. lib. 4. de morb. num. 38. Tum phlebotomia, tum catharsis, itidem suo ordine, ac tempore, etiam administrandæ, licet vulgo minus opportunæ videantur, si hujus incipientis cruditatis causæ ex iis fuerint, quæ vasa sanguifera

universa a suo tono deprimunt, spiritus animales dissipando, maxime si repentinæ extiterint, sicuti gravis syncope, non ex inædia, neque ex immodica evacuatione, subitus Animi dolor immanis &c. in his nanque sanguis, & chylus nimii sunt viribus minoribus, quod ex ipso postea turgente pulsu deprehendetur.

Illi itaque, in quibus conijcitur interna incipiens cruditas, tum ex protractis recensitis incommodis; tum ex pulsu, etsi in quibusdam neque alto, neque frequente, tamen duriusculo, aut obtuso, aut inæquali; tum ex alvo diu sicca, aut parca; hi omnes dictis evacuationibus opportunis opus habent, & restricta vivendi ratione, saltem per quinque dies, valetuarii, senesque, sensim post tertium crescendo alimentum, si cesserit affectio; junioribus vero antea sanis tres respectus dies plerumque sufficiunt.

Si male præparatum fuerit aliquod peculiare viscus, sive primæ coctionis, veluti hepar, lien &c. sive secundæ, veluti pulmo, ejusdem quidem speciali curationi per propria remedia est incumbendum, interim tamen alvus libera servanda, ut crudum inde genitum efferatur, donec viscus illud in pristinum statum sit redactum.

Porro præservatio etiam prospicere debet correctioni intemperiei corporum, & pravitatis reliquorum accidentium. Corpora igitur stiptica fugiant cibos siccos, salitos, frigus aquilonium, exercitium in sole, tum superfluum in lecto moram ignavem; victu humido, & subducente sæpe utantur, descriptis herbis lubricantibus, parca, sed frequente fructuum comestione ad id conferentium, & coctorum, aut crebris clysteribus. Homines, qui nimium generant sanguinem, tum illi, in quibus sanguis ideo superabundat, quia magnum aliquod membrum vel demptum, vel imminutum recipit parum sanguinis, fere ex nimia sanguinis copia hujusmodi Febris impetuntur, atque idcirco ea omnia iisdem pro-

prohibenda, quæ sanguinem multiplicant, ac inter cœtera, vinum; hujus enim, præsertim generosi, usus perquam periculosus est, quia vinum sanguini maxime est analogum, hinc Aristoteles *sanguinem Terræ* illud vocare solebat; hoc præterea vel levi interna cruditate tactis, in bono aere, statim interdendum: post vinum iis omnibus malus est usus *colatæ*, quia & hæc sanguinem auget: hi phlebotomiam non raram adhibeant. Habitudines autem nimium chylum producentes insuper abstinere se debent a frequente esu carniū quadrupedum, aviumque domesticarum, præsertim pingujum, pisciumque capitonum, anguillarum, & similium, atque eorum omnium, *quæ universim, ac velociter nutriunt*, quanquam eorum etiam *veloces fieri excretiones*, dicat Hipp. hujusmodi sunt lac, ficus pingues, uvæ maturæ, & dulcia fere omnia; excretiones enim istorum celeriter sane fiunt in corpore penitus sano, nequaquam in eo, cui de facili subest cruditatis morbosa radix; deinde quamvis *veloces excretiones etiam fiant*, permagna tamen pars eorum remanet, ac nimis cito, indeque crude hos implet, nempe quando *velociter nutriunt*; per excretiones nanque solæ inutiles fæculentæ partes eijciuntur. Multus porro chylus succi plenis quasi repente superadditus cruditatem, & pondus amplians viribus moventibus majus negotium facit, & sic gliscentem fuscitat morbum. Talibus cibi potusque parciore, leves sunt opportuni, dilutum vinum, labores, aut venus, balnea ad carnes ambitus derivantia, & in senioribus fetacea, sive cauteria; quandoquidem hæc diversoria chyrurgica non modo præsentibus chronicis febribus curandis magnopere prosunt, sed Febribus ex chyli cruditate ob nimium hujus proventum sæpe obnoxios, præcipueque senes, præservandi vim habet, quod ipsa Natura indicare videtur, dum quosdam voraces simul, robustosque homines, per abscessus externos, ab his Febribus reddit immunes. Quod si phlegmaticum, laxum,

ato.

atonicum fuerit corpus , nocent aquea , insipida , oleosa , somnus nimius , & quies ; immo fame , siti , vigilia idipsum macerandum ; hæc enim corpora exsiccant , itidem cibi friabiles , acidi , falsi , acres , vinum in sanitate adhibendum austerum sit , parcum , meracum , nigrum ; corporis crebræ exercitationes juvant , ac ipsæ fortes , duræque frictions : frictione , si vehemens sit , duratur corpus , & quia sensim demitur id , quod fibris interpositum eas laxas efficiebat , & turgidum hominem , & quia fibris iisdem datur impulsus , quo proprium motum intendunt , ac melius agant in contenta , atque hac de causa frictions etiam lassitudines tollunt . Lotiones ex mero solidum mordent , & remissum corrugant , ideoque utiles ; hisce denique corrigendis frigidioribus magis ira prodest , quam alii Animi affectus , hæc enim magis movet , atque inde calefacit .

Multa ex traditis , ac præcipue postrema fere conveniunt in aere cœnoso , & palustri degentibus , atque in pluviosis , humidis , indeque aut endemiis , aut epidemicis constitutionibus , nec non quibusdam versantibus in constitutionibus malignis , occasione hujusmodi natis .

Veruntamen in epidemicis malignis , & contagiosis nulla efficaciora video ad præservandum auxilia , quam acetum , & allium . Nulla enim admittenda specifica præservativa , ut ut speciosa , nisi eas virtutes certo possideant , quæ morbis , eorum principia destruendo , adversentur ; hæc præterea minus bene succedunt , nisi temperamentis , anni tempestatibus , morbosisque constitutionibus accommodentur . In epidemica , contagiosa constitutione & a causis communibus , & a miasmate , aeri communicato , magnum periculum ; etenim digestiones , & secretiones ab causis communibus , ac præviis gravatæ , atque imminutæ , oppressis insuper a miasmate accepto spiritibus languidis , magis , magisque torpent , ac jacent ; quamobrem illud indicatur auxilium , quod

utram-

utramque digestionem , ac secretiones reintegret , fervetque , & miasmata corrigat , atque eorum noxam quoquo modo minuatur . Ad primum horum duorum obtinendum , suum dant symbolum evacuationes superflui , quarum & ab initio præservationis mentio facta ; hæque si aliis in casibus fere necessariæ sunt , in hoc maxime ; tum selectus victus , & parcus jam alias inculcatus minime negligendus , ne unquam ex hac parte resistantia succrescat . Porro concoctiones , secretionisque in tali adversa constitutione periclitantes conservare opus est per remedium , quod viscera primarum viarum , & sanguifera vasa , etiam spiritibus affectis torpida , excitet , cogatque ad istas functiones suas omnes : quæ in attenuante , & lubricante diæta adumbravimus . Acetum ex Hipp. lib. 2. de diæta , *frigefacit, quia colliquans humiditatem in corpore consumit . Sistit autem magis , quam movet alvum* . Inter ea , quæ habet de aceto , lib. de humorum usu , hæc ad nos faciunt : *Acetum ad corpus , & ad articulos simile est mari* , quod ad attenuandum¹ , tum ad concoquenda , maturanda , seu suppuranda difficillima , antea commendat , & *potentius ad perfundendum , & ad fomentum & ad sanguinis grumos , & ubi nigredines sunt in pudendis sordes in auribus sanat &c.* ergo digerit , discutit , solvit , abstergit , quod paucis significat , dum dicit : *eliquat velut sal* , ut & *alia , quæ impetigini , lepris , ac vitiliginibus conducunt , affusum ad calidum Solem* , cruditati itaque luxurianti , gangrænis , & putredini resistit , etiam externe admotum ; sumptum autem tam primorum , quam secundorum viscerum solidum confirmando , sanguineamque massam solvendo , & impuritates emittendo , *mollit & corpus , & multos alios locos* , nimirum secretiones salubres promovet ; libroque de vict. rat. in morb. acut. numer. 28. ubi de aceto mulso , habet : *flatus etiam erumpere facit , & ad mictionem prurit* . Veruntamen quædam contradictio in positis Hipp.

Hipp. textibus apparet, quum lib. citato de diæta, de eodem aceto legatur: *sistit magis, quam movet alvum*: de humidorum autem usu, asseratur acetum *mollire corpus*. Diverſo in ſtatu datum hos duos contrarios edit effectus; mane, jejuniſorptum ſiſtit magis, quam movet alvum, quia viſcera inferna conſtringit ſtipticitate ſua, eaque minus cedunt deſcendenti alimento; a paſtu ſumptum mollit corpus, nam quum contrahat ſtomachum, & ſucceſſive ventriculum, efficit ſimul, ut concoquatur alimentum prius ingeſtum, & ad inferiora minus corrugata, indeque minus reſiſtentia pylus deſcendat, indeque excrementum ſucceſſive exprimatur; id a contrariis probari poteſt ex River. praxeos lib. 9. cap. 7. de naſſea, & vomit. ubi inter cauſas vomitus recenſet ordinem aſſumendi alimenti præpoſterum, quando humectantia, & relaxantia poſt adſtringentia ſumuntur.

Allium calidum eſt, & alvum movet, & urinam ciet corpori. Hipp. 2. de diæta num. 24. *Cæpe, allium &c. juvant perſpirationem* (& neceſſario præviam concoctionem ex Aph. 53. ejuſdem ſect.) *edulliorum ægre perſpirabilium*. Sanctör. in Stat. de cib. & potu Aph. 88. Igitur allium quoque & maxime concoquit, & ſecretiones tam ſenſibiles, quam inſenſibiles provocat. Idque pariter poſt cibum edere commodius, ne nimis irritet.

Acetum juvenibus, bilioſis, æſtati, aſtroque dominant magis competit, calidioribuſque morborum conſtitutionibus. Allium phlegmaticis, atque hyemis tempori, & conſtitutionibus obtuſioribus. Pro temperatis, & delicatioribus hominibus, aut mediocrium qualitatum tempeſtatibus, acetum melle adjuncto bene miteſcit; allium coctione ad ignem; eaſdemque, ſed remiſſiores habebit vires: *Allia & cocta, & aſſata urinam ciet, & per alvum ſecedunt, & ad menſes mulieres conducunt*. Hipp. de af. Attamen quoniam varia, in talibus epidemicis, malignis, contagioſis conſtitutionibus; ab diver-

his causis generari solet cruditas, hæc antidota miscere, simulque capere haud aliquando inopportunum erit, quo etiam ad invicem satis temperantur, habito tamen accidentium respectu in alterutrius plus minus convenientis quantitate.

Porro omnia odora acuta miasmaticum aerem corrigunt, ac præ cæteris acetum, & allium. Quomodo hoc? Primum bullæ miasmaticæ aeræ, vel potius aer viscido, morticino miasmate involvente inclusus (crassum nanque viscidum, & ponderosum, nonnisi ob contentam multo majorem aeris quantitatem, ad volatum rapi potest, aeris vero major quantitas a crasso & denso nequit contineri, nisi in phialam, seu bullulam facta: id patet in nebulis, atque ex earundem globulis, seu folliculis, oculo ipsi visibilibus: miasmatis autem partes duas esse, alteram levem, alteram ponderosam, etiam alibi probavimus ex Sanctorii Stat. de ponderat. aph. 75. & 77.) os inspirantium ingressurus, rupta bulla ab acido, aut acri volatili, ex ore acetum, vel allium depastorum, seu in faucibus ipsis continentium, expirato, exit, & purgatur, caditque miasma, sicuti favillæ, seu globuli ignei rupti, avolatoque aere incluso, & amisso motu, in exiguum desinunt deciduum cineris vellus. Etenim bullæ ipsæ ex aqua, & sapone confectæ aerem comprehendentes, si acetoso, perlevi etiam, ac patulo afflatu, aut si abrafo allio tangantur, statim dehiscunt, & magis a primo. Deinde utrunque corrigit intus ipsa miasmata, cum saliva deglutita, in primis viis adhuc existentia: acetum scilicet eadem condiendo, & alterando, sic cadavera diu a putredine fervat, quominus fœtore lædant: allium attrahendo, atque exsiccando, adurendoque caustica vi; utrunque stimulo cathartico deturbando, & ad secessum depellendo. Tandem in sanguineam massam & per inspiratum, & cutem ingressis miasmatis talia præservantia multifariam

opponuntur ; atque medentur . Miasmata afficiunt vitales spiritus , ipsis adhærendo , eosque sistendo , atque opprimendo ; hæc autem remedia prorsus contrariis effectibus damna miasmatum arcent , ac delent ; siquidem utrunque percellit etiam odore spiritus animales , ac per consequens universum systema nervosum , cor , vitalesque spiritus concutit , excitatque ; nam acetum odore offendere maxime mulieres , tradit Hipp. loco nuper citato , de humidorum usu ; allii vero odor tum syncope detentos , tum semimortuos infantes quadante-nus commovet , quod nemini notum non est ; & cum sanguine circumeuntia , jam per chyliferos ductus ingressa acetii spicula , aut allii porosa , aspera , ignea corpuscula , cor , vasaque sanguiduca immediate mordendo , ac vellicando , spiritusque vitales exacuendo , abradendo , ac motu concitato secundum omnes partes agendo , hos a miasmatis prohibent , & extricant ; hinc miasmata æquilibrium virium cum resistentia non deprimunt ; immo , sic accelerata universæ massæ circuitione , ac secretionibus promotis , ipsa damnosa viriliter eliminantur .

Demum quoad præservationem in reliquis fortuito obvenientibus , constare puto ex jam ante allatis , in forti labore , ac in violento quocunque Animi pathemate , & similibus , quæ spiritus a concoctione distrahunt , & dissipant , parce alendum esse , ac maxime digestibilibus , ne subrepat chyli cruditas , ex eaque Febris .

LAUS DEO SEMPER.

ERRATA CORRIGE

NON multi quidem (si commata , seu incisiones vitiose crebriores primis in paginis excipias, quasdamque erroneas diphthongos) insunt huic editioni errores , horum etiam nonnulli , qui Typographum , meque effugerunt , etiam in impressione a me corrigebantur, ideoque non omnia errata in omnibus reperientur voluminibus ; omnia nihilominus , saltem quæ sensui obesse queunt , quoad fieri potest, corrigentur , ut si in ea Lector offendat , minus librum habeat in-
visum.

Namque	p. 5	Lege	nanque
tribns	8		tribus
oportet	12 , & alibi		oportet
hæbetatio	15 , & alibi		hebetatio
quocumque	ibidem		quocunque
æffæta	16 , & alibi		effæta
pecante	17 , & alibi		peccante
ealor	26		calor
callidioribus	29 , & alibi		calidioribus
rictu	95		victu
quo	98		quando

NOI REFFORMATORI

Dello Studio di Padova.

HAvendo veduto per la Fede di Revisione , & Appro-
bazione del *P. Fra Paolo Tommaso Manuelli* Inquisitor
General del Santo Ufficio di Venezia nel Libro intitolato
De Febris ab Chyli cruditate productis , del Dottor *Giuseppe*
Rocca , non v'esser cos' alcuna contro la Santa Fede Catto-
lica , e parimente per Attestato del Segretario Nostro ; nien-
te contro Principi , e buoni costumi , concedemo Licenza à
Odoardo Foglietta Stampator di Feltre , che possi esser stam-
pato , osservando gl'ordini in materia di Stampe , e pre-
sentando le solite Copie alle Pubbliche Librerie di Venezia,
e di Padoa .

Dat. li 28. Dicembre 1750.

(*Z. Alvise Mocenigo II. Reffor.*

(*Zuane Querini Proc. Reffor.*

(

Registrato in Libro a Carte 38. al Num. 401.

Michiel Angelo Marino Seg.

